

Grévin, Jacques. Deux livres des venins, auxquels il est amplement discouru des bestes venimeuses, theriaques, poisons et contrepoisons, par Jaques Grevin de Clermont en Beauvaisis, Medecin à Paris. Ensemble, les œuvres de Nicandre, Medecin et Poëte Grec, traduites en vers François

Anvers, Christophe Plantin, avec privilège du roy, 1568.

Cote : 6810 (1)



DEVX
LIVRES DES
VENINS,


*Ausquels il est amplement discoursu des bestes venimeuses,
theriaques, poisons & contrepoisons:*

PAR
IAQVES GREVIN de Clermont en Beauuaisis,
Medecin à Paris.

ENSEMBLE,
Les œuvres de Nicandre, Medecin & Poëte Grec,
traduictes en vers François.



A ANVERS,
De l'Imprimerie de Christofle Plantin.
M. D. LXVIII.
AVEC PRIVILEGE DV ROY.



LE CONTENU DES PRIVILEGES.

La Maieſté Royale a permis & donné Priuilege à Chriſtoſte Plantin, Imprimeur iuré au païs de Brabant, de pouuoir luy ſeul imprimer, ou faire imprimer, vendre, & diſtribuer par tous ſes païs, terres & Seigneuries, vn Liure intitulé : Deux liures des Venins &c. Par Iacques Gréuin &c. Et deſſend à toutes perſonnes, de quelque qualité ou condition qu'ils puiſſent eſtre, d'imprimer le ſemblable, ny ailleurs imprimé le vendre ou diſtribuer deuant ſix ans accomplis, ſur peine de conſiſcation des liures qui ſeroient trouuez d'autre Impreſſion, que du conſentement dudit Plantin, & d'amende arbitraire : ainſi comme plus amplement il appert eſ originaux, donnés à Bruxelles : le premier, au conſeil priué du Roy noſtre Sire, le 7. de Iuin. 1565.

Signé

Bourgeois.

Et l'autre, au conſeil de Brabant le 23. dudit.

Signé

I. de VVitte.

A TRESHAVTE, TRESPVISSANTE
ET TRESVERTVEVSE PRINCESSE,
MADAME ELIZABET, ROYNE
D'ANGLETERRE.



MADAME, la precieuse
renommee de vostre
nom, a tellement pu-
blié voz perfections en
toute l'Europe, qu'il
n'y a aujourd'huy ce-
luy, lequel n'estime
l'Angleterre heureuse,
de ce que Dieu luy a donné vne royne, que
non seulement la legitime succession debuoit
faire regner: mais aussi les esmerueillables &
rares vertus de laquelle estoient suffisantes de
la rendre digne de ce haut degré d'honneur.
C'est pourquoy il n'y a nation aujourdhuy,
qui ne vous reconnoisse pour telle: & n'y a
homme studieux de la vertu & amy des scien-
ces, qui ne se mette en debvoir de publier
voz louanges. Ce qui a esté cause que j'ay
pris la hardiesse de vous adresser ce mien petit
œeuure, d'autant que i'eusse pensé faire tort à

* 2

ma pat-

ma patrie, si ayant desia reconnu la grandeur de noz Princes, par semblables presens; ie ne me fusse mis en debuoir de tesmoigner à la posterité l'excellence de voz perfections. Ayant donques esté naturellement persuadé par l'instinct de ma premiere ieunesse, qu'il n'y auoit chose plus souhetable en ce mode que la poursuite des Sciences; i'ay pensé qu'il n'y auoit personne plus digne de louange, que celle qui les a tellement aymées & pourchassées, qu'à bon droit on la peut dire auoir la parfaicte connoissance & vraye iouissance d'icelles: telle que chascun vn vous reconnoist, Madame: car puisqu'ils sont dignes de louange, lesquels sont choses louables; qui est celuy qui ne dira que vous meritez receuoir des hommes ce qu'ils estiment la plus grande chose du monde: a sçauoir la louange & l'eternité? Ce sont celles, lesquelles ioinctes à vn bon naturel nous excitent ordinairement à bien faire, & à souheter d'estre possesseurs de cest heritage tant désiré que lon nomme Sçauoir. Ce souhet & desir toutefois n'est vne mesme chose en tous: Car ainsi comme principalement il y a deux sortes d'hommes viuans en ce monde, ainsi y a il deux

deux moyens de faire ceste poursuite. Les vns se contentent d'estre estimez sçauans, soit à tort ou à droict; & font comme le couart gendarme, lequel n'ose s'attaquer aux Capitaines & soldarts, qui ont reputation d'estre genereux & pleins d'adresse: ains s'essaye seulement de faire le mauuais entre ceux, qui ont accoustumé de trembler au simple cliquetis des armes. Car ils s'efforcent d'acquérir le point qui faict admirer les hommes par le vulgaire & ne tiennent compte de gagner davantage. Les autres mieux aduisez ne se veulent arrester à chose de si petite estoife, mais ils passent plus outre; & mesprisants ces guerriers mal exercez, ils se mettent en debuoir d'acquérir le point qui faict bien estimer les hommes vertueux, plus tost que de monstrier vne niaise couardise & deffaut d'adresse en la trop lâche poursuite des vaincus. Les premiers s'arment d'une fausse persuasion, & se presentēt effrontement en toutes compaignies; la ou s'asseurants de la frayeur qu'ils font aux moins habiles, ils brauent pour quelque temps, contraincts en la parfin

* 3 de se

de se desroutter, si d'avanture on les pour-
 suit de pres. Mais les seconds ont tellement
 fuyui leurs premieres erres, qu'en la fin ils ont
 esté estimez estre les vrays poursuyvants &
 dignes possesseurs de Sçavoir: du rāg desquels
 chascun vn vous reconnoist, comme celle qui
 ne vous estes arrestee aux pauvres paisans in-
 coulpables, & qui moins vous estes cachee
 sous vne apparence exterieure; ains pour-
 suyvant vostre premiere entreprise, ou plus
 tost mesprisant toutes telles tromperies, vous
 avez tant gagné sur vostre propre courage,
 que vous vous estes adreesee aux chefs & Ca-
 pitaines mesmes. Ces Capitaines aujour-
 dhuy tant menacés & si peu assaillis, sont les
 bons auteurs anciens, tant Grecs que Latins,
 entre lesquels Hippocrate, Platon, Aristote,
 & Ciceron doiuent tenir le premier lieu: com-
 me fideles gardiens & deffenseurs de la Philo-
 sophie, Medecine & Eloquence.

O R Madame, sçachant combien ceste
 persuasion est profitable & estant naturelle-
 ment induict à chercher plustost la source, que
 de m'amuser aux ruisseaux: i'ay tousiours
 mieux aymé, quand i'ay eu enuie de sçavoir
 la veri-

la verité de quelque chose, me retirer vers les chefs & principaux, qui sont riches & opulents en ce dont ils font profession, que m'arrestier à mendier à la porte de quelques mauvais mesnagers. Parquoy estant sorty de mes premieres estudes, il me sembla qu'il m'estoit plus tost permis de monter en mer, pour aller chercher les richesses des riues estrangeres, que d'auoir gaigné vn haure souhetable, apres auoir enduré tant & tant de tempestes. Ainsi dès l'heure ie pris complot de rafraichir & armer mon vaisseau, pour courrir la spatieuse mer, qui me sembloit estre offerte: là ou non obstant vne infinité de vens contraires, i'ay tellement singlé, que i'ay decouuert des belles & abondantes isles: dont i'ay rapporté ce que maintenant sous vostre faueur ie presente à la posterité. Ce sont deux liures, ausquels selon la doctrine des anciens, ie traicte la nature des venins, leurs effects & leurs guerisons: matieres autant necessaires en ce temps que les malices des hommes sont augmentees, & s'augmentent tellement de iour à autre, que nous sommes cōtraincts par tous moyens d'y employer noz forces; chascun vn selon sa

vacation, à celle fin que ces monstres foyent chassez loing de l'Europe, ou pour le moins tellement descouuerts que les inconueniens qu'ils apportent foyent plus aisement surmontés. La cause principale qui m'a faict entreprendre cest œuvre, a esté qu'en recherchant les liures des anciens, il y a enuiron six ou sept ans, il me tomba en main vn auteur nommé Nicandre, Poète & Medecin; l'un des plus diligens disciples d'Hippocrate qui aye point esté de son temps: lequel entre plusieurs œuvres qu'il composa, nous a laissé deux esmerueillables traictez, l'un des Theriaques, & l'autre des Contrepoisons. Dioscoride, Theophraste & Galen, & tous ceux qui ont escript des plantes & de la nature d'icelles, se sont aydez iusques au bout du trauail de ce premier escriuain. Les ayant leus & releus assez diligemment, il me prist enuie de les tourner en François. Ce que ie feis au moins mal qu'il me fut possible, non sans vne grande peine & trauail: tant à cause de la difficulté du poëme, que pour les mots, desquels il vse, & lesquels se rencontrent peu souuent és autres poëtes. Or la matiere traictee par ce diuin auteur

me

me pleust tellement, qu'ayant esté contrainct, pour l'intelligence d'iceluy, de refeuiller les liures des philosophes & medecins, tant anciens que modernes, lesquels ont parlé de la nature des bestes venimeuses, des Theriaques, des Poisons & Contrepoisons; ie m'estudiay dauantage en ceste partie de medecine, & proiectay ces deux liures, lesquels i'ay depuis mis au net, pour en faire part à ceux qui desirent la connoissance des choses belles & profitables.

VOYLA, Madame, la poursuite que i'ay faicte iusques icy, pour euitier le nom de paresseux & de couard: & pour m'acquérir la grace de la vraye Philosophie & Medecine, selon qu'elles sont enseignées és escripts des anciens, lesquels i'ay tousiours aduouez pour legitimes gardiens d'icelles: cōme ie vous recōnois estre des premieres en l'Europe, qui pour la naturelle bien-veüllāce que vous portez au lettres & aux hommes qui en font profession, leur voulez donner vn appuy & sauuegarde telle que l'iniure du temps ne les pourra destourner d'entreprendre, à vostre imitation, les choses honestes & vertueuses.

A

MADA-

EPISTRE.

MADAME, ie prie Dieu qu'il luy plaise
vous maintenir tellement en sa grace, que l'e-
sperance qu'un chascun a conceue de vous,
se voye cy apres paruenue au but que la gran-
deur de voz perfections luy promet.

Vostre treshumble & tref-
obeissant seruiteur.

Iaques Gréuin, medecin.

LE PREMIER LIVRE DES
VENINS, AVQUEL IL EST DISCOVRV
DE LA NATVRE DES BESTES VENIMEVSES,
& des Theriaques, qui sont les remedes contre leurs morsures : par
Iaques Gréuin de Clermont en Beauuaisis, medecin à Paris.

DES VENINS EN GENERAL.

CHAPITRE I.



VANT que d'entrer sur le discours de la nature des bestes venimeuses & venins, il me semble qu'il est necessaire d'entendre premierement q c'est que venin : à fin que deduisans ceste matiere, nous ne soyôs arrestez en vn plain propos : ce qui sera aussi commun pour l'intelligence de nostre second liure, auquel nous traiterons des poisons & cōtrepoisons. Car encores que ce mot soit assez commun entre le vulgaire, si est ce que souuentefois il en abuse, l'attribuant indifferément aux choses bonnes & mauuaises, & ne pensant estre venin ce qui luy est agreable au goust; ainsi que nous remarquerons en son endroit. Il est aussi necessaire de donner vn moyen facile & assure, que les Grecs ont nommé Methode, pour entendre la nature & difference des venins, à celle fin que nous ne soyôs contraincts de recommencer plusieurs fois vne mesme chose, faute d'auoir dès le commencement rengé vne chacune espece de venins en son ordre. ainsi faisans nous pourons facilement entrer en dispute, & serons instruits suffisamment des principaux poincts de ce discours. Or tout le traicté des venins se peut rapporter à deux poinctz: à sçauoir à l'explication sommaire de l'essence & nature du venin, laquelle est appuyee en la raison philosophique, & en la contemplation des choses naturelles; que nous nommons en general, toutes celles

celles, lesquelles sont contenues entre l'embrasement du ciel & le milieu de la terre. Je n'entends toutesfois non seulement l'explication du simple mot: mais aussi la deduction d'aucunes generales actions, lesquelles sont appuyees en raisons philosophiques, & desquelles nous discouons en ce premier chapitre. L'autre point s'arreste en la connoissance historialle, des diuerses especes & differences des choses venimeuses. Je dis connoissance historialle, celle-là, laquelle est submise au iugement des sens, come sont les Aspics, les Viperes & toutes les autres bestes venimeuses. Nous ne ferons donc en cecy come ceux lesquels se vantent d'auoir la vraye connoissance des methodes pour enseigner les arts: & toutesfois ne sont rien moins que bons methodiques, lors que brouillants les doctrines infallibles ils veulent, comme on dit communement, écorcher les anguilles par la queue: mais nous nous arresterons en ceste seule & principale maniere d'enseigner, laquelle s'entremet du tout en la diuision des choses generales en celles qui sont moins generales, & d'icelles nous viendrons iusques aux especes, & en la fin iusques aux particulieres natures, que les Dialecticiens nomment indiuidus. Or les medecins partissent communement en trois membres, les choses qui appartiennent à la medecine: c'est à sçauoir en naturelles, en non-naturelles, & en celles, lesquelles ils nomment contre nature. Par les choses naturelles ils entendent celles, desquelles les corps humains sont composez (car seulement ont ils le corps humain pour subiect) comme les quatre elements; les complexions, les membres & parties du corps; les humeurs; & autres. Par les non-naturelles ils entendent celles, lesquelles ne sont necessaires en la composition & establisement du corps: mais bien qui ont la vertu de les conseruer, ou de les blesser, selon que l'on en use ou bien ou mal, comme la nourriture, les medicaments; & les venins aussi, si nous les considerons en leur seule naissance & nature. Et par celles qui sont contre nature, ils veulent entendre les maladies, leurs causes & leurs accidens du tout contraires à la nature humaine. Mais pour venir à nostre point, il nous faut un peu arrester

sur

sur ceste seconde partie de medecine comprenant les choses non naturelles, qui de leur simple essence & nature, c'est à dire n'estant rapportées & practiquees sur le corps, ne sont ne bonnes, ne mauuaises, ains peuuent estre ou l'un ou l'autre : comme le vin de soy-mesmes n'est ny bon ny mauuais, lequel toutesfois estant pris à suffisance, nourrist : & estant beu en trop grande quantité, il engédre des maladies, & est remis & nommé entre les choses, q nous auons nomées contre nature: le venin donques qui de soy-mesme n'est ny bon ny mauuais, estant rapporté au corps, est fait cōtre nature. Parquoy nous dirons que le venin consideré en soy est vne chose non naturelle, laquelle entree dans le corps humain est cause ou d'une entiere corruption, ou d'une tresgrande offense en iceluy: & ce ou par vne qualité excessiue, ou par vne propriété naturelle & cachée, ou bien par vne totale coniu-
Definition de venin.

ration & commun consentement de sa nature. Les Latins d'un mot Grec le nomment Deleteré. Mais auant que passer plus outre, nous noterons que ce mot Pharmaque en Grec, & Venin en Latin, sont pris quelquefois en bonne & mauuaise part, comme lon void en Actie poëte tragicque, allegué par None Marcel : & en Caius iuriconsulte, lequel escript que quand on dict Venin, il faut adiouter, ou bon, ou mauuais, à fin que lon sçache duquel on veut entendre. Martian aussi iuriconsulte au liure quatorzième des Institutions, parlant des venins & medicamens, adiuste tousiours mauuais, à la difference des bons. Dauantage Homere au liure quatrième de son Odysee nomme en un mesme vers le pharmaque bon, & pernicieux: & en quelque autre passage, il le nomme tueur d'hommes. Toutesfois ces diuer-
Diuerse signi- fication du mot venin.

ses significations, ne sont auiourd'hui en vsage entre les François. Car le mot venin ne se prend qu'en mauuaise part, encores que quelquefois par iceluy les Latins ayent entendu les enchantemens, comme Ciceron en son Orateur, ou il escript, disant que par enchantemens ou sorcellerie on luy auoit arraché la memoire. Quelquefois encore ils ont prins ce mot

pour tainture; pour autant (comme ie pense) que communement on croit les taintures estre faictes d'herbes venimeuses : en ceste signification Virgile l'a pris au second des Georgiques: On ne teint poinct (dict il) la blâche laine avec le venin Assyrien. Nous auons encore receu entre les François vn mot venu d'Italie, q nous disons, Boucon (& Dieu veuille que nous n'en retenions que le mot despouillé de la chose signifiée) par lequel on entend particulieremēt le venin présenté par l'empoisonneur, & est ce que nous nommons proprement en François Poïson : car communement les François ont nommé le venin pris par la bouche, du nom de Poïson; & celuy qui le donne, Empoisonneur : toutesfois en nostre diffinition, voire en tout ce chapitre, nous entendons comprendre le poison sous le nom de venin, comme quelquefois nous y comprenons les choses, lesquelles ne sont de elles mesmes mauuaisēs en qualitez, ou en particuliere meslange : & toutesfois estant entrées dans le corps, elles offensent la nature par inconuenient suruenu: ainsi ny le sang de Taureau, ny le lait, ny le vin ne sont aucunemēt venimeux. Toutesfois les deux premiers estants caillés dans l'estomach, sont cause d'vn estouffemēt, & l'autre est cause de grandes maladies, estant pris à quantité, lors principalement que lon est eschauffé.

VOILA quant au mot. il nous faut maintenant disputer du faict, pour lequel mieux entēdre, nous deuons noter que le naturel des venins est du tout contraire à la nourriture, de laquelle ordinairement nous vsons, voire en toute espee de contrarieté: entre lesquels les medecins ont mis le médicament. Car tout ainsi que les trois substances du corps: à sçauoir celle qui est ferme, & comme l'appuy des autres: celle qui est humide, & celle qui est spirituelle, sont augmentees & entretenues par la nourriture: ainsi par le venin elles sont combatues & en la parfin vaincues. Mais le médicament participant de la nature de l'vn & de l'autre, corrige les accidens ennemis de nature, lesquels suruiennēt au corps. Ainsi
donques

donques le venin & la nourriture sont compris à bon droit
 sous vn mesme genre, comme estant du tout contraires
 l'vn à l'autre, non toutesfois également. Car les choses né-
 cessées par les medecins non naturelles se peuuent diuiser en
 deux, pour autant qu'il y en a quelques vnes necessaires à la
 conseruation de la vie, lesquelles ne se peuuent eiter, com-
 me l'air, le boire & le manger, l'exercice & le repos, le dormir
 & le veiller, la retenue & le dechassement des superfluités,
 & les perturbations d'esprit: les autres ne sont necessaires, &
 se peuuent eiter comme les glaiues & venins, les medica-
 mens, les bestes furieuses, & venimeuses, & telles autres cho-
 ses, la cognoissance desquelles appartient proprement & en
 general aux philosophes, & particulièrement à ceux lesquels
 font profession de chacune d'icelles: comme la science des
 venins à l'empoisonneur, et qu'il apprend pour faire mourir
 malheureusement & traistement: non pas ainsi que le phi-
 losophe, qui le fait pour cognoistre la grandeur & la puis-
 sance de nature. Mais le Medecin se met entre deux ap-
 prenant de cestuy cy la cognoissance & contemplation des
 bestes venimeuses & de tous venins, pour en cognoistre par
 ce moyen la generale nature: & de l'autre pour estre plus
 certain des effects & particuliers accidents suruenans es
 corps humains apres la prise d'iceux: non toutesfois pour
 en vser à mesme fin que fait l'empoisonneur, ains pour en
 garantir le corps, duquel il est ministre & conseruateur, &
 à la ruison & deffence duquel il s'est du tout dedié, non
 plus ny moins que l'empoisonneur s'est voué à la destruction
 d'iceluy. Le Medecin donques est d'autant contraire à l'em-
 poisonneur, qu'est la nourriture au vniuers: & d'autant aussi
 doit il estre ayme, maintenu, & gardé que l'empoisonneur
 est hay, chassé, & pouruiuy à la mort ignominieuse.

En quoy la
 congnoissan-
 ce des venins
 appartient au
 medecin.

VENONS maintenant aux differences des venins, qui est
 le second point de nostre traite: nous diuiserons les venins
 en deux parties generales, retirant par ce moyen noz diffe-
 rences de la propre essence & nature d'iceux. Le venin est vn

Diverses es-
 peces de ve-
 nins.

corps. Or tout corps est simple & naturel; ou composé & fait artificielement, dont il aduient que les venins simples & naturels feront la premiere partie de nostre diuision: & les artificiels feront la seconde. Il nomme venin naturel celuy lequel est ou vne partie des quatre elemens; ou faite d'iceux sans aucun artifice. L'autre est celuy lequel est meslé à l'appetit de l'empoisonneur ou autre manouurier, cōme est l'Arsenic, la Ceruse, & autres telles compositions dangereuses, l'ignorāce desquelles nous doit seruir au lieu de doctrine. Le premier membre se diuise en autant de differences que sont les corps naturels. Car entre les venins naturels les vns sont elementaires, corrompuz & enuénimez par quelques qualitez externes, comme l'air que nous respirons: lequel est enuénimé quelquefois par les mauuaises vapeurs, ou des eaux pourries ou des corps morts; ou des fosses puantes, & quelquefois aussi par les changemens des temps & des saisons, & quelquefois encore par l'influence des corps celestes: de la toutes sortes de maladies nommees communemēt pestes, & epidimies se respendent sur les mortels; dont Hippocrate & Galen ont amplement discouru aux liures des Epidimies: de mesme maniere aussi quelquefois l'eau peut estre enuénimee par quelques causes exterieures, & lors elle est rapportee à ceste premiere difference. Les autres venins naturels sont composés des quatre elemens, & sont en grand nombre. Car aucuns d'iceux sont sans vie, & les autres ont vie: les premiers sont presque tous mēraux, comme le plastre, la chaux, le plomb, l'argēt vif, & autres. Ceux qui ont vie, sont, ou aucuns des animaux, ou aucunes des plantes. Les animaux sont venimeux, ou entiers, cōme la Sanfue: ou par les superfluitēz, & parties d'iceux, cōme le sang de Taureau: ou par leurs morsures comme aucuns des volatilles, aucuns des aquaticques, & aucuns des terrestres, rampants ou marchants. Aux plantes se doiuent rapporter les arbres, les herbes, les fruiets, les racines, les graines, les liqueurs, & gōmes. De toutes lesquelles especes nous parlerons amplement, tant en ce premier li-
ure

Venins natu-
rels.

ure que au second, excepté toutesfois des maladies pestilentes, & des venins, lesquels se font par artifice, sinon entant qu'ils seront mis en auant par Nicandre, comme est la Ceruse: car parler des autres, ce seroit plustost donner occasiō d'en abuser, que d'y remedier. Toutesfois la guerison d'iceux se pourra facilement tirer de ces Commétaires. Je ne parleray aussi de la guerison de ceste autre sorte de venin que Platon a nommé Sorcellerie en son trentequatriesme liure des loix. Pour autant que tout ainsi comme il est fait par l'ouurage des esprits malins, aussi ie croy que la guerison depend seulement de la plaine puissance de celuy qui leur est contraire en tout & par tout, c'est à dire, de Dieu, duquel en tel inconuenient nous deuons demander & attendre le secours: nous gardans bien toutesfois de nous laisser abuser en cecy: car les ignorans rapportent les maladies, dont ils ne sçauent les causes, aux demons, forciers & forcieres. Auant donques que d'en iuger, il faudra s'enquerir diligemment aux bons & doctes medecins: toutesfois à fin de contenter le lecteur touchant les forcelleries, nous en parlerons vn peu cy apres.

MAINTENANT il faut sçauoir que selon la diuersité des venins il y a deux sortes de maladies venimeuses, l'une simplement venimeuse, & l'autre contagieuse: contagieuse dis-ie, laquelle est faite par l'attouchement des choses de dehors, lesquelles sont venimeuses, & qui aussi se communiquent facilement à ceux qui conuersent avec les malades, comme est la peste. Les venimeuses simplement sont celles lesquelles encore qu'elles soient faites par l'attouchement des venins extérieurs, si est-ce qu'elles ne se communiquent point à ceux qui approchent des empoisonnez, comme est la maladie faite par la boisson de Cicue.

Ces choses ainsi briefuement discourues, nous reuiendrons à la generale consideration des venins, lesquels nous auons dict estre de trois natures: dont la premiere a esté nommée propriété cachée, laquelle est appuyée en vne particuliere & oculte meffange des quatre elemēts. La seconde est

Quelles maladies sont faites par les venins.

Trois sortes de venins, & lesquels sont les plus dangereux.

A 5

celle

celle qui besongne par qualitez excessiues. La tierce est celle laquelle nous contrarie en l'vne & l'autre sorte, & est la plus dangereuse: pour autant qu'encores que sa quantité soit bien petite, si est-ce qu'incontinēt, qu'elle est entree dans le corps, en bref elle esmeut les accidēs mortels. Pour ceste raison Auicenne les nōme propremēt Venins, au secōd traité des medecines cordialles. Cecy leur est propre, non seulement pour estre excessiuelement chauds, ou froids, ou secs, ou humides; mais par vne particuliere malice receue de l'influēce de quelque signe celeste, cōme quelques vns ont pensē: toutesfois ils sont dauātage aidez & soubstenus par leurs qualitez. Quāt est de ceux de la seconde nature, ils ne sont si dāgereux pour autant qu'ils ne sont en grāde quātité ils ne mettent leur malice en executiō: ains facillēmēt sont domptez par nostre chaleur naturelle: cōme aussi les premiers les surpassent, & sont toutesfois moindres que les troisiēmes. Tels sont ceux, lesquels n'ayāt aucune excessiue qualitez, toutesfois s'attachēt particulierēmēt à quelque partie du corps. Tout ainsi comme nous voyōs par experiēce entre les medicamēs, quelques vns estre propres pour le cœur, & quelques vns pour le foye. Ainsi les Cantharides s'adressent particulierēmēt à la vessie, & le lieurē marin aux polmōs: mesmes entre tous les venins il y en a desquels les accidentz se manifestēt premierēmēt au cerueau, ou au foye, ou au cœur, cōme no' lisons de la Iusquiamē, laquelle est recongneue par les accidentz du cerueau, & l'Ephemeron colchique, ou iournalier par ceux des parties naturelles: c'est à sçauoir, par vn flux de vētre, auxquels les excremēs apparoissent semblables à la laueure de chair nouuellemēt ruce. C'est toutesfois vne chose certaine que encores qu'ils fassent la guerre particulièrement à quelque partie du corps, si est-ce que tousiours ils s'attachent au cœur, si non de premiere arriuee, toutesfois à la parfin. Car puis qu'ainsi est que les venins ont quasi comme coniuéré l'entiere destruction du corps humain, il est vray semblable que leur dernier but est de destruire la principale forteresse en laquelle la vie fait sa residen-

Les venins
s'attachent
particulierē-
mēt au cœur.

residence ordinaire, & ainsi auant que d'y paruenir ou de l'assailir, ils tachent de destruire les parties qui luy sont subiectes: dautant que les accidentz des maladies sont communiqués au cœur ou de prime arriuee, ou s'estant desia communiqués à quelques autres parties: Ioinct aussi que la force de tous les venins, n'est pas telle que de pouuoir assieger & forcer vne place de si grande importance, comme est le cœur, qui a esté mis par la nature quasi comme au milieu d'un Royaume borné de toutes parts de grandes forteresses, lesquelles il faut gagner auant q' d'entrer plus auant en pais. Toutesfois il ya quelques venins lesquels, quasi come mespriant toutes les autres parties du corps, s'attaquent de prime arriuee au principal bastion de la vie: dont il aduient vne subite mort, quelquefois en peu de iours, quelquefois en peu d'heures; & quelquefois en vn clin d'œil. ce que ne peut aduenir si subitemét es autres: car encôres q' pour la prise d'un venin l'homme perde quelquefois ou le mouuement, ou la parole, ou les sens ou bié q' les parties ordonnées pour la cuisson, & distribution des viâdes, soient du tout destruites: si est-ce qu'il ne sensuyt pas qu'il faille mourir tout à l'heure. Mais depuis q' l'actiô du cœur est perdue, il en ensuit vne necessaire dissolution de tous les autres mēbres. Car ils sont par luy tellemét gouuernez & entretenuz, q' toute leur force & resistance ne depend d'ailleurs, que de ceste fontaine de vie. Et puis que nous sommes sur ce propos, nous donnerons quelques generales raisons de nostre dire: Il ne faut point doubter q' selon la nature diuerse des quatre qualitez premieres, qui sont chaud, froid, sec, humide, & des autres que les philosophes nommēt secondes, comme dur, mol, pesant, leger, subtil, gluant: il ne sensuyt aussi vne action subite ou tardiue. Car naturellement nous voyôs que les choses chaudes, molles, legeres, ou subtiles ont plus tost mis fin à leur action, que les froides, dures, pesantes & gluantes: ce que a escript Galen, au troisieme des Simples, disant: q' entre les venins il y en a quelques vns lesquels font mourir long temps apres que l'on les a pris, principale-

De l'actiô subite, ou tardiue des venins.

cipalement ceux dont la nature est gluante & terrestre. Dont
 ie pense q̄ les venins lesquels font mourir subitemēt les hō-
 mes, sont chauds, subtils & legers : & ainsi plus facilement
 ils entrent dans les veines & arteres, & de là dedans le cœur.
 Ceste chaleur, & subtilité & legereté extrême leur est dau-
 tage donnée par la composition & mélange qu'en faict l'ou-
 urier, ainsi que no^r lisons en Suetone au discours de la vie de
 Neron Claude Cesar, d'une femme nommee Locuste, laquel-
 le ayant faict plus parfaitemēt cuire le poison qui parauant
 estoit tardif, fut cause que Britanique mourut subitement,
 ayant esté empoisonné par le commandement de Neron : ce
 qui ne nous doit esmerveiller, d'autant qu'il se faict des ve-
 nins artificiels, en Italie principalemēt, lesquels par leur sub-
 tilité se sçauent si bien couler, qu'ayans esté estenduz sur vn
 estrier, voire en si petite quantité qu'il est presque impossible
 de s'en appercevoir, ils percent les semelles des bottes ius-
 qu'à la peau, & de là ils entrent par les pertuis de la chair,
 tellement qu'en peu de temps ils empoisonnēt tout le corps.
 De telle efficace sont ceux desquels en quelques regiōs, voi-
 re de la Frâce, on oinct les loquets des portes, & desquels cō-
 munemēt s'ayde ceste malheureuse race d'hōmes que nous
 nommons forciers & forcieres : & dont aussi quelquefois les
 gens d'armes empoisonnent leurs balles & ballottes à l'imita-
 tion du fer des flèches des Indiens, dont a parlé Paul Orose
 en son liure troisieme, ou il dict que par ce moyen Alexan-
 dre perdit vne grande partie de ses soldats au siege d'une vil-
 le. Ce que faisoient les anciens Gaulois & Scythes, comme
 escript Plin en son vingtcinquiesme liure, & Celse au cin-
 quiesme. L'on a aussi soubçonné en ceste derniere guerre le
 mesme auoir esté faict par les Alemans : de pareille efficace
 pouuoient estre ceux qui furent trouuez au cabinet de Ca-
 ligule Empereur, lesquels ayans esté iectés dans la mer, l'em-
 poisonnerent si subitemēt que les poissons mesmes en mou-
 rurent : Ainsi qu'a escript Suetone en la vie du mesme Cali-
 gule. Il ne faut toutesfois tellemēt attribuer l'action subite
 ou tar-

ou tardieu des venins aux premières ou secondes qualitez, que nous n'ayons quant-&-quât esgard à la nature de celuy qui les prend. Car il ne faut point douter qu'il ny ayt des hommes, la nature desquels resistera plus long téps au venin, que celle des autres, tellement q' le venin ne les pourra pas si tost vaincre. Comme pour exemple, si lon donne la mesme quantité de quelque venin que voudrez, à deux de diuerse nature, on trouuera que l'un mourra ou vne heure, ou vn iour, ou vne sepmaine, ou vn mois plustost que l'autre, selon la force ou foiblesse de son humidité & chaleur naturelle : non plus ne moins que nous voyons aduenir souuétesfois par les medecines que lon donne aux malades. Car deux drachmes de Reubarbe feront plus en vn, que quatre drachmes en vn autre: ce qui aduiét non pour autre cause, que pour la complexion diuerse de ceux qui la prennent. Pour tirer donques quelque asseurance de tout cecy, ie dis que les hommes, desquels la cōplexion est chaude, sont plus facillemēt & subitement domptés par les venins chauds & subtils, tels q' nous les auons descripts, que ceux qui ont la nature froide : à cause que naturellement ils ont les veines & arteres plus larges, & par consequent tous les conduits du corps, dont il aduient que le venin qui rencōtre comme les portes ouuertes, entre dedans, & est porté plus facillemēt avec l'air attiré par le cōtinuel mouuement du cœur & des arteres. Et quant est des autres qui ont la complexion froide, certainement ils resistent dauantage aux venins qui sont chauds; tant pour la cause que i'ay dicté, que pour autant qu'ils sont plus froids. Ce qui semble toutesfois ne se pouuoir entendre au contraire des venins, lesquels sont de nature froide. Car sil est ainsi que la Cicue soit venin à l'homme, à cause qu'il a les veines & arteres larges, & qu'elle serue de viande aux cailles, & à quelques autresoiseaux, lesquels ont ces parties plus estroictes, comme dict Galen au troisieme liure des Simples, il semble aussi que les hommes chauds doiuent plustost mourir, ayant beu la Cicue, que ceux qui sont de complexion

Dispute contre Galen.

xion contraire: ce qui me semble estre faux. Car la raison est peremptoire, que ceux cy sont plustost esteincts, pour autant que la chaleur naturelle est moindre en eux que non pas es autres, lesquels y resistent plus long temps: & ne suffit de dire que les conduitz sont larges & ouuerts, d'autant qu'encores qu'il soit plus aisé d'entrer en vn grand canal qu'en vn petit; si est-ce q la Cicue estant tardie & pesante ne se peut escouler; comme aussi ne font tous les venins & medicamens de nature froide; si bien que la largeur des veines & arteres est recompensee par la pesanteur & paresse du venin, contre lequel la chaleur naturelle combat en ce tēps pendant iusques à l'extrémité. Il est bien vray (comme i'ay dict) que l'homme de complexion chaude souffre dauantage, ayant pris vn venin froid, comme aussi l'autre de nature contraire, apres auoir pris vn venin chaud. Et ainsi se doit entendre ce que nous auons dict par cy deuant. En quoy, certes, il me semble que la raison de Galen n'est suffisante pour prouuer ce qu'il met en auant. Car il sensuyeroit que la Cicue feroit plustost mourir vn homme de complexion chaude qu'un autre, lequel n'a la chaleur naturelle si forte pour resister. Ce qu'il conclud aussi en ce passage du troiesme liure des Simples, toutesfois sans grande raison, selon mon iugement. Car, comme luy mesme dict au mesme lieu, ce pendant que le venin besongne dans le corps, il ne se peut faire qu'il n'endure en partie par les humeurs qui sont dedans. Or est il ainsi que l'humeur qui est au corps, est fort chaud: il sensuit donques que le venin endure beaucoup, & par consequent qu'il ne peut pas si tost estre vainqueur, que s'il n'enduroit rien: ioinct qu'encores que par la grande chaleur la Cicue soit deliée en peu de temps: si est-ce que la deliât, ceste mesme chaleur la cuit, & la rend quasi apte à nourrir le corps: ce q toutesfois la mesme chaleur ne peut pas faire en l'homme de froide complexion, pour autant, qu'encores qu'elle ait vertu de la delier, toutesfois sa force ne se peut estendre iusques à la dompter en partie, ainsi comme fait l'autre.

MAIS

M A I S auant que sortir de ce propos, nous respondrons à vne obiection, que lon pourroit faire, touchant les venins de nature froide : c'est à sçauoir, comment se peut il faire, que la Cicue, estant froide, espesse & tardieue, puisse de son naturel entrer par les veines & arteres (car il faut qu'elle y passe pour estre communiquee au cœur) & de là s'escouler iusques aux parties nobles ? il semble que pour entrer par ces canaux, il faille qu'elle soit aydee par quelque autre chose qui l'y pousse, & qui ayt vertu quasi de la subtilizer. ce qui est certainement vray : car les venins, & principalement les froids, comme tous autres medicamens de telles complexions, sont poussez, & éguillonnez à mettre en effect leurs forces & vertus par la chaleur naturelle qui est en nous : laquelle taschant de conuertir en sa propre substance, tout cela qui luy est offert, ressemble vn homme querelleux & hargneux, qui mettant premier la main à l'espee, contrainct vn autre à se deffendre, & se deffendant, (s'il est le plus fort) à l'offenser & l'endommager iusques à la mort. La chaleur naturelle donques, assaillant la Cicue, est cause qu'elle se subtilize, & qu'elle est plus facilement portee iusques au cœur. Car il faut que tous medicamens froids soyent ainsi subtilizez & conduictz par tout le corps, ainsi qu'a escript Galen, au xviij. & xviij. chapitre du troisieme liure des Simples : Toutesfois ceste chaleur, estant si peu que rien augmentee & fortifiee domptera la froidure du venin ; tant s'en faut qu'elle l'ayde. C'est pourquoy anciennement les Atheniens auoyent acoustumé, lors qu'ils donnoient la Cicue à ceux qui estoient conuaincuz de quelque forfait, d'y mesler vne certaine portion de petit vin, à celle fin qu'estant aydee par la debile chaleur d'iceluy, elle entraist aisement par tout le corps. Il me souuient en cest endroit d'une question, laquelle a esté mise en auant par aucuns des anciens medecins, & principalement par les Arabes, & par eux mesmes arrestee comme vraye ; à sçauoir, s'il est possible que par long vsage & coustume vn

L'action des venins froids est aydee par la chaleur.

A sçauoir si les venins peuuent seruir de nourriture.

homme

homme puisse estre nourry de venin. Ce qu'ayant esté escript par Auicenne au liure quatriesme du Traicté premier de la sixiesme Fen, a esté suiuy & tenu pour certain par ceux qui en ont traicté depuis son temps : encores que ceste proposition ne se doibue entendre en general de tous venins. Car comme ainsi soit que pour la nourriture il faille necessairement vser de viandes douces & semblables au corps qui doit estre nourri, ou bien, qui puissent facilement estre faictes telles par la digestion : & que naturellement les corps des hommes & de tous autres animaux soyent chauds & humides (car la vie est appuyee en la chaleur & humidité temperce) personne de sain iugemēt ne dira q̄ les venins chauds, & secs extrememēt puissent estre cōuertis en nourriture propre pour nourrir le corps; ioinct q̄ ce qui est tel, ne peut estre doux, & à plus forte raison ne peut nourrir. Ce qui est certain & infallible; encore que lon tiēne pour vraye histoire qu'il y ayt eu vne fille nourrie d'vne herbe venimeuse nommee Napellus. ce qui ne doit estre receu pour verité, d'autant q̄ ceste herbe est chaude & seiche, & de toute sa substance contraire à la nature humaine. Or pour monstrier que cela ne se peut faire, ie donneray vne raison suffisante: le dicts dōques qu'il faudroit necessairement que l'homme ne fust plus homme, s'il estoit nourry d'un venin contraire de toute sa substance à la nature des hommes. Car toute chose qui est nourrie, est nourrie par son semblable. Si dōques l'homme est nourry par le venin : il faut qu'il soit semblable au venin. Or est il ainsi que le venin tel que nous l'auons dict, est du tout contraire à la nature de l'homme; il senfuit donques bien, q̄ estant faict semblable au venin, il ne soit plus homme. Ce qui est du tout sans raison de dire, qu'un homme viuant puisse estre faict vne chose contraire à soy-mesme : ioinct que c'est vne proposition necessaire qu'un particulier ne peut auoir nature contraire à toute son espece. Quant est des venins froids & humides, lesquels par leur seule excessiue qualité font tels, comme la Cicue; certainement il se peut faire qu'ils soyent conuer-

conuertiz en partie en substâce propre pour nourrir le corps, ainsi qu'a monstre Galen en l'endroiect que i'ay desia allegué, là ou il escrit qu'une femme Athenienne s'accoustuma à en prendre, premierement en petite quantité, & puis de fois à fois en plus grande, si bien qu'elle en pouuoit prendre sans danger de sa vie en telle quantité, qui eust esté suffisante de faire mourir vn autre. Ce qui ne se peut faire sans vne grande abondance d'ordures superflues, à cause de la pertinacité & inequalité de la matiere. Ainsi dōques, de la nous ne pouuons conclure le mesme se pouuoir faire des venins chauds, & principalement de ceux, lesquels nous contrarient tant en propriété de substance, comme en excessiues qualités. Je ne dis pas toutesfois que l'homme ne se puisse accoustumer petit à petit à vser des venins, voire cōtraires de toute leur substance: nō pas qu'il s'en nourrisse, car la nature s'accoustumāt a en chasser petite quātité hors du corps, puis apres plus grāde, peut estre tellemēt rusée à ce faire par lōgue experiēce & exercice, que mesmes s'il aduient, que lon luy en baille plus grande portion, elle la pourra mettre dehors: Ainsi dict on que Mitridate Roy de Pont ne se peut empoisonner soy mesme, & fut contrainct se faire tuer par vn estrāger: pour autant qu'il fēstoit acoustumē de longue main à vser de venins.

M A I S puis que nous sommes entrés és questions, lesquelles se peuuent mouuoir generalement, touchant les venins, ce ne fera point hors de propos d'enquerir si les humeurs pourrissants dans le corps par vne certaine nouuelle pourriture doiuent estre mis au rang des venins: cōme quelques vns ont pensé: lesquels ont mis en auant la semence pourrissante dans ses propres conduicts, les fleurs des femmes lors qu'elles sont retenues; l'humeur qui faiēt la verolle, & celuy qui engendre la laderie. Car il ne faut point douter qu'il n'aduienne aux maladies qui en sont faiētes, des estranges accidents, voire non acoustumez d'aduenir és autres pourritures ordinaires des humeurs: de cecy nous en auons plusieurs tesmoignages en Galen; & principalement

A sçauoir si
les humeurs
du corps
peuuent estre
conuertis en
venins.

B

au fixief-

au sixiesme des parties malades la ou il accompare les humeurs pourrissans à la morsure des Scorpions & des Phalanges. Toutesfois si nous faut il bien garder de confondre en cecy les natures des choses par autoritez des anciens aucunes fois mal entendues. Voyons donques ce qu'un medecin de nostre temps renommé entre les plus doctes, a mis en auant touchant ceste question. Il veut qu'entre les venins les vns foyent suruenans du dehors, & les autres engendrés dedans le corps des accidentaires, nous n'en doutons point. La question d'ouques est de ceux du dedas, lesquels il dict n'estre venins de leur naturelle origine : mais seulement que par vn progres de temps ils sont faicts tels. Car tout ainsi, dict il, que par vne diuerse pourriture d'humeurs suruenue ou par intemperance, ou par quelque autre cause, diuerses especes de fiebres sont engendrees : ainsi par vne longue pourriture, ou par quelque autre cause cachee, le venin peut estre engendré au corps des hommes. Lesquelles parolles, si elles sont vrayes, nous feront facilement confesser que toutes maladies suruenantes au corps, sont faictes de venins : car la plus part d'icelles procedent des pourritures amassees de longue main par les excez que nous commettons ordinairement. Et certainement il ne luy sert d'alleguer pour la confirmation de son dire ce propos de Galen : Car en ce passage, qui est au cinquiesme chapitre du sixiesme liure des parties malades, premierement Galen veut respôdre à quelques vns, lesquels ne peuuent croire, qu'une si petite portion de semence retenue dans les conduits semanciers, fust cause de grands accidents : comme de mal de teste, d'appetit perdu, de fiebres & autres ; parquoy il leur met en auant le Scorpion, lequel par sa morsure iettant vne bien petite quantité de venin, est cause en peu de tēps d'une grande mutation suruenante au corps. Puis apres il s'enquiert si dans le corps il se peut engendrer quelque chose respondant en qualités & en force à la malignité des venins. Et poursuiuant ceste matiere selon l'opinion de quelques autres medecins, par ce donner à entendre il con-

il conclud, que souuentefois il aduient au corps des accidēts fort estranges par vne petite quantité d'humeur pourrissant, non plus ne moins q̄ par vne petite portio de venin. Et quāt est de ce qu'il veut que Galen entend ceste partie d'humeur estre venin par l'exemple du chien enragé, ie respons (auec ce que Galen parle seulement de la promptitude & action de l'humeur apte à faire ce qu'il faict) qu'il ne s'enfuit pas pourtant, que si par vne particuliere nature que le chien a entre les animaux, toute sa complexion est tellement changee, qu'au lieu qu'il estoit familier de l'homme, il est faict son ennemy mortel, cōme vn Aspic ou Basilic : il ne s'enfuit pas, di-ie, que telle chose se puisse faire en la nature de l'homme. Car sil est ainsi que le chien seul entre tous animaux deuie enragé par la corruption de tous ses humeurs, tellement, que les excremens mēmes d'iceux soyent venimeux & contagieux : dont vient que ceste humeur cōtenu dans son cœur, son foye & son cerueau ne le faict mourir subitement ? il le deburoit faire certainement, si la seule corruption des humeurs n'en est cause, & que ce soit plustost vne venimeuse qualité: mais il ne dict pas que les humeurs furieux contenus dans le corps du chien enragé sont venimeux à l'homme & non au chien, qui les garde quelque temps dedans les principales parties de son corps. Pour prouuer dōques que les humeurs pourrissants au corps se peuuent conuertir en venin, il ne suffit de alleguer le chien enragé. Parquoy il vaut beaucoup mieux que nous nous arrestions aux raisons naturelles, pourueu que nous en ayons: que de recourir ou aux similitudes ou à celles que lon nomme cachees. Or ce qui me faict dire que ny la semence, ny les fleurs arrestees, ny l'humeur, qui faict la ladrerie ne sont venins, c'est q̄ le venin n'est point nommé venin (principalement celuy auquel on recognoist quelque particuliere malice procedante non de sa qualité seulement, mais aussi de la substance, comme sont ceux cy, si venins se doiuent nommer) sinon entant qu'il a particulièrement conjuré la destruction du cœur: car autrement (cō-

estom

B 2

me nous

me nous auons dict) toutes les causes des maladies seroyent venins. Et quant est de ce qu'il dict, qu'il y a quelques venins particuliers aux autres membres, comme la Cantharide à la vessie, & le lieure marin aux polmons, & qu'ainsi ceste reigle est faulse: certainement cela estant sans explication, ne peut estre receu. Car bien qu'en icelles parties les accidens se manifestent principalement & premierement: si est ce que leur dernier but est le cœur, veu que non seulement en icelles parties, ils exercent leur malignité; mais aussi en plusieurs autres: dont Nicandre parle ainsi de la Cantharide.

elle ronge mortelle

*Par sa boisson humide & la leure & l'endroict
Du bas de l'estomach, tantost elle vient droict
Mordre au milieu du ventre, & ronger la vessie:
Vne douleur faigrist, qui torment ennemie
L'endroict de la poitrine ou les os plus tendretz
Se courbent sur le ventre: incontinent apres
La fureur s'en ensuit, puis l'homme foible & lâche
Se laisse surmonter lors que ce venin tâche
Tant plus à l'amatir contre tout son espoir:
Il est troublé d'esprit, &c.*

PARLANT aussi du lieure marin, il escrit plusieurs accidens autres, que ceux, lesquels suruiennent aux polmons, desquels mesmes il ne se souuient point. Et encores le passage de Galen qui est au cinquiesme des Simples, par lequel il pense prouuer son dire, montre bien, que quelques venins sont aduersaires du cerueau: mais que pour son regard seulement ils soyent tels, il ne si en list rien.

OR que les humeurs, dõt il est question, soyent venimeux, & ce de toute leur substance, tellement qu'ils combattent le cœur en telle sorte que les venins, cela est faux. Car biẽ qu'il fesseue d'iceux quelques vapeurs desquelles les maux de teste & deffaillances suruiennẽt; bien que quelquefois par vne vapeurefleuee du bout de l'orteil, vne espee d'epilepsie se face: si est ce que cela n'est point tellement nouveau, que le
mesme

mesme ne se puisse faire par plusieurs autres causes: comme le mal de teste par quelque humeur poignant: les deffaillances par vn phlegme aqueus & froid distillant du cerueau dessus l'estomach: l'epilepsie par vne quâtité de vapeurs enuoyees dans le cerueau, lesquelles conuerties en phlegme, estouppent ou les ventres d'iceluy, ou les conduits, qui luy portent l'esprit de vie, enuoyé par le cœur. Ne disputons doncques point des especes d'accidents suruenants: mais plustost de la vehemence d'iceux, puis que nous les voyons estre communs: & nous gardons bien de la rapporter aux choses incongnues, si naturellement nous en pouuons rendre raison. Raison des estranges accidens d'aucuns humeurs pourrissants dans le corps. Qui est celuy estant si peu que rié exercité en medecine qui ne die que pour la diuerse nature des humeurs naturels, il n'y ayt diuerse pourriture en ceux, lesquels delaisans leur naturelle bonté deuient contre nature? Qui est ce aussi qui ne confessera qu'il ne faille plus grande force pour combattre, & vaincre vne chose, laquelle de toute sa nature est contraire à l'assaillant? Il sensuit doncques que la cause qui les a vaincus, est beaucoup plus grâde, entât qu'ils luy cōtrairient en tout & par tout. Par consequent doncques les accidens qui en ensuiuerôt, comme estans faicts d'vne cause plus grande, seront beaucoup plus forts & plus dangereux. Dauantage si la cause de la maladie, que les Latins nommēt Hystericque affection, est venimeuse, comme estant principalemēt faicte par le retardement de la semence pourrissante; comment est ce que reuenant souuent, elle dure aucunes fois si long temps à vne femme, comme a escript Celse en son quatriesme liure? Et quât est de l'humeur porté du bout du pied iusques au cerueau, c'est vne mesme raison. Il nous reste à respondre de la ladrerie, & de la verolle qui sont deux maladies contagieuses, comme la peste, mais non venimeuses de leur simple & premiere nature. Cause de la ladrerie. La ladrerie premierement, est faicte d'vn humeur melancholicque & terrestre, lequel pour ceste cause estant froid & sec, est tellement espars par tout le corps, qu'ayant rompu la naturelle complexion des parties,

B 3

& se-

& fectant infinué en icelles pour sa contumacité & par vne particuliere nature du foye il est du tout incorrigible, ayant déjà, comme i'ay dict, changé la disposition du corps. Toutefois nous ne concluons point qu'il soit venimeux. Car ordinairement nous voyons les ladres viure long temps, & estre corrompuz par tout le corps deuant qu'il se manifeste aucun signe de mal suruenu au cœur. Ainsi est il de la verolle, laquelle laissant le cœur, s'attaque ordinairement aux os, aux membranes, & autres parties. Il est bien vray qu'elle à cecy de commun avec les venins: c'est que tout ainsi que le venin des bestes venimeuses est communiqué au corps par l'atouchement, ainsi est la verolle: mais il ne faut penser toutesfois qu'elle aye rien de commun avec l'action d'iceluy. Dirons nous donques que l'une & l'autre soyent maladies venimeuses, veu que leur cause est en la diuërse corruption des humeurs? Je pourrois amener plusieurs autres raisons touchant ceste affaire, si ie pensois que celles cy ne fussent suffisantes pour prouuer, qu'il y a si grãde inimitié entre la nature & les venins, qu'il est du tout impossible qu'elle s'ayde, ou qu'elle soit faicte d'une chose, laquelle pourroit auoir l'aptitude à estre faicte venin: attendu principalemēt que le nom de venin conuient seulement aux choses lesquelles nous suruiennent de dehors: dont Auicenne a dict que c'estoit vne medecine, laquelle corrompt la complexion de l'homme, non seulement par sa contrariété, mais aussi par vne certaine propriété naturelle. Mais si en ces humeurs il y a qualité venimeuse, dont vient elle? il faut qu'elle vienne d'une nouvelle & particuliere meslange des quatre elemens. Quelle nouvelle meslange se peut il faire en ceste simple pourriture, en laquelle il ne se faict aucune vraye generation, mais seulement vne résolutiō de l'humidité & chaleur naturelle, dont il aduient que la semence estant refroidie (comme aussi le sang refroidit l'endroiēt là ou il est) par continuité refroidit tout le reste du corps? Ne sçauons nous pas que les accidens suruenans à l'Hystericque passion sont faicts d'une cause manifeste

nifeste, a sçauoir de la froidure & humidité de la semence ? Que lon voye les autres causes en Hypocrate au premier des maladies. Et quant est de la froidure, Galien ne l'a il pas escrit en la fin du neuuesme liure de la composition des medecaments selon les lieux ? Retournerons nous de rechef à l'influence des astres, miserables, si toutesfois & quantes que le sang se pourrist dans le corps, il faut qu'ils soyent prestz pour enuoyer leurs influences ?

M A I S c'est assez de ce point, il nous reste de monstrer comment, encore q toutes ces choses que nous auons dictes des venins soyent vrayes, si est ce que quelquefois la nature s'en ayde. Mesmes nous voyons comment la plus part des medecines dont nous vsons, sont prises des venins: & commet aussi (ce que nous dirons au comencement de nostre second liure) les contrepoisons souuentefois sont faictes d'une partie des venins meslees avec autres simples en quantité bien accommodée. Et ce qui est encore plus esmerueillable, il se trouue des venins qui sont contrepoisons les vns des autres: dont nous auons vn gentil epigramme en Ausonne: duquel i'ay quelquefois retiré ce sonnet qui ensuit:

Nature s'ay-
de quelque-
fois des ve-
nins.

*Quelque femme adultere vn poison apresta
Pour son mary ialoux: mais craignant que la prise
Asses tost ne parfist sa méchante entreprise,
Vn poison d'argent vif encore elle adiousta.
A chascun vn de ces deux la nature presta
Vn venin plein de mort, pour-veu qu'on les deuise:
Mais celui la qui but tous les deux par surprise,
Pour vn contrepoison heureux il les goustsa.
Car du venin mortel le lieu est delaisse,
Ce pendant que les deux combattent leur querelle,
Et qu'au ventre d'embas le tout est dechassé.
O Dieu que tu es bon ! La femme plus cruelle
Est la plus profitable: Et alors que tu veux
On sent par deux poisons vn secours bienheureux.*

LA raison pour laquelle cela se fait, peut estre rapportee

B 4

ou à

ou à la contrariété qu'ils ont ensemble, ou à la similitude, ou à la correction des accidents contraires suruenus au corps : par la contrariété qu'ils ont, incontinent qu'ils se rencontrent, ils s'attaquent de telle sorte, qu'il faut nécessairement ou que l'un des deux soit le maître, ou bien qu'ils soyent tous deux iettés hors par la nature, laquelle a autāt de force & de puissance sur eux, que par leur combat ils se sont affoiblis : ainsi voyons nous la brebis eschapper la mort par l'arriuee du second loup, lequel combattant le premier se lasse tellement, qu'il est facile à la brebis de se sauuer, ce pendant que quelques fois ils se tuent l'un l'autre. La seconde cause laquelle est en la similitude, vient de ce que le venin meslé parmy les remedes contraires leur sert de conduite pour les mener la part ou est le venin dans le corps. car vn venin cherche son semblable, comme aussi font toutes choses naturelles. Ainsi Galen au liure de la Theriaque à Pison escript, que les Cantharides d'elles mesmes escorchent la vessie, & qu'estās meslees avecques quelques medicamens, elles suruiennent aux maux d'icelle. Il y a plusieurs autres exemples qu'il amene des Phalanges beus avec du vin contre leur morsure, & de la gresse de Crocodile contre la morsure d'iceluy. Et bien que par telle meslange la malignité desdicts venins soit corrigee, voire tellement, que par icelle il fesseue comme vne tierce vertu en partie contraire au venin, si est ce que la principale cause de la meslange d'iceux parmy les cōtrepoisons est rapportee à la similitude de substance, par laquelle la portion du venin, lequel y est entré, recerchāt sa premiere nature, porte quant & soy les medicaments, comme i'ay dict, à celle fin de la reprendre en vn autre venin. Et quant est de ceux qui purgent les humeurs, cela se faict par la similitude qu'ils ont avec iceux, par laquelle les ayans tirez avec soy, ils sont cause que la nature chassant l'un, chasse aussi l'autre quant & quāt. Car la venimeuse & naturelle qualité qu'ils auoyent, leur a esté rabatue ou par quelque correction, ou par la meslange qu'en a faict le medecin. Et quant est de la correction contraire

traire suruenüe au corps, qui est la troisieme cause, elle se faict par les venins, lesquels sont tels à raison de leurs excessiues qualitez: car lors qu'il fest esleue dans le corps quelque grand enflammemēt, lon peut cōmodement appliquer vne chose froide pour temperer la chaleur. Ainsi Galen au mesme liure de la Theriaque dict, q̄ la liqueur de Pauot, laquelle de sa nature est vn venin, peut beaucoup ayder en plusieurs maladies; & mesme que faisant dormir les phrenetiques, elle les guarentit de la mort. De cest endroict nous pouuons deduire que toutes les choses venimeuses prises par le bouche, ne sont pas telles estant appliquees par le dehors, principalement celles lesquelles sont excessiues en qualite. ce qui toutesfois n'est pas reciproque: car toutes les choses venimeuses par le dehors, comme le venin des animaux, est aussi tel estant pris par la bouche.

Les venins estant pris par la bouche, ne sont pas tels estant pris par le dehors.

IL nous faut maintenāt deduire vne question assez douteuse, non que de soy elle soit telle, mais pour autant q̄ Matthioli homme docte la mise en doubte, sans toutesfois auoir grande raison de ce faire. La question est telle: à sçauoir si, les serpens sont froids ou chauds de leur nature, & si leur venin est tel. Certainement ie n'eusse iamais pēsē que cela fust venu en doute, veu qu'il y a des argumens suffisans, voire qui nous apparoiſſent à l'œil, par lesquels nous pouuons estre asseurēs de la froide nature d'iceux. Premièrement nous experimentons en ceux lesquels nous auons en nostre Gaule, vne fort grande froidure, voire au cueur de l'estē ils sont maniēs: ce que ie puis asseurer. car il me souuient qu'estāt quelquefois malade d'une fièvre ardēte enuiron la fin de Iuillet, il y eut vn mien amy, qui pour me soulager de la grāde chaleur que i'endurois aux mains, me bailla vn fort gros & long serpent, lequel ie sentoie estre tousiours froid comme glace, encores q̄ continuellement il fust maniē entre mes mains, & que passant & rapassant par dedās le liēt il peust estre eschauffē: cela se peut experimenter ordinairement. Et quant est des raisons naturelles, nous sçauons fort bien que toutes choses

De la complexion des serpens contre Matthioli.

B. 5. font

font dictes, ou froides, ou chaudes, ou seiches, ou humides estans rapportees & collationnees à ce qui est tēperé en tout le genre, cōme a dict Galen. Or cela qui est temperé en tout le genre, c'est à dire entre les animaux, cela dis- ie est l'homme. Voyons donc si les serpens sont ou plus chauds ou plus froids que n'est l'homme. C'est vne reigle generale en la cōgnoissance des complexions, que d'autant qu'un corps a ou plus ou moins de sang, d'autant a il ou plus ou moins de chaleur, si biē q non seulemēt entre les animaux de diuerse espeece ceux qui ont moins de sang sont estimés plus froids, mais aussi entre ceux de pareille espeece : car l'homme sanguin est plus chaud que le flegmatique. Mais qui est ce qui ne sçait que les serpens ont moins de sang en leur espeece & proportion que n'a pas l'homme? Qui ne sçait qu'ils sont au rang de ceux qui ont peu de sang? Nous entrerōs encores plus auant, & puis que nous sommes en la dispute des cōplexions, nous deduirons noz raisons des choses apparoiſſantes à l'œil, comme est l'exterieur du corps, duquel si la peau est lâche, & que les porres ou pertuis soyent fort ouuerts, nous iugerons que la complexion est chaude, & au contraire s'ils sont referres, nous disons qu'elle est froide: car c'est le propre de la chaleur, selon les philosophes, d'estendre & d'ouurir, & le propre de la froidure de reserrer & endurcir, voire les choses dissemblables. Ainsi voyons nous les femmes, lesquelles de leur naturel sont plus froides que les hommes, estre communemēt fermes & polies, & ce beaucoup dauantage q ne sont les hommes. Mais qui est ce qui ne void à l'œil la chair des serpens estre dure & espesse, & tellemēt ferme, que cela seul, avec la froidure qu'elle a tousiours comme pour compaignie, peut suffire d'argument? D'ou vient qu'ils sont adonnés à la proye & qu'ils sont nōmés goulus, & toutesfois qu'ils boient peu, comme a escrit Aristote en son histoire des animaux, si ce n'est qu'ils sont froids? sçauons nous pas bien que par la froidure l'appetit est aguisé, & que d'autant qu'un estomach est froid, d'autant il desire de viande, bien qu'il ne la puisse cuire?

Or ve.

Or venons à ce qui est le neud de nostre dispute, & dont toutesfois Matthioli pense faire son bouclier. Il dict que les serpens se cachent au long de l'hyuer, à cause qu'estans chauds, ils fuyent la froidure contraire à leur complexion, comme font les poissons, lesquels estans froids de nature, sont contraincts de mourir incontinent qu'ils sentent la chaleur de l'air. Nous sommes doncques appoinctés contraires: car ie dis que les serpens fuyent l'hyuer à cause qu'ils sont froids, & que les poissons estants hors de l'eau meurent, non pas à raison de la chaleur de l'air qui leur est contraire: mais pour autant qu'ils ne sont pas en leur lieu naturel, tout ainsi que l'homme ne peut viure dans l'eau, mais seulement en l'air. Ainsi doncques la similitude cloche de ce pied: & la premiere partie de ceste question se preuue, tant par le second Aphorisme du troisieme liure d'Hypocrate, que par le cōmentaire que Galen a fait dessus: Entre les natures, dict Hypocrate, les vnes se portent bien ou mal en esté, & les autres ou bien ou mal en hyuer. La nature, c'est à dire la complexiō froide & humide, se porte beaucoup mieux en esté qu'en hyuer: comme aussi la chaude & seiche se porte mieux en hyuer qu'en esté. Car certainement la complexion estant augmentee par son semblable, commence desia à estre excessiue, & estant excessiue, elle engendre les maladies: ainsi voyons nous les hommes choleres se porter fort bien en hyuer, & au cōtraire estre fort malades en esté. Les serpens doncques froids de nature se cachent en hyuer, de peur que la froidure d'iceluy adioustee à la leur, ne les face mourir par l'extinction de leur chaleur naturelle, laquelle ce temps pendant demeure comme assopie. De la vient que si lon trouue en hyuer des serpens en leurs raieries ou dessous quelques pierres, ils seront faciles à prendre: car pour la grande imbecillité de ceste chaleur, ils ne se peuuent mouuoir. Mais ie demanderois volontiers à Matthioli, si est ainsi que les serpens soyent si chauds, comme il les fait, dont il aduient qu'ils sont trois ou quatre mois sans manger, c'est a sçauoir tout le tēps qu'ils demeurent cachés.

Ceste

Ceste grande chaleur peut elle demourer sans aliment ? N'aduiant il pas aux serpens ce qu'il aduiant à aucunes femmes, lesquelles estans remplies d'un humeur phlegmatique & espais, & ayans la chaleur naturelle fort debile (toutesfois proportionnee à cest humeur) demeurēt vn long temps sans manger ? N'est ce pas la raison que tous les philosophes ont donné touchant le ieusne des serpens ? Voila pourquoy la nature leur a baillé vne chair & vne peau ferme & bien espaisse, à celle fin que la chaleur naturelle ne s'esuanouisse si facilement, & qu'ainsi demeurāt dedans le corps, elle peust suffire pour la vie. Ce sont les causes qu'Albert le Grand, Pierre de Albano, Simon Portius, & autres grands philosophes ont deduictes touchant le ieusne non acoustumé de certaines femmes de leurs temps : lesquelles viuoyent dix, vingt & trente ans sans prendre aucune autre substance que l'air qu'elles respiroyent. Et quant est du venin des serpens, il est de telle nature qu'est l'endroiēt dont il procede, non toutesfois qu'il ayt son action à raison de sa complexion ou qualité excessiue, mais plustost d'une particuliere meslange de nature, cōme est le venin de tous animaux. Ce qui fait que ceux la se sont abusez, lesquels ont voulu prouuer la nature des serpens estre froide par les seuls accidens suruenās apres leurs morsures; car puis qu'ils ne procedent de la complexiō d'iceux, il ne faut auoir recours à ceste raison si mal fondee.

Quelquefois
ce qui est ve-
nimeux en
vne partie, ne
l'est pas en
toutes, & du
changement
de nature se-
lon les pais.

M A I S de ceste question il nous faut entrer en vne autre, & chercher la raison pour laquelle les animaux estans venimeux en vne partie, ne le sont en toutes. cōme aussi les plātes desquelles les vnes sont venimeuses en leur racine seulemēt, les autres en leur graine, les autres en leur fruit, & les autres en leurs fueilles. Et mesmes entre les animaux, ceux qui sont venimeux en vne regiō, ne le sont pas en vne autre. ce qui se peut dire aussi des plantes. La premiere question touchāt les animaux se doibt rapporter à vne generale preuoyāce de nature, laquelle en la structure & bastiment des corps a ordōné quelques certaines parties propres pour la reception des ordures

dures superflues de tout le corps, lesquelles selon la diuerse nature du corps retiennēt vne malignité diuerse: c'est à dire ou contraire en toute sa substāce, ou en propriété cachee, ou en ses qualitez seules. Ainsi les animaux, desquels la nature est aucunemēt cōtraire à celle de l'hōme, à raison d'une particuliere meslange, ont leurs ordures superflues d'autāt plus pernicieuses que le tout: à cause qu'elles sont amassees & enuoyees de diuerfes parties, desquelles retenans le naturel, ils ont en vne mesme place ce qui parauant estoit dispersé en plusieurs endroicts. Aussi voyons nous que tout ainsi qu'une force amassée est beaucoup plus difficile à dompter, que celle qui est espandue: ainsi le venin amassé de toutes parts en vn mesme lieu est beaucoup plus dangereux, que lors qu'il estoit espars par tout le corps. Pour ceste raison il se trouue encores au iourdhuy quelques vns, lesquels mangēt des serpens apres leur auoir premierement couppé la teste & la queue, ausquelles parties principalemēt se retirent les superfluités dont ie parle, cōme le venin des serpens se retire dans des petites clochettes qu'ils ont sous les dents, & celuy des autres animaux en quelques autres parties destinees à vn chacun selon son espee. Les parties ne peuuent estre si bien domptees & temperees par la cuisson ou meslange, comme les autres, ausquelles la malignité esparse est facilemēt poussée hors, dont ce qui reste peut seruir de viande, ou de medicament commode, ainsi que desia nous auons dict. Et quant est des autres animaux, lesquels seulement ont leurs complexions excessiues, cela leur aduient, ou pour autant q̄ leurs superfluités sont beaucoup plus abondantes en qualitez, q̄ n'est pas le reste du corps: ou bien à raison qu'ils ont quelques parties en eux ou plus chaudes, ou plus froides: lesquelles surpassent d'autāt le reste du corps, qu'il leur est necessaire pour la conseruation de leur vie. Ainsi donques le fiel des bestes chaudes en leurs complexions, est vn venin à raison de son excessiue chaleur. Quelquefois aussi avec ceste cause, il y a vne particuliere meslange, laquelle est aydee par la qualité,

ainsi

ainſi qu'il y a en la queue du cerf, au fiel du chien de mer, & autres. Les herbes venimeuſes auſſi ſelon leurs parties ſont ou plus ou moins dangereuſes, d'autant qu'il y a plus de venin en vne partie qu'en vne autre. En quoy certes, il me ſemble que l'vſage de telles herbes n'eſt beaucoup aſſeuré, principalement celuy de la racine & de la graine : car ce qui ſe reſpand par les fueilles eſt premierement en la racine, & le tout eſt compris en apres en la graine, comme eſtant apte d'eſtre faite telle, qu'eſt la plante entiere. Voila quât à la premiere queſtion. Or la raiſon de la ſeconde ſe prend tant de la diuerſité du climat, que de la diuerſe nourriture des animaux, & des plantes. Car là ou l'air eſt plus benin & doux, le climat plus temperé, & la terre par conſequent meilleure: là tant les animaux, que les plantes ſont tellement adoucies, qu'il ſemble qu'elles changent de naturel, comme certainement elles ſont en partie : car, comme on dict communement, nourriture paſſe la nature. Ainſi Ariſtote a eſcript, que la morſure des beſtes eſt beaucoup differente, à raiſon de la diuerſité des païs & régions, ce qu'il prouue par l'exemple des Scorpions, leſquels ne ſont dangereux en Phare & pluſieurs autres endroits. Toutesfois il n'y a point de doute, qu'ils ne participent de quelque malice: mais elle eſt tellement affoiblie, que à grand peine peut elle eſtre reduicte en effect.

ON peut encores faire vne autre queſtion touchant les venins, à ſçauoir ſil ſe trouue des animaux, leſquels par leur ſeule preſence ou regard, empoisonnēt les hommes, comme on dict du Baſilic; ou eſtant ſeulement touchez, comme on a eſcript de la Turpille. Ce qui ſe doit entēdre vn peu plus ſainement que le commun ne le croit : car il n'y a point de doute qu'il ne faille qu'il y ayt attouchement d'un corps à l'autre auant qu'il ſe puiſſe imprimer vne paſſion en l'un qu'en l'autre. Si donques il aduient qu'un homme ſoit empoisonné par la ſeule preſence du Baſilic, ou pour auoir touché d'un baſton ſur la Turpille, certainement cela aduient par la mauuiſe fumee, laquelle ſort du corps du Baſilic, & eſt attirée

A ſçauoir ſi
par la ſeule
preſence de
aucuns ani-
maux on
peut eſtre
empoisonné.

tiree avec l'air que l'homme respire, & par celle qui sort de la Turpille, laquelle est aussi conduite le long du baston iufques en la main de celui qui le tient.

IL nous reste maintenant à parler des enchantements & forcelleries, lesquelles semblent auoir quelque conuenance avecque les venins. Le nomme forcellerie vne espece de magie, laquelle encores qu'elle soit comprise particulierement sous ceste partie d'enchantement, qui s'ayde de mots & de quelque autres ceremonies & drogues: toutesfois ce mot s'étend aucunesfois plus au lóg, pour toute magie tant naturelle que surnaturelle. Les hommes sont tellement charmés par le moyen de ceste forcellerie, que n'estât plus à eux mesmes, mais du tout hors du sens, ils cheent en des maladies estranges & inconnues, avecque des passion douloureuses, par lesquelles ils languissent. Ceste miserable liaison n'a seulement pouuoir sur les hommes, mais aussi sur les autres animaux: & sur les choses mesmes qui n'ont point d'ame ny de vie. Ceux qui ont escript amplement des secretz cachés de la sagesse, disent que les homes sont espris ou d'amour, ou de haine, ou de maladies, & autres telles passions, par la vertu des enchantements, & ce par plusieurs moyens: c'est à sçauoir par venins meslés avecques parolles, par collyres, vnguens, boissons, liaisons, & suspensions au col, aneaux, fascinations, fortes imaginations de l'esprit, images & caracteres, enchantements & supplications, lumieres, sons, nombres, parolles, noms, inuocations, sacrifices, adiurations, exorcismes, consecrations, veus & toutes telles superstitions, auxquelles le simple peuple adioute foy. Mais à fin que nostre dispute soit plus facile, nous reduirons tous ces moyens à deux, à sçauoir aux medicaments ou venins, & aux parolles. Par les venins nous entendons toute chose qui est appliquee ou prise dedans le corps: & par les parolles nous comprenons toutes les façons ceremonieuses. Recherchons donques si est possible à l'enchanteur d'empoisonner vn homme par parolles ioinctes avecques quelques drogues, ou par les simples parolles, ou par le simple regard

Des enchan-
tements &
forcelleries.

regard que lon nomme fascinatiō. Nous auons plusieurs tesmoignages, par lesquels il nous apert, que les forciers se sont aydés de drogues. Virgile mesme l'escriit quand il dict:

*Mæris m'a faict present de ces venins eslus,
De ces herbes aussi: ces venins sont venus
Des riuës de la mer, ou ils ont leur naissance,
Et par eux bien souuent il prenoit la semblance
D'un Loup, puis dans les bois subit il se cachoit:
Ou du fond d'un tombeau l'esprit il arrachoit:
Ou bien il transportoit les moissons ia sèmees.*

LE mesme a esté escriit par Lucan d'une certaine forcierië Thessaliëne.

*Là ce que de malheur engendra la nature
Fut meslé, sans laisser la fatale ioincture
De l'Hyene cruelle, & du Lynx les boyaux,
Et l'escume des chiens qui vont fuyants les eaux,
Et la mouelle des cerfs nourris par les couleuvres.*

LOn en voit aussi plusieurs tesmoignages en Apulee, lors qu'il parle de la forcierië Pamphile: & entendons ordinairement les choses merueilleuses que les femmes font avecque leurs fleurs. Les liures des anciens mesmes sont remplis des miracles de la petite Loupe, qui apparoißt au front des poulains lors qu'ils naissent. Les Latins la nomment Hippomanes, comme aussi ils font cest humeur qui distille aux iuments, & avecque lequel les femmes attirent les hommes à leur amour, dont Virgile a escriit:

*De la l'Hippomanes, appelé proprement
Par les bergers des champs, distille lentement,
Poison qui est meslé des marâtres méchantes
Aux herbes, & au bruit des parolles nuisantes.*

ET Iuënal.

*Je dis l'Hippomanes, les vers, & le venin
Donné a son beau fils.*

OVIDE & Tibulle ont faict aussi mention de cest Hippomanes en leurs elegies: & le mesme Virgile a parlé du premier

mier en vn autre passage. Nous trouuons aussi, en lisant les Poëtes, plusieurs tesmoignages de la vertu des parolles, & principalement des vers, par lesquels on a creu que les forciers galtoient les bledz, les vignes & autres biens de la terre: dont mesmes il y auoit quelques lois parmy celles des douze tables à Rome, par lesquelles ces meffaits estoient defendus. Et Seruius aussi a escript en son commentaire, qu'il a fait sur le quatriesme liure de l'Æneide de Virgile, que par telles choses il y auoit des hommes, lesquels se pensoient cōtregarder de la mauuaise fortune: ce q̄ mesmes auourd'hui quelques vns pēsent faire voire en la guerison des maladies. Sannazare poëte tresdocte à ramassé plusieurs manieres d'enchantements, lesquelles il a escriptes en son Arcadie, qui est vn poëme Italien digne d'estre veu: dont aussi long tems deuant luy auoit escript Horace, disant mesme que les astres s'asubiectissoient aux parolles.

Elle arrache du ciel & la lune, & les Astres

Enchante par sa voix.

Et aussi Virgile en quelque autre endroit monstre que cela se peut faire par la vertu des vers, quand il escript.

Par vers on peut tirer la lune hors des cieux,

Et Circe transforma par ses vers factieux

Les compagnons d'Vlyse.

PAR ces tesmoignages donques & par plusieurs autres des anciens il appert, que les forciers se sont aydés de plusieurs herbes & medicaments ioincts avecques les parolles: les exemples desquels, comme de plusieurs autres, se peuuent voir en Plin au vingt & huitiesme liure de son histoire naturelle. Et n'y a point de doute que par la malice des drogues, desquelles ils vsent, les hommes ne soyent empoisonnés & tourmentés en la maniere que Nicandre, Dioscoride, & les autres ont escript: Il ne faut point douter qu'elles n'ayēt la vertu de les rendre phrenetiques, maniaques, loupgaroux, & furieux apres les femmes: mais de dire que cela se face par le moyen des parolles cela est faux: car quelle malice y a il aux

C

parolles

parolles, par laquelle elles puissent endommager ou les esprits, ou les humeurs, ou les parties solides du corps? Les parolles d'elles mesmes ne peuuent rien, entant qu'elles ne sont autre chose que voix proportionnement battues par la langue, le palais, les dents, & les leures, dont ils aduient qu'elles ne peuuent faire aucune impression au corps, voire encores que l'air y touchast: car tout incontinent que la parolle est proferee, ce qui demeure n'est autre chose que la matiere d'icelle, laquelle n'est point dissemblable d'avecque l'air que communement nous respirons. Or est il ainsi que la proportion du corps qui agit avecque celuy qui patit, doit estre telle qu'ils se touchent l'un l'autre, si lon veut que l'action se parface. Que si par les forciers elles sont adioustees, cela ne vient que de leur superstition, & non de la necessite d'aucun meſlange: car par le moyen des mesmes poisons les pareils accidens de maladies peuuent suruenir à ceux ausquels ils sont donnés, voire mesmes aux forciers. Ce qui se peut prouuer par ce qui fut fait à Rome du tēps q̄ Marc Claude, Marcel & Tite Valere Flaque estoient consuls, lors que les forcieres moururent apres auoir pris le poison, dont parauant elles auoyent empoisonné les plus grands de la ville, & dont elles en vouloyent faire autant à ceux qui restoyent. Or il y a en toutes especes de forcelleries, cōme en toutes autres sortes de liaisons, deux choses à considerer: a sçauoir la nature, & ce qui est par dessus la nature. Les actions de la nature & des corps naturels sont manifestes, lesquelles despendent ou des premieres, ou des secondes qualitez, & sur lesquelles principalement les philosophes se sont arrestés. Mais la cause des effects qui procedent de la vertu specifique & cachee, est aussi cachee: c'est de la que lon a tiré la Magie Naturelle, que les sages nomment la souueraine puissance des sciences naturelles, le comble de la philosophie naturelle, & la vraye perfection d'icelle. C'est aussi celle, comme dict Ciceron, laquelle estant ignoree rendoit les hommes inhabiles à regner sur les Perses. Ceux qui sont excellens en icelle recherchent
soigneu-

soigneusement la nature, & font des choses, auant le temps
 mesmes ordonné de nature, que les ignorans estiment estre
 miracles, encores que ce soyent œuures naturelles. Ceste cy
 donques a son action de foy & par sa vertu, tellement qu'elle
 ne requiert rien des choses de dehors. Mais l'autre qui est par
 dessus la nature est attachee, & asubiectie aux fallaces des es-
 prits, & prend son commencement de la communicatiō d'i-
 ceux : pour ceste cause elle est deffendue par les lois. On la
 nomme Goece ou Negromance & Thurgie. & est certaine-
 ment ceste cy, laquelle est en la pluspart appuyee sur les pa-
 rolles: car elle est ceremonieuse, & se parfaict par inuocatiōs,
 oblations, hosties, sacrifices & autres superstitions, lesquelles
 n'ont esté inuentees par les esprits à autre fin, sinon que pour
 cacher leurs tromperies sous quelques mots : car qui est ce
 qui iamais pensera, que de diuerses & contraires causes il se
 puisse ensuiure pareils effectz ? Or faudra-il que cela se face,
 si les ceremonies sont necessaires à l'action des forcelleries,
 attendu que si nous voulons faire comparaïson des parolles,
 des noms & inuocations, dont les anciens magiciens vsoyēt
 en leurs enchantements, avecques ceux desquels les nostres
 foydent pour le iourdhuy à mesmes effectz, certainement ils
 se trouueront non seulement diuers, mais aussi en tout & par
 tout contraires. La composition, consecration & benedictiō
 du cercle q̄ faisoient anciennement ceux qui ont vescu sous
 le Paganisme auant Iesus-Christ, estoit contraire à celle,
 dont les nostres ont acoustumé d'vser en la mesme composi-
 tion du cercle. Les premiers consacroyēt au nom de Venus,
 de Mars, & de Saturne. Les nostres consacrēt au nom de Ie-
 sus-Christ & de la vierge Marie, & par le moyen de l'eau be-
 niste. Je demanderois volontiers si les premiers abusoyent,
 comme les nostres, du nom du Dieu d'Abraham, du Dieu
 d'Isaac, & du Dieu de Iacob en la benediction des encense-
 ments, en l'exorcisme du feu & des esprits, en la consecration
 de la robbe & du Pentacule, & en la coniuration des iours :
 non, car ils ne le connoissoyent pas, & moins encore connois-
 soyent

suppos

• C 2

foient

soyent ils la Messe du saint esprit de l'Introite de la quelle la pluspart des enchanteurs abuse pour le iourd'uy. Je laisse les fortes ceremonies de ceux qui se disent Chrestiens, par lesquelles ils estiment s'entretenir en puissances diuines: Je laisse les anneaux qui ont eu quelquefois bruit en Angleterre: Je laisse les chemises enchantées, les noms sacrés & caracteres que lon porte au col: Je diray seulement qu'il n'y a aucune societé entre Iesus-Christ & Saturne, ou Iupiter & Venus, entre Apollon & saint Iean, entre Mercure & la Vierge Marie: si ce n'est q'lon veuille dire que les ceremonies, dont lon abuse pour le present es enchantemens sont descendues des payenes, & s'accordent en ce q' les vnes & les autres ont esté inuêtees pour tromper le simple populaire. Puis donques que de contraire parolles mesmes effects sont produicts, il faut necessairement cōfesser, ou que les paroles ne seruēt de riē, ou que les contraires causes font mesmes actions, ce qui est toutefois contre toute raison. Mais cela se faict par les esprits malins pour s'accōmoder aux diuers entendemēts des hommes, & à celle fin aussi d'establiir leurs tyrānies sous vne espee de religion, par laquelle plus facilement ils attirēt les moins rusés, & les payent seulement de parolles, lors qu'ils pensent follement que ce qui se faict par le moyen des esprits, soit faict par la vouldonté de Dieu & des Saints. Toutesfois les magiciens font plusieurs choses, lesquelles sont fondees en raisons naturelles, par encensements, collires, vnguents, & boissons. Car tout ainsi que les maniaques & melancholiques pensent veoir & entendre exterieurement les choses qu'ils fantasiēt au dedans de leur cerueau en la vertu imaginatiue, blessée par les humeurs pourris, tellemēt qu'ils craignent ce qui n'est point à craindre, qu'ils croient faussement, qu'ils fuyent encores que personne ne les poursuiue, qu'ils se courroucent sans cause apparente: ainsi plusieurs passions, apparitions, & imaginations peuuēt estre introduictes au cerueau des hommes par le moyen de plusieurs encensements ou fumigatiōs, vnguents, & boissons, sans qu'elles ayent aucune affinité avecque

avecque les esprits ou parolles, attendu qu'elles sont causées des choses qui ont vertu d'emouuoir tels & pareils accidens es corps. La mesme cause se peut donner touchant les boisons amoureuses, que les Grecs ont nommé Philtres, lesquelles eschauffent & induisent en fureur ceux qui les boient: car estans faictes de medicaméts chauds, elles brulent tellement, les humeurs du corps, que souuétefois il en ensuit vne fiebure, avecque vne phrénésie, & perte de l'entendement. Ainsi en aduint il au poete Lucrese, lequel en mourut, à Luculle & Caligula empereurs. Ouide a monstre cōbien de peu d'efficace estoient les bruuages corporels cōtre l'amour, qui est vne passion d'esprit, disant & concluant en ceste maniere.

Iectez au loing de vous tout malfaiet detestable:

Il faut pour estre aymé que vous soyés aimable.

M A I S comment, ce me dira quelqu'un, n'estimez vous pas qu'il y ayt autre raison en la fascination? n'estimez vous pas qu'elle est faicte par parolles & ceremonies, puis qu'en icelle il ny a aucun vsage de medicament? Il nous sera facile de demesler ceste question, pourueu que nous entendions que c'est que fascination. F A S C I N A T I O N, comme escriuent les Magiciens, est faicte par les rayons spirituels, lesquels sortent des yeux de celuy qui fascine, & entrent dans les yeux de celuy qui est fasciné: & de la fescoulent par le demourant du corps. Ceste maniere de fascination s'entendera facilement par les causes de l'amour. Le docte & admirable Ficin escript en son commentaire sur le banquet de Platon, que le sang d'une ieune personne (car aux ieunes principalement appartient la fascination amoureuse) estant communement subtil, cler, chaud & doux, engēdre les rayōs de la veue de mesme qualite, lesquels sortants par les yeux se communiquent facilement aux yeux de celuy qui en est regardé. Et ainsi se meslant parmy les humeurs du corps, il excite pareille affection en iceluy. cela se void mesme en celuy qui a mal aux yeux, lequel donne son mal à ceux qu'il regarde. De la les poetes ont nommé les yeux premiers cōducteurs

de l'amour: de la Apulce se complaignant dict, la cause & le commencement de ma douleur & le remede vient de toy: car tes yeux estans entrés par les miens, & festés escoulés iusques au profond de mes entrailles, ont allumé vn grand brafier en mes mouelles. Il me souuient auoir declaré amplement la cause de cecy en mes poèmes François par vn sonnet tel qui ensuit:

*Cruelle, quas tu faict? quas tu faict, ennemie?
N'ai-je pas veu sortir vn humeur de tes yeux,
Esclerant & bruslant, subtil & douceureux,
Qui en vn mesme instant fest saisy de ma vie?
I'en ay le sang bruslé & la face blefmie,
I'en ay le cœur en cendre & le corps langoureux:
Et comme si ce fust vn mal contagieux,
Il a dessus mon tout desserré sa furie.
Ainsi qu'il estoit cler tous mes pauures esprits
En furent a l'instant facilement surpris:
Ainsi qu'il estoit chaut il attiza sa force:
Comme il estoit subtil il entra dans mon cœur,
Puis dedans tout le corps: & or par sa douceur,
Il sert à mon martire & d'appas & d'amorce.*

ET en vn autre lieu:

*Chrestien, iectant mon œil sur l'œil de ma mignarde,
Nous beuons a longs traicts vn humeur douceureux
Qui à flots vndoyants sescoulans par nos yeux
Iusques au plus profond de nos foyes se darde.*

PETRARQUE tesmoigne en vn sonnet qu'en regardant les yeux de M. Laure sa maistresse il gaigna le mal qu'elle y auoit, & fut gaigné, comme si le mal eust changé de place. Lon peut aussi prouuer la grande vertu des yeux & l'excellence des esprits, qui en sortent par Auguste Cesar, lequel contraignoit de baisser la veüe de ceux qu'il regardoit constamment: non plus ne moins que fils eussent esté aux rayons du soleil. Or il semble qu'en cecy il y a quelque raison: mais de dire qu'une sorciere regardant seulement vn homme ou vne beste,

beste, le puisse rendre malade, ou luy imprimer quelques autres affections, i'y voy bien peu de fondement. Et quant est de ce que Virgile dict,

Je ne sçay pas quel œil est ore enforcellant

Mes ieunes aignelets :

IE croy qu'il a escript cela ensuiuant la commune opinion du vulgaire, selon laquelle il faiet souuent parler ses pastoureaux. Toutesfois il aduiet souuent que les petits enfans par hanter avec les vieilles femmes deuiennēt en chartre, ce qui se faiet pourautant que communement elles ont mauuaise halaine: & ainsi les baisant souuent elles leur gastent les poulmons, tendres, delicats, & faciles a estre offenes par la puanteur de l'halaine, dont les enfans en deuiennent secs, & lors on pense qu'elles les ayent enforcellés. Ainsi Fiscin a escript que le regard d'un vieillard ayant mauuaise haleine, ou celui de la femme qui a ses fleurs enforcelle le petit enfant. Et mesmes Aelian est autheur que le Verdier dont nous parlerons au second liure, à vne si grande malineté en son regard, que si quelqu'un le regarde, & qu'il soit regardé diceluy, incontinent il en deuiendra blême. Il dict dauantage qu'un homme ayant la iaunisse est guery d'icelle s'il regarde, & qu'il soit regardé attentiuement d'un oiseau qu'il nomme Charadrien. Les anciens aussi ont faiet mention des Paletheobores habitants du Pont, & des Telchines habitants de Rhodes: lesquels par leur seul regard faisoient venir les autres en chartre, & empirer tout ce qu'ils regardoyent. Je confesse bien aussi que quelque fois les forcieres peuuent faire mourir le bestail: mais que ce soit par le seul regard ou par les simples parolles il n'y a point de raison. Il est plus raisonnable de penser que c'est par quelques venins dont elles faident pour les empoisonner. Lon adiouste encores dauantage: c'est qu'estant absentes elles peuuent faire mourir un homme qu'elles n'auroient iamais veu. Cardan en amene plusieurs exemples, mais entre autres on conte d'un Roy d'Ecosse nommé Duffus, lequel cheut en vne langueur, sans toutesfois que lon sceust

sçauoir d'ou venoit sa maladie. Il suoit toute la nuit, & ne pouuoit dormir: ce qui fut cause q̄ quelques vns se doubterent qu'il estoit enforcelle, & penserent q̄ cela auoit esté fait par quelques vicilles du pais de Morauie, ce qu'en la fin fut trouué vray: car elles furent surprinses, & trouua on vne effigie du Roy faicte de cire, attachee a vn pau de bois deuant le feu, là ou elle se fondoit petit à petit. a l'entour d'icelle il y auoit vne forcierre qui en recitant quelques vers distilloit vne liqueur par dessus l'effigie: elle continuoit toute la nuit, qui estoit lors que le Roy estoit en sueur, & qu'il ne pouuoit dormir. Aussi elles confesserent qu'il fust mort lors que l'effigie eust esté toute fondue. l'ay leu vne presque semblable chose auoir esté faicte à la poursuite d'un procureur d'Alençon, au cōmencement du regne du feu Roy François premier, par vn quidam lequel fut saisi de quelques effigies faites à ceste intention. Lon en pourra voir encore dauantage en plusieurs traictés, tant des anciēs, que des modernes, & principalemēt en vn liure qui fut fait en Latin, il y a enuiron soixante ou quatre vingts ans, cōtre les forcieres, & se nomme Le maillet des forcieres. Or la cause de telles & semblables necromancies & sorcelleries, ne se doit rapporter ailleurs qu'aux demons, par le ministère desquels toutes telles choses se font, & non par la grande constance & affection du sorcier, cōme quelques vns le disent: attendu que l'affection ne peut agir si non en celuy duquel elle est affectiō. Ces choses ainsi discourees nous concludrons que l'usage des parolles & ceremonies n'est aucunement necessaire aux enchantements, comme de causes necessairement agissantes.

Il me semble auoir iusques en cest endroict, amplement esbauché ce qui est necessaire pour la generale entrée en la cognoissance des venins. Car quant est des remedes en general, tāt pour s'en cōregarder, q̄ pour se guarir apres auoir pris vn venin incōgneu, nous en discouurerōs au second Cōmentaire, pour autant que l'endroict me semble estre plus propre pour en parler: car là nous traicterons principalemēt des poisons

sons pris par la bouche. Et quant est des moyes pour se contregarder des morsures des serpens, nous les deduirons amplement en ce premier liure aux chapitres suiuaunts.

DV MOT DE THERIAQVE, ET DE LA NAISSANCE DES SERPENS.

CHAPITRE II.

D'AVTANT que la fontaine des principales sciences a eu premierement sa source entre les Grecs, & qu'entre icelles la medecine a esté traictee parfaictemēt par Hippocrate, & Galen en la langue, qui leur estoit maternelle; ceux qui sont venus apres, & qui ont voulu escrire en Latin cela, qu'ils auoyent appris des premiers autheurs, ont esté contraints de retenir plusieurs mots Grecs, lesquels ils ne pouuoient bonnement tourner en leur langage, ou biē lesquels demourants en leur naturel, estoyēt plus significatifs. Ce que non seulement les Latins ont esté contraints de faire, mais aussi les François discourans des sciences, qui ont esté premieremēt reduictes en preceptes, tant par les Grecs, que par les Latins, dont il faut emprunter les dictions qui nous defaillent: cōme est ce mot Theriaque, que ie n'ay voulu changer, pourautāt que les Latins l'ont retenu: ioinct qu'on ne le peut bonnement rendre François, sans faire tort à sa signification, par laquelle sont spécifiés tous medicaments propres, tant pour se contregarder, que pour guarir les morsures des bestes venimeuses: le vulgaire les nomme Triacles. Ce mot vient d'un mot Grec, lequel signifie beste venimeuse, & a esté ainsi composé Theriaques à raison de la vertu, que ces medicaments ont contre leur venin. Pline au quatorzieme liure de son histoire naturelle, fait mention d'une vigne qu'il nomme Theriaque, pourautant que le vin qui en procede

Theriaque.

C 5

cede est propre contre les playes faictes par les serpens. Pour laquelle raison aussi nous nommons vne composition qui se vend chez les apothicaires du nom de Theriaque, & nō pour autant qu'il y entre de la chair de serpent, comme quelques vns ont escript : car Galen monstre vne composition nommee Theriaque, sans toutesfois qu'il y entre aucune partie des bestes venimeuses. Ainsi donques Nicādre a intitule son premier liure du nom de Theriaque pour deux causes: l'vne d'autant qu'il donne les moyens de se contregarder des serpens, l'autre d'autant qu'il enseigne les remedes de guarir leurs morsures, & comme estant de gaillard esprit, ayant la poësie à commandement, & voulant parler des serpens, il recherche leur origine, laquelle leur a esté dōnee par les poëtes. Non qu'il ne sceust fort bien que les serpens ont esté creéz quant & quant les autres animaux : car comme il estoit bon poëte, il faut confesser aussi qu'il estoit bon medecin: la fable qu'il en escript, & qu'il dict estre prise d'Hesiode, ne se trouue dans les œuvres que nous auons d'Hesiode: toutesfois ie penserois biē qu'elle fust dans l'histoire des Astres, de laquelle Theon faict mention en son cōmentaire sur Arat. Or l'histoire, ou plustost la fable est racontee par les poëtes en la maniere qui sensuit. Titan fut frere aîné de Saturne le plus ancien de tous les dieux, lequel voyant le Royaume de tout le monde luy appartenir par droict d'ainesse, & q̄ toutesfois pour estre deffauorisé de sa mere & de ses sœurs, il ne pouuoit regner, il accorda avec son frere Saturne de luy quicter le droict qui luy pouuoit appartenir par telle condition qu'il n'esleueroit aucun enfant masle, a celle fin que, puis que il estoit frustré du royaume, à tout le moins ses enfans y peussent r'entrer. Soubs ceste paction Saturne auoit acoustumé de manger les enfans masles qu'il auoit de sa femme Opis, laquelle apres plusieurs annees estant accouchee de deux enfans, a sçauoir de Iupiter & Iunon, donna a entendre à son mary qu'elle n'auoit eu que Iunon, & bailla Iupiter pour nourrir en cachette, autant en fait elle de Neptune & de Pluton

Hesiodé.

Titan.
Saturne.

Opis.

Pluton desquels encore depuis elle attoucha: toutesfois elle ne peut si bien cacher sa ruse, qu'en la parfin le tout ne fust descouvert par Titan, lequel se voyant frustré par ce moyen, entreprist la guerre avec ses enfans nommés les Titans, en laquelle il vainquit son frere Saturne, & l'emprisonna avec Opis sa femme, lesquels toutesfois depuis furent remis en liberté par leur fils Jupiter qui tua ses cousins les Titās, du sang ^{Jupiter.} desquels furent engendrés toute sorte de serpens, cōme dict nostre autheur. Quelques autres ont dict q̄ les serpens auoyēt esté engēdrés du sang de Meduse apres que sa teste eut esté coupee par Persee, cōme Ouide en sa metamorphose. Enfuyuant aussi ce gētil humeur de poësie, nostre autheur racōte la naissance du Scorpion, & dict en peu de parolles ce qui ensuit. Orion fut fils de Jupiter, de Neptune & de Mercure, ^{Orion.} lesquels trauerfians la terre se logerent par necessité (a cause de la nuit suruenue) chez vn pauvre hōme veuf, auquel ces trois dieux offrirēt, pour recompense, accōplissement de son desir en ce qu'il leur demanderoit. Le bon homme donques n'ayant rien plus cher en ce monde q̄ de se veoir vn fils, & ne fuyant rien plus q̄ de rentrer au labirinthe dont il estoit sorti, a sçauoir aux secondes nopces, pria ses hostes de luy en dōner vn, ce qu'ils feirent: car ayants tous trois pissé dans la peau de bœuf lequel leur auoit esté sacrifié par le bō homme, ils luy commanderēt expressement d'enterrer le tout iusques a neuf mois: ce qu'il fist, & au bout du temps il trouua vn petit fils, lequel il nomma Orion, cōme fil eust voulu dire Vriion du nom d'Vrine de laquelle il auoit pris son commencement. Cest enfant étant grand s'addonna à la chasse, comme la plus part des bergers de son temps: & s'oublia tant qu'il meit tous ses efforts de prendre à force Pallas, la- ^{Pallas, Diane, vierge Titanienne.} quelle est aussi nommee Diane ou vierge Titanienne, a cause que quelques vns ont voulu dire qu'elle estoit fille de Hyperion, l'un des six Titans: Elle qui auoit tousiours eu la chasteté en recommandation fut tellement vergongnee de ce faict, qu'a l'heure mesme elle feit le Scorpion: lequel caché
soubz

soubs vne pierre, & sortant à l'improuueu blessa Orion par le talon, dont il mourut. Mais les dieux (ses trois peres, comme ie pense) l'esleuerent dans le ciel, & en firent vn astre, que nous nommons encores au iourd'huy Orion, & semble à qui contemple la disposition des estoilles, dont cest astre est composé, que ce soit vn homme qui aille à la chasse. Je sçay bien que quelques vns le racontent autrement : toutesfois Lucain a suiuy nostre autheur en son neufiesme liure De la guerre ciuile, quand il dict :

*Qui penseroit iamais qu'un Scorpion mutin
Tint en soy la vertu du rigoureux destin,
Et de la mort soudaine encontre toute attente?
Luy cruel d'esguillon, de queue menaçante
Eust d'Orion vaincu la victoire & l'honneur,
Comme le ciel tesmoigne.*

Remarquable.

D'obscure lueur.

Gresleux.
grosleux.

Ascreans.

Permesse.
Antre Melissein.

HORACE dict qu'il fut tué par la mesme Diane à coups de traicts. Varron en son sixiesme liure de la langue Latine nomme cest astre le gosier, pouraunt qu'il semble auoir vn long gosier entre trois estoilles qui font la teste, & deux autres plus bas, qui font les espaulles. Et ainsi l'a nommé Plaute en sa comedie d'Amphitruon. A cause de ceste multitude d'estoilles, nostre autheur le nomme Remarquable, & pour autant aussi qu'elles n'apparoissent pas si luisantes, que plusieurs qui sont a l'entour, il le nomme D'obscure lueur. Il ne faut laisser couler le beau surnom qu'il donne au Scorpion, lequel i'ay tourné Gresleux ; car par ce mot il denote la passion q' sent celuy qui a esté picqué par le Scorpion, qui est telle qu'il est refroidi de tout le corps, & quasi comme batu de gresle, ainsi que nous dirôs en son endroit. Au reste Nicadre remarque le lieu auquel Hesiode a escript : car les Ascreans sont les habitans d'une petite bourgade nommée Ascree en Beosse, pres la môtagne d'Helicon, du fleuve de Permesse, & del'Antre ou cauerne Melisseenne: de ceste bourgade estoit Hesiode grand philosophe & poëte Grec.

D v

DV TEMPS ET DES LIEUX AVSQUELS

PLUS SOUVENT LES SERPENS SE
TRAINENT. CHAP. III.



RA R les serpens nous entendons, non seulement les animaux, lesquels se trainēt par terre sans pieds : comme nos couleures, mais aussi ceux qui ont l'usage des pieds : toutesfois si peu à leur cōmandement, que plustost ils semblent se trainer qu'autrement, comme les laizards, & toute autre espee d'animaux lesquels ne s'elèuent point en marchant : en ceste signification Plinē a nommé la Salemādre serpent : & Celse aussi a mis les Scorpions & les Phalanges entre les serpens. Toutesfois on pourra bien trouuer lisant dedās Plinē le mot de serpent pris pour vne espee, non plus ne moins qu'entre les Grecs il se prend souuēt pour la Vipere, qui n'est toutesfois qu'une espee de serpent, cōme dans Opian quād il escript du frayemēt de la Murene & du serpēt, c'est à dire de la Vipere. Ainsi nostre autheur suiuant la liberté des poētes par le mot de serpent, entend non seulement les bestes venimeuses qui rampent : mais aussi toutes autres lesquelles par leurs venins sont ennemies mortelles des hōmes, comme nous verrons par le discours, & comment par ce mesme mot il a nommé les crapaux & verdiers aux contrepoisons. Mais deuant que d'entrer aux remedes propres à les chasser il nous faut, à l'imitation de Nicādre, remarquer en brief les lieux ausquels ils se rencōtrent plus souuent, comme sont les bergeries, les logis champestres, & les rochers : ou bien les petits vallons, les montagnettes, & les praries aussi, lesquelles sont pres des forests & taillis. Ce qu'il a dict plus amplement auant que d'entrer en la description particuliere des serpens quand il escript : *Sur Oihris le chenu*, &c. Car en ces endroits le plus souuent les bergers & bocherons se contentent

O'phis.

tent de dormir, ou quelques fois sont cōtraincts de coucher, & ce principalement au renouueau . D'autant que les serpens, cōme beaucoup d'autre sorte de bestes froides de nature, sentans approcher l'hyuer se retirent és cauernes, & demeurent là l'espace de quatre mois plus froids, comme demy morts, iusques à ce que le soleil rechauffant l'air, & cōmuniquant sa chaleur à tous animaux, leur redonne quasi comme vne nouuëlle vie. Ainsi Nicandre descruant le printemps nous aduertist de la nature du serpent, qui est telle, que sur le printemps sortat de sa taniere, il cherche à se glisser par quelque destroit, & se deuest d'vne certaine peau & ordure amassée sur son corps en maniere de mousse : non toutefois que ce soit ~~sa~~ peau naturelle . Pline la nomme Vernation, & quelques autres des Latins Vieillesse, dont Tibule dict :

Auëque vne peau menue

La vieillesse est deuesue

Par les serpens aduisez :

He ! pourquoy de mesme cure

Ne nous a nostre nature

Tout autant fauorisez ?

Le serpent aussi esblouy pour auoir esté tout au long de l'hyuer enfermé dans la terre, cherche par tout le fenoil, & l'ayant mangé recouure sa premiere veuë. Ceey est escript par Pline, & par Aelian auant luy en son neufiesme liure : lequel toutesfois dict que le serpent ne fait, que torcher ses yeux contre le fenoil . Virgile a pris vn traict du passage de nostre autheur & d'un autre qui est cy apres, lequel il a mis en son troisieme liure des Georgiques, quant il dict parlant du serpent :

Je ne veux au serain prendre le somme doux,

Ou coucher sur le dos parmy l'herbe, au dessous

Des arbres forestiers, alors qu'il renouëlle

Sa ieunesse en roullant, & prend la peau nouuelle.

LES

LES MOYENS DE CHASSER LES

SERPENS ET SE CONTREGARDER D'ICEUX

PAR FVMIGATIONS, CHAP. IIII.



E n'est assez que le medecin guarisse les maladies, lesquelles ont desia pris racine dans le corps: mais il faut aussi qu'il sçache bien admonester vn chacun des moyens par lesquels on les peut euer: Car l'art de contregarder la sante, est aussi bien vne partie de la medecine, comme est la congnouissance du corps & la guarison des maladies, ausquelles il est subiect. C'est pourquoy Nicandre des le commencement de son liure nous admoneste des choses generales & particulieres, lesquelles sont propres pour se cōtregarder de la morsure des bestes venimeuses. Il escript donc trois manieres de remedes: la premiere se faict par fumigations, l'autre par ionchees, la tierce par vnguets propres pour oindre le corps. Les fumigations sont ennemies des serpens pour deux causes: l'une, pourautant que les serpens de froide nature sont facilement toucheez par l'odeur: car comme dict Aristote en son liure des sens, la cause pour laquelle l'odeur est propre a l'homme, & que luy principalement entre tous animaux se plaist en icelle, vient à cause de la froidure de son cerueau. Cela donques aduient aux serpens froids de nature (comme luy mesme dict) tout ainsi comme à l'homme, lequel se panchât sur le brasier sent incontinct vne pesanteur de teste, & y demourant plus long temps, se met en danger d'estre estouffe. Ainsi les serpens ne fuyent point les choses lesquelles de soy mesme sentent fort, si non entant qu'en la fin elles sont causes de leur mort: & qu'il ne soit ainsi (comme dict Plin au douziesme liure) il y a grande abondance de serpens parmy les forests de bonne senteur, lesquelles ils fuyent pour mesme raison que faict l'homme: mais sil aduient q ceste odeur soit

Fumigations
pour chasser
les serpens.

soit faicte plus aigue & piquante (ce qui se faict par le feu, lors qu'il en esleue la fumee) a lors d'autant, ou que leur nature est plus foible que celle de l'homme, ou que ce qui est bruslé leur est contraire de toute sa substance, certainement fils ne fuyent, ils sont en peu de temps esteincts & estouffez. Ce que ie dis des choses bruslees contraire de toute leur substance à la nature des serpens, est l'autre cause pour laquelle les fumigatiōs leur sont ennemies. Car il y a plusieurs choses lesquelles estans bruslees peuuent rendre vne fumee plus forte que celle d'une corne de cerf, qui toutesfois ne sont si propres a chasser les serpens: & cela luy est donné par vñ don particulier de nature. Car comme dict Plinē en son huitiesme liure (& ce comme ie pense l'ayant prins du passage de nostre autheur lequel est cy apres) entre les serpens & les cerfs il y a vne immortelle guerre: les cerfs vont cerchant leurs cauernes, & de la seule halaine qui leur sort des naseaux, ils les contraignent bon gré mal gré de sortir d'icelles. Parquoy c'est vn singulier remede pour chasser les serpens q̄ brusler la corne de Cerf, il dict le mesme en plusieurs autres endroictz. Dioscoride escript le mesme au secōd liure, & dict, que la gresse de Cerf estendue sur le corps empesche les morsures des serpens, & encores Serene poëte, lequel a escript la medecine en vers Latins dict, apres Plinē, que se reposer de nuict dedans la peau d'un cerf ou porter vne de ses dents empesche la morsure des serpens. Telle est l'inimitie de ces deux animaux, que non seulement viuants, mais aussi estans morts ils se font comme vne guerre perpetuelle. La pierre de Gages retient vne mesme vertu, & est ainsi nommee pour autant qu'elle croist pres d'une ville de Licie, nommee Gages, ce q̄ ua escript Dioscoride au liure. 5. & Plinē au 36. liure: Cardan en son cinquiesme liure de la subtilite dict, que la pierre de Gages est ce que vulgairement on nomme l'ambre noir. Aussi faict Leonard Fuschē, ce que toutesfois me semble douteux, pourautāt que l'ambre noir n'est ny crasseux, ny remply de crustes ainsi que Dioscoride a escript: & ce qui
mesmes

La pierre de
Gages.

mesmes a esté annoté par Galen en son neufiesme des Simples. Le Gages n'est autre chose qu'une espece de pierre faicte de Bitume, comme dict George Agricola en son quatriesme liure de la naissance & cause des choses qui naissent sous terre, & Cardan mesme au lieu que j'ay allegué. Ceste pierre estant gommeuse, s'allume facilement, & rend une fumée, laquelle retenant la nature de Bitume esleue une senteur assez mal plaisante, comme fait le soufre, par laquelle les serpens sont facilement touchez : car elle a ceste vertu grande entre toutes les autres, & semble mesme que outre ses qualités, la nature luy ayt donné cecy particulièrement, d'autant que (si nous croyons Oribase) celui qui la portera, ne doit craindre ny les serpens, ny les poisons. Plin mesme escript que par sa fumée elle peut descouvrir si une personne est vierge ou non. Toutesfois il ne le croit qui ne veut : car Plin & ceux qui le suivent en telles opinions, le doivent prouver par l'expérience, & non autrement. Nicandre d'auantage luy donne une vertu que ie n'ay point leuë en ceux qui en ont escript apres luy : c'est que le feu ne la peut dompter, ce que toutefois ne se doit entendre tellement que nous pensions que le feu ne la puisse consumer. Car, comme dict George Agricola au mesme liure, les pierres faictes de liqueurs grasses & bitumineuses sont consumées par le feu, comme la Gagete. Mais nous entendons cecy auoir esté dict par Nicandre, pour autant que la pierre de Gages resiste assez long tēps deuant qu'estre consumée. Telle vertu de chasser les serpens est attribuee à la fougere bruslee, pour autant qu'elle rend une senteur forte : & pour ceste cause elle est propre à nostre intention, comme le pied de Rosmarin, c'est à dire, la racine. Dioscoride en son troisieme liure fait deux sortes de Rosmarin, l'un qu'il nomme Rosmarin simplemēt, lequel est double, c'est à sçauoir, le premier qui porte graine, & le second sans semence sans fleur & sans tige. L'autre est nommé Rosmarin à faire couronne, & est celui duquel nos iardins sont plains. Le premier a la fucille semblable au fenouil,

La Fougere.

Le pied de Rosmarin.

D

noil,

Le Cresson
Alenois.

La corne de
Dain.

Le Souphre.
La Nielle.
Le Bitume.

noil, mais vn peu plus grosse & plus large, duquel la semence est nommée Cachrys. ce que tesmoigne Theophraste en son histoire des plantes, & est celuy duquel Nicandre veut que lon prenne la racine : car il le nomme Cachrys, ce que i'ay tourné Rosmarin, entendant ceste premiere espece nommée par les Grecs Libanotes. Dioscoride ne dict pas de ceste racine ce qu'en dict nostre auteur : mais bien il escript qu'estant meslée avec le miel, elle est propre contre la morsure des serpens. Il dōne aussi la mesme vertu, comme nostre auteur, au Cresson Alenois, & ce pour autāt qu'il est de nature chaude & aigue, comme il dict. C'est pourquoy Pline escript au xix. liure, que les Latins l'ont nommé Nasturce, quasi comme tourment de nez : car il est tellement chaud & aigu, que si on en met dans le nez, incontīnēt il faict esternuer : & estant allumé, il esleue de soy vne fumée de mesme complexion. La Corne de Dain est propre à cest effect pour les raisons que nous auōs dictes de celle de Cerf : car elle a esté en- fuiuie par ceux qui ont escript de ceste matiere apres Nicandre. La mesme raison aussi se peut donner du Souphre, de la Nielle & du Bitume, comme celle que nous auons donnée de la pierre de Gages, & de la Fougere, dont les fumigations ont vertu de chasser les serpens. Bitume est vn corps ou limoneux, ou terrestre, selō le lieu ou il est pris : car sil est pris en la Mer-morte, & en quelques autres fontaines, auxquelles il s'amasse, il en est plus limoneux ; sil est pris en Syrie, il sera plus terrestre : l'vn & l'autre toutesfois est faict d'vne matiere espesse, & en la fin endurcie. Dans la Mer-morte il est faict d'vn limon gras & gluant, lequel nageant dessus l'eau, est poussé par le vent, & les vndes iusques au bord, là ou il se fige & s'endurcist. Les Babyloniens auoient acoustumé d'vser de bitume en leurs bastimens de celuy qui se faict en la terre, au lieu que nous vsons de chaux & de plastre pour lier les pierres : comme nous lisons que de ceste matiere Semiramis feit esleuer les murailles de Babylon, selon qu'escript Iustin l'historiographe en son premier liure. Or tāt y a qu'il a la vertu que
luy

luy donne Nicandre, à cause de sa force aigue : ce qu'aussi a esté escript par Pline au 35. liure. Si quelqu'un veut voir plus amplement que c'est que Bitume, il pourra lire George Agricola au premier liure de la nature des choses lesquelles sortent de terre. La pierre Thracienne a vne mesme nature, & n'est autre chose qu'une espece de Bitume, comme la Gagarte dont nous auons parlé. Elle croist en vne riuere de Scythie nommee le Pont. Ce qu'en a escript Dioscoride n'est autre que le texte de Nicandre, lequel aussi est allegué par Galen au 9. des Simples. Elle sallume dauantage lors qu'on iecte de l'eau dessus, comme faict la chaux, & s'esteinct facilement avec de l'huile : comme aussi faict le Bitume, duquel elle ensuit l'odeur, lors qu'elle est bruslee : car ce n'est rien autre chose que du Bitume endurcy en forme de pierre. Voyez le mesme Agricola. L'vrtie bruslee rend vne odeur aspres poignante, & pour ceste cause elle est recommandee par nostre autheur. Aussi faict le Galban qui est selon Dioscoride, Galen & Pline, le suc d'un grand roseau croissant en Syrie. Il a aussi la vertu depuis que lon en est graissé, d'empescher la morsure des serpens. Virgile en son 3. liure des Georgiques, escriuant les moyens de chasser les serpens, dict :

Aprens qu'en ton estable il te faudra brusler

Le Cedre qui sent bon, & que pour escouler

Tous les Cheneaux puans l'odeur y est fort propre,

Quand elle est du Galban,

LE Cedre a la mesme vertu, & est vn arbre lequel bruslé sent fort, ainsi que tesmoigne la resine qui en sort, & de laquelle nous vsons. Cest arbre a esté descript par Theophraste, Dioscoride & Pline. Voila quant aux fumigations ennemies des serpens : lesquelles aussi se peuuent faire de plusieurs autres simples qui ont mesme vertu que ceux cy, dont Nicandre a parlé, comme des plus principaux & suffisans.

LES MOYENS D'ESTRANGER LES

SERPENS PAR IONCHEES.

CHAPITRE V.



Le Calamēt
humide.

Tige crespue
ou cheuelu.

Le Vitex.

POURAVANT que les bochérons, laboureurs & autres manouvriers champêtres n'ont pas tousiours le moyen d'auoir les remedes, desquels nous auons parlé au chapitre precedent, ensuiuant Nicandre; nous parlerôs des herbes, lesquelles estant esparies en maniere de Ionchees, ont la vertu de chasser les serpens ou par leur propre nature contraire, ou par leur forte odeur. Tel est le Calament nommé par nostre autheur, humide, non que de sa complexion il soit tel: car il est du tout aspre sec & chaud, comme escript Galen au 7. liure des Simples: mais pourautant qu'il croist pres des riuieres. Dioscoride en son 3. liure en faiët de trois sortes, l'une qui porte la fueille semblable au Basilic, blanchastre & portant le tige & les reiectons en anglets. La seconde semblable au pouillot, mais plus grande nommee pouillot sauage, pourautant qu'il luy ressemble en senteur. La tierce est semblable à la mente sauage, sinon qu'elle a les fueilles plus larges, le tige & les rameaux plus grands que les deux autres especes: mais aussi sa force est moindre. Nicandre parle principalement des deux premieres, lesquelles ont la vertu non seulement estant semées ou allumées, de chasser les serpens, mais aussi estant prises par la bouche, ou appliquees sur les morsures, comme dict Dioscoride en ce mesme lieu. Il est nommé au beau Tige crespue ou biē cheuelu, à cause que son sommet, l'endroiët ou il porte la fleur, ressemble à des cheueux: ce qui est aussi commun aux autres herbes, au moins à la plus grand' part. Pour ceste cause i'ay escript souuentefois crinieres, cheuelures, ou cheueux, au lieu de fueilles, tiges & rameaux. Le Vitex aussi a telle vertu que luy dōne nostre autheur

autheur encontre les serpens. C'est vn petit arbrisseau apro-
 chant assez pres de la semblace du Saule, il a les fueilles d'O-
 liuier : mais vn peu plus deliees. Dioscoride en fait deux es-
 peces, l'vne qui porte les fleurs blanches & pourprines, l'aut-
 re qui les porte seulement pourprines, l'vne & l'autre ont
 la mesme vertu, quant aux venins, que nous auons don-
 nee au Calament. Le Polion a la mesme propriete, sçauoir Le Polion.
 est celuy qui vient sur les môtaignes qui est vne herbe blan-
 cheâtre, de dix pourcees de haut & plaine de graine: elle est
 touffue par le sommet en forme d'vne teste semblable a cel-
 le du lierre, ou il y a des petits cheueux blanchissans, côme
 ceux d'vn homme. Elle a vne senteur assez forte: c'est pour-
 quoy Nicadre la nommee à la fueille puante, & d'odeur mal
 plaisante : toutesfois ceste odeur n'est pas si forte qu'elle ne
 retienne quelque douceur. L'autre espee est plus grande &
 ne sent pas si fort, dont elle n'est de si grande vertu. Voyés
 Dioscoride en son 3. liure, & Pline apres Theophraste au 21. liure.
 liure, la ou il semble qu'il mesle le Polion avec le Tripolion
 contre la doctrine de Dioscoride, qui les a distingués. La Vi- La Viperie-
 perie que nous nommons autrement Buglosse sauuage en- re.
 tre toutes les autres herbes à grande vertu contre les serpens,
 & est ainsi nommee par les Grecs pour deux raisons : l'vne
 pourautant qu'elle porte la graine semblable à la teste d'vne
 Vipere, l'autre pourautant qu'elle guarist les morsures d'icel-
 les. Elle a la vertu, outre ceste cy, qu'estant beuë avec du vin,
 elle guarist les morsures des serpens. Et semble certainement
 que la nature ayt voulu aduertir les hommes de la propriete
 de ceste plante, quand elle luy a donné la graine semblable à
 la teste des serpens. nous parlerons de ceste herbe encores
 plus amplement cy apres. Les Crins Origaniers, c'est a dire les Les Crins
 fueilles d'Origan nommé autrement Mariolaine bastarde ont Origaniers.
 mesme vertu que celle que i'ay dicté. Origan est vne herbe
 en la description de laquelle les anciens autheurs ne font du
 tout d'accord, comme Theophraste, Dioscoride & Pline. Il
 y en a de trois sortes: l'vn nommé Heracleotique, l'autre Oni-
 tide,

tide, le troisieme sauuage, ainsi que le mesme Dioscoride a escript au 3. liure, là ou il luy donne ceste mesme vertu que fait Nicandre. L'organ heracleotique ou herculien a esté nommé conyle tout guarissant, ainsi que le mesme Nicandre l'a escript aux theriaques: là ou mesmes il en nomme vn autre Asne-fueille, pourautant que les Asnes en sont friads.

L'Auronne l'Auronne est aussi de mesme efficace. Il y en a de deux fortes; c'est a sçauoir le masle & la femelle: le masle a plusieurs tiges & les rameaux gressles, cōme l'Absinthe: la femelle est ceste plante croissante, comme vn petit arbrisseau, laquelle nous nommōs en France le petit Ciprés, ou particulieremēt Garderobe: il a les fueilles & rameaux blācheastres, comme l'Absinthe, & dechiquetés assez menu: il porte plusieurs belles fleurs au sommet en façon de petites testes resplendissantes comme l'or: & pourautant que les rameaux & les fueilles sont blancheastres, Nicandre a nommé les valles blanchies, au long desquelles ceste plante florist. **Le Serpolet.** Le Serpolet a la mesme vertu encontre les morsures des bestes venimeuses soit en bruage, soit en vnguēt. C'est vne herbe assez commune; les rameaux de laquelle touchants contre terre iettent des petites racines, se trainent & s'estendēt facilement en plusieurs endroits, comme descript fort bien nostre auteur; & pour ceste mesme occasion il dict qu'il serpente la terre, laquelle il succe, & qu'ainsi il est soigneux de sa vie. Dioscoride ne dict point qu'en ionchees elle chasse les serps: toutesfois ie croy qu'elle a ceste vertu, pourautāt qu'elle est chaude & poignāte comme a escript Galen au 6. des Simples. **La Pulciere.** La Pulciere nommee des Grecs, & des Latins Conize, a receu ce nom, pourautant qu'elle chasse les pulces. Il y en a de trois sortes, c'est a sçauoir, la grande, la petite & la moyenne: toutes ont la fueille semblable à celle de l'oliuier: mais vn peu herissée, grosse & espee: elles portēt vne fleur iaune, laquelle estant outree deuient en vne petite teste blanche, comme celle des charbons ou du Senneçon, les barbes de laquelle frailemēt s'euollent au vent. Entre ces trois especes Theophraste n'a congneu

gneu que la grande & la petite, qu'il n'ome malle, & femelle. Elles ont la force de chasser les serpens & les moucherons, & aussi de tuer les pulces, ou en fumigations, ou en ionchees, ou en vnguens: & ce, ou pourautant qu'elles sentent fort, ou bien qu'elles ont ceste propriété naturelle. Et quant est de l'Onogire que Nicandre dict auoir ceste force, ie n'en puis rien l'Onogire. affermer: car nous ne congnoissons point d'herbe qui porte ce nom, encores que Hesichie en ayt nommé vne certaine plante, laquelle toutesfois il ne declaire dauantage. Je me suis quelque fois trouué en compagnie de gents fort doctes en ceste partie de medecine, entre lesquels l'un me vouloit faire accroire que c'estoit l'Anagyre de Dioscoride, d'autant que Dioscoride & Galen escriuent qu'il est de forte odeur: toutesfois il ne me le peut persuader, d'autant qu'il l'Anagyre n'est ny espineux ny dentellé, ce que Nicandre a escript de cestuy cy Les rameaux du Grenadier ont aussi la propriété de chasser les serpens, plus, comme ie pense, par quelque vertu cachée Le Grenadier. que par ses qualitez, de laquelle toutesfois ne s'est souuenu Dioscoride, encore qu'il n'ait pas oublié facilement ce que Nicandre escript de la propriété des herbes. L'Asphodelle l'Asphodelle est vne plante laquelle a les feuilles plus grandes que le portreau, & le tige assez delicat: elle porte au sommet & un peu plus bas le long du tige vne belle fleur separée d'avec les feuilles d'une bonne coudée de longueur, dont elle semble estre comme vne petite teste sur un long col, & pour ceste cause Nicandre la nomme Asphodelle au long col. Ceste plante est assez commune en France, & a la vertu telle que luy donne nostre auteur, non seulement estant espardue: mais aussi estant prise par la bouche le poids de trois drachmes: ou appliquée sur la morsure des serpens, elle guarentist ceux qui en sont blessés. La Morelle aussi peut chasser les serpens, si La Morelle. nous croyons a Nicandre: toutesfois ie ne trouue point de raison naturelle qui luy donne ceste vertu, d'autant que toutes les quatre especes de Morelle, descriptes par Dioscoride au 4. liure, sont froides: come il est aisé de conclure par leurs effets,

effects, en quoy certainement elles sont familières aux serpens quant a ce point, ioinct qu'elles sont venimeuses. Toutesfois ie pense & faut croire (si nous voulons defendre nostre auteur) que cecy leur est propre pour quelque contrariété naturelle qu'elles ont contre les serpens, de laquelle nous nous sommes desia aidez en quelques plantes. La Garence peut auoir ceste vertu à cause de ses qualités: car selon Galien au vi. des Simples sa racine est poignée & fort amere au goust, dont nous pouuons facilement coniecturer qu'elle est chaude & seiche: ioinct aussi que Dioscoride escript, que ses rameaux & ses fucilles estans beuës avec du vin, ont la vertu de guarir la morsure des serpens. Autant en escript Plin au xxxiii. liure. Ceste herbe est assez commune à cause de son vsage qui est necessaire aux tainctures. Nicandre nous aduertist en passant d'une autre propriété qu'elle a, qui est, que sur le printemps lors qu'elle commence à leuer, si vn boeuf, ou taureau en mange, il deuient en fureur. Ce qui n'a point esté escript par ceux qui en ont parlé apres luy, en quoy ie m'esmerueille principalement de Plin, lequel se montre tant diligent à recueillir les miracles de nature. Le Pinet. Le Pinet que les Grecs & Latins ont nommé Pencedane, est vne herbe assez semblable au fenoil, la fleur de laquelle est iaune, & la racine est noire, grosse, d'une odeur forte & plaine de suc: elle est escripte par Dioscoride au iii. liure, ou il est dict qu'estant allumee, elle a la propriété de chasser les serpens. Je l'ay nommé Pinet à l'imitation du Grec, car la premiere sillabe signifie vn Pin, dont ceste herbe a esté ainsi nommée pour raison qu'elle a la fucille semblable au Pin. La plus part de ces remedes & de ceux de l'autre chapitre ont esté escripts par Lucain en son ix. liure de la guerre civile, quand il parle des gensdarmes de Caton, lesquels estans en l'Affrique entre les serpens, se mirent à bruster ces herbes, à celle fin que la nuit ils ne fussent endommagés.

LE MOYEN DE SE CONTREGARDER

DES SERPENS PAR VNGVENTS.

CHAPITRE. VI.



PAR le mot d'vnguent nous entendôs non seulement en cest endroit ce qui proprement se nomme vnguent, comme sont les compositions faictes d'huile ou de gresse: mais aussi toutes sortes de liqueurs, desquelles nous pouuons vsfer à frotter le corps, comme mesme la salieue de l'homme, de laquelle nous parlerons. Nicandre donques gardant l'ordre duquel i'ay parlé au commencement, apres auoir escript des fumees & des ionchees, il monstre le troisieme moyen pour se garder de la morsure des serpens, qui est par vnguent. Premièrement il nomme la graine de Cedre, de laquelle il sort vn suc gommeux, propre pour empescher la morsure des bestes venimeuses. Ce qu'elle faict encore d'auantage si on y adioust de la gresse, ou de la mœlle de Cerf, comme a escript Dioscoride au premier liure. Autât en dict Nicandre du Pinet & de la Pulciere meslee dedans l'huile avecque de la sauge, adioustât parmy la poudre, que lon aura rappee de la racine de Laser, qui est vne herbe selô Theophraste & Dioscoride, qui a le tige semblable à la canne: la fueille approchante assez de celle de l'Ache. nous n'en auons point en l'Europe, si ce n'est au mont de Parnasse. Elle croist en Syrie, Armenie, Mede & Lybie. les Grecs la nôment Sylphie, & les Latins Laserpitie. Si tu en veux veoir l'histoire plus ample, il faut lire ce que doctement en a escript André Matthioli en son commentaire sur Dioscoride. Il ne faut point douter que la Sauge qui est vne herbe assez commune, ne soit propre a cest effect, d'autant qu'elle est de complexion eschauffante: ce que Pline a aussi escript, l'ayant pris, comme ie croy, de Nicandre. La Salieue humaine, principalemēt celle

Le Laser.

La Sauge.

La Salieue de l'homme.

D 5

qui

qui est prise à ieun, estant cheute sur les serpens & autres bestes, lesquelles par leur venin sont cōtraires à la vie des hommes, les faict fuir ne plus ne moins que s'ils auoyent esté touchés avec de l'eau bouillante, comme escript Plin au huitiesme liure : car dict il, tous les hommes portent vn venin contraire aux serpens : ce que parauant luy auoit esté escript par Aristote. Galen au 10. liure des Simples parlât de ses propriétés, allegue nostre auteur, & dict qu'elle a ceste vertu, à cause de sa propre substance, & principalement estant prise à ieun (comme i'ay dict.) Cecy n'a esté oublié par le poëte Lucain en son 9. liure de la guerre ciuile, quand il dict :

*Auecque la salie il merque vistement
La partie du corps, ou le venin festend,
Empeschant ceste peste en la playe arrestée.*

N y par Lucrese, quand il escript :

*Il est donques semblable au serpent perissant,
Qui de sa propre dent est son corps depieçant,
Après qu'il est touché de la salie humaine.*

La Chenille.

VOILA comment la nature se monstre tant curieuse des hommes, que voyant qu'il n'y auoit rien qui luy fust plus cōtraire que les serpens, elle luy a donné le médicament & contrepoison propre pour s'en garder. Qui vouldra dauantage entendre ses autres propriétés, celui li se Galen en ce mesme liure. La Chenille meslee avec de l'huile faict fuir les serpens, comme a escript Dioscoride, au second liure. Je ne pourrois pas dōner raison de cecy, sinon ayant recours à la propriété q nature luy a dōné. Car cela ne viēt point de sa premiere naissance qui est selon Aristote au v. liure de l'histoire des animaux, prise sur les herbes, & principalemēt dessus les chous. La Maulue sauage, c'est à dire, celle laquelle croist sans estre cultiuée a ceste vertu, pour la mesme raison q dessus.

La Maulue sauage.

OR apres que Nicandre nous a monstré les simples, propres pour chasser les bestes venimeuses, il compose apres des médicaments vtils à son intention. Premièrement il faict des tourteaux ou trociques en ceste maniere : Prenez deux branches

branches de Garderobe (que nous auons nommé Auronne) & du Cresson Alenois, la pesanteur d'une obole, avec une poignée de graine de Carottes sauuages : puis pillés le tout ensemble dans un mortier, avec de l'huile ou de la mouelle de Cerf (ce qu'il n'a adiousté, le laissant à la discretiō du medecin :) puis faictes des tourteaux pour en vser en temps & lieu. Il descript par apres un vnguent tres excellent à cest effect : Prenez deux serpens (il entend deux viperes, car ce sont celles dont lon a acoustumé d'vsar aux compositions des medicaments propres contre les venins, selon Galen en son liure de la Theriaque) lors qu'ils sont en amour, c'est à sçauoir, sur la fin du printemps. Car par ces parolles il ne veut pas entendre si estroitement que lon les prenne à l'heure mesme qu'ils frayent. Item trente dragmes de mouelle de Cerf, avec trente six onces d'vnguent rosart, & autant d'huile d'oliue nouuelle meslee avec neuf onces de Cire. Au reste il escript la maniere de bien faire cest vnguent, à sçauoir de faire cuire les serpens, iusques à ce que la chair laisse les os, lesquels il faut oster, d'autant qu'ils sont venimeux : ie serois bien d'aduis, aussi que lon ostant la teste & la queuë selon le precepte de Galen : car en ces parties principalement le venin est contenu. car toutes choses seiches & chaudes sont contraires à la morsure des serpens, comme nous auons dict par cy deuant. Quant est de l'vnguent ou huile rosart, dōt Nicadre faict trois sortes : à sçauoir le premier, le moyen, & l'autre qui est du tout pillé, il n'entend autre chose sinon une maniere de faire cest vnguent, laquelle estoit en vsage de son temps. Le premier se faisoit avec une legiere infusion de roses : le moyen par une plus forte : & le tiers estoit quand on pressoit exactement les roses parmy l'infusion.

L'vnguent
rosart.

LA



Les Pleiades.

NICANDRE, pour ne laisser en arriere l'office d'un bon medecin, ne se contente seulement d'auoir enseigné le moyen de se contregarder des serpens par fumigations, par ionchees, & par vnguens: mais aussi il aduertist ceux, lesquels n'ayants les remedes presens, sont souuentefois cōtraincts passer par les lieux dangereux. Premièrement il les conseille de ne se mettre en chemin sans prendre le repas, pourautant que les parties nobles du corps (ausquelles le venin s'attaque principalement) n'estant encores soustenues par les viandes ne peuuent pas se defendre, cōme si elles estoient fortifiees: ioinct aussi que les veines & arteres non encores remplies de nouuelles viandes, laissent plus facilement entrer le venin: lequel trouuant comme la place vuide s'empare des principales parties du corps. En second lieu il commande d'euitter principalement les femelles, pourautant que leur morsure est plus dangereuse que celle des masles, à raison de leur gueulle qui est plus ouuerte, dont il aduiét qu'elles mordent plus asprement. Il veut aussi que lon se garde de cheoir entre les serpens alors que l'esté est en sa plus grande vigueur: car c'est lors qu'il y en a le plus, & qu'estans eschauffés ils mordent plus asprement. Il descript donc le commencement de l'esté par le leuer des Pleiades (qui sont six estoilles apparoissantes au ciel) lesquelles toutes ensemble sont nomées vulgairement la Poussiniere. Le premier cōmencement de l'esté se faict enuiron le septiesme de May, auquel iour quelques vnes commencēt à apparoistre, & le neufiesme iour elles apparoissent toutes, comme a escript Columelle: pour cesté raison Hesiodé les nomme messageres de l'esté, aux vers cités par Athenee, lesquels ont esté pris de son astrologie. Il dict aussi que le temps des moissons approche lors qu'elles apparoissent:

roissent : & qu'il commande de labourer la terre alors qu'on ne les voit plus . Pour ceste raison elles ont esté nommees Pleiades par les Grecs, d'un mot qui vaut autant que nauiger, pour autant que sur le commencement d'esté, lors qu'elles apparoissent, lon peut nauiger asseuremēt. Quelques autres veulent dire, qu'elles ont esté nommees Pleiades quasi Pleiones, c'est à dire, plus & dauantage: d'autant que encores qu'elles soyēt sept, si est ce qu'elles n'apparoissent que six euidentement, comme dict Arat & Hyginus. Il y en a donc plus & dauantage, qu'il ne s'en descouure. aussi Nicandre dict:

Quand tu vois dans les cieux les Pleiades leuer,

Qui en plus petit nombre se portent clèrement.

LES poëtes ont feinct qu'elles estoient sept sœurs, filles de Licurge, lesquelles furent mises par Iupiter entre les estoilles, pour recompense d'auoir nourry Bacchus. Quelques vns toutesfois d'entre eux disent qu'elles furent filles d'Atlas & de Pleione (dont elles ont esté nommees Pleiades:) leurs noms particuliers sont Electre, Alcionne, Celæno, Maie, Asterope, Taygete, Merope, dont la dernière ne se monstre point, comme estant encores vergongnee que toutes ses sœurs ont esté mariees aux dieux, & qu'elle seule auoit eu Sisyphes homme mortel pour mary: les autres escriuent que c'est Electre, laquelle ne pouuant regarder la ruyne de Troye se cacha, & depuis n'est apparue. Voy Ouide au IIII. des Fastes. Nicanre aussi nous aduertit de l'endroit auquel les Pleiades ont acoustumé se leuer, qui est sous la queue du Taureau, c'est à dire, sous la partie de derriere: car le Taureau (selon Arat) n'a que la partie de deuant, laissant le train de derriere imparfait. Il prend doncques la queue pour ceste partie imparfaite à la maniere des poëtes. Or apres qu'il a dict qu'il ne se faut trouuer entre les serpens lors que l'esté est commencé, pour les raisons que j'ay deduictes, il defend aussi de ne se trouuer la part ou l'Alteré niche avec ses petits: car se voulant defendre il endommage beaucoup. ce qui est aussi commun à tous autres animaux. Il se faut bien aussi garder de sa morsure

La queue au
Taureau.

L'alteré.

morsure lors qu'il cherche pasture : d'autant que la morsure du serpent estant ieun entamee dans le corps d'un homme ieun, est beaucoup plus dangereuse qu'autrement. Nicandre voulant parler de tous les serpens en general, en nomme vne espece pour toutes, c'est a sçauoir, l'Alteré que les Grecs ont nomme Dipse, à cause que ceux qu'il a mors meurent de soif sans pouuoir estre rassasies: nous en parlerons cy apres. Bref soit que les serpens soyent a ieun, soit qu'ils soyent saouls, soit qu'ils soyent niches, il faict bon de ne les rencontrer, & sur tout quand ils sont en courroux. Ce qu'il descript par vne fable prise du vulgaire (car les poëtes souuentefois se iouent en leurs vers de telles opinions communes, encores qu'ils sachent bien qu'elles sont fauses) laquelle toutesfois a esté en-suiuite & receue, comme vraye par Galen au liure de la Theriaque, là ou il allegue ce passage de Nicandre. La fable est telle. Les Viperes frayant ensemble s'entrelacent tellement qu'il semble que ce ne soit qu'un corps ayant deux testes, & lors le masle met sa teste dans la gueulle de la femelle, pour là dedans ietter sa semence: mais la femelle eschauffee, & comme furieuse luy tronçonne la teste, si l'est diligent de se sauuer: puis quand le temps viét, que les petits, estats parfaicts dans le ventre, ne peuuent trouuer lieu pour sortir, ils luy rongent le ventre & se font voye par le trauers, tellement qu'il semble qu'ils vangent la mort de leur pere. Pour ceste raison quand les Aegyptiens vouloyent signifier la femme haineuse de son mary, laquelle luy portoit seulement affection pour l'acte Venerien, ils peignoyent la Vipere, ils en faisoient autant lors qu'ils vouloyent donner à entendre le fils conspirateur contre la mere. Cecy toutesfois est faux, & a esté suiuy par Plin, faute d'auoir entendu le passage d'Aristote, car Aristote dict: La Vipere entre les serpens engendre un animal ayant premierement faict des œufs en son ventre. Ces œufs sont d'une seule couleur, couuerts d'une peau assez molle, comme ceux des poissons: le petit est engendré par dessus, & n'est enclos en vne dure escorce

escorce non plus qu'aucuns des poissons . Elle les met hors enuelpés dans vne membrane, laquelle se rompt le troisieme iour. Il aduient quelquefois que ceux qui sont dans le ventre sortent dehors, ayans rongé la membrane. Voila donc comment Aristote dict bien, que quelques vns rongent la membrane, de laquelle ils sont enuelpés : mais il ne dict pas q̄ ce soit celle de la mere. Ce qui me faict dauantage penser l'opinion de Galen & Plin estre fausse, est premierement l'experience de plusieurs sçauants personnages qui en ont escript, & l'autorité de Philostrate, lequel en la vie d'Apolonne Tyraneien dict, que le mesme Apolonne auoit veu vne Vipere viue, laquelle lechoit ses petits nouuellement nais: il sensuit donques qu'ils ne l'auoyent pas faict mourir.

OR Nicandre pouruiuant ce qu'il a entrepris, nous aduertist des lieux, ausquels les serps se rencontrent plus souuent, à celle fin de nous môstrer tous les moyens de les fuir. Othrys. Et dict qu'ils ont acoustumé d'estre sur Othrys (c'est vne montagne de Grece, laquelle il nomme, entendant par icelle toutes les autres) parmy les lièux peu hantez, aux grandes valees & aux bois, parmy les roches, là ou le plus souuent se Le Pourris-
seur. trouue le Pourrisseur (par lequel nostre autheur entéd toutes autres especes de serpens, comme il faisoit par cy deuant en nommant l'Alteré) & dict qu'ils sont tous dissemblables en couleur: les vns pourautant qu'ils ont esté tout au long de l'hyuer au plus profond d'un terrier, ont amassé par dessus leur peau quelque mouffe semblable à la couleur du terrier dans lequel ils ont niché. Et pour ceste raison il dict qu'ils ressemblent au lieu qu'ils tiennent couuertement : les autres plus petits se tiennét dans les cailloux, & dans les monceaux de pierres, qu'anciennement on auoit acoustumé d'amasser Les pierres
de Mercure. par les carrefours à l'entour des images de Mercure, qui là estoient aussi communement que auioirdhuy les croix par les chemins, comme ie croy pour monstrier les adresses aux passans. Les autres sont semblables à la couleur des coquilles des limaçons, les autres sont tous verds, & les autres sont


tous

Riolés-pio-
lés.

touts Riolés-piolés, c'est à dire, bigarrés, comme estats peints de plusieurs & diuerses couleurs, & mesmes quelques vns se messans parmy le sable, en retiennent la couleur. Il faut doncques estre fin & cauteleux en cest affaire, à icelle fin que nous ne soyons trompez, par la dissimilitude des couleurs, & que pensans marcher ou sur l'herbe, ou sur le sablon, nous ne marchions sur vn serpent qui nous en face couster la vie.

DE L'ASPIC.

CHAP. VIII.



Ασπίς, ASPIS, ASPIC.



PRES que nous auons parlé en general tant des remedes propres pour se contre-garder des serpens, que de la nature des bestes venimeuses; il est necessaire que nous en discouriõs en particulier: à celle fin que d'autant que la guarison est quelque fois dissemblable pour la diuersité des serpens, nous soyons plus prests & asseurés de sauuer nostre vie, con-
gnoissant la nature d'un chacun, tant par la description que
Nican-

Nicandre nous en donne, que par les accidents, lesquels ont acoustumé d'accompagner leurs morsures. Il parle donc premierement de l'Aspic, que les anciens autheurs ont distingués en trois especes : c'est a sçauoir en terrestres nômés par les Grecs Chercees: en hyrondiniers, ainsi nommés, pourau-^{Trois especes d'Aspics.} tant qu'ils sont noirs par le doz, & ont le ventre blanc à la façon d'une hyrondelle. Les troisiemes sont les Cracheurs. Les terrestres entre tous sont les plus grands, & s'estendent souuent iusques à la longueur de cinq coudees, ou bié d'une aune, comme dict Nicandre: ils sont de couleur cendree, & quelque fois tirant sur le vert, comme est la couleur du fresne. Les hyrondiniers sont longs d'une coudee, ils representent, comme j'ay dict, la couleur des hyrondelles: & se trouuent volontiers au long des riuieres, principalement pres les bords du Nil, qui est vne riuiere passant au trauers de l'Ægypte, & coulant par sept bouches dans la mer Mediterranee. Ceux cy ont l'astuce, ou plus tost vne naturelle preuoyance de se retirer avec leurs petits hors de la riue du Nil trente iours auant qu'il desborde, & se sauuent aux lieux plus hauts iusques ausquels la riuiere ne puisse atteindre. Car le Nil, sortant hors de ses bornes d'an en an, sert d'arrouser toute l'Ægypte, laquelle autrement seroit infertile. Les Cracheurs sont les plus grands de tous, & ont la couleur grisastre & verdoyante, tirant quasi sur la couleur d'or. quand le Cracheur veut endommager quelqu'un, il va tirant le col, comme mesurant l'espace qui est entre deux: & comme s'il auoit quelque raison de discerner combien il luy faudra cracher loing pour l'atteindre. de l'une de ces trois especes d'Aspics, côme dict Ælian, la roine Cleopatre se fait mordre, aymant mieux mourir en estat de roine, que viure & estre menee en triumphe comme vne captiue. La morsure de l'Aspic terrestre est tant dangereuse & pernicieuse, que en quatre heures tout au plus, elle apporte la mort. celle de l'Hyródinier en vn instant, & celle du Cracheur vn peu plus tard que les autres: car il aduient premierement vn troublement de la veüe, vne

E

enfleure

enfleure de la face, & vne sourdesse, puis apres la mort. Elle est aussi tellement dangereuse que mesme Moyse la nomme incurable, en son Cantique. Dauantage en tous trois cecy est commun, que la playe qu'ils laissent en la peau est si petite, que le plus souuent elle n'apparoit point a l'œil. ce qui aduiuent à cause que le venin est subtil, & qu'en peu de temps il gangne iusques au plus profond du corps. Ainsi ne s'arrestant a la peau il n'y apparoit qu'un petit trou, semblable à celui que feroit vne esguille. Ce ne fut donques sans raison qu'il estoit difficile de congnoistre la cause de la mort de Cleopatre, laquelle tout expres s'estoit fait mordre par l'Aspic pour n'endurer grand douleur en mourant. Ce que Nicandre a fort bien escript quand il dict:

*La morsure en la chair aussi n'apparoist point,
Ny l'indomptable enfleure eschauffee, en ce poinct
L'homme meurt sans douleur, la paresse endormie
Aussi en la parfin donne fin a sa vie.*

LVCAIN a rapporté au vif ce mesme passage quand il dict en son IX. liure.

*Et toy Lene pauuret qu'un venin attaché
Par un serpent du Nil se veit estre caché
Jusqu'au fond de ton cœur, bien que la playe vrgente
Avec vne douleur ne fust apparoussante,
Pourtant tu descendis aux enfers en dormant,
Prenant la mort subit par l'esblouissement.*

LE Cracheur a cecy de particulier outre les autres, c'est que non seulement sa morsure est venimeuse: mais aussi la salliue qu'il crache sur le corps: car elle est si subtile que les pertuis de la chair sont suffisans pour luy seruir de passage. Or l'histoire de nostre autheur parlant de l'Aspic se doit seulement rapporter au terrestre & au Cracheur, si nous auons quelque esgard aux propriétés de chacune espee. Car il descript un serpent paresseux d'autant qu'il se traine dessus la terre tantost d'un costé, & tantost d'un autre: ce qui ne se peut attribuer a l'Hyrondinier, lequel n'a qu'une coudee de long.

long. Il est bien vray que ce qu'il dict, que tousiours ils filent les yeux, & qu'ils semblēt sommeiller, ayans des bossettes par dessus, cela se peut rapporter à tous trois, & semble auoir esté faict par la bonne nature, laquelle considerant le dommage que feroient ces bestes, si elles veoyēt cler, leur a osté la subtilité de la veuë, les recompensant toutesfois en l'ouye. Dauid au 55^e. Pseaume luy donne vne propriété telle, que lors qu'il sapperçoit de l'enchanteur: il se bouche l'aureille avec le bout de sa queue, ce qui semble difficile à croire, toutesfois nous ne luy deuons desroguer du tout en cest endroict, comme possible escriuant poëtiquement. Tant pour les raisons de deuant que pour la maniere de mourir de ceux qui en sont blecés, Lucain l'a nommé Aspic porte-sommeil, quand il dict:

L'Aspic porte-sommeil avec son gros gosier

La premier des venins mist dehors le poussier

La teste qu'il leua.

QUANT est des quatre dents que nostre poëte dict estre attachees dans la machoire des Aspics, cela peut estre commun aux trois especes, pourueu qu'il s'entēde des femelles: Car les masles n'en ont que deux, comme nous pouuons facilement tirer d'Aesse, quand il dict: qu'en l'endroict de la morsure faicte par le masle, il apparoiſt deux petits trous, & quatre en celle de la femelle. Lesquelles, cōme tous autres serpens, ont leur venin enfermé dans vne petite peau qui est sous leur langue, & laquelle couure vne partie de leur dets. C'est pourquoy Nicandre a dict:

Venin qui seulement deſſous la peau se monstre.

Av reste nous adiousterons cecy de la nature de l'Aspic, c'est qu'il y a vne si grande amitié entre le masle & la femelle, que si l'aduiant que l'un deux soit tué, l'autre ne cessera iamais de poursuyure celuy qui en aura esté la cause iusques ad ce qu'il ait vangé sa mort: & mesmes ne craindra point d'entrer au milieu d'une grande assemblée d'hommes, pour choisir entre tous le meurtrier de sa partie. C'est pourquoy

E 2

les

les Rois d'Aegypte auoyent anciennement acoustumé de faire peindre des Aspics en leurs diademes, pour monstrier que tout ainsi que l'Aspic est ferme & stable en son amour, ainsi leur Royaume seroit ferme & stable entre tous ceux du monde.

Nous auons dict au commencement de ce liure, qu'entre les venins il y en a quelques vns, lesquels s'attaquēt particulièrement à quelques parties du corps : ce que certainement nous pouuons dire de cestuy-cy, lequel se monstre entre autres ennemy capital du cerueau, comme nous pouuons iuger par les accidens qui l'ensuyuēt, comme est le sommeil, selon nostre autheur, le fillement des yeux, ainsi qu'a escript Dioscoride, & vn eslourdissement & estonnement, vne couleur passe par tout le front, vn refroidissement, vn continuel baillement, vne pesanteur de teste, & vne paresse, comme escript Aesse : tous lesquels, bien qu'ils soyent suffisants pour faire grand' douleur, toutesfois ils ne se sentent par le malade, à cause du profond sommeil, lequel luy lie tout autre sentiment. Mais à fin de contenter le lecteur, i'adiousteray en cest endroict (comme aussi en tous autres) la particuliere guarison de l'Aspic, encores que Nicandre n'ait donné que la generalle. Il faudra doncques apres le general precepte des playes faictes par les serpens, à sçauoir la ventouse, ou le cauterer, ou l'incision (dont nous auons parlé au chap. i.) mettre dessus la playe de la Centauree avec de la myrrhe & vn bien peu de suc de Pauot, ou bien de la Theriaque.

Dv

DV RAT DE PHARAON ENNEMI
DE L'ASPIC. CHAPITRE IX.



ἰχνημῶν, Ichneumon, Rat de Pharaon, ou Cercheur.



N CORES que ce ne soit mō but de parler d'autres bestes que des venimeuses, toutesfois ie feray en cest endroit vn petit chapitre par maniere de digression : car l'adresse & subtilité du Rat de Pharaon ou Cercheur, bien qu'il soit petit entre les animaux, a esté cause que toutesfois & quantes que les auteurs ont parlé de l'Aspic, ou du Crocodile, incontinent ils se sont souuenuz de luy.

LE Rat de Pharaon est nommé par les Grecs & par les Latins qui ont retenu le mesme nom, Ichneumon. ce qui se pourroit tourner en nostre langue Cercheur, d'autant que le mot grec le signifie. Il a esté ainsi nommé pourautāt qu'il va cherchant les œufs tant de l'Aspic que du Crocodile, pour les casser & destruire. quelques vns aussi l'ont nommé Rat d'Inde, & vulgairement Rat de Pharaon. C'est vne petite beste longuette, semblable à la Blette; ainsi q̃ doctemēt & dextremēt nostre poète a descript : elle a vne longue queuē semblable a celle des serpens, comme dict Opian, & se tient plus souuent dans les marests & roseaux, qui suyuent le courant de la riuiere du Nil. C'est pourquoy quelques vns l'ont nommé le Loutre du Nil: car tout ainsi que les Loutres de la Frâ-

E 3

ce sont

Tartare.

Sirien.

Léchant.

ce font la moitié du temps en l'eau, & moitié en terre: ainsi est le Cercheur en Aegypte. Il est ennemy mortel de l'Aspic & du Crocodile, & non seulement de ces bestes viantes, mais aussi de leurs œufs, lesquels il rôpt & les hume. Pour ceste cause le Rat de Pharaon estoit anciennement honoré par les Aegyptiens. Nicandre dict bien qu'il hume ceux de l'Aspic, toutesfois Aelian escript en son septiesme liure, parlant à ce propos, qu'il ne hume pas ceux du Crocodile, mais seulement qu'il les casse, & par ce moyen il empesche la fecondité d'iceux, laquelle autrement seroit suffisante pour remplir toute l'Aegypte. Alors qu'il veut aller combattre contre l'Aspic, il se jette en la boue, ou bien au deffaut d'icelle, il se plonge dedás vne riuiera, & va frapper du corps tout iusques au fond (que Nicandre nomme Tartare: car par ce mot on entend toute profondeur à l'imitatiō de l'enfer que les poëtes nomment Tartare) & là il remplit toute sa peau de fange laquelle il vient apres seicher au soleil (nommé Sirien d'un mot qui signifie seicher, & ce pourautant qu'il deseiche) puis l'ayant deseichee, & se sentant vestu quasi comme d'un corselet, qui ne peut estre fonsé par la dent du serpent, il commence à se combattre avec l'Aspic, lequel trayant la langue (dont Nicandre le nomme léchant) se defend en vain: car l'assailant se sentant couuert, le prend à la gorge, ou bien il l'entortille avec sa queue, & le faict rouller dans le fleuve. La façon par laquelle il combat & dompre le Crocodile, me semble encores estre de plus grande finesse (s'il est vray ce que lon en escript) car se couchant par terre en quelque lieu, auquel il ne peut estre apperceu, il attend iusques à ce qu'il void le Crocodile seendormir à gueule ouuerte, dans laquelle il se jette de plain saut, & descent iusques au plus profond des entrailles par le gosier qui est assez ample, ioinct qu'auparavant il festoit brouillé le corps avec du limon du Nil, lequel estât gras l'aide à mieux couler dans le gosier: là il luy commence à ronger les boyaux & le tourmenter: par ce moyen ce grand animal vaincu de douleur se jette tantost dans le Nil, tantost se re-


se remet au sec, & toutefois il ne peut mettre ordre à ce mal, qu'il porte, quelque part qu'il se pense sauuer. Ce temps pendant le galant est dedans, lequel pour tout cela n'endurant aucun mal l'attaque dauantage encontre les boyaux qui luy seruent de douce viande iusques a ce qu'ayant faict mourir le Crocodile, il s'en retourne en son lieu acoustumé. Ce combat, premier a esté descript par Pline au viii. liure, & par Strabon en son xvi. liure parlant de la iurisdiction Arsemitiade. L'un & l'autre a esté diuinemēt rapporté au vif par Opiā, & par Aelian au iii. liure des animaux. Or a fin que lon puisse veoir la description du combat qui se faict entre le Rat de Pharaon & le Crocodil, i'ay retourné les vers Grecs du mesme Opiā, lesquels sont au iii. liure de la chasse, & ay laissé expressement celuy de l'Aspic, d'autant que nostre autheur l'a descript amplement.

*Le Cercheur est petit, toutesfois il merite
Pour sa force & vertu & prudente conduite
D'estre parangonné aux plus grands animaux:
Pourtant qu'il faict mourir les serpens plains de maux,
Les Crocodils aussi dangereux & nuisibles,
Qui sur le bord du Nil apparoiſſent horribles:
Car lors que quelqu'un d'eux s'endort profondement
Ouuant son grand Chaos dentellé triplement,
Et de ses grosses dents la diuerſe cloſture,
C'est lors que le Cercheur, caut & fin de nature,
Les obserue de pres regardant de trauers
De ce grand animal les boyaux tout ouuerts.
Puis il se va veautrer dans la boue & le sable,
Et passant la largeur du gosier effroyable,
Il s'escoule subit, & gaillard & accort
Il entre d'un grand cœur par le ſueil de la mort.
Lors d'un ſomme profond le pauvre se reſueille,
Et portant dans ſes flancx ceſte eſtrange merueille
Du mal ineſpéré, il ſe met en ſureur,
S'esoulant çà & là: ore en la profondeur*

Du fleuve retiré, & ores sur la greue
 Il s'estend tourmenté du grand mal qui le greue.
 Mais l'autre ce pendant beaucoup moins soucieux
 Se recrée en mangeant vn repas doucereux,
 Qu'il arrache a loisir des enuirs du foye:
 Puis le soir approchant sortant il se faict voye,
 Et laisse le corps vuide. O le Cercheur prudent
 Combien grande est ta force & ton miracle grand!
 Qu'elle audace a ton cœur ! combien as tu de peine
 Mettant ton petit corps contre la mort prochaine !

DE LA VIPERE.

CHAPITRE X.



LA Vipere est vne espece de serpet, distin-
 guée en male & en femelle, encore q pour
 signifier l'un & l'autre nous n'ayons rete-
 nu que ce mot Vipere, ensuyuant les La-
 tins: comme aussi nous auôs plusieurs au-
 tres mots, lesquels comprennent & le ma-
 le & la femelle, comme le pigeon, le
 moyneau, la blette & autres semblables. Ce que tourefois
 les

les Grecs (que lon faiçt vn peu plus riches en diçtions que nous ne sommes pas) ont signifié par deux mots, Echis & Echidne, par le premier entendant le malle, & par le second la femelle. Les Latins l'ont nommee Viperæ, pourautant qu'elle seule entre les serpens engendre ses petits viuants, comme a escript Nicandre, quand il diçt parlant de la Vipere :

Car entre les serpens

Seule dedans son corps ses petits elle porte:

Mais les autres serpens les ont en ceste sorte:

Ayant ponnu des œufs au milieu des forests

Leur fruiçt encoquillé ils couuent parapres.

OR comme par la diuersité des pais les homes font differents en hauteur & corpulance, à cause de la chaleur naturelle, qui est ou plus forte, ou moindre aux vns qu'aux autres: ainsi les animaux & toutes autres choses viuantes selon le diuers climat font dissemblables. C'est pourquoy Nicadre diçt que quelquefois les Viperes sont longues, & quelque fois petites. Les petites & plus courtes sont en l'Europe: à cause que estans froides de leur naturel (comme sont les autres serps) la nature du climat plus froid que celuy de l'Asie empesche & tient quasi comme trop enfermée & obfusquée le peu de chaleur naturelle qu'elles ont: & qui est cause de l'accroissance de chascun animal. Ce que toutesfois n'aduiet pas aux homes des froides regions (lesquels sont volontiers plus grands que les autres) à cause que l'homme chaud de sa nature, par le froid exterieur est resserre, tellement que ceste chaleur faicte plus forte, & ayant nourriture à l'equipolent, s'estend en forte au dedans du corps, que quant & quant soy elle agrandist chascun partie d'iceluy. Cela n'aduiet point a ceux des regions chaudes, pourautant que la trop grande chaleur exterieure, ouvrant les pertuis du cuir, faicte éuanouir par iceux la pl'part de la chaleur naturelle, laquelle au lieu d'estre resserree s'esuanouit en sueurs & autres euaporations, & par consequent n'est suffisante pour cuire autant de viandes necessaires, qu'il en faudroit pour agrandir dauantage

Pourquoy
selon la diuer
sité des pais
les homes
& autres ani
maux sont
ou plus grâds
ou plus pe
tits.

E s

le

le corps. Aussi nous voyons les homes des pais froids manger beaucoup dauantage q̃ ceux des regions chaudes à cause que, comme i'ay dict, ils ont leur chaleur naturelle beaucoup plus forte. Voila donques cōment la chaleur de l'Asie supplée au deffaut de la nature froide des Viperes, & la froidure de l'Europe empesche l'accroissement d'icelles. Mais quād nostre auteur nōme les Viperes blāches, c'est a dire, pasles & blāchastres tirans plus sur le blanc, que sur le noir, & lesquelles sont cornues par les deux naseaux, il entēd les Cornus, dont nous parlerons au prochain chap. lesquels sont semblables aux Viperes, excepte qu'ils ont des cornes. Toutes ces sortes de Viperes sont en abondāce dans les mōtagnes de l'Europe, c'est à sçauoir de Sciron, de Pannone, de l'Aselen, de Corace, & de Rippe. Sciron entre les autres est vne mōtagne pierreuse, assise en Grece pais d'Athenes, ainsi nōmée a raison q̃ les poētes ont escript q̃ les oz d'un brigand nōmé Sciron furent conuertis en ceste montagne, apres qu'il fut vaincu par Thesee. Voy Ouide au 7. de la metamorphose. Les Viperes plus longues se nourrissent en Agages, Bucarteron & Cercaphe mōtagnes d'Asie, dans lesquelles il s'en trouue d'une aulne de longueur. Il s'en trouue aussi selon Aelian en la Troglodite pais d'Ethiopie, lesquelles ont 17. coudees de long, & selō Strabō il y en a en Iude, lesquelles ont neuf coudees. Or nō seulement les Viperes sont dissemblables a cause de la diuersité des regions, mais aussi a raison de celle du sexe: car la femelle a le derriere de la teste & le vētre beaucoup pl' large q̃ le malle, & si a la queuē beaucoup plus courte sans chair, & plaine de rudes escailles: elle ne s'amenuise pas petit à petit: mais tout d'un coup elle se racourcist. Et pour ceste cause se trainant par les bois, elle ne peut pas se haster si viste, que si elle estoit plus longue, mais elle fayde de la queuē le plus qu'il luy est possible. Parquoy aux femelles seules ces vers de Nicandre, appartient, & non aux males, lesquels il descript incontīnēt apres.

La teste par derriere apparoit assez large,

Elle tire dessus son premier ployement

Montagnes
d'Europe

Sciron.

Montagnes
d'Asie.

une

Vne queue accourcie assez horriblement.

Plaine d'escaille rude: aux forêts elle dresse

Puis deçà, puis delà son train plain de paresse.

ELLES ont aussi dedés la gencive quatre dents, desquelles elles mordét, c'est pourquoy nostre auteur dict qu'elles mordent de toute la gueule. Mais le masle est dissemblable a la femelle, d'autât qu'il a la teste plus pointue, & le corps pl^{us} long (iaçoit qu'entre les masles les vns soyent plus longs q^{ue} les autres) il a aussi le col plus gros, le vêtre plus menu, & la queue beaucoup plus estendue commençant de plus loing à s'amenuiser vers le bas: elle est plaine d'escailles toutes vées de force de se trainer, lesquelles il herisse non autrement que faict vn chien courroucé, ou vn porc espic. Alors qu'il est irrité, il a les yeux flamboyans: & léchant (c'est a dire, tirant la lague) il monstre Lechant. vne langue fourchue. Les passans & ceux qui voyageoient, le nommoient anciennemēt en leur iargon, le Cocyte, qui est vn mot inuēté a plaisir, ainsi q^{ue} nous en voyons plusieurs entre le vulgaire, lesquels ne sont en v^{sage} entre ceux qui sont estimez des mieux disans. Pour ceste raison celuy qui a faict le commentaire Grec sur Nicadre dict q^{ue} le vers qui s'ensuit, n'est de nostre auteur, mais plus tost adiousté inconsiderement.

Le Vipere Cocyte il est dict du passant.

TOUTEFOIS il sy peut rapporter le prenant en la façon que i'ay dict. En outre le masle n'a q^{ue} deux chiendents (touts les autres sont cachez dans les gencives) là ou la femelle en a quatre (comme nous auōs dict.) Les dents apparoiſſants non seulement aux Viperes, mais aussi aux hōmes nommees vulgairement œilleres, pourautāt qu'elles ont la racine fort longue & qu'estāt arrachees elles esmeuēt quelque cōpassion a l'œil: ces dents, dis-je, sont particulieremēt nommees par les Grecs Chinodondes, c'est a dire, Chiendertz, a raison qu'elles Chiendents. sont semblables a celles qui apparoiſſent aux chiens en façon de brochettes. Voila la descriptiō de nostre poëte expliquée le plus facilemēt qu'il m'a esté possible. Quant est des portraits q^{ue} i'ay faict mettre cy dessus, ils ont esté faicts sur deux Viperes

Viperes vifues que Iehan du Bois apoticaire de ceste ville m'auoit donné : les ayant faict apporter de Poitiers tout expres avecque plusieurs autres, dont il a faict les trocifques qui entrent en la composition de la Theriaque. Elles estoient en tout & par tout semblables à la description de Nicandre: & pour ceste cause ie pense qu'elles estoient vrayes Viperes, tant par leur corpulence que par les accidents, que nous déclarerons cy apres. Or apres que Nicandre a descript la Vipere masle & femelle, incontinent il enseigne les accidents, lesquels ont acoustumé d'apparoistre incontinent qu'elles ont blessé. Premieremēt il sort de la playe vne humeur huilleux, quelque fois sanglant, & quelque fois tirant sur le passe entre noir & blanc: ce qui aduient par la cōtagion du venin, lequel entrant dedans cōmence a corrompre les humeurs qui sont en la partie destinés pour la nourriture d'icelle. En outre toute la partie s'enfle, nō seulement icelle, mais aussi tout le corps (comme dict Dioscoride) ce qui aduient de l'eschauffeur des humeurs; car incontinent qu'ils sont eschauffez par vne chaleur non naturelle ils s'enflent, commençants cōme desia à bouillir & à se transformer en cholere, ainsi que tesmoigne la couleur de tout le cuir, laquelle apparoit quelque fois verdoyante, quelque fois pourpree, & quelque fois morne, qui sont couleurs toutes tendātes à pourriture: comme aussi lon peut coniecturer des ampoules semblables à celles qui sont faictes par la brulure, lors que la peau laisse la chair de dessous, & ainsi que lon veoit communement aux corps pourrissants. Or comme ainsi soit que les hoquets soyent quasi comme vne conuulsion de l'estomach, laquelle se faict, ou par vne trop grande repletion d'humeurs, ou par trop grāde euacuation, ou par vne subite & inegale repletion, ou pour autāt que dedans iceluy il y a quelque humeur poignāt qui le picque, ou bien pour autāt qu'il sent quelque froidure: certainement il ne se peut faire que l'estomach, sentant l'humeur corrompu par la malignité du venin, ne sefforce de ietter dehors ce qui luy est nuisible: & ne se pouuāt descharger

Ampoules.

Hoquetz.

ger de ce fardeau trop importun, il s'esforce aussi, tellement que redoublant les hocquets, il cause vn bruit dedans la gorge. De ce mauuais humeur il s'esleue iusques dedans la teste vne fumee maligne, laquelle faict des estourdissemēts & vne pesanteur de teste: puis là dedans se fondant & apres s'espar-dant par tout le corps, & ayant affoibli les nerfs: le rend tellement debile, que le malade se pense estre appesanty de la moitié: ioinct aussi que ceste pesanteur se faict, pourautant que par la malignité du venin les humidités du corps sont fondues en chaque partie. Et pourautāt que le venin s'atta-que particulièrement aux parties nobles (comme i'ay dict) il s'escoule par les grosses veines, lesquelles sont le long des reins: puis il entre dedans le foye, & là estant il brulle telle-ment qu'il rend non seulement vne douleur en ceste partie: mais aussi par la fiebure ardente il desseiche en telle sorte les polmons & autres parties voisines, qu'il est necessaire qu'il ensuyue vne soif non extindible. Et apres que ce malheur s'est faict place dedans le corps, & qu'il a gaigné la bataille contre nature, il met en auant les fruiçts de sa victoire, qui sont les signes de la mort prochaine: car les ongles refroidis-sent tant par le defect de la chaleur naturelle, que par les es-prits conducteurs d'icelle: lesquels estans retirez aux parties nobles pour la defense d'icelles, sont non seulement retenus là comme prisonniers, mais aussi miserablement ils y sont estouffez, dont il aduient que le corps refroidi en ses parties de dehors, sent comme vne gresle qui le gelle, laquelle tou-tefois le faict trembler, pourautant que par ces parties il y a tousiours de l'humeur picquant, lequel tourmentāt les nerfs est cause de ce tremblement tempestueux. C'est pourquoy Nicandre la nomme gresle gelant & tempestueuse. Ceste affection n'est en rien dissemblable à ce grand tremblement & clicquetis des dents, qui se faict lors qu'une fiebure tierce veut empoigner vn homme: sinon que la cause de ceste cy n'est pas venimeuse cōme est l'autre. En telle façon toutes les parties du corps affoiblies, voire du tout dōptees, laissent fa-cilement

Gresle gelant
tempestueu-
se.


cilement couler ce qu'elles tiennent en foy, dont il aduient que l'estomach plain d'un humeur colere (car ce venin a la force de muer tout le sang en cestuy-cy seul) engendré non seulement la dedans, mais aussi étant reçu du foye (lequel se pense descharger ceste part) commence à laisser aller ce meschant humeur qui est tout grommelenx, & quasi comme caillé. Les autres membres aussi laissent sortir le peu d'aliment qu'ils auoyent, lequel étant conuertty en sueur se coule froid, comme neige par tout le corps. Et lors la couleur apparoit plombee, quelquefois perse, & quelquefois toute verdoyante, comme la fleur qui se fleue sur l'airain chanfi. Le tout toutesfois pour la diuerse cōplexion du corps mourant se faict en iceluy en moins de sept heures, si la Vipere qui a faict la playe est femelle, ieune, amoureuse, & à ieun, comme par cy deuant nous auons annoté en la morsure de tous serpents. Si c'est vn masle vieil, refroidi & repeu, & que l'homme soit de bonne cōplexion, certainement il ne mourra pas si tost: mais aura plus d'espace pour preueoir a sa guarison. Il nous faut donc noter en toutes morsures de serpens, le sexe, l'age, la fureur, la ieunesse, la grandeur, la force, le lieu auquel ils sont nourris, & le temps auquel la blessure a esté faicte. Car s'il est esté, & que le lieu auquel ils ont esté nourris soit sec & qu'ils soyent grands & forts, sans doute ils seront plus dangereux. La plus part de ces accidents suruint a vn apoticaire lequel fut blessé dauanture par l'une des Viperes, dont i'ay mis le pourtraict cy dessus, & lequel ayant seulement iecté vne goutte ou deux de sang par la picqueure non plus grande que celle de la poincte d'une esguille, fut enuiron vne heure sans se mal porter. toutefois non seulement le doïd qui estoit blessé luy enfla avecque vne grand douleur: mais aussi toute la main en moins de rien, & gaigna tellement l'enflure, qu'elle eust en peu de réps couru par tout le corps, si ce n'eust esté qu'elle fut arrestee au dessous de la ioincture de l'espaule par le conseil du medecin qui y fut appelé, & qui y feit appliquer des remedes commodés. Ce nonobstant

enuiron

environ six heures apres il luy suruint vn vomissement fort amer,& vn froid par tout le corps,excepté la main & le braz, avec vn boursoufflement, lequel toutefois ne dura gaire, pourautant que lon y meit ordre de bonne heure. ce qui est d'autant esmerueillable que nostre climat est froid, & que c'estoit en hyuer.

Les remedes contraires aux morsures des Viperes, sont les crottes de chiens petries avec du vin, & mises en forme d'emplastre par dessus la playe, ou du laurier, de l'aurne, du Galban, de l'Origan vert, des Poussins mis en deux & appliquez subitement,& plusieurs autres medicamēts ordōnés par Dioscoride en son vi.liure. Quant est de ceux qui se doiuent prendre par la bouche, sont vne obole de presure de lieure beuē avec du vin, ou dix onces de suc de poreau, les poreaux mesmes, les aulx, les oignons,& par sur tout la Theriaque, laquelle on faict communement chez les Apoticaire.

DV CORNU. CHAP. XI.



Kepasie, Cerastes, Cornu.



LE Cornu, que les Grecs premierement, & les Latins a leur imitation ont nommé Ceraste, a receu ce nom, pourautant qu'il porte deux petites enleueures dessus le front assez pres approchantes des cornes de Limaçon, sinon qu'elles sont plus massives & plus fortes, ainsi qu'a escript *Ælian* en son

son ix. liure, & comme Nicandre a dict parlant de la Vipere (car aussi le Cornu semble estre vne espece de Vipere.)

En Europe elles sont courtes, blanches, cornues

Par le bout des naseaux.

Cauteleux.

IL s'en trouue quelques vns qui portent quatre pareils cornichons, & quelques vns huit, come ont escript les Arabes: desquels ils faident non plus ne moins que d'une amorce attrayante pour prendre les petits oiseaux. Car ils se cachent tout le corps dedans le sable, & ne monstrent autre chose que leurs cornes pour amorcer les oisillons, lesquels se iettent dessus, comme sur quelque viande propre pour leur vie: & pour ceste raison Nicandre les nomme cauteleux. Le Cornu a vne coudee de longueur, ou deux tout au plus, & porte vne couleur grisastre ou cendreuse, toute telle que la couleur d'un lepreux. Il a le ventre couuert d'escailles mises les vnes apres les autres: ce qui est cause qu'en s'escoulant il fait vn petit bruit semblable au siffler. Il semble que Nicandre vueille qu'il y ait deux sortes de Cornus, quand il dict parlant d'iceluy:

Deux cornes il soustient desquelles il fassere,

Et quatre quelquefois, dont l'autre est imparfait.

CE qui a esté escript par l'interpretateur, quand il dict expliquant ce passage, qu'il y a vne sorte de Cornuz, lesquels sont nommes par les Grecs imparfaits, pourautant qu'ils n'ont point de cornes, ou bien que s'ils en ont, elles n'apparoissent pas tant qu'aux autres. Ceste interpretatió ne me semble pas estre hors de propos, & de ma part ie l'aymerois mieux suivre qu'une autre: car Auicenne dict en son 1111. liure, au chapitre du Cornu: Il y a vne espece de Cornus, que lon nome Racourcis, pourautant qu'ils ont leurs cornes fort courtes, ou bien qu'elles leurs sont desja cheutes: ioinct aussi qu'ils sont plus petits & plus courts: ils ont grandes machoires au regard des autres, & pour ceste cause ils sont nommes Machoiriers. Toutefois si lon veut rapporter cecy aux Viperes, on le pourra faire: d'autant que nostre autheur fait comparaison

paraison de la Vipere avec le Cornu, a celle fin que lon les puisse distinguer l'un d'avec l'autre en ceste sorte: la Vipere se traine tout droit, alors qu'elle se haste pour assaillir quelque passant: ce qui se fait d'autant qu'elle est grosse & courte, ne se pouuant si facilement ployer. Mais le Cornu ayant les escailles distinguees les vnes d'avec les autres, cōme celles d'une Carpe, se courbe facilement en la figure d'une S tout ainsi comme un esquif, lequel estant agité du vent Africain, est contrainct de se destourner de sa droite voye, & de chancelier puis ça puis là, la part ou le pousse le vent. Pour ceste raison Lucain parlant de ces serpens dict:

Le Cornu vagabond a l'eschine ployante.

IL ne fera hors de propos d'adiouster en cest endroit ce qui a esté laissé par les anciens touchant la nature des Cornuz, puis que nostre intention est de discourir sur la nature des serpens. *Ælian* dōques a escript que les Cornuz sont tellement amis des *Piliens* (qui sont habitans de la Lybie non gaire loing des *Garamates*) que iamais ceux de ceste nation ne sentent leur morsure, ausquels tant s'en faut qu'elle soit dommageable, que mesmes ils ont la vertu de pouuoir guarir ceux qui ont esté blecés par les Cornus. Ceste propriété des *Piliens* n'a esté seulement enuers les Cornus, mais aussi enuers toutes sortes de serpens, si nous pouuons a bon droit croire ce qui en a esté escript par *Plutarque* en la vie de *Caton*. Car *Caton* passant par les deserts de Lybie, lors qu'il fuyoit deuant l'armée de *Iules Cesar*, & se voyant en danger des serpens qui d'heure en heure faisoient mourir les soldats, n'eut meilleur moyen que d'auoir recours aux *Piliens*, lesquels sucçoient la playe de ceux qui estoient blecés, & par quelques enchantemens charmoient tellement les serpens, qu'ils n'auoyent aucun pouuoir de mordre. *Lucain* l'a escript, quand il dict:

Vne nation seule en la terre est viuante,

Qui ne crainct des serpens la morsure meschante:

Elle en la langue seule a le mesme pouuoir.

F

Que

*Que d'une herbe puissante on pourroit recevoir.
Ces hommes sont nommez Psiliens Marmacides,
Qui n'ont senti couler par leurs veines humides
Un venin, voire sans aucun enchantement:
La nature du lieu les faict asseurement
Vivre entre les serpens sans craindre leurs morsures.*

Le mesme a esté escript par Nicandre, ainsi q̄ dict Aelian, lequel allegue des vers en son seizieme liure, pris, cōme ie pense, de quelque liure qui n'est venu iusques en nostre temps. Cecy sembleroit fort estrange & presque incroyable, si il n'auoit esté escript par Plutarque, Herodote, Aule Gelle, & Crinite. Vne mesme chose a esté escripte par Pline de quelques habitans d'Italie nommés Marsiens, lesquels de leur seule saluie peuuent guerir les morsures des serpens: ce que toutefois semble estre faux: car avec ce que aujourdhuy il ne s'en rencontre aucun par toute l'Italie qui ait ceste vertu (si ce ne sont quelques imposteurs lesquels se vantent d'estre de la lignee de S. Paul), Nous lisons en Galen au liure de la Theriaque, que les Marsiens de son tēps n'auoyent rien de ce q̄ leur attribue en ceste part. Et quant est de ce qu'aujourdhuy il se trouue quelques vns, lesquels manient les Viperes & autres sortes de serpens venimeux sans en receuoir aucun mal, cela certainement se faict par vne fraude, & non par quelque proprieté qu'ils ayent, quoy qu'ils s'en vantent. Car mesme dés le temps de Galen quelques hommes prenoient des Viperes long temps apres le printemps, lors qu'elles auoyēt desia ietté le plus dangereux de leur venin, puis les acoustumoyent & apriuoisoeyēt si bien, que par viandes non acoustumées ils leur faisoient changer en partie leur nature venimeuse, & avec ce les faisoient mordre dans des gros morceaux de chair, ils tiroient le venin de leurs dents, & par le moyen de quelques autres compositions, qu'ils leurs faisoient remordre sur l'heure, ils estouppoyent les cōduits par lesquels le venin a acoustumé de sortir: tellemēt qu'encores qu'elles mordissent, si est ce que la morsure n'estoit dangereuse, &

par ce

par ce moyen ils se faisoient admirer, comme si cela eust esté fait miraculeusement. Mais pour reuenir à noz Cornus, i'adiousteray ce qu'en a dict le mesme Aelian, & quelques autres touchât la familiarité, qu'ils ont avec les Psiliés: c'est, que lors qu'ils ont soubçon de la pudicité de leurs femmes, & qu'ils craignent que leurs enfans ne soyent bastards, ils ont acoustumé de mettre l'enfant duquel ils doutent, dedans vn tonneau plain de Cornus, & lors si l'enfant est legitime, il n'aura aucun mal; si il est bastard, il sera mis à mort par les serpens. à ce propos quelque poète a escript parlant d'un Atir Psilien:

Atir sceut de poison les serpens desarmer,

Et les Chesneaux tardifs il sceut aussi charmer,

Puis avec les Cornus il esprouuoit la race

Dont on estoit en doute.

Ces choses ainsi discourues, nous reuiendrons à ce que principalement nous auons entrepris en cest oeuvre. Et puis que la nature du Cornu a esté amplement deduite, il nous reste de parler de signes, lesquels apparoiſſent apres la morsure, & desquels aussi nous auons parlé au chapitre precedent. Car les mesmes accidens suruenants à la morsure des Viperes, se manifestent aussi en celle des Cornus, n'estans en rien dissemblables; sinon que ceux cy sont plus grâds & plus forts que les autres, comme dict Aesse, à cause que le venin des Cornus est plus actif, non toutesfois si subit: car celuy qui en est attainct, peut durer iusques à neuf lumieres qu'aura fait le soleil, comme dict Nicadre: c'est à dire, neuf iours, là ou la morsure de la Vipere ne dure que trois iours. Et outre ces accidens, qu'ils ont communs avec les Viperes, ils en ont aussi de particuliers, à ſçauoir, vne petite dureté, laquelle vient à l'endroi de la morsure semblable à vn Cor (qui est

Neuf lumie-
res.

Vn Cor.

vne dureté qui vient entre les ortueils des pieds, & est ronde & endurcie, comme la teste d'un clou) ce qui se fait par la malignité du venin endurcissant le cuir entamé. Or en cest endroi certainement il me semble qu'auicenne & Har-

F 2

douin,

douin, qui l'a ensuiuy, n'ont pas entendu la sentence de Nicandre, quand il dict :

Pres la playe cruelle au lieu qu'il aura mors


Vn cor tout endurci prendra naissance alors

Ressemblant a vn clou.

CAR il semble qu'ils ayent voulu expliquer cecy d'une douleur poignante, comme si vne esguille ou vn clou y estoit fiché; ce qui ne se peut ainsi entendre, ou la sentéce de nostre autheur est faulse, quád il dict, que la morsure ne faict grand douleur, ce qui ne seroit vray si elle estoit pareille a celle, en laquelle on pense auoir vn clou attaché, dans vn des mēbres du corps. Aussi ny Dioscoride, ny Aesse n'ont escript cest accident, ains seulement ont ensuiuy Nicandre, quasi de mot à mot, en adioustant quelques accidents dont il n'a parlé. Et quant est de la douleur des aines & jarets, qui est aussi vn accident suruenant, cela se faict tant par le retirement des gros nerfs, lesquels passent par ces parties, que pourautant que les humeurs d'icelles se fondent & amortissent. La cause des ampoules & de la couleur ternie de tout le corps suruenant apres ceste morsure, se peut tirer du chapitre precedēt. La cause aussi du troublement d'esprit, de l'esblouissement des yeux, de l'enfleure des leures, dont ont parlé Dioscoride & Auicenne, vient des humidités de la teste, lesquelles se fondent, s'espandent par tout le cerueau, & cheent sur les leures. Mais l'extention du membre viril (comme de toutes les autres parties) vient à cause de l'affection des nerfs retirez & tenduz plus que de coustume, pour la maligne chaleur qui les deseiche, non plus ne moins qu'en grandes chaleurs nous voyons les chordes des lutz s'estendre dauantage, & aucunes fois se rompre.

OR incontinent que la morsure sera faicte, il faudra ou couper la partie blecée, ou la scarifier, & appliquer dessus toutes choses bruslantes, & vsr de mēmes remedes qu'en la guarison de la Vipere.

D v



Αἱμόρροος,, Hemorrhous, Coule-sang.



LE Coule-sang a esté nommé par les Grecs & par les Latins Hemorrhoe: ce mot est fait de deux conioinés ensemble, a sçavoir, d'un qui signifie sang, & d'un autre qui signifie flux, lesquels assemblés signifient Flux de sang, ou Coulesang. La raison pour laquelle il a esté ainsi nommé, est pourautant que le sang coule par tout les pertuis du corps de celui qui en est blecé, ainsi comme nous dirons cy après. Le Coule-sang donc est vn petit serpent de l'espece des Viperes, comme veut Aelian, il fait sa demeure dans les caueres pierreuses, il a vn pied de longueur comme le Cornu, & en largeur tout depuis la face, ou la teste (que Nicandre nomme flammante à cause qu'il a les yeux fort ardents, comme a escript Aesse, & semblables à ceux du Sautereau) depuis la teste, di-ie, iusques au bout de la queue, il s'amenuise tellement, qu'en longueur & largeur il est plus petit que la Vipere. Il a la couleur fort reluisante, quelquefois grisatre, comme la cendre, & sablonneuse, ainsi qu'Aesse & Auicenne ont escript: Car le sablon communément tire sur le gris. Auicenne a adiousté dauantage, qu'il a le doz marqueté de taches noires & blanches. Il a le col fort estroict au pris de la Vipere, sa queue commence dès le nombril, ce qui s'apperoit pourautant que dès cest endroict elle s'amenuise fort, come si elle se coupoit du demourant du corps, ainsi q' dict nostre autheur.

Flammante.

— On void sa queue estendre
 Dés l'endroiçt du nombril, qui petite se rompt
 Se faisant plus menue.

EN deux choses il ressemble au Cornu, dont nous auons
 parlé au chapitre precedent : la premiere en ce qu'il a deux
 petites cornes blâches dessus le front, lequel il herisse mie-
 vrement, c'est à dire subitemēt tantost deçà, tātost dela, avec
 vne grande enuie de faire mal. La seconde est en ce que il
 ne se conduiçt pas droiçt, ainsi que nous auons dict de la Vi-
 pere: mais il va rampāt en la façon d'un petit ruisselet lequel
 s'esleue dedās vne prairie & represente la figure de la lettre
 S. comme faiçt le Cornu. Il rampe aussi en la maniere qu'est
 porté vn nauire sur la mer, c'est à sçauoir selō que les vagues
 l'esleuent tantost haut, & tantost bas: il hausse la partie de de-
 uant lors que le derriere est abaissé: & au contraire il l'abaif-
 se lors que l'autre s'esleue. Pour ceste semblance Nicandre a
 vsé du mot de nauigage entendāt le ramper du Coule-sang,
 quand il diçt:

*Du milieu de son doz son nauigage il tire
 Pressant son ventre en terre.*

EN ceste façon aussi, qui est a doz rompu, nous voyons rā-
 per les Chenilles, & les vers par les iardins, quād apres qu'ils
 ont aduancé en vndoyant la partie de deuant elles affer-
 missent contre terre leur ventre, & puis ils tirent la partie de
 derriere. Le masse se recongnoist d'avec la femelle; nō seule-
 ment par les accidens dont nous parlerons, mais aussi par le
 marcher: car il va tousiours leuant la teste, & s'appuye sur le
 ventre, & puis il tire le train de derriere: mais la femelle s'app-
 puye sur le derriere vers la queue; dont elle pousse tout le
 train de deuant. Les accidens, lesquels suyuent incontinent
 apres la morsure du masse, sont premierement vne couleur
 de la partie blecée, laquelle est hors du naturel tirant sur le
 noir, à cause de la chaleur naturelle estaincte par la maligni-
 té du venin, lequel luy est ennemy mortel. Puis il ensuit vn
 mal de cœur, c'est à dire de l'estomach, lequel a esté ainsi
 nommé

nommé par les anciens, & encores au iourd'huy par le vulgaire, qui sentant mal dans l'entree ou dans la faille de l'estomach, dict qu'il a mal au cœur: ainsi Nicandre a dict en ses contrepoisons parlant de l'Aconite:

*Puis dedans la poitrine instable se mouuant,
Ca & là vagabond il va l'homme aggrauant,
Qui sent le mal au cœur. & puis mordant sans cesse
L'estomach bondissant & ouuert, il s'adresse
Vers l'entrée, qu'aucuns ont appelé le cœur,
Ou bien de l'estomach le large receueur.*

CE mal de cœur aduient, pourautât que l'estomach estât vne des principales parties du corps, facilement se resent tant du venin ennemi capital d'icelles, que de la passion des autres parties: & principalement en maladies venimeuses, ainsi que nous voyons aduenir en la peste, laquelle est suyvie incontinent par les vomissements, qui ne se font pour autre cause que pour la mauuaise disposition qu'il sent: Il aduient aussi d'abondant vn flux de ventre, ce qui a esté signifié par nostre autheur, quand il dict, que le ventre est plain d'eau & qu'il coule. Car à la maniere des poëtes voulant dire que le ventre est humide, il dict qu'il est plain d'eau, pourautât que nous n'auons rien qui soit plus humide que l'eau. Cecy se faict tant à cause que l'estomach debilité ne peut faire son debuoir, que pourautant q les veines esparées, par les boyaux laissent couler le sang, lequel meslé parmy les viandes non digerees est cause de ce flux de ventre. En outre de tous les autres pertuis du corps, non seulement de ceux lesquels sont naturels, comme le nez, l'oreille, le col, c'est à dire la bouche: Le Col. à laquelle est aboutissant tant le pertuis de l'estomach, que celui des polmons, mais aussi de ceux qui ne sont naturels, il se faict vn flux de sang: & mesmes si le corps a quelquefois receu vne playe, encores qu'elle soit refermee, elle se r'ouuira, & d'icelle sortira le sang: ce qui se faict par la propriété du venin, laissé dans la playe apres la morsure du serpent: dont Galen dict en son liure de la Theriaque, que le Coule-sang

est vn

F 4

est vn

est vn des serpens, lesquels font vn endommagement aux hommes tel, que leur nom mesme le tesmoigne. Ce qui a fort bien esté descript par Lucain en ses vers.

*Vn cruel Coule-sang vint mordre de malheur
Tulle le bon soldat iouuenceau de bon cœur:
Et comme la couleur du saffran de Coryce
S'espand deça delà: ainsi l'estrange vice
Du venin qui rougist va ruiselant dehors,
Comme si c'estoit sang sortant de tout le corps.
Les larmes estoient sang: & par toute ouuerture
Que l'humeur reconnoist, sortoit outre mesure
Vn grand ruisseau de sang. la bouche semplissoit
Et les larges naseaux: la sueur rougissoit:
Les membres estoient plains de veines escoulantes,
Et tout le corps n'estoit que de playes sanglantes.*

OR la raison pour laquelle les vieilles playes du corps se rentament, est escripte par nostre autheur: car avec ce que le venin a la propriété de faire sortir le sang (ce qui se fait comme ie pense, pourautant qu'il le fond & le dissout) il a aussi la vertu de deseicher tellement la chair, & la peau, que de grande secheresse elle se rompt: ainsi que nous voyons en esté la terre se fendre & creuasser de trop grande chaleur, & principalement par les endroicts, lesquels ont esté autres fois rompus: ce que Nicandre a monstre, quand il dict:

*sous les membres domptez
Par la chaleur du corps la playe renouuelle.*

A V E C tous les accidents, dont i'ay parlé, il y suruiuent encores vn grand enflammement des genciues, lesquelles se pourrissent, vn grincemét ou branlemét ou cheute de dents sanglantes, avec vne effusion de sang par les ongles non seulement, mais aussi par les coings des yeux, ainsi qu'en escript Aesse, depuis que la morsure a esté faite par la femelle. Et pour ceste cause Nicandre admonnest sur tout de se garder du Coule-sang femelle. Il y a encores beaucoup d'autres accidents, selon les Arabes & Aesse: comme vne courte aleine,
vne

vne difficulté d'vriner, la voix perdue, avec vne pasmoison :
lesquels viennent par la trop excessiue euacuation du sang,
& des humiditez du corps, dõt les nerfs & muscles desseichés
ne peuuent faire leur office: car par iceux se retire l'aleine, se
faict la voix, & l'vrine se iette dehors. Or apres q̃ Nicandre a
descript le corps du Coulefang & les accidets, lesquels suiuent
sa morsure, à celle fin d'enrichir son œuvre d'une gentile in-
uention, il dõne raison pourquoy le Coule-fang & les Cornus
marchent à doz rompu, ainsi qu'il a dict parlant du Coule-fang:

Et comme le Cornu

Il coule de trauers tousiours son corps menu.

LA fable donc qu'il raconte est telle. Menelaüs apres la
destruction de Troye, ayant recouuert sa femme Helene, &
se voulant retirer en la Grece, vint poussé par la tempeste du
vent d'Aquilon, surgir en vne des bouches du Nil, laquelle
de ce temps fut nommee Canobe, du nom de son Pilote nommé Canobe. Ce Canobe se voulant rafraischir sur le sable
Thonien, ainsi nommé à cause q̃ pour lors regnoit en Égypte
le Roy Thonis, marcha de fortune sur le col d'un Coule-fang,
qui se sentant offensé le mordit, dont apres le pauvre Canobe mourut. Helene marrie de sa mort, y accourut subitemet,
& de cholere marcha si rudement sur le doz du serpent, qu'elle
en feit sortir toute l'espine, & les nerfs qui lient les rouel-
les ensemble: & tout depuis ceste heure là les Coule-fangs &
les Cornus ont glissé de trauers, & à doz rompu. Je n'ay point
veu ceste fable en autre autheur ancien, que j'aye leu, si ce
n'est en Aelian, lequel a pris quasi de mot a mot ce que Ni-
candre a escript du Coule-fang: bien est vray qu'elle a esté
prise de cest endroict par Ronfard en vn Sonnet qui est au se-
cond de ses amours, quand il dict:

Le sang fut bien maudit de la hiden se face,

Qui premier engendra les serpens venimeux:

Tu ne debuois, Helene, en marchant dessus eux

Leur esrafer les reins, mais en perdre la race.

OR les remedes desquels il faut yser pour se guarétir, sont


F 5

les sca-

les scarifications & brulures. Voire si la partie blecée le peut endurer, il sera beaucoup plus expediēt de la couper du tout en tout, & mettre dessus des cataplasmes qui soyēt poignāts & fort attirans. Au reste il faudra vser des mesmes choses que nous auons dictes au chap. precedent.

DV POURRISEVR.

CHAP. XIII.



ΣΗΨ, Σεπιδών. Seps, Pourrisseur.

LE pourrisseur que les Grecs & les Latins se seruans de mesme mot, ont nommé Sepedon, a esté ainsi nommé, pourautant que le corps de ceux, qu'il a touché, est incontinent pourry par la malignité de son venin: ainsi que nous auons des-ia escript au chap. 7. là ou nous auons dict, que les Grecs le nomment Sips, non pas que pour cela nous deussions penser, que celuy duquel parle Nicandre vn peu deuant que de escrire l'Aspic; soit autre que cestuy-cy. Car avec ce que les deux mots Grecs ne signifient qu'une mesme chose, nous ne trouuons point que nostre poëte en ait fait diuerses descriptions, ioinct aussi que les mesmes accidens suruenants à la morsu-

morsure du Pourrisseur, qu'Aelie nomme Seps, sont ceux
 mesmes, desquels a parlé Nicandre en la descriptiō du Pour-
 risseur nomme Sepedon. Et avec cecy encore nous ne trou-
 uons que Pline ait parlé d'autre serpent que du Sepedon, ny Σηπιδων.
 Dioscoride que du Seps. ce qui me faict croire que Seps &
 Sepedon sont vne mesme chose. Il est bien vray que Aelian
 en a faict deux chapitres, toutesfois par ce qu'il escript du
 Seps au xvi. liure, il semble qu'il ne l'ait distingué du Sepe-
 don: car ce sont les mesmes accidents qui suruiennent apres
 la morsure. Il y a deux sortes de Pourrisseur: l'une est vn ser-
 pent semblable au Coule-sang, c'est à sçauoir, ramenuisant
 tousiours petit à petit, depuis la teste iusques au bout de la
 queue, ainsi comme Nicandre l'a escript. L'autre est nommé
 le Laifart calchidique, pourautant qu'il ressemble au laifart:
 ainsi qu'on peut facilement tirer du second liure de Diosco-
 ride au chapitre du Pourrisseur, & du cinquiesme liure cha-
 pitre du Vinaigre. Car au second liure il nomme vn Pour-
 risseur Laifart calchidique, & au cinquiesme vne espee de
 Viperes. Ce que André Matthioli homme fort bien experi-
 menté en la congnoissance des Simples, a prouué de Nican-
 dre mesme, lequel dict incontinent apres qu'il a descript les
 especes des Scorpiōs au liure des Theriaques, que le Pourrif-
 seur a vn petit corps semblable aux petits laifarts. Il sensuit
 donques qu'il est dissemblable de cestuy-cy, duquel Nican-
 dre a escript en ceste sorte:

Regarde à celle fin que bien tu le congnoisse

Le corps du Pourrisseur, qui est tout ressemblant

À cel du Coule-sang.

Q V A N T est de l'autre Pourrisseur, nous en parlerons en
 son endroit. Le Pourrisseur donc est semblable au Coule-
 sang (quant est en la façon du corps) excepté qu'il ne se cou-
 le point de trauiers comme l'autre: mais plustost tout droit
 comme la Vipere. ce que certainement n'a pas esté entendu
 par Aelian au xviii. chap. du xv. liure: là ou voulant re-
 tourner de mot à mot les vers de Nicandre, & en ayant bien

enten-

entendu vne partie, il s'est trompé en l'autre: car il dict bien que le Pourrisseur est semblable au Coule-sang, & que sa queue semble petite lors qu'elle se remue. Mais quand il veut expliquer ces mots de nostre autheur, il entend esgalemēt le haut courbé, Aelian l'attribue à la façon de marcher & dict: Il se coule par tournoyement, tellement qu'il trompe les yeux de ceux qui le regardent, & qui ne peuuent iuger de sa grandeur. Et toutefois Nicandre n'a entendu ce courbemēt de tout le corps, mais seulement de la queue, laquelle le Pourrisseur esleue en haut & la retortille, cōme fait vn pourceau, de façon que lon ne peut iuger, si elle est courte ou longue. Et autrement ne s'accorderoit ce passage de nostre autheur avec ce qu'il a dict vn peu deuant: a sçauoir que le Pourrisseur ressemble au Coule-sang, excepté qu'il va d'un marcher tout contraire. Or est il ainsi que le Coule-sang va en tournoyant: il sensuit dōques que le Pourrisseur n'y va pas. Il y a vne semblable faute au viii. liure de l'histoire de Pausanias, là ou descriuant la mort d'un nommé Aegypte Roy d'Arcadie, il dict qu'il fut blecé par le Pourrisseur, lequel il figure comme il sensuit. Ce serpent, dict il, après la Vipere est le plus petit de tous, il est de couleur cendree, & distingué de taches, separees les vnes des autres. Il a la teste large, le col estroict, le ventre gros, & la queue courbe. Cestuy-cy & vn autre serpēt nommé le Cornu, se coule obliquement à la maniere des Cancres. ce sont les mots de Pausanias, lequel dict auoir veu le Pourrisseur: toutesfois il faut, ou qu'il s'abuse, ou que Nicandre se soit abusé. Il est bien vray que le Cornu marche obliquement (comme aussi nostre autheur a escript) mais cestuy-cy ny marche pas. Parquoy attendu que le principal but de Nicandre est de monstrier les serpens, desquels non seulement il entendoit la nature par continuel estude: mais aussi par les auoir veuz (car autrement il ne les eust si biē descripts) ie suis d'aduis que nous nous arrestiōs plustost à luy que de croire ce que Pausanias a escript au contraire. Mais reuenons à la description de nostre serpent. Il est, comme i'ay dict,

dict, semblable au Coule-sang, excepté qu'il va droict, & qu'il n'a aucunes cornes. Il est de couleur passe & blafarde, ou bié de diuerfes couleurs : ce que Nicandre nomme couleur de tapis velu, quand il dict :

Tapis velu.

*vne couleur semblable
A vn tapis velu dessus sa peau s'estend.*

L'interpretateur Grec veut que ce soit d'une couleur de carlate, pourautant que cōmunement, dit il, les tapis sont de ceste couleur, toutesfois i'ay opinion, d'autāt q̄ les tapis sont faictz le plus souuēt de diuerfes couleurs, que nostre autheur a plustost voulu dire, que le Pourrisseur fust de diuerse couleur, comme sont les tapis. Aussi Auicenne dict que le Pourrisseur, lequel il nōme en sa langue Helsin, porte tout au long du corps des rayes de diuerfes couleurs. ce qui m'a esmeu de dire que ceste couleur pourroit estre passe & blafarde, a esté pourautant qu'Athenee alleguant vn poëte ancien, dict que vne femme qui a peur est de couleur d'un tapis. Or est il ain-si que la peur, est incontīnēt. s'uyuie d'une couleur palle, par-quoy il semble que ce soit la couleur des tapis anciens, & cer-tainement ceste raison ne me semble pas impertinente : Car Aesse au chapitre du Pourrisseur dict, qu'il a beaucoup de marques blanches esparfes par tout le corps.

Les accidens qui s'uyuent sa morsure, sont premieremēt vne grande douleur, laquelle se faict à cause du venin qui est bruslant & pourrissant entre tous : puis vne cheute vniuer-selle de tout le poil qui est sur le corps : ce qui se faict a cause que le venin espars non seulement dans les parties interie-u-res, mais aussi exterieures, pourrist la racine du poil & s'espa-dant par tout la peau, il la rend blanchastre. Ceste maladie est nommee par les Grecs alphe, & par les Latins vitiligo, & principalement en quelques endroicts il s'esleue vne couleur plus blanche & aspre, laquelle gaignāt au profond rend tou-te la peau mal coloree : ceste espece comprinse sous la pre-miere maladie est nommee des Grecs & des Latins Leuce. Et pourautāt que nostre langue n'est si riche en ses mots que

*Αλφες.
Vitiligo.*

Λευκοί.

sont

font les Grecs, i'ay esté cōtrainct, retournât Nicādre, d'vser de plusieurs parolles pour les signifier. Outre ces accidēts Aesse en a adiousté encores plusieurs autres, comme le flux de sang par la playe (ce qui est cōmun en toutes blessures) & peu apres vne bouë puante, & vne enfleure en la partie, à raison de la pourriture, laquelle commence & laquelle gaigne tellement tout le corps, q̄ la chair pourrissante se cōsume en peu de tēps. Cecy a este fort bié declaré par Lucain au 9. liure, quād il dict:

*Vn petit Pourrisseur hānement s'attacha
 Dans la iambe a Sabel, qui subit l'arracha,
 Et avecques vn dard l'enfouit dans le sable.
 Ce serpent est petit, mais beaucoup dommageable,
 Et ne s'en trouue point qui porte plus de mort:
 Car autour de sa playe on void la peau qui sort
 Descouvrant l'oz tout blanc: la playe estoit ouuerte,
 Sans chair, dont elle fut a l'entour reconuerte:
 Le corps nageoit en bouë, en qui de sia couloit
 Tout le gras de la iambe, & le iarret estoit
 Despouillé de sa chair: les muscles de la cuisse
 Se lachoyent quant & quant, & distilloit ce vice
 Hors de l'aine pourrie: & la peau qui soustient
 Le ventre en son estat qui les boyaux retient
 Se rompoit, & laissoit les entrailles coulantes.
 Mesme autant ne sortoit de ces eaux pourrissantes
 Qu'il en eust peu sortir: car ce brasier cruel
 Brusloit par tout le corps, & le venin mortel
 Ramassoit tout en peu, faisant vne ouuerture
 De la creuse poitrine, & de tout la tiffure
 Des costes & des nerfs, & du cœur entaché,
 Et de tout ce qui est dedans l'homme caché.
 Nature estoit ouuerte estrangement destruite
 Par ceste estrange mort. puis d'une mesme suite
 Les espaulles, le Col, & la teste, & les bras
 Fondoyent & s'escouloyent du haut encontre bas,
 Plus viste qu'au midy vne neige coulante,*

Ou qu'un

On qu'un soleil bien chaud la cire n'est suyuante.

VOYLA comment par la maligneté de ce venin pourrissant non seulement les esprits sont vaincus : mais aussi tout le corps est consumé, comme si le feu y auoit passé. Et veritablement cela est commun au venin de ce serpent non seulement, mais aussi à toute pourriture, laquelle est participante en quelque chose d'une matiere venimeuse. Ainsi que nous voyons aduenir en temps de peste suyuant incontinct apres les pluyes : car on experimente ordinairement que la partie en laquelle apparoitra la peste, ou le charbon, ou quelque autre apostume, se pourrira tellement, que le plus souuent avec la vie le membre est du tout consumé, comme Hippocrate a bien escript en son .i. liure des Epidimies, que plusieurs perdirent la peau, la chair, les nerfs & les os, voire tout un bras, ou toute une autre partie, apres que l'annee eut esté toute pluuieuse & pourrissante. Au reste les remedes doiuent estre semblables à ceux que nous auons escripts au chapitre de la Vipere & du Cornu.

DE L'ALTERE. CHAPITRE XIII.



Aspès, Dipsas, l'Alteré.



L'ALTERE que les Grecs & Latins ont nommé Dipsas, a esté ainsi nommé pourautant que ceux qu'il a blecés, endurent une alteration non estindible. Ce serpent est une espece de Vipere, selo quelques uns, ou d'Aspic selo les autres. Aesse le nome espece de vipere qui se rencontre es lieux mariti-

ritimes d'une coudee de long, & s'amenuise tousiours depuis la teste, iusques au bout de la queue : elle est marquetee de roux & de noir par tout le corps, elle a la teste fort estroite: toutefois l'Alteré est dissemblable de la Vipere pour deux raisons: la premiere est, qu'il fait plustost mourir celuy qu'il a blecé: la secóde qu'il a des petite, merques noires enfoncées dans la queue. c'est pourquoy Nicandre a escript:

La forme à l'Alteré est tousiours ressemblante

La petite Vipere, & celuy qu'il aura

Blecé de son venin, bien plustost sentira

Le destin de la mort: sa gresle queue obscure

Noircist depuis le bout.

AVICENNE dict qu'il a le col fort gros, & tout le dessus du doz noiraistre, iusques au bout de la queue. Il dict aussi qu'il habite en Lybie & Syrie, côme aussi a escript Galen en l'unziesme liure des Simples, pourautant que ces Regiões sont plus seiches que les autres. Les avant-coureurs de la mort, lesquels se descouvrent apres la morsure, sont une grande seicheresse & enflammement, non seulement des parties de dedans, mais aussi de celles de dehors: ce qui aduient par la grande seicheresse du venin, lequel avec ce qu'il s'espend par tout le corps, il change aussi facilement en sa nature tout le sang, tellement que encores que le malade boiue sans cesse, si est ce qu'il ne peut estre rassasié, côme mesme Moyse a escript au Deuteronomie. Car ce temps pendant le venin se pourmene par les veines, dont il aduient que seichant tous les conduits du corps, & les bruslant, il les fait retirer tout ainsi qu'on void le parchemin, & le cuir se retirer deuant le feu. Parquoy les conduits tant de l'vrine que de la sueur estoupez, ne permettent que l'eau excessiuement beüe soit euacuee, dont il faut necessairement que le ventre se rompe pour luy donner passage. De la les Égyptiens voulans signifier une grande soif, peignent le serpent nommé l'Alteré. Or Nicandre voulát enrichir son poëme d'une plaisante digression, ainsi que font souuentefois les poëtes, donne la raison

son

son pour laquelle les serpens deuestēt tous les ans leur peau (comme desia nous auons dict au commencement de ce liure) & dont il vient que l'Alteré a la propriété d'esimouoir vne telle soif en l'homme qu'il a blecé. Il dict donques qu'après que Iupiter fils aîné de Saturne, nommé le Temps, eut donné en partage la Mer à Neptune, & les enfers à Pluton, ses deux freres puisnez: il donna aux hommes mortels le don de ieunesse, les voulant congratuler tant pour son entree au royaume des Cieux, que pour autant qu'ils auoyent prins en haine & descouuert le larcin de Promethee, lequel au desceu de Iupiter auoit derobé le feu du ciel (comme ie remarqueray au second liure.) Or ainsi comme ils se sentirent lassez de porter la ieunesse, ils la chargerent dessus vn asne, que nostre authœur nomme blanc ventre, à cause qu'il a le ventre blanc, comme aussi Theocrite a nommé le Bouc en quelque passage, pour ceste mesme raison. Le pauvre asne donques ayant long temps cheminé, deuint alteré, & passant aupres de vne fonteine, il veid l'Alteré gardien d'icelle, lequel il pria de luy permettre qu'il beust: ce que le serpent ne voulut accorder, que premieremēt il n'eust la ieunesse, que l'asne portoit: tellement que les hommes frustrez du don qu'ils auoyēt receu de Iupiter, ont vieilli depuis ce temps, & les serpens ont raieuny toutes les années. Vray est que l'Alteré receut la soif de l'asne avec la ieunesse: dont il aduiēt que ceux qu'il blece, endurent ceste mesme maladie & l'accident que j'ay desia expliqué, & lequel a esté descript ingenieusement par Lucain en son ix. liure. Ceste mesme fable a esté aussi descripte par Aelian au xv. liure des animaux. Lucian prend occasion de la nature de ce serpent pour faire vn Dialogue, qu'il enuoye à ses amis: là il descript fort bien son port & sa nature, & les accidents qui suyuent sa morsure, l'ayant transcript du passage de nostre authœur, lequel mesmes il allegue. Quāt est des remedes, ils doiuent estre pareils a ceux, desquels nous auons parlé au chapitre du Coule-sang.


Le Temps.

Le desrobeur du feu.

Blanc-ventre.

G

DE



Χερσὺς ποῦ, Cherhydus, Eauterrier.



A nature diuerse de l'Eauterrier a fait qu'il a esté nommé de diuers noms : car pourautât que tout au long de l'hyuer & du printemps il se tient dans les estangs & marests: les Grecs luy ont donné le nom de Hydre, c'est à dire, Aquatique, & les Latins celuy de Natrix, qui est autant que Nageur: puis quand il sent la chaleur laquelle deseiche les estangs & marests, il se retire en terre, & lors il est nommé Cherhydus, qui signifie Eauterrier, comme estant de diuerse nature, à sçauoir aquatique & terrienne: ce que les Grecs nomment Amphiuie, c'est à dire de double vie. Lors qu'il est en terre, il cômence à faire la guerre aux grenouilles, dont il se repaist: & pour ceste cause Arat en ses Phenomenes nôme les grenouilles viâdes des Hydres. Il est semblable a l'Aspic terrestre, dont nous auons parlé cy deuant, excepté qu'il n'a pas le col si large. Il est blaffart & grisastre, & tacheté selon Virgile. Il vit, comme i'ay dict, moitié en l'eau, & moitié en terre: ce qui a esté annoté par Nicandre, & escript quasi de mot a mot par Virgile au III. des Georgiques en ces vers:

*Aux pastus Catabrins il y a vn serpent,
Qui roullant son escaille hautement va rampant
D'un ventre marqueté: ceste beste meschante
Aux riués des estangs est tousiours demourante,*

S'engor-

S'engorgeant de poisson, & appaisant sa faim
 De grenouilles iasants, quand le marais est plain
 D'une eau qui se desborde, & que les longues pluyes
 Sont par l'humide vent du midy poursuivies.
 Mais quand il est seiché, & que de grand' chaleur
 La terre se creuasse, alors plain de fureur
 Tournant ses yeux flammans au sec il prend la fuite,
 S'aigrissant de grand soif par le chaut qui l'irrite.

Or les accidents qui ensuyuent sa morsure, sont selon Nicandre premierement vne extreme seicheresse de toute la peau, & principalement de celle qui est plus prochaine de la morsure. ce qui aduient a cause du venin espendu par tout le corps, lequel estant sec de nature, deseiche & rôt la peau, de laquelle il sort vne bouë pourrie & puante, qui est faicte d'un sang corrompu par la malignité du venin : dont aussi il ensuit vne grande douleur par tout le corps semblable à la bruslure, laquelle tantost d'un costé & tantost d'autre tourment miserablement le pauvre blessé. Il s'esleue aussi vne enfleure a l'entour de la playe qui apparoit noirastre & puante d'autant que la chaleur naturelle s'esteinct. Et d'autant encores que par les fumées qui s'esleuent du venin iusques dans la teste, les humeurs d'icelle sont fondus & du tout corrompus, il se faict vn grand esblouissement des yeux, & vn vomissement de la cholere eschauffee & esmeue par tout le corps, a raison du venin, lequel l'a transformee en sa nature. puis il ensuit vn mouuement inaccoustumé de tout le corps, lequel est faict par la grande inquietude & impatience du malade, ioincte a vne generale debilitation de toutes les parties d'iceluy. Tous ces accidents sont pris en partie de nostre auteur, lequel a touché seulement les principaux : & en partie d'Aesle au chapitre de l'Eauterrier: Aelian au huitiesme liure des animaux dict apres Apollodore, que le venin de l'Eauterrier est si dangereux, que mesme il faict mourir celuy qui seulement aura touché a son corps mort. Les particuliers remedes, desquels ont vsé les anciens, sont l'Origan pillé & ap-

- pliqué dessus la playe, la lexiue & de l'huile ensemble, l'escorce de Sarafine & la theriaque appliquée, ou prinse par la bouche, cōme aussi deux drachmes de Sarafine avec trois onces de bon vin, ou du suc de Marrubin, & quelques autres, dont nous parlerons aux chapitres generaux.

DV DOUBLEMARCHEVR.

CHAPITRE XVI.



Αμφισβένα, Amphisbena, Doublemarcheur.

Doublete-
stu.

LE serpent que les Grecs, & les Latins a leur imitation ont nommé Amphisbene, se peut nommer par les François Doublemarcheur; faisant vn mot composé de deux, comme aussi est le mot Grec, & comme nous auons fait de l'Eauterrier. Ce serpent a esté ainsi nommé pourautant qu'il se coule tantost d'un costé & tantost de l'autre, c'est à dire, en auant & en arriere. Il est grand comme vn grand ver de terre, & ne s'amenuise depuis la teste iusqu'à la queuë, comme les autres, mais il est tout d'une grosseur, ainsi que les vers. C'est qui a fait que ceux qui n'ont peu discerner aisement en quel costé estoit la teste, & voyant qu'il alloit tâtost d'un costé & tantost d'autre (ainsi que les vaisseaux de mer qui ont double proue) ont pensé qu'il eust deux testes, & pour ceste raison il est nommé Doubletestu, comme Lucain a dict: Ce qui est toutefois faux, encores que Galen l'ait escript en son liure de la Theriaque: car comme dict Aristote au liure de la generation des animaux, la cause pour laquelle on a veu vn serpent a double teste, est pourautant qu'aucunefois il se fait

faict des monstres en nature, principalement és animaux, lesquels d'une ventree portent plusieurs petits, car si deux ou trois germes s'attachent en vn, ils feront vn corps avec plusieurs testes, ou iambes, ou ailles. Par laquelle sentence d'Aristote il ensuit qu'il n'aduoue les deux testes aux serpens, sinon comme vne chose monstrueuse, & par consequent non naturelle & acoustumée. Mais reuenons à nostre serpent. Il a les ioües tellement grosses, que cachant la partie des yeux il semble qu'il ne voye goutte; dont Nicandre a dict:

Pource qu'il a tousiours vne foible lumiere:

Car par les deux costez sa ioüe sort grossiere

Apparoist separée.

IL a la peau forte & dure, marquetée en diuers endroits.

Il est de couleur de terre, c'est à dire basanée que les Grecs nomment Phaye, & les Latins Pulle, ou Betique, ou Espaignole. Ceste couleur n'est pas du tout noire, mais elle tire sur le noir vn peu dauantage que le brun.

Conleur de terre.
Quelq.
Color pul-
lus.

LES accidents suruenants apres la morsure du Double-marcheur n'ont point esté descriptes par Nicandre, a cause que, ainsi qu'a escript Dioscoride, ils sont semblables a ceux de la Vipere: ou bien, a cause que sa morsure est aussi petite & aussi peu dangereuse qu'est celle des mouches, comme a escript Aesse. Et en cest endroit certainement ie trouue grande difference entre Aesse & Dioscoride: car si la morsure & les accidents du Double-marcheur sont semblables a ceux de la Vipere, il ne faut pas dire qu'ils ressemblent a ceux qui suivent la piqueure des mouches: toutesfois ie ne veux accuser l'un pour defendre l'autre, encores que ie pense que Nicandre n'a point oublié a son escript en ceste histoire & en celle qui ensuit, ce qu'il a tousiours obserué en toutes les autres. Mais au lieu de descrire les accidents, il nous aduertit d'une propriété qui est en sa peau: c'est, que sur le commencement du printemps, si les boucherons le rencontrent, ils l'eschorchent, & de sa peau, pour mieux la deseicher, ils vestent vn baston d'Oliuier sauuage, que Nicandre nome Millefois-cou-

Mille fois
couronnant.

Trop printanière.

ronnant : car anciennement aux tournois Olympiques les vainqueurs en estoient couronnés : dont il se seruoit alors qu'ils ont les mains engourdies, pour autant qu'en la maniant elles sont reschauffées en peu d'heure . Il semble que Aelian ait adiousté aux parolles de Nicandre touchant la propriété de ceste peau : car il dict, que selon Nicandre elle a la vertu de chasser les serpens : ce que toutefois on ne peut tirer de ses vers, si ce n'est que Aelian l'ait leu en quelque autre liure de Nicandre, lequel ne soit venu iusques à nous. Au reste le Doublemarcheur se tire des premiers hors la taniere deuant que la Cigale ait encore chanté, dont nous pouuons soubçonner qu'il est d'une complexion plus chaude que les autres . Notre autheur nome la Cigale Trop printaniere, a cause qu'elle commence à chanter deuant que le printemps soit venu. Galen en son liure de la Theriaque escript que la femme grosse auorte incontinent, si elle passe par dessus le Doublemarcheur : ce qui se fait (si ce faire on doit croire) par la vapeur venimeuse laquelle fesseue du corps de ce serpent, & estouffe l'enfant par sa malignité ennemie de nostre nature. Il faut tirer la guarison particuliere de ce serpent, du chapitre de la Vipere.

DV SCYTALE. CHAP. XVII.



Σκυτάλη, Scytale, Scytale.



A y esté contrainct retournant Nicandre de retenir le mot Grec Scytale, pour autant que ie ne pouuois luy donner yn mot François, sans contraindre le vulgaire : car le mot Grec (par lequel est signifié le manche de quelque outil que ce soit, comme d'une coignée ou autre) ne se pouoit rendre

rendre François, sans laisser vne ambiguïté: ce qui a esté cause que j'ay retenu le mot grec Scytale, lequel a esté donné à ce serpent, pourautant qu'il est par tout le corps de mesme grosseur qu'est vn baston, duquel on emmâche vne dolouere, ainsi qu'a dict Nicandre escriuant, *en grosseur tu dois croire*

Qu'il est tel que le manche à vne dolouere.

Les Lacedemoniens nommoient anciennement de ce mesme nom vne sorte de lettres secretes, lesquelles ils enuoyoyent à leurs Capitaines, & lesquelles ils ne vouloyent estre entendues par autres que par eux. C'estoit pourautant qu'ils entortilloient sur vn baston tel que nous l'auons descript, vn papier couppé en long: puis sur le tout ils escriuoient ce que bon leur sembloit, si bien q le papier desveloppé d'alentour du baston estoit marqué q de certains traits, & estoit impossible à tout homme de faire son profit de l'escripiture, sinon au Capitaine, auquel la lettre estoit enuoyée: car il auoit vn baston de mesme grosseur que celui sur lequel elle auoit esté escripte, là ou il rapportoit si bien le papier entortillé, que facilement il pouuoit lire ce qui auoit esté escript: pourautant donques que la lettre estoit escripte sur vn baston pareil au manche d'une coignée ou autre tel outil, elle estoit nommée Scytale.

Or le Scytale est en tout & par tout semblable au Doublemarcheur, excepté qu'il est plus gros, & qu'il ne marche pas en auant & en arriere comme fait l'autre: car quant au reste, ils sont faits tout d'une venue (comme on dict communement) si bien qu'on ne peut aisément discerner en quelle partie est la teste ou la queue. Vray est que le Doublemarcheur n'est pas si gros, come j'ay dict: car il est de mesme corpulence que sont les vers de la terre, lesquels sont nommés boyaux de la terre par les poëtes: comme par Nicandre aux Phisiomerics, & mesme par Aristote aux liures des animaux. Iehan Lonicere qui a tourné Nicandre en prose Latine, & Pierre Gille en vne addition qu'il a fait sur Eliau, n'entendant


T^{rs} N

dant le texte de nostre poëte, a dict, que le Scytale estoit de la grosseur d'une dolouere, & de la longueur des vers de la terre. Ce que toutefois Nicandre ne dict pas, mais ayant proposé que le Scytale est plus gros que le Double-marcheur, il dict, qu'il est gros comme le manche d'une dolouere, & que le Double-marcheur l'est seulement come les vers: ils se font donques abusez, pensans que le mot Grec se rapportast au Scytale, & non au Double-marcheur. Ce serpent a vne chose particuliere outre les autres, c'est, que sortant des premiers hors de la taniere, & ayant laisse sa peau, comme font tous les serpens, il se retire incontinent quelque part, sans manger le fenoil: dont ie pense que quelques vns des Latins l'ont nommé Cæcilie, quasi comme aueugle, entant que pour recouurer sa veüe, il ne mange le fenoil: toutefois il me semble que Cæcilie soit plus tost le Typhlops, lequel aussi en langue commune est nommé Typhline. Gille, en la mesme addition, dict que le Scytale sortant de la caverne va manger le fenoil: En quoy certes il monstre n'auoir entendu ce passage de Nicandre, non plus que l'autre: car apertement nostre autheur luy donne ceste propriété entre tous. Solin & Odoard VVoton apres luy au v. i. liure des differences des animaux, dict que le Scytale a le doz tellement & si diuersement esmaillé & riolé-piolé de diuerfes couleurs, que les passants s'arrestent estonnez de voir ceste belle diuersité de peinture, & qu'ainsi le serpent, lequel autrement n'est des plus agiles, a le loisir de s'approcher d'eux & de les offenser. Dioscoride a escript qu'apres la morsure du Scytale, les accidents suruiennent pareils que ceux qui compaignent celle des Viperes, & que pour ces causes il faudra tirer la

guarison du chapitre de la Vipere.

DV BASILIC ROY DES SERPENS.

CHAPITRE XVIII.



Βασιλίσκος, Basiliscus, Basilic.



Es propriétés diuerses & admirables que diuers auteurs ont donné au Basilic, m'ont faict penser, ou que son histoire est fabuleuse, ou pour le moins que les escriuains qui en ont couché quelque chose par escript, luy ont presté à credit leur peine, leur encre & leur papier : car de dire comme Galen au liure de la Theriaque, que le Basilic seulement du rayon de ses yeux, ou de son siffler faict mourir les hommes qui l'oyent, qui le voyent, ou qui par luy sont veuz : cela faict doubter que tant s'en faut que celuy qui l'a escript l'ait veu, que mesme à grand peine se pourroit il trouuer homme qui le sceut rapporter au vray, d'autant q' le voulant contempler, il mourroit subitement, ou du siffler ou de la veué. Aussi Galen au x. liure des Simples cōfesse ne l'auoir iamais veu, & semble qu'il doubte de son histoire. Et moins certainement y a il de raison de dire qu'il fut engendré de l'œuf d'un vieil cocq (ainsi que le vulgaire croit) car cela est pris des fables des vieilles, & est du tout contraire aux raisons naturelles, comme fort bien a escript Albert le Grand. Ce qui me faict croire que toutes ces choses soyent fausses, c'est d'autant, que Nicandre n'en parle aucunemēt, encores que souuentefois les poètes enrichissent leurs œuures de telles fables poétiques, ainsi que nous auōs veu qu'il a faict en diuers endroicts de son poëme. Je ne veux pourtant dire qu'il ne se puisse trouuer des Basilics : mais ie pense qu'ils ne sont si dangereux

gereux que lon les faict : bien est vray qu'entre tous les serpens ce sont les plus venimeux; comme estant mesme le venin des autres, ainsi qu'a escript Nicandre, quand il dict, que lors qu'il se traine, tous les autres allants ou venants de pasturage le fuyent & luy quictent la place: estants comme aduertis par son siffler tant de l'heure de son arriuee que de son depart. Or le Basilic est vn serpent de trois paulmes de longueur, ayant le corps roux, & la teste pointue, sur laquelle il a trois petites saillies, ou enleueures marquetees de taches blanchastres, en forme de couronnes : & pour ceste raison il a esté nommé le Roy des serpens. Quant il rampe, il leue la partie de deuant de son corps, & la porte droicte, ne faydant au marcher que de celle de derriere. Pour ceste cause les Égyptiens auoyent acoustumé en leurs Hieroglyphiques d'esleuer vn Basilic sur vne coulonne, ayant la teste haut esleuee, & ce pour signifier l'eternité. Il est si plain de venin que mesmes estant mort, les bestes ou les oiseaux sentats les mauuaises odeurs qui sortent de sa charongne, n'osent le toucher pour le manger: que si de fortune ils en mangent, ils meurent subitement, & non seulement pour auoir mangé son corps: mais aussi (comme quelques vns ont escript) pour auoir mangé du corps, qui sera mort par sa morsure. Il infecte aussi tellement l'air d'autour soy (si ce que lon en a escript est vray) que les arbres & les herbes en meurent, tant il est corrompu & pestilentieux. Et mesme Solin raconte que les Pergamenes auoyent baillé vne grande somme d'argent pour le corps d'un Basilic mort, lequel ils pendirent au haut du temple d'Apollon, à celle fin que ny les oiseaux, ny les araignees n'en approchassent. Lon a aussi escript que de son simple siffler il faict mourir les animaux: dont les Égyptiens en leurs Hieroglyphiques l'auoyent acoustumé de peindre pour signifier le mal-parlant. Car tout ainsi que le Basilic tue du simple siffler, ainsi le mal-parlant blece par son simple mesdire. Pour toutes ces raisons que i'ay dictes, Lucain a escript :

Le Ba-

*Le Basilic tout seul est regnant par le sable ;
Où sifflant a tout autre, il se rend effroyable :
Plus qu'un autre venin le sien est dangereux,
Qui chacun va chassant du regard de ses yeux.*

QUELQUES auteurs non contents d'auoir escript
que le Basilic faiçt mourir du seul rayon de ses yeux, sont pas-
tez plus auant, & ont dict, que si lon le touche avec vn baston,
la force de son venin s'escoule si subitement & inuisiblement
au long d'iceluy iusques à la main, que sur l'heure mesme el-
le est corrompue & gastee: dont Lucain a escript;

*Que sert au pauvre Maure auoir ainsi percé
Le corps du Basilic? le venin eslance
Court tout au long du dard, & viftement il blece
(Ayant laissé le dard) la main ou il s'adresse.*

ILs ont escript encores dauantage, que si le Basilic touche
a vn cheual, non seulement le cheual mourra: mais aussi
l'homme qui est dessus. Ce qui se peut aussi tost faire par le
Basilic, que l'engourdissement de la main & du bras se faiçt
par la Turpille, dont nous parlerons cy apres. Mais la bonne
nature qui n'a iamais voulu laisser vne telle peste sans vn cō-
traire qui luy fut ennemy mortel, a creé la Blette, laquelle a
autant de force contre le Basilic, que luy mesme a contre les
hommes: ce qui peut estre vray: non autrement que nous
experimētons le Lion, lequel, bien qu'il soit hardy & furieux
entre tous les animaux, crainct toutefois le cocq qui est vne
beste sans force & resistance à sa comparaïson.

*La Blette en-
nemie du Ba-
silic.*

VENONS maintenant aux accidēts lesquels ont acoustu-
mé de fuyre apres la morsure du Basilic. Le premier est vn
grand enflamment de tout le corps, faiçt par la grande
chaleur meslee par toutes les veines & arteres, & ainsi com-
muniqée à tous les membres: dont la chair corrompue &
pourrie tombe par morceaux. L'autre accident est (selō Era-
sistrate) que incontinent le lieu de la morsure deuiet iaulne
comme or, ce qui se faiçt par le sang chagé en cholere: car le
sang pourrissant en sa plus subtile partie, se cōuertit en icelle.

Il y

Il y en a encores vn autre adiousté par Aesse, qui est la cheute du poil, laquelle se faict par vne partie du venin qui est entre cuir & chair, & qui par sa malignité consume la racine du poil, comme nous auons dict cy deuant. Bref, il en ensuit vne si subite mort, que mesme Aesse a pensé estre vne chose superflue que descrire les remedes contre la morsure du Basilic, d'autant que la subite dissolution des esprits estant faicte, il est impossible de donner remede à temps. Il est bien vray que Erasistrate commandoit de boire vne dragme de Castorium avec du vin, ou bien du suc de pauot. Or mettant fin à ce chapitre, nous annoterons le beau surnom que nostre auteur a donné au Corbeau, lequel est pris de la nature d'iceluy. Il le nomme donques le Corbeau qui croace à la pluye: & ainsi les poëtes ont nommé les Corbeaux & les Corneilles messagers de la pluye: car auât que plouuoir, ils ont acoustumé de croacer dauantage qu'en autre temps: ce qui a esté escript par Arat en ces vers:

Qui croace à
la pluye.

*Quelquefois les Corbeaux & les troupes criantes
Des Gays vont predisant les pluyes suruenantes.*


Et Virgile aux Georgiques premier liure:

*Lors la fausse Corneille à gorge desployée
Semble appeller la pluye.*

DV CHES-

DV CHESNEAU.

CHAPITRE XIX.



Δρυῖνος, Χελυδρον, Drynas, Chelydrus, Chesneau.



LE Chesneau a pris son nom des Chesnes, pour-
autant qu'il est leur hoste perpetuel: il est aussi
nommé par les Grecs Chelydre, c'est a dire,
Rudepeau: ce nom vient d'un mot Grec, le-
quel signifie aspre conuerture, dont est venu
Chelone, c'est a dire, la Tortue, pourautant qu'elle a l'escaille ^{Χελυδρον}
fort aspre & rude. de la donques entât que le Chesneau por- ^{Χελυδρον}
te vne peau fort escailleuse, il a esté nommé Rudepeau. Il se
pourroit dire en Latin Squarrus: car ainsi les Latins nommēt
la peau pleine de cal, comme est celle de la main des labou-
reurs & autres gents de trauail. Les autres ont nommé ce ser-
pent Hydre, qui n'est autre chose que serpēt Aquatique, que
nous auons nommé cy deuant Eauterrier, à cause que tous-
iours il se tient par les valles, dans les estâgs & lieux mares-
cageux. J'ay bien voulu en la version de Nicandre retenir
ce mot Hydre, encores qu'il soit pur Grec, pourautant que
desja il est affrancié entre le vulgaire.

LE Rudepeau est vn serpēt de la longueur de deux cou-
dees ou enuiron, lequel a le corps assez charnu & garny d'es-
cailles fort rudes, comme i'ay dict. Il est de couleur de fuye,
comme

La colle.

Le fer à rauer.

comme tané brun, vn peu plus approchant du noir: il a la teste semblable à l'Hydre ou Eauterrier, c'est a sçauoir, vn peu large & non du tout aigue. Il rend vne senteur si puante, que facilement, encores que l'on ne le voye, on se peut asséurer de sa presence. Ceste mauuaise senteur ressemble celle qui s'esleue de la colle, laquelle est retrachée du dedans, & des bouts de la peau d'un cheual, lors qu'on l'habille pour en faire le cuir: c'est a sçauoir, apres qu'elle a demouré longuement dans les plains, dans lesquels estat meslée avec plusieurs drogues, elle acquiert vne mauuaise odeur. De la l'ouurier la retire, & l'ayant estendue sur vn cheualet, il abat toute la chair qui est dedans des-ia pourrie avec le fer à rauer, qui est vn outil semblable a vn grâd cousteau emmanché par les deux bouts, avec lequel il coupe les extremités de la peau, dont il ne pourroit faire autrement son proufit: & les nomme Colle, pourautant, comme ie pense, que l'on fait la colle forte de ces morceaux coupez, de laquelle faydent les menuisiers & autres ouuriers en bois. Pour ces causes Nicandre a dict parlant de ce serpent:

*Il sort de tout son corps vne odeur qui sent mal,
Comme la colle autour de la peau d'un cheual,
Et des cuirs tout mouille, sous la lame tranchante
Du fer à rauer rend vne odeur puante.*


De là Virgile a nommé les Chesneaux puants. Il y a grande abondance de Chesneaux en l'Hellepont, lesquels sont si dangereux, qu'en marchant seulement par dessus, ils ont la force d'escorcher la plante des pieds, & de faire enfler les cuisses en vne grosseur incroyable: & qui plus est, la malignité du venin est tellement ardente, que mesmemet ceux qui touchent les bleccés, ont les mains escorchées. Que si quelqu'un s'aduançe de vouloir tuer ce serpent, il aura le flairer tellement depraué par son odeur infecte, que mesme il iugera les choses les plus odorantes sentir mal. Aussi nostre auteur a dict que le premier accident accompagnant la morsure, est vne senteur estouffante, laquelle s'espend par tout les membres

membres; ce qui se faict par la vertu du venin qui estant subtil, & retenant la nature du lieu, dont il part, se porte facilement par toutes les parties du corps. Puis apres a l'entour de la morsure, le sang, lequel par la douleur s'estoit là amassé, corrompu par le voisinage du lieu mors, se noircist comme pourrissant, & quant & quant faict noircir toute la peau qui environne l'enfleure. d'abondant encore l'esprit du pauvre malade se trouble, tant par la douleur qu'il endure, que par vne partie du venin esleué dans le cerueau. puis à cause de la maladie, la peau qui au parauant estoit fraische, deuiet flétrie & semble qu'elle soit deseichée. Celle aussi laquelle est a l'entour de la morsure, se pourrist par la malignité du venin, lequel corrompt tout ce qu'il touche. Apres tous ces accidets, ainsi q de plus en plus le venin gaigne, les signes de la mort prochaine commencent à se descouurir, comme sont les esblouissements, lesquels aduiennent par vne imbecilité de nature succombante, & aussi par le deffaut des esprits qui des-là commencent à chanceler. Quelques vns iettent des cris, & puis apres perdent le vent & la vie, à cause de l'excessive seicheresse de tout le corps, par laquelle le gosier, & les conduicts de l'vrine deseichés se retroicissent tellement que ny le vent, ny l'vrine ne peuent sortir. Or tous ces signes font rapport d'une seicheresse excessiue ioincte avec vne particuliere malignité. Toutesfois il aduiet souuent à raison de la diuerse complexion des hommes, que le venin fondant les humeurs du corps semble faire vne toute contraire action: dont Nicandre apres auoir escript les signes precedents, dict:

*L'autre tout au contraire a la teste assommée,
Et si ronfle oppressé d'un hoquet redoublé,
Vomissant du gosier un humeur escoulé,
Aucune fois sanglant, & quelquefois cholere:
Et puis en la parfin ceste sorte misere
Qui est toute effardée, espand subitement
Par le corps affligé un mauuais tremblement.
Les humeurs donques estants quelquefois fondus dedās
la teste,*

la teste, rendent l'homme endormy, & estouppants inegale-
ment les conduicts de l'esprit, font l'vniuersel tremblement
du corps. Ceux qui se fondent & s'espandent dedans l'esto-
mach, à cause qu'ils le remplissent trop, & le piquent, font le
hoquet & le vomissement ou sanglant, ou cholere ~~feru~~
feru. Les remedes sont semblables a ceux, desquels on fayde con-
tre l'Eauterrier.

DV DRAGON. CHAP. XX.



Δράκων, Draco, Dragon.



Il y a diuerses especes de Dragons entre
ceux que nous nommons terrestres, outre
celuy lequel du nom de la Mer est nom-
mé Marin, car il y en a de montagniers &
de marefcagiers, lesquels, selon Philostr-
te, ont quelque dissemblace. Ils sont aussi
dissemblables pour la diuersité des pais,
ausquels ils sont engendrés & nourris: si toutefois nous pou-
uons croire ce que lon a escript des Dragons Lybiens & In-
diens, lesquels me semblent plustost fabuleux, qu'auoir ap-
arence

parence de verité. Car quelques vns disent que d'une louue couuerte d'un Aigle il sort un Dragon, ayant le bec & les ailes semblables à l'Aigle, la queue & les pieds, comme la louue, & le cuir marqueté de diverses couleurs, comme celui d'un serpent. Mais nous nous arrêterons à la verité, & dirons que le Dragon est un serpent, lequel a trois rangées de dents en chaque mâchoire, les yeux fort grands & tellement aigus que mesmes les poëtes les ont fait estre gardiens des trésors. Ils ont dessous le menton deux gros fanons pendants des iouës qui ~~font~~ font quasi comme une barbe, taincte de cholere, c'est à dire rousse: car la cholere est rousse, ou bien iaune. Il y a deux especes de vrais dragons; les uns sont assez, & les autres n'ont point d'ailes: ils sont au demourant semblables en tout & par tout. Ils ont la gueulle petite, laquelle en mordant ne fouure pas beaucoup: mais elle est comme un petit canal par lequel ils respirent & tirent la langue; pour ceste cause leur morsure ne fait pas grand douleur: car aussi la nature ne leur a pas donné la dent pour force ou defense, mais plustost la queue, de laquelle ils combattent avec l'Aigle & avec l'Elephant. Ils sont de couleurs diverses, les uns roux, les autres noirs, & les autres cendrés. Ils ont en longueur cinq ou bien dix coudees, selon les pais, auxquels ils prennent naissance. mesme on raconte qu'en Inde & en Ethiopie les Dragons ont trente coudees de long, & en Phrygie quarante. Ceux-cy, disent ils, sont couverts par tout le corps de grandes & larges escailles, lesquelles sont aspres & rudes. Ils ont la gueulle grande, la langue longue, & les dents longues, comme celle des porcs sangliers, desquelles aussi en mordant, ils rompent les os du corps. Ceux de Phrygie sortent en plain esté hors des cavernes, ils esleuent sur le bout de la queue tout le reste du corps, & ouvrants la guele, ils attirent par la vertu de leur haleine, les oiseaux volants par dessus, encore qu'ils soyent haut esleuez. On en a escript encore davantage, c'est qu'ils aualent un mouton tout entier, & l'ayant aualé ils reiectent apres les os & autres choses qui ne leur seruent de nourriture.

Taincte de cholere.

H

Toutc-

Peonien.

Peletrone.

r a b c d d c

fixe n a i s


Toutesfois ie penserois bien qu'en la pluspart ces choses seroyent fausses, cōme sont plusieurs autres, sorties de la boutique de ceux qui les ont par-cy deuant escriptes. Les Dragons, comme nous auons dict, ne portent point de venin, & ont le corps fort plaissant à veoir : & mesme on tire de leurs corps des remedes contre aucunes maladies, voire encontre les venins mesmes, dont les anciens Payens les ont eu en reuerence, & les ont dediez à Æsculape le Dieu de medecine (que Nicandre nōme Peonien à cause qu'il fut fils de Apollon autrement nommé Pæon) disants qu'ils auoyent autrefois esté nourris par le mesme Aesculape en vne partie de la montagne de Polion nommée Peletrone, ce qui a esté aussi escript par nostre authieur, & plusieurs autres poëtes apres luy. Toutefois celuy qu'ils disent auoir esté nourry par Æsculape, est vn de l'espece des Dragons selon Pausanias, lequel est doux & bening, & lequel seulemēt naskuit en Epidauré. Il fut quelquefois mené a Rome pour faire cesser la peste qui lors y estoit. Lucian au Dialogue qu'il a nommé Pseudomáte faict vn fort beau discours de l'imposture d'un certain affronteur, lequel ayant vn Dragon de pareille nature, se faisoit adorer, comme vn grand prophete. Nous remarquons qu'encore que le Dragon de sa nature ne soit venimeux, il peut estre tel, à cause du lieu auquel il est demeurat: ce que nous apperceuons aux autres serpens, lesquels ne sont si venimeux aux regions froides, comme ils sont aux chaudes. Pour ceste cause Lucain a escript en son ix. liure :

*Et vous diuins Dragons, qui par tout serpentex,
Sans faire mal, & qui reluisex en beautex,
Vous estes venimeux en l'Affrique bruslante.*

LE Dragon ailé se combat ordinairement avecque l'Aigle & avec l'Elephant, comme nous auons dict. Le premier combat de l'Aigle est fort bien descript par nostre authieur; aussi est celuy de l'Elephant par Plin en son vii. liure. Je ne m'arrestera point à raconter ce que Plutarque & Aelian ont escript de l'amour des Dragons, dont l'un (comme ils disent)

sent) fut amoureux en Iudée d'une fille, l'autre de *Ætolide*, l'autre d'un petit enfant d'*Archadie*, lequel il deliura du danger des brigans, & l'autre d'un nommé *Pindus*: à celle fin que lon ne pense que ie vueille plustost m'arrester aux fausses, qu'aux vrayes natures de ces animaux.

DV MILLIET. CHAPITRE XXI.



Keyxérne, Cenchrenes, Milliet.



LE Milliet est nommé par les Grecs *Cenchrite*, à cause qu'il a le vêtre de couleur verte ainsi que la plante du Milliet, ou bien pourautant que lors que le Milliet est en fleur, il est plus dangereux. *Nicandre* la nomme *Lion*, à raison qu'il est furieux & cruel, comme un *Lion*. Quelques uns aussi l'ont nommé le *Dard*, à cause que quand il veut faire mal,

H 2

il se

il se iette ainsi comme vn dard. Toutefois il est dissemblable au dard, ainsi que lon peut veoir par les deux pourtraicts que nous auons pris de Pierre Belon & accommodez cy dessus: le premier desquels est le Milliet & le second est le Dard. Ce serpent communement a deux coudees de longueur, encores que souuentefois en grosseur & longueur il soit different: il se ramenuise en tout le corps, depuis la teste iusques a la queue, & est verd principalement dessous le ventre. le reste du corps peut estre de diuerses couleurs, comme mesme Nicandre le nomme Riolé-piolé. Il se trouue principalement en l'Isle de Lemnos, en laquelle les poëtes ont feinct q̄ Vulcan se retiroit pour forger: il se trouue aussi en l'Isle de Samos ou Samothrace: Ces deux Isles sont situees en la mer Mediterranee, vers le pais de Thrace vis à vis de Rhescinthe ville consacree à Iunon, & du fleuve de Hebre, de la montagne Zenoniene, de l'autre Zerinthien, & du cheſne qu'Orphée attira par la douceur de son chant, nommé Oeagride du surnom du mesme Orphée. Toutes ces places sont situées en la Thrace vis à vis, comme j'ay dict, de l'Isle de Samos & Samothrace, en laquelle est le mont Mosiclin, selon l'interprete Grec. Or les accidents suruenants apres la morsure du Milliet, sont pareils à ceux de la Vipere, cōme escript Aelle, mais entre tous, nostre autheur remarque l'Hydropisie, laquelle suruiert principalement par la vertu du venin, lequel fond les humeurs & les conuertist en eau. Et d'autant que ce serpent se porte tousiours en vne voye droicte (cōme dict Lucain) & qu'il fuit les ronces & les espines, Nicadre aduertist que si l'aduiert que lon le rencontre, il se faudra sauuer par vn chemin tortu & couuert de branchages. Il annote en outre la nature de ceste beste dangereuse, c'est qu'ayant attainct quelquun, soit hōme ou beste, elle tasche de le faire tomber avec la queue; puis le tenant en terre, elle luy succe le sang a l'endroict de la poitrine, ou sont les clauettes. On peut remedier à sa morsure en partie, ainsi qu'à la morsure de la Vipere, & en partie appliquant dessus la playe de la Sarriette

Rhescinthe.

Hebre.

Montagne Zenonienne.

Autre Zerinthien.

Oeagride.

Moticlin.

riette & de la Rue sauuage escachee, & prenât par la bouche de la racine de Sarrafine, & de la Gentiane. Le Dard cy dessus pourtraict a trois paumes de longueur & de la grosseur du petit doigt : sa couleur est cendree tirant sur la couleur de lait. toutesfois il est blanc en tout & par tout sous le vêtre: il est moucheté par tout le corps de petites taches larges, comme vne lentille, lesquelles sont entournees d'un cercle blanc. La guarifon de sa morsure est pareille que celle du Milliet.

DE L'ESTOILLE.

CHAPIT. XXII.



A'σκαλαβος, Stellio, Estoillé.



ESTOILLÉ est nommé par les Grecs Ascalaue ou Ascalauote ou Galeote, & par les Latins Stellion: pourautât qu'il porte par tout le corps des petites mouchetures, lesquelles representent vne estoille. C'est vn serpent de l'espece des Laisards, duquel Ouide a parlé en son 5^e. de sa Metamorphose, descriuant la mesme fable, laquelle est descrite par nostre Nicandre.

Il est bien plus petit que le petit laisard.

Et vn peu apres :

Il a le nom pareil à la couleur qu'il porte :

Son corps est estoillé de dissemblable sorte.

Ceste espece de serpent se repaist seulement de rosee & d'araignees, ausquelles il faict vne immortelle guerre, côme

H 3

a escript

La Taranto-
le espece de
laifard en
Italie.


Ceres.
Celée.
Metanire.

a escript Pline. Dont André Matthioli en son docte cōmentaire sur Dioscoride a pensé que l'Estoillé fut le Laifard que les Italiens nomment la Terrantola, attendu qu'elle se cache tout au long de l'hyuer, dās les creuasses des maisons & dans les vieux tombeaux, ainsi que fait l'Estoillé: car les Estoillés sy retirent les quatre mois plus froids de l'année. Et là les prennent ceux qui les chassent pour en auoir la peau, qu'ils despouillent tous les ans, ainsi que les serpens, & laquelle on dict estre vn singulier remede contre le haut mal. Pour ceste cause on les guette au long de l'esté, à celle fin que lon soit assure de leur demeure, & que plus aisement on les y puisse surprendre le printemps venu: attendu que s'ils ne les surprenoyent en ceste sorte, ils n'en pourroyent auoir la peau, laquelle ils mangent incontīnēt qu'ils l'ont despouillée. Ces petits animaux se tiennent, comme dict Nicadre, parmy les Isles de Thrace, & en Italie aussi, selon Aristote. Leur morsure est tresdangereuse, & ont vne naturelle finesse pour cōtrarier aux hommes, ainsi qu'a escript Pline. Ils sont aussi perpetuels ennemis du Scorpion, tellement qu'ils sont remedes contre la morsure d'iceluy, & le Scorpion aussi contre la leur. Ceux qui sont mords par l'Estoillé, se plaignent continuellement, & ont la partie en laquelle la morsure a esté faite, toute noiraistre. Nostre autheur n'a point escript les accidens suruenants, comme se pouuans retirer facilement de ce qu'il a escript des autres serpens: mais il s'est poëtiquement arresté a descrire la naissance de l'Estoillé, qui est telle: Ceres pourfuyuant le recouurement de sa fille Proserpine rauie par Pluton, fut receue au logis de Celee par vne bonne vieille femme nommee Metanire, ou Menalippe, laquelle auoit vn fils qu'on nommoit Abâtes, selon l'interprete Grec; ou Stelles, selon Ouide. luy faché de ce que sa mere auoit receu Ceres, se moqua d'elle & de ses sacrifices: dont Ceres courroucée le conuertit en ce Laifard nommé l'Estoillé. Voy Ouide au v. liure de la Metamorphose.

OR apres que Nicandre a particulierement parlé d'une
chaque

chafque efpece de ferpens , dont les morfures font dange-
reufes, il en nomme encores d'autres, defquels il ne difcours
autremēt, pourautāt qu'ils ne font nuifibles: tels font les Elo-
piens, les Sablōneux, ou Lybiēs, & les Chafferats, ainfi nōmez
à caufe qu'ils fe nourriffent de rats. Ils portent deffus la tefte
plufieurs petites lignes blanches en façon de couronne. Tels
font auffi les Aueugles, autrement nommez Typhlopes , ou
Cecilies : les Dards & Moluriens. Toutefois nous noterons,
qu'il y a eu vne efpece de ferpēs nommés Dards par Lucain,
lefquels fe portent fur les arbres, & de la se iettent sur les pas-
fants, comme fi c'estoit vn dard, ainfi comme il tesmoigne
au mefme endroiçt. Mais ie doute que nostre autheur ne
l'a voulu entendre, & q̄ pluftoft le nom de Dard a esté donné
à cestuy-cy pour la fimilitude qu'il peut auoir avec vn dard.
Et quant est de celuy de Lucain, on peut facilement foubçō-
ner que ce soit le Milliet, duquel nous auons parlé cy deuāt,
& lequel mefme est nommé d'aucuns le Dard, à caufe qu'il
se iette sur ceux aufquels il s'addresse, auffi roide & fubit que
feroit vn dard defcoché: ou bien que ce soit celuy que nous
auons pris de Pierre Belon. Toutefois il ne se faut tellement
arrefter aux noms, que pluftoft nous ne les congnoiffions par
leur nature: car certainement les anciens font fort variables
quant aux noms d'aucuns animaux: mefme Aelian en son
v i i . liure efcrit, que le Dard est l'Eauterrier, lequel mon-
tant sur les arbres, se iette fouuentefois sur les paffants.

H 4 DES



Φάλαγξ, Phalanx, Αράχνη, Araneus, Araignée ou Phalange.

ENCORE que nostre autheur ait interposé plusieurs remedes propres, pour la morsure des serpens, auant que de parler des Phalanges; si est ce que j'ay bien voulu differer l'explicatio d'iceux, à celle fin de ne rompre le discours que nous auons commencé à faire touchant les bestes venimeuses. Et puis que les Phalanges sont les premiers, dont il parle incontinent apres les serpens, nous expliquerons premiere-ment leur nature, puis nous pourfuyurons les autres bestes, selon l'ordre qu'il a gardé: & en la fin nous parlerons des remedes generaux, tant des vns que des autres. Le Phalange dōques est vne espeece d'Araignée, dont la morsure est dāge-reuse: car entre les Araignées celles qui en mordāt sont nui-fibles, ont retenu le nom de Phalange, ainsi qu'a escript Pli-ne, encore qu'il semble qu'Aristote n'ait fait ceste distinctio: car sous le nom d'Araignée & Phalange, il discoure des es-peces:

peces: mesme Nicandre a mis le Veneur entre les Phalanges, duquel toutefois il dict la morsure n'estre dangereuse. Acse & Paul Aeginete escriuent d'une Araignee venimeuse, laquelle ils distinguent des Phalanges. Ce qui me fait pèser, sauve l'opinion de Plin, que quelquefois les anciens ont pris ces mots l'un pour l'autre: car si nous voulons regarder la signification du mot Phalange, nous trouuerons qu'il doit estre aussi bien attribué à l'Araignee non venimeuse, qu'à la venimeuse. Le mot viét d'une dictio grecque qui signifie proprement les plis des doids. Et pourautant que l'Araignee a trois plis en ses iambes, comme nous auons en chascuns doids, on luy a donné le nom de Phalange. A bon droit donques on peut aussi bien nommer les Araignees non venimeuses du nom de Phalange, comme lon fait les venimeuses: mais pour esclarir en partie, ou pour le moins aduertir le lecteur de la diuersité qui est entre Nicandre, Aristote, Plin & Acse touchant les especes des Araignees ou Phalanges, & touchant la multitude des noms, en l'explication desquels ils ne sont d'accord, ie discoureray de l'opinion d'un chacun d'iceux, & rapporteray au plus pres qu'il me sera possible les noms des vns & des autres. Nicandre fait huit especes de Phalanges, c'est à sçauoir, le Rhox que lon nomme autrement Rhagion, l'Estoille, l'Asure, le Veneur, le Guespier, le Formillon, le semblable à la Cantharide, & le Frappe-teste qu'il dict estre en l'arbre Perseen. Aristote au 1^x. liure de l'histoire des animaux, fait trois premieres especes d'Araignees & Phalanges, à sçauoir le Mordant, le Loup, & l'Araignee qu'il nomme Lante. Il y a, dict il, deux especes de Mordant, le premier est semblable au Loup, il est petit, bigarré & mieure, & est nommé Pulce: le second est noir, beaucoup plus grand que le premier, il a les iambes de deuant noires, il marche assez lentement, il est foible & ne peut s'esleuer. Il y a aussi trois especes de Loup: l'un est petit lequel ne fait point de toille: le second est plus grand, ourdissant une toille inegale & petite contre terre, ou entre les hayes: le tiers est bigarré lequel ourdist

H 5

soubs

sous les arbres vn peu de toille assez mal rangée . La tierce espee qu'il nomme plus sage que toutes autres , est distinguée en deux ; l'vn est grand , l'autre est petit ; l'vn & l'autre est aspre à la chasse: ce qu'ils font par le moyen de leur toille, laquelle ils ourdissent en la façon qui ensuit. Premièrement ils attachent leur fil de costé & d'autre en façon d'estoille, si bien que chaque fil se traaverse estant attaché ou à des arbres, ou à des murailles, ou à des hayes vn peu haut esleuées. Puis ils recourent ceste chaine, commençants au milieu, & se reseruant en quelque place à costé vn petit trou en façon de terrier. Ce qu'ayants fait, ils se pietent au beau milieu, & là ils guettent apres la proye, laquelle le plus souuēt est d'vne mouche ou moucheron qui par mesgarde se iette au milieu des rets, & est entortillé & enuelopé si bien, que ne se pouuāt defendre , il est subitemēt porté dedans le reseruoir, ou bien il est succé sur l'heure, si l'Araignée est affamee. Ceste petite beste est encores beaucoup plus aduisée, car auant que de recommencer la chasse, elle racoustre ce qui pourroit auoir esté rompu. que si dauēture elle sent quelque chose de nouveau, elle court premièrement au milieu, puis elle se iette la part ou elle sçaura que la proye est arrestee. Celles qui ont les iābes longues, se tiennent plus souuent sous leurs toilles, & là guettent apres leurs proyes, de peur que par leur grandeur les mouches ne foyent estonnees . Mais les autres qui sont plus petites, se cachent dans leurs trous au dessus de leurs toilles , attendant ce qui se peut arrester en icelles . Voilà à peu pres ce qu'en dict Aristote. Voyés ce qu'en dict Aesse, lequel en a parlé tout autrement: c'est à sçauoir des Araignées venimeuses. Premièrement il en nomme vne du nom commun d'Araignée; l'autre est le Tetragnathe , qui est autant à dire que ayant plusieurs machoires, lequel il dict estre vne espee de Phalange blanchastre, ayant les pieds rudes & aspres, avec deux petites enleueures aupres de la teste, l'vne droiēte, & l'autre large, tellement qu'il semble qu'il ait deux bouches, quatre machoires, & vne ligne esgalle par la bouche.

che. Au chapitre ensuyuant, il en raconte encores six especes, c'est à sçauoir le Rhagion, lequel est rond & noir, comme vn grain de raisin, dont il porte le nom: il a la bouche sous le milieu du ventre, & les iambes courtés par les deux costés, L'autre est le Loup ennemy mortel des mouches, il a le corps large & facile à mouuoir, il a plusieurs decoupeures vers le col, & trois enleueures vers la bouche. Le troisieme est le Formillon, semblable à la formy, il a la couleur enfumée, & a principalement sur le doz des marques en maniere d'estoilles. Le quatrieme est le Frappe-teste, lequel est vn peu longuet: il est vert, & a son aiguillon vers la teste, il frappe volontiers la teste, dont il a esté nommé Frappe-teste. Le cinquiesme est le Dure-teste, ainsi nommé à cause qu'il a la teste fort dure & pierreuse: il porte par tout le corps des marques semblables à celles que portent les petits papillons volants autour des chandelles. Le sixiesme est le Scoletie ou le Vermineux, lequel est longuet, & a des marques par le corps. Il nous reste à parler de Plin, lequel semble auoir pris des vns & des autres. Il en parle principalement en deux endroits: le premier est en l'onzieme liure, & l'autre au xxix. de l'histoire naturelle. Le passage del'onzieme est pris d'Aristote presque de mot à mot. Celuy du xxix. est tout autre: car il dict, Entre les Phalâges l'vn est semblable à la formy, sinon qu'il est vn peu plus grand, il a la teste rousse, & le reste du corps noir, excepté quelques endroits marquetés de blanc: sa morsure est plus douloureuse que celle de la Guespe. Le second est celuy lequel est distingué du nom du Loup. Le tiers est nommé l'Araignée velue qui a grande teste. Celuy qui est semblable au grain de raisin, est nommé Rhagion: il a vne petite bouche sous le ventre, & les pieds fort courts, comme s'ils estoient imparfaits, il fait mesme doulueur que le Scorpion. l'Estoilé luy ressemble, sinon qu'il porte des petites marques blanches. l'Asuré est plus dangereux que ne sont ces deux, il ressemble au Freslé, excepté qu'il n'a point d'ailes. Le Myrmecion est semblable à la formy, quant à la teste, il a le ventre

noir

noir marqueté de blanc: il fait mesme douleur que les Guespes. Il y a deux Tetragnathes: le plus dangereux a vne ligne blanche, qui passe droit par le milieu de la teste, & vne autre en trauers. Le Cendrex ou grisastre blanchist vers la partie de derriere, & est beaucoup plus tardif que l'autre: il y en a encore vn autre de mesme couleur, lequel n'est dangereux, il tend ses toilles au long des parois pour prédre les mouches. Voila quasi de mort à mort ce qu'en ont escript ces excellents personnages. Il nous faut maintenant retirer quelque assurance de ceste diuersité d'opinion. Le premier, dont parle Nicandre, est le Rhagion, lequel ressemble à vn grain de raisin noir, il a beaucoup de pieds, & a la bouche au milieu du ventre. En la description et nomination de cestuy-cy, Aesse & Plin s'accordent avec Nicandre, sinon en ce qu'ils nomment Rhagion: ce que Nicandre a nommé Rhox, Aelian le nomme Rhax. Je penserois facilement que ce soit celuy qu'Aristote a nommé le Noirmordat. Le second est l'Estoilé qu'il nomme Asterie, à cause qu'il porte des petites marques comme estoilles, ainsi que nous auons desia dict, & par lesquelles seules il est recongneu d'auec le Rhagiô, selon Plin, lequel s'accorde avec Nicandre en cest endroit. Aesse n'en fait point de mention: comme aussi est il difficile de le rapporter aux descriptions d'Aristote. Le tiers est l'Asuré, lequel porte vne laine herissée & noire, selon Plin. Il a les iambes longues, dont Nicandre dict, qu'il a des deux costés vn marcher esleué. Plin dict qu'il est plus dangereux que les deux precedents: Aesse ny Aristote n'en ont point parlé. Le quatriesme est nommé le Veneur, pourautant qu'il chasse apres les mouches, les thaons, & telles petites bestes. Il est semblable au Loup, qui est vne espeece de mouche selon l'interprete de Nicandre. Je penserois bien q'ce fut celuy qu'Aristote a nommé Pulce; car il dict, qu'il est semblable au Loup. Aesse le nomme simplemēt Loup, en quoy certes il se pourroit bien auoir trompé: car Aristote les a distinguez. Plin luy a baillé le mesme nom. Le cinquiesme est nommé par Nicandre

candre Dyfder, qui est vn mot, duquel les autres escriptuains n'ont vsé. Il est nommé proprement Sphicie, qui est autant à dire que Guespier, pourautant qu'il est semblable à la Guespe. Je n'ay point trouué ny le nom, ny la description de cestuy-cy en Aristote, ny en Pline, ny en Aesse. Le sixiesme est le Fourmilló, ainsi nommé à cause qu'il est semblable à la fourmy : il a l'encoleure rousse, & tout le reste du corps enfumé. Aesse adiouste, qu'il a des petites marques, principalement sur le doz, lesquelles sont semblables à des estoilles. Pline s'accorde en cela : mais il semble qu'il ait esté abusé du nom Grec & Latin. Car il dict que le premier Phalage se nomme Formillon, & le descript ainsi : puis quatre ou cinq lignes plus bas il en nomme vn autre Myrmecie, qu'il dict estre semblable à la fourmy, quant est de la teste, ne la distinguât du premier, sinon entant que la morsure de l'vn est plus douloureuse que celle de la Guespe, & celle de l'autre fait mesme douleur. Toutefois le mot Myrmecie ne signifie autre chose que Fourmillon. Le septiesme n'est point nommé d'un propre nom par nostre poëte. Il dict seulement qu'il est semblable à la Cantharide, & qu'il a la couleur belle & esclerante. Il est par les champs entre les bleds là ou les eniaueleurs en trouuent en abondance parmy le grain. C'est celuy dont Pline a parlé au xviii. liure : Lon trouue, dit il, si l'hyuer est pluuiieux, parmi les bleds vn Phalange, qui est vne petite beste de l'espece d'Araignée. Je ne trouue point qu'il se puisse rapporter à aucune espece d'Aristote ou d'Aesse.

Il se trouue vne araignee principalement a l'entour de Tarante en la Pouille, laquelle pour ceste cause est nommee la Tarantule : elle se rencôtre ordinairement parmy les bledz, & les champs, comme ceste araignee de Nicandre. Matthioli en raconte des accidents fort admirables & diuers en diuers hommes qui en sont blecez : car quelques vns, dit il, châtent perpetuellement, les autres rient, les autres pleurent, les autres crient, les autres dorment, les autres veillent incessamment, les autres vomissent, les autres sautent, les autres

La Tarantule
le espece d'a-
raignée en la
Pouille.

tres

tres fient, les autres tremblent, les autres sont espou-
 uentez, les autres sont tourmentés d'autres douleurs &
 sont faicts semblables aux phrenetiques, lunatiques & ma-
 niacles, le tout selon la diuerse complexion des malades.
 Si ces accidents sont estranges & admirables, certaine-
 ment la guérison ne l'est point moins : car la seule musique
 a la puissance d'adourcir ces maux, tellement qu'apres que
 lon a vsé des remedes acoustumez, comme de theriaques
 & autres remedes applicqués : on faict sonner quelques
 chansons sur des instruments, & à l'heure mesme le mal
 leur cesse, & commencent à danser : ce qu'ils continuēt ius-
 ques à ce qu'ils soyent tout en sueur & tellement lassez que
 plus ils n'en peuuent. En ce faisant vne partie du venin s'es-
 uanouit par les sueurs. Et ce qui est encore plus admirable
 en cecy, c'est que si aduient que les instruments cessent de-
 uant qu'ils soyent du tout gueriz, ils recommencent à sen-
 tir les mesmes accidents que deuant : pour ceste cause ils
 ont des menestriers à gaige, lesquels sonnent les vns apres
 les autres.

II. LE huitiesme Phalange n'est point nommé par Nican-
 dre. Toutesfois par ce qu'il dict estre nourry en l'arbre Per-
 seen, nous pouuons coniecturer, que c'est celuy dont Diosco-
 ride a parlé en la description de cest arbre, & lequel il nom-
 me Frappe teste, à cause qu'il frappe volōriers les passans par
 la teste, laquelle il rencontre la premiere fondāt du haut de
 l'arbre. Il a la teste dure & seiche, laquelle semble tousiours
 estre courbée contre bas : il a le ventre gros, & est vn peu lon-
 guet, il est de couleur verte, & a son esguillon pres le col, ain-
 si qu'a escript Aesse. Nicandre le faict semblable à la Phale-
 né, qui est vne espee de papillon voltrigeant de nuit à l'en-
 tour de la chandelle : il a l'asle cendreuse, tellement qu'en y
 touchant il semble qu'elle soit plaine de cédre, il est de cou-
 leur grisastre tirant du verd au blaffart, ainsi q̄ sont les fueil-
 les de l'Origan sauuage. Or en tout ce discours nous pouuōs
 veoir, comment Aesse & Plinē, voire mesme Aristote a laissé
 des

des especes de Phalanges, lesquelles parauant auoyent esté escriptes par Nicadre, & en ont adiousté d'autres nouuelles. Auicéne en a ramassé à tort & à trauers des vns & des autres: en quoy certes il y a si peu d'asseurace, que qui penseroit retirer quelque chose certaine, celuy se mettroit en vn chaos de diuerses opinions. Je ne diray point, combien legierement Matthioli en a parlé assurant de les auoir tous veuz en Italie, & toutesfois n'accordant point ces premiers auteurs qu'il allegue.

MAIS venons maintenant aux accidents, lesquels ont acoustumé de suruenir apres la morsure de chascune espece de Phalange, ce que plus facilement nous expliquerons, si premierement nous reconnoissons la nature de leur venin estre non seulement par vne propriété particuliere ennemie des hommes, mais aussi par vne qualité froide & seiche, ainsi qu'ont escript tous les medecins Arabes. Apres dōques que le Rhagion a blecé, la playe est bien peu apparoissante: car aussi l'ouuerture ne peut estre grande à raison de la petitesse de tous Phalanges. Les yeux & les ioues du malade rougissent, qui est vn signe de la malignité du venin conioincte avec les qualitez froides & seiches, comme j'ay dict, par lesquelles l'horreur est faicte par tout le corps avec vn refroidissement & conuulsion de toutes les parties d'iceluy, faicte par les nerfs qui desia sentent non seulement la froidure du venin: mais aussi sa malignité, dont les parties dediees à la generation blecées & affoiblies laissent escouler la semence. Pour ceste mesme froidure ceux qui sont blecés par l'Estoillé, tremblent incontinent, & ont la teste assommée & tous les nerfs ou liens du corps lachez & affoiblis. l'Asuré comme estant le plus dangereux de tous, est aussi cause de plus estranges accidents: car il donne vn mal de cœur (ce que nous auons dict estre cōmun en tous venins malicieux pour leur vertu cachée) & outre la nuit vmbreuse, c'est à dire le sommeil, il faict vomir vne matiere semblable aux toiles des araignées, ce qui se faict par la vertu du venin, lequel


Nuit vmbreuse.

a desia

a desia conuertý les humeurs du corps en sa propre nature. Le Guespier outre les accidents susdicts faict esleuer vne grosse enflure à l'entour de la morsure : ce qui suruient à raison qu'il faict beaucoup plus de douleur en la partie qu'il blece : car la douleur est cause qu'il sy assemble du sang, lequel la faict grossir. Les accidents du Fourmillon sont semblables. Mais celuy qui ressemble à la Cantharide empesche le parler : ce qui se faict par le venin, lequel est communiqué non seulement à la langue, mais aussi aux polmons & au gosier, qui sont les instruments de la voix, & de la parole. Tels aussi peuuent estre les accidents du Frappe-teste : car, comme dict Aesse, les accidents des Phalanges ne different sinon en ce que les vns sont plus vehemens que les autres. Dioscoride en a encores adiousté dauantage, comme la rougissure de la playe, la fueur froide de tout le corps, les larmes cheantes des yeux, & quelques autres, dont les raisons se peuuent aisement tirer de ce que nous auons dict. Aesse en adiousté aussi quelques vns : qui aura enuie de les veoir, les pourra retirer du chapitre qu'il en a faict particulièrement. Les remedes particuliers dont Dioscoride a esté d'aduis que lon vsast, sont tels : à sçauoir, la cendre du figuier avec du sel & du vin mis dessus la playe, de la Sarrafine avec de la farine d'orge & du vinaigre, & quelques autres encore, cōme le Mulet de mer decouppé & appliqué. Les remedes qu'il veut estre pris par la bouche, sont entre autres deux dragmes de graine d'Auronne, ou d'Anis, ou du Comin Æthiopique, beüe avec dix onces de vin. On en trouuera dauantage aux chapitres que nous ferons tout expres pour les remedes generaux.

DES SCORPIONS.

CHAPIT. XXIII.



Σκόριος, Scorpius, Scorpion.



N O U S auons touché la fable des Scorpiôs au commencement de ce liure, à sçauoir leur premiere naissance selon les poëtes : maintenant il nous faut discourir de leur nature & de leurs diuerfes especes, desquelles les anciens se sont resouuenus, & desquelles principalemēt nostre autheur a parlé en son liure. Le Scorpion donques est vn animal de l'espece de ceux q̄ lon nomme entaillés. Ce que nous auons expliqué par cy deuât lequel seul entre tous autres de mesme espece porte vn long aiguillon: il a de chasque costé cinq bras fourchuz en maniere de tenailles, le corps en ovalle, la queue longue faicte en maniere de patenostres attachees bout à bout, la derniere desquelles est plus grosse que les autres, & est vn peu languette, au bout de laquelle il y a vn aiguillon creux, & quelquefois deux, par lesquels le Scorpion
I picque

Cancres.

Pagrures.

picque & iette le venin dans la playe faicte par sa picqueure. Les deux pieds qu'il a deuant, sont beaucoup plus grands que les autres, & sont faicts en façon de ceux d'une escreuifse. Il y a huit especes differentes de Scorpion selon Nicandre, ou neuf selon les autres, tous lesquels encore qu'ils facent des diuers accidents, comme nous dirons; toutesfois ne sont recongneuz estre dissemblables, sinon en partie par la diuersité des couleurs, & en partie par la semblance que quelques vns ont avec les Cancres. Le premier donc est le blanc, que Nicandre dict n'estre d'agereux: le second est roux: le troisieme est noir: le quatriesme vert: le cinquiesme plombé, qu'il dict auoir le ventre plus gros que tous les autres, à cause, comme il escript, qu'il est gourmand outre mesure: le sixiesme est semblable au Cancres, qui est vne espece de poisson de mer ronde & sans queue, ayant les deux pieds de deuant faicts en tenailles, comme nous auons dict des Scorpions. Quand donques nostre autheur dict qu'il y a vne espece de Scorpion semblable au Cancres, il ne veut pas entendre qu'il soit sans queue: mais bien il veut entendre qu'il est plus rond que les autres, & qu'il est de la mesme couleur que le Cacre. ce qu'il entend aussi de la septiesme espece, laquelle il compare avec le Pagrures, qui est aussi vne sorte de Cancres ayant l'escaille de dessus dure, renforcee, & rude à cause de quelques petites enleueures piquantes qu'il y porte. Il dict donc qu'il luy est semblable en cela. Et escript dauantage q d'un Pagrures mort ceste sorte de Scorpion a acoustumé de naistre sur les riuages de la mer. Le mesme a esté escript par Ouide en ces vers:

Si tu ostes les bras au Cancres riuager

Enterrant le surplus, tu le verras changer

En un fier Scorpion menaçant de la queue.

Le huitiesme est iaune & est nommé Melichore par les Grecs à cause qu'il est de la couleur de miel. Il a la queue noire par le bout, & si a des ailes semblables à celles des Sautereaux. Aelian escript que ceux cy sont en Aegypte & qu'ils portent deux aiguillons. Et mesme Strabon a escript que par le moyen

le moyen de leurs aîlles ils vollent de pais en autre. Aelian a
 faict neuf sortes de scorpions toutes differentes, lesquelles,
 selon mon iugement, il confond, n'entendant le passage de
 Nicandre: car entre autres il faict deux especes du vert &
 du ventru, & toutesfois nostre autheur n'en a faict qu'une:
 mesme il distingue les aîllés d'avec ceux qu'il nomme enflâ-
 mez & qui ne sont autres que les iaunes, que Nicandre dict
 estre esclerants comme feu. Entre les Scorpions les masses
 sont les plus dangereux, & ceux encores dauantage lesquels
 ont sept entre-nœuds en la queue comme sont les verts, se-
 lon Nicandre, lesquels il dict auoir neuf entre-nœuds, c'est a
 dire, plusieurs, prenant vn nombre certain pour vn incertain: <sup>Neuf entre-
nœudz.</sup>
 car les Grecs vsent souuent du nombre de neuf pour dire
 plusieurs. Le réps auquel ils mordent plus dangereusement,
 est l'esté pendant les grandes chaleurs, & lors qu'ils sont affa-
 mez: ce qui est aussi commun en tous autres animaux veni-
 meux, comme desia nous auons remerqué au commence-
 ment de ce liure. Ces choses ainsi pesees, il nous faut venir
 aux accidents & à la guarison. Les accidents sont dissembla-
 bles aucunement selon la diuersité des Scorpions, comme
 nous pouuons retirer de Nicandre. Toutefois Dioscoride &
 ceux qui en ont escript depuis luy, ne les ont distinguez, ains
 ils en ont parlé en general. Mais puis que nostre autheur en
 a parlé particulièrement, nous le suyurons le plus pres qu'il
 sera possible. Le blanc donques est du tout incoupable, c'est ^{Incoupable.}
 à dire sa morsure n'est point dangereuse. Le roux au contrai-
 re ayant lasché son venin, esmeut tellement les humeurs du
 corps, qu'estans mis en fureur & en perpetuel mouuement, &
 ainsi se corrompans & pourrissans malicieusement, ils exci-
 tent des accidents pareils à ceux d'une fiebure ardente, les-
 quels toutefois sont d'autant plus malicieux & vehemens,
 que la cause est plus estrange & mortelle. Car certainement
 en cestuy-cy la vertu & malignité cachée a plus d'efficace
 que la qualité manifeste, laquelle estat froide (ainsi que nous
 auons dict au commencement expliquant le mot Grefleux)

ennob

I 2

excite

excite dedans le corps vn grand tremblement, comme si lon estoit touché de la gresse. Et mesme elle est cause d'un retirement de nerfs, dont il ensuit vn ris communement nommé Sardonien, c'est à dire, vn ris forcé, lequel vient à cause des nerfs retirez vers leur commencement. Cela aduient principalement en la piqueure du noir, & du vert aussi, lequel est plus dangereux que tous autres à cause de sa queue qui est plus longue. Le plombé a vne chose particuliere outre les autres, c'est qu'il mord en picquant à cause que de sa nature il est gourmand. Ceux qui sont semblables aux Cancres & Pagures & les iaunes font mesmes accidents que les autres, au moins nostre poëte ne les specifie point, sinon q'les iaunes laissent vne plus grande douleur au lieu ou ils mordent, & font mourir les enfans plustost que les hommes desia aagez. Voila ce qu'en escript Nicandte de chascune espee. Les autres autheurs en ont escript en general encores d'autres, comme la dureté & rougeur de la playe, le changemēt de chaud, en froid, & du bon portement en mauuais, la sueur, les vents sortants par bas, le herissement de cheueux, la couleur palle de tout le corps, l'enfleure des aines, la chassieure des yeux, les larmes espesses, la dureté des ioinctures, la saillie du siege, l'escume sortant de la bouche, les grands vomissements, les sanglots & conuulsions ou retirements de nerfs vers les parties de derriere: & quelques autres, desquels Dioscoride principalement & Aesse ont parlé es lieux desia alleguez. Entre les remedes particuliers on dict que le Scorpion mesme est tressouuerain estant broyé & appliqué dessus sa morsure: tout ainsi comme dessus la playe faicte par le chien on escript & dict on communement que le poil du mesme chien est vn remede excellent, ce qui se faict comme dict Dioscoride par vne occulte discorde des natures que les Grecs ont nommé Antipathie, c'est à dire cōtrepassion. Il ordonne aussi le Scorpion escaché auecque du sel de la graine de lin & de la guymauue, du souffre vif & de la therebentine appliquee en maniere d'emplastre: & plusieurs autres remedes. Il ordonne

donne d'auantage à prendre par la bouche deux dragmes de
escorce de Sarrazine, & vne infinité d'autres, dont il se sou-
uient en tous les liures.

DES MOVSCHES. CHAP. XXV.



Musca, Musca, Mousche.



E mot de Mousche en François est vn mot
general comprenât tous les animaux in-
sectes ou détaillés, lesquels sont faicts en
maniere de la petite mousche domesti-
que que nous auôs ordinairement en esté.
Il y en a de plusieurs sortes : les vnes sont
domestiques, desquelles nous ne faisons
icy mention: les autres sont estranges, entre lesquelles il y en

a de compaignables, qui se tetirēt ensemble & font des bour-
 nails & gauffres pour se loger : les autres sont vagabondes.
 Aristote les a toutes distinguées par noms propres : Ce que
 lon n'a encore faict en nostre langue Françoise : toutefois
 nous auons quelques noms, lesquels se peuuent rapporter à
 ceux des anciēs tant Grecs que Latins. Entre celles qui sont
 compaignables nous auons les premieres & les plus proufita-
 bles que nous nommons Auettes, Abeilles ou mousches à
 miel, lesquelles toutefois ne se ressemblent en tout & par
 tout: car les vnes sont dissemblables en corpulence, & les au-
 tres le sont en couleur. Entre lesquelles aussi les vnes sont
 nommees roynes & princesses, pourautant qu'elles sont plus
 belles & plus grandes vne fois que ne sont les autres. Il y en a
 quelques vnes qui sont du tout inutiles, pourautant qu'elles
 ne font point de miel, & sont nommees imparfaites en ce
 qu'elles n'ont point d'aiguillon: elles mengēt le miel des au-
 tres, & estant prises sur le faict, elles sont chastiees & mises en
 exil, ainsi qu'escript Aelian au premier liure. Ce q̄ toutefois
 elles ne font toutes : car quelques vnes d'entre elles seruent
 d'apporter à boire aux roynes & princesses & aux vieilles qui
 sont destinees pour la garde d'icelles. Les guespes sont cōpai-
 gnables, cōme aussi sont les Tenthredōs, lesquels n'ont enco-
 re receu mots propres en nostre lague & les Crabrons, q̄ nous
 nômons Frellōs. Celles qui sont vacabōdes, sont les Tahons,
 Escarbots & Bourdons & quelques autres, dōt il n'est neces-
 faire parler plus amplement, attendu q̄ ce n'est nostre but de
 parler des especes de mouches: dont Aristote & Plin se sont
 fort empeschez en quelques passages qu'Odouart VVotton a
 ramassez en son liure de la differēce des animaux. Columelle
 a discouru amplement de la nature des mousches à miel au
 neuuesme liure de son agriculture. Toutefois pour ne laisser
 rien à expliquer de ce q̄ nostre poëte a escript, ie parleray de
 la naissance des mousches à miel & de celle des guespes. Co-
 lumelle en racōte plusieurs opiniōs toutes poëtiques: La pre-
 miere est, qu'une ieune dame, nommee Melisse, fut ancien-
 nement

nement conuertie en Auette par Iupiter : l'autre qu'elles furent engendrées des frelons & du Soleil & qu'elles nourirent Iupiter en la cauerne Dictée. Les autres poëtes, comme Nicandre, & Virgile après luy, ont escript que les mouches à miel sont engendrées de la charongne d'un veau, ou d'un taureau. Ce passage de nostre poëte est escript aux contrepoisons en ces vers :

*Tu y pourras mesler la tasche quelquefois
Des Abeilles d'Hymette ouvrantes dans les bois :
Où du corps d'un Taureau elles prindrent naissance,
Et dans vn chesne creux feirent leur demourance.*

VIRGILE voulant monstrier le moyen de repeupler les ruches au deffaut de mouches, escript la maniere d'acoustrer le veau ou le taureau mort, au quatriesme des Georgiques. Les Guespes sont engendrées de la charongne d'un cheual, ainsi que nostre poëte escript aux Thetiaques en ces vers :


*Le Dysder vient apres que son nomme en vulgaire
Le roux Guespier, ayant de la Guespe le nom,
Pourtant qu'il luy ressemble : elle a le cœur selon
Du Cheual qui l'a faict : Car des Guespes la race
Descend du Cheual mort, dont elle tient l'audace :
Comme l'Auette fait du Taureau pourrissant.*

ALIAN l'a escript en son premier liure, & dict qu'elles sont subites & legeres, cōme le Cheual, duquel elles naissent : toutefois il y a diuersité d'opinions entre ceux qui en ont escript : Car les vns disent que les Abeilles n'engendrent point & qu'elles apportent leurs petits de dessus quelques fleurs ou elles les treuuent. Les autres escriuent le contraire, & disent qu'elles engendrent, & q' les masses ne font point de miel, & sont nommees par les Latins Fuci (nous les pouuons nōmer mouches ocieuses) ou biē que celles cy sont les femelles, & que les autres sont les masses. Quelques vns encore ne se contentans de ceste opinion, ont dict que les princesses & reines engendrent les abeilles : & que les abeilles engendrent les

orieuses. Mais quoy que ce soit, pour cela que nous en auons à faire, il suffit d'entendre que les abeilles, les guespes, les frelons, les bourdons & les pemphredons que ie pense estre les tahoins, portent des aiguillons fort douloureux : ce qui ne se peut faire autrement, qu'il n'y ait en iceux quelque malignité cachée, laquelle toutefois n'est mortelle : car il ne s'en est point encores trouué qui soit mort pour auoir esté touché d'une mousche. Les accidens qui suyuent ceste pointure, sont vne grande douleur, vne rougeur a l'entour, & vne enflure. Ces deux derniers procedent de la douleur : car il aduient bien peu souuent que là ou il y a douleur vehemente, qu'il n'y ait rougeur & enflure. Ces accidens sont plus vehemens en la guespe, dont Aelian a escript qu'elle a ceste malice, que voyant vne vipere morte, elle va tremper son aiguillon au venin d'icelle, & de là, dict il, les hommes ont appris à empoisonner les fleches. L'Auette a vne particularité que n'ont pas les autres, c'est qu'en piquant elle laisse son aiguillon en la playe, ce qui est cause de la mort, ne pouuant viure sans iceluy. Pour ceste cause nostre poëte dict que l'aiguillon luy donne la mort & la vie. Les remedes propres & particuliers à ceste douleur, sont la mauue, la farine d'orge avec du vinaigre appliquée en façon de cataplasme ; du lait de figuier distillé dedens la playe, & vn estuement fait d'eau marine, ou d'eau sallée. Celle fayde de quelque caractere negromantique, dont il n'est mestier se soucier beaucoup, attendu que nous auons ces remedes plus faciles & asseurez. En quoy certes ie ne puis, que ie ne m'esmerueille qu'un si docte personnage, comme cestuy-la, se soit amusé à escrire vne telle baguenauderie indigne d'un philosophe & medecin si bien experimenté, comme il estoit.

DES

DES VENINS. 137
 DES SCOLOPENDRES ET DV IULE.
 CHAPIT. XXVI.



Σκολοπένδρα, Scolopendra, Scolopendre. Ιούλος, Iulus, Iule.



O v s auons de deux sortes de Scolopédres, les vnes sont terrestres, & les autres sont marines, toutes les deux sont de l'espece des animaux entaillés: & ne sont dissemblables finon en ce que les terrestres sont plus grandes que les marines, & sont de diuerse couleur. l'une & l'autre est semblable à vn ver fort long excepté qu'elle est velue & a des pieds en grand nombre, dont elle est souuentefois nommée millepieds. Elle marche en deuant & en arriere: ce qui a esté cause que quelques vns ont pensé, qu'elle eust deux testes. Nicandre aussi pour ceste raison la nomme Double-testue: & en faict vne cōparaison avecque vne Gallere en ce qu'elle a les pieds situez aux deux costez, comme sont les rames en vne Gallere, escriuant ainsi:

La Scolopendre aussi qui deuant & derriere

Pour picquer iusque à mort porte vne teste fiere:

I s

Et qui

*Et qui se ment des pieds, comme lon veoid sur mer
Avec des asterons la gallere rimer.*

Ce qui a encore augmenté dauantage ceste opinion, a esté pourautant qu'elle blesse & mord autant du costé de derriere, que de celuy de deuant: & qu'estant couppee en deux, elle ne laisse pas de marcher en ses parties, dont l'une se coule d'un costé, & l'autre de l'autre. Il y a encore vne espeece de Scolopendre, laquelle a esté nommée par les anciens Ophiotene, c'est à dire Tue-serpent, pourautant qu'elle faict mourir les serpens.


La Scolopendre marine est semblable à ceste cy, comme nous auons desia dict: toutefois elle est plus rougeastre & a dauantage de pieds: elle se grossist & s'amenuise selon qu'elle s'estend peu ou petit, ainsi comme nous voyons les vers de terre; ce qu'elle a aussi de commun avec les terrestres. elle a les pieds plus deliez & menuz que l'autre. On en raconte vne chose estrange: c'est, qu'ayant auallé vn hameçon, elle iecte tout ce qu'elle a dens le corps, pour s'en descharger: puis ayant couppe ses entrailles, elle ne laisse pas d'estre autant viue & puissante comme deuât. La saluue humaine ne leur est non moins ennemie qu'aux serpens: car Eliaen escript qu'en estant mouillees, elles se rompent en deux. Elles sont toutes deux venimeuses; toutefois la marine l'est dauantage en ce qu'elle enuennime non seulement ceux qu'elle mord, mais aussi ceux qu'elle touche, leur faisant vne telle cuisson la part ou elle les aura touchez, que faict l'ortie. Le Iule est vn petit ver qui n'est gueres dissemblable de la Scolopendre; si bien q les Scolopendres mesmes sont nommees Iules par quelques vns. Il est toutefois plus petit, & n'est gueres moins dangereux. La Scolopendre, principalement celle qui est surnommée Tue-serpent, est tellement pernicieuse que toute la partie voisine de sa morsure ou picure deuient noire & se pourrist: quelquefois elle rougist & est toute plaine de bourbe, elle senleue & est fort difficile à guerir. Il faut appliquer dessus la playe du sel bien delié avec du vinaigre, ou de la rue sauage

Le Iule.

sauuage, l'estuuer d'eau sallee, & donner en bruage de la Sarrafine avecque du vin, ou de la rue sauuage, ou de la mente ou de l'aluyne. Ainsi se doit guarir la morsure du Iule.

DE LA RABLETTE OV MUSARAGNE.

CHAPITRE XXVII.



Μυράλη, *Mus araneus*, Rablette, ou Musaragne.

MA Musaragne a esté nommée par les Grecs Mygale, c'est à dire Rablette : ils l'ont aussi nommée Scytale, ainsi qu'a escript Cōlumelle au dixseptiesme chapitre de son vi. liure. Ce nom luy a esté donné pourautāt qu'elle est grande, cōme vn rat, & qu'elle est de la couleur d'une Belette. C'est vne beste qui a le museau fort long, faict par le bout presque en la maniere de celui d'un porc : elle a la queue petite & les dents fort menues disposées par deux rāgées à chasque machoire, tellement qu'il est facile de discerner ceux qui en sont bleffez : car lon veoit a l'endroiēt de la morsure quatre diuerses foulures des dents, lesquelles y sont empreintes. On escript que ceste beste a la propriété de s'atacher plustost aux couillons qu'en autre partie du corps de celui qu'elle veut mordre, soit vn homme ou soit vne beste brute. Nicandre a escript qu'elle est auēgle & qu'estant cheute dedens vne orniere de charette, elle ne s'en peut retirer. pour ceste cause Pline a dict qu'elle ne peut passer l'orniere. Aelian en escript autant :


Ce que

Ce que Matthioli pense estre fabuleux encore qu'il semble qu'il n'en ait point veu, qu'ad il dict, qu'il a emprunté le pourtraict qu'il en donne, ce qui me faict esmerueiller comme il desment ces bons auteurs sans amener aucune raison. L'interprete Grec escript que selon l'opinion d'un nommé Amynte, la Rablette est engendree d'un chat & d'un rat : ce qui me semble estre faux en tout & par tout, d'autant que la nature de ces deux bestes est si contraire, qu'ordinairement nous en voyons les effects. Or selon les descriptions cy dessus transcriptes des auteurs anciens, il semble que ceste beste ne soit guere differente de la Taupe : car la Taupe est aveugle, elle est grande comme un rat, & n'est guere dissemblable de la Blette. Quelques uns ont escript qu'elle est fort commune en Angleterre : ie ne sçache point toutefois en auoir iamais veu : & suis bien content qu'elle ne passe point la mer pour nous venir guerroyer en France : car encores qu'elle ayent les dents fort deliées : si est ce qu'elle ne laisse pas d'estre dangereuse & fort pernicieuse, attendu les accidents qu'elle esmeut, lesquels ont esté escripts par Dioscoride en ceste façon : Il s'esleue a l'entour de la morsure un enflammement & des pustulles noires enflées de pourriture boueuse : les autres parties circonuoisines pourrissent, & apres que les pustulles sont ouuertes, il se faict un vlcere chancreux. Il s'esleue une cholique dedens les boyaux, une retention d'urine, & comme a escript Aesse, une corruption & pourriture : car son venin a une vertu pourrissante. Parquoy les remedes doiuent estre semblables à ceux, dont nous auons parlé au chapitre du Pourrisseur. Mais lon pourra particulierement appliquer la Rablette mesme bruslée & meslée avec du vinaigre ayant premierement scarifié la playe : & prendre par la bouche une drachme ou deux de poudre de petites fueilles de laurier meslée avecque du vin. Il y a encore plusieurs autres remedes particuliers, lesquels ont esté escripts par Dioscoride & Aesse. Celuy qui plus curieusement les voudra veoir, pourra auoir recours a ces deux auteurs.

D v

DES VENINS. 141
DV POURRISSEUR ESPECE
DE LAISARD.


CHAPITRE XXVIII.



Σήψ, Seps, Pourrisseur.

NOUS auons entamé le propos de ce Laisard au chapitre trezieme de ce liure: & auons montré, comme il y a deux especes de Pourrisseur, l'une qui est sans pieds, dont nous auons discouru: & l'autre qui en a quatre. Nous nommons du nom de Laisard toutes manieres de serpens qui ont quatre pieds: car ce mot n'est particulier à vne seule beste, mais à plusieurs qui sont dissemblables en grandeur, en couleur, en corpulence & en nature. Ce Pourrisseur est aussi nommé Laisard Chalcidique pourautant qu'il a des marques dessus le doz, lesquelles sont de couleur de cuiure que les Grecs nomment Chalque. Il est quelquefois pour ceste mesme raison nommé simplement Chalcide. Ce Laisard entre tous les autres est venimeux, ainsi que nous pouuons retirer tant du passage de nostre poëte, que de Dioscoride, lequel escript qu'estant pris en bruuage il guerist sa morsure. Je n'ay point leu quels accidents il esmeut: toutefois ie penserois bien qu'ils ne sont gueres dissemblables de ceux du serpent qui porte le mesme nom. Parquoy il faudra recourir au chapitre que i'en ay escript cy deuant.

DE LA



Σαλαμάνδρα, Salamandra, Salemandre.

LA Salemandre a esté fort renommee en nostre France pendant le regne du grand Roy François, lequel l'auoit choisie en sa deuse: toutefois pour tout cela elle a esté seulement commune par le nom & non autrement. Car toutes les peintures que lon en a faictes, sont aussi peu ressemblantes à la vraye Salemandre, qu'est vn Asne à vn Cheual. ce qui est facile à iuger si lon les veut collationner avecque la figure apposee au commencement de ce chapitre, laquelle i'ay empruntée de Matthioli pourautant que ie n'en ay peu recouurer lors que i'ay faict imprimer ce liure. Il m'est adueni quelquefois d'en veoir vne en ceste ville, laquelle estoit en tout & par tout semblable à ceste cy. excepté qu'elle n'estoit si grande & n'auoit les marques du corps si apparoissantes. elle estoit fort noirastre & moins distinguée de ses membres: elle auoit le corps fort limoneux: tellement qu'en cela elle ressembloit fort a ces gros limaçons grisastres que lon

lon rencontre quelquefois dans les caues. Or la Salemandre est vne espece de Laisard, ayant la peau creuacée, fort rude & rabouteuse: elle est pesante & tardiue & a quelques taches par tout le corps, que Plin compare à des estoilles: ie ne sçay pas pour quelle raison; car ne ceste cy, ne celle que i'ay veüe, ne les auoyent faictes en telle façon. Ceste beste ne s'engendre point sinon en temps fort pluuieux & se meurt ou se cache en quelques trous tout le long de l'esté qu'il fait beau, & le long de l'hyuer a raison des grandes froidures. Elle n'est engendree par son semblable non plus qu'elle engendre, ains seulement elle est faicte d'un limon de terre, comme plusieurs autres animaux. Ce limon se reserue encore tellement en toute sa peau, qu'elle peut se tenir long temps dedens le feu, sans estre endommagée, à sçauoir iusques à ce qu'il soit consumé: & lors si elle y arreste dauantage, elle se brusle: ainsi que souuentefois lon a expérimenté, pour sçauoir si l'opinion d'Aristote estoit vraye: car Aristote passant plus outre que les poëtes mesmes, a escript qu'elle se tient dedens le feu & qu'elle l'esteint par sa grande froidure. Autant en a escript Aelian ensuyuant plustost l'opinion d'Aristote que l'experience qu'il en eust peu faire. Ceste beste est merueilleusemēt ennemie des hommes: car non seulement en mordant, elle les faict mourir: mais aussi elle empoisonne tellement, avecque sa salive qui est blanche, les herbes, les pommes & autres choses, dont lon vse en viande, que ceux qui en mangent, meurent incontinent. Elle empoisonne aussi les eaux estant cheute dans les puits ou dedans les fontaines: Bref les sorciers & empoisonneurs en font des boucons fort dangereux: ainsi qu'escript Nicandre en ses contrepoisons, là ou il donne les moyens d'y remedier, & descript la Salemandre en ceste façon:

*S'il vient que l'on ait pris la boisson dangereuse
Du venimeux Laisard qui a la peau glueuse,
Dont le poison infect apporte grands douleurs,
Il a nom Salemandre à qui les grands chaleurs*

Du sen

Du feu ne feirent mal &c.

LE venin de la Salemandre tant en morsure qu'en poison est contraire de toute sa nature à celle de l'homme, dont il me semble qu'il ne se faut arrester à rechercher la cause des accidents en la meslange des quatre premieres qualitez ou en la complexion resfortissante d'iceux : comme a fait Auienne. Nostre poëte donques escript qu'il ensuit vn grand enflammement au profond du gosier, avecque vne defaillance de cœur, vn froid & tremblement de toutes les parties exterieures, conioinct avec vn endormissement & perte de l'entendement. dont nous auons souuentefois donné les raisons es chapitres precedents. Ce venin aussi porte quant & foy vne malignité tellement pourrissante, que les parties plus humides du corps & celles auxquelles il s'arreste dauantage, se noircissent premierement, & par l'absence de la chaleur naturelle vaincue elles se pourrissent & iectēt vne bouë forte puante. telle apparoit la partie en laquelle ceste malheureuse beste aura fait vne playe : & par la communication du venin espandu par tout le corps, les mesmes accidēt s'esleuent en iceluy, comme en l'homme empoisonné : car avecque ceste malignité naturelle, elle ronge & vlcere les parties du corps à cause de sa grande chaleur acquise de sa complexiō. Plinē adioute encore vn autre accident, a sçauoir la cheute du poil de tout le corps : ce que ie pense aussi bien aduenir par le venin, comme par l'huile qui en est faite, laquelle a la vertu de faire tomber le poil, ainsi qu'a escript Dioscoride. Les moyens de remedier à ces accidents sont semblables à ceux par lesquels on guerist les hommes qui sont empoisonnez par les Cantharides : & lesquels nous deduirons amplement en nostre second liure. Les particuliers remedes toutefois qui semblent combattre naturellement encōtre la Salemandre, ont esté escriptz par nostre poëte en ses Contre-poisons. dont la pluspart a la vertu de digerer & resoudre les humeurs espais, qui sont causes des endormissements & des troubles du corps : telle est la resine de Pin meslee avecque

avecque du miel, que Nicandre nomme le gras labour des
aettes. telle est aussi l'ue artetique, nommee autrement ^{Iue arteti-}
Camepite, ou pin terrestre, pourautant qu'elle a les feuilles ^{que.}
faictes, comme celles du Pin, & a la senteur pareille, il la faut
meller avec des pommes de Pin. telle est la graine d'ortie &
d'orobe, ou l'ortie bouillie avecque de l'huile & de la farine:
telle est la racine de Galban. Et telle est la chair & les œufs
des tortues tant marines que terrestres avecques lesquelles
on adioustera la chair de porc, laquelle a la vertu d'adoucir
l'ardeur esmeue dedas les boyaux. Tel est aussi le contrepoi-
son proprement ainsi nomme, pourautant qu'il participe de
la nature venimeuse & de celle du corps humain, cōme nous
expliquerons au premier chapitre de nostre second liure. le
contrepoison est faict de grenouilles bouillies avecque de la
racine de Panicaud, & avecque de la Scamonee: au defaut
duquel Auicenne conseille d'vser de Theriaque ou de Mi-
thrydat. Ces remedes ont este transcripts de mot à mot par
Dioscoride, qui les a pris du lieu de Nicadre, comme aussi a
il faict la pluspart de son sixiesme liure: là ou de Gorris a fort
biē corrigé le passage dudiect Dioscoride au chapitre de la Sa-
lemandre, quand il escript qu'il faut cuire les feuilles de l'or-
tie avecque l'huile & des Liz: car nostre poëte n'a point par-
lé de Liz, mais de farine. Ceste faute est venue à cause de la ^{Kpisov.}
grande semblance qu'il y a entre les deux mots Grecz, dont ^{Kpisov.}
l'un signifie, farine & l'autre Liz: car il n'y a à dire que d'une
lettre de l'un à l'autre, laquelle facilement a este ostée par
l'imprudence ou ignorace des escriuains. Je pourrois icy tras-
crire vne infinité de receptes, dont les anciens ont vſé: si ie
pensois que celles cy ne fussent suffisantes. Parquoy il me suf-
fira d'expliquer vne fable, de la quelle Nicandre parle en pas-
sant touchant la tortue & touchant l'inuention du Lut: elle
est telle. Mercure estant encore ieune enfant (dont il est nō-
mé innocent) rencontra de fortune vne tortue, laquelle il ^{Innocent.}
prist & en vuida toute la chair de dedans le ter: puis il y at-
tacha deux braz que Nicandre a nomme Coudes, pour au- ^{Coudes.}
tant

K

tant

tant qu'ils estoient courbez comme le coude : ayant fait cela il la monta de sept cordes, & en fait vn instrument fort approchant du Lut, lequel depuis il donna à son frere Apollon: ainsi donques il donna la voix à la Tortue qui parauant estoit muette, comme escript nostre poëte. Quelques autres ont escript qu'il print seulement occasion de faire vn Lut de l'escaille d'une Tortue, qu'il trouua morte, dont la chair estoit toute mangée, & n'y restoit que les nerfs, lesquels rendirent quelque son alors qu'il les lâcha, tellement que cela l'esmeut de passer plus outre & d'y mettre des cordes. Ceste fable est escripte fort au long par Homere en l'hymne de Mercure : par Hyginus, & par Lucien en vn dialogue des dieux. Elle est alleguee par vne infinité de poëtes, & me souuient l'auoir touchée en passant en l'hymne du Luc qui est parmy mes poëmes François, en ceste maniere.

Le grand messager des Dieux

Le facond nepueu d'Atlante,

Mercuré qui seul se vante

Pere des industrieux,

Trouua du Lut l'accordance

Sur le mont Arcadien,

Qu'il donna en recompense

A son frere Delien :

Et luy premier sceut bien dire

Sur ceste faconde lyre,

Faisant vn accord de vers

Auecque les sons diuers.

Et puis vn peu apres parlant au Lut:

Si tu le fais, ie diré

Comme de l'escaille nue

D'une noirastre tortue

Ton beau pourtraict fut tiré.

VOILA quant à ce qui appartient pour l'intelligence des

La Saleman-
dre aquati-
que.

vers de Nicandre escripts au liure des Contrepoisons. Il y a encore vne beste venimeuse que lon nomme la Salemandre

aquati-

aquatique, pourautant qu'elle vit & habite ordinairement dans les estangs & dans les fontaines, dont elle sort quelque fois & se met en terre. Elle est faicte en façon d'un Laifard, excepté qu'elle a la teste beaucoup plus large & la gueulle ronde & fort grande, comme celle des grenouilles: elle a la queuë en pointe & assez longue, telle que le docteur Rondelet en a donné le pourtraict en son liure des poissons, là ou il dict que son venin est beaucoup moins maling que celui de la Salamandre terrestre: & monstre par raisons fort pertinentes & necessaires qu'elle n'est pas le Scinque ainsi comme plusieurs apoticaire ont pensé.

DE LA MYRENE. CHAP. XXX.



Múpeira, Myrena, Murene.



LE S animaux venimeux ne se sont seulement cachez dans les bois & dans les cavernes pour guetter les passans: mais aussi ils se sont retirez aux plus profonds gouffres de la mer, à celle fin de punir bien souvent les hommes trop curieux, lesquels ne se contentants des biens que la terre leur apporte, veulent, par maniere de dire, comme forcer la nature, & encore laquelle leur ait fermée & emmurailée la terre avecque un si espouventable element, comme est la mer, ils passent toutefois par dessus & entrent dedans pour dérober ce qu'elle a voulu nous estre caché. Or l'ayant bien preueu, elle a mis leans entre plusieurs autres poissons venimeux pour punir ceux qui les vont rechercher, la Murene, la Pastenaque, la Viue, la Turpille (desquels ie parleray presentement)

tement) & le Lieure marin, que ie declaireray au second liure. La Murene est vn poisson de mer ayant la corpulēce assez pres approchante de la Lamproye ou de l'Anguille. Elle est toutefois beaucoup plus large & a la gueulle plus grande. sa machoire de dessus est aquiline ayant au bout deux petites faillies ou verrues. Elle a les dents fort longues, aigues & recourbées en dedens, les yeux blancs & ronds. Elle est de couleur brune, dōt Oppian mesme l'a furnommee noire. sa peau est douce & fort glissante, couuverte de petites taches blanchastres. Elle a le doz fort couppant, & tout le corps log de deux coudees. Elle n'a point d'aslerons pour nager comme les autres poissons. Mais en leur deffaūt la nature luy a fait vn corps fort long, duquel elle sayde en mer, comme les serpens font du leur en la terre. telles sont les Anguilles, les Lamproyes & les serpens aquatiques, lesquels aussi estants en terre rampent comme noz serpens, son masle est nommé par Aristote Smyre au cinquiesme liure de l'Histoire des animaux, là ou il monstre la difference des deux, escriuant que le masle n'est tacheré comme la femelle, qu'il est beaucoup plus fort, qu'il est de la couleur de l'arbre que lon nomme le Pin, & qu'il a les dents dehors & dedés. Il a le corps long, come escript Rondeler, noirastre, menu, rond, sans tache & sans escaille: il a le museau fort aigu & ressemble mieux à vn serpent qu'à la Murene. Cela a esté cause que le vulgaire a pésé que la Murene frayoit avecque le serpent: ce que toutefois Plinē escript estre faux, encore qu'il se plaise souuētefois a escrire des fables. Athenée, alleguāt vn André, escript q̄ les Murenes engédrees par la vipere sont fort mordantes & qu'elles font mourir: dont il semble q̄ cest André n'ait esté de pareille opinio au liure qu'il auoit fait Des bestes venimeuses. Il escript d'auantage que Sostrate l'auoit ainsi pésé: & allegue les vers de Nicandre escripts aux Theriaques, en ceste maniere:

Je scay l'esmerueillable & le diuers tourment

Que porte la Murene alors qu'elle se slance

Sur le pescheur qui pene, & sa dent elle aduance

(140103)

Tant

Tant qu'elle le contrainct de laisser le bateau,
Et se iecter souuent a l'appetit de l'eau.
S'il est vray ce qu'on dict en laissant le repere
De la Mer, elle va frayer à la vipere.

AELIAN l'a escript au premier liure des animaux, disant
mesmes ensuyuant nostre poëte, que la Murene se iecte sur
terre, & qu'elle va chercher la vipere iusques dedens sa cauer-
ne. Ceste fable a esté fort bien escripte par Oppian au pre-
mier liure des poissons, laquelle i'ay tournée des vers Grecs
comme il ensuit:

Il court de la Murene vn bruit tout assuré,
C'est qu'un serpent l'espouse, & que de son plain gré
Elle sort de la mer: puis toute desiruse
Elle va s'accoupler à la beste amoureuse.
Le serpent tout amer resent iusques au cœur
Du plaisir desiré la bruslante fureur
En serpentant au bord, & subit il regarde
Quelque rocher creusé, pour luy donner en garde
Son poison venimeux qu'il vomit la dedans,
En crachant le venin qui repose en ses dents,
Et qui est furieux sa richesse mortelle:
A fin qu'après plus doux il se couple avec elle.
Arreste sur la riue il va sifflant vn bruit
Connait l'amitié: puis la Murene suit,
Aussi viste qu'un traict, ayant sa voix reçue:
Et lors qu'elle apparoit en la mer estendue,
Le serpent se conduict sur les flots blanchissants,
Et va laissant la terre: alors tous iouissants
Enuieux de frayer ils se ioignent ensemble:
Quand la nouvelle espouse ainsi qu'elle s'assemble
Engoule en son gosier la teste du serpent.
Puis estant l'un & l'autre appaisé & content
Aux manoirs de la mer subit elle se serre,
Et le train du serpent le conduict en la terre:
Ou il va relecher son poison aduise,

K 3


Qu'il

Qu'il auoit parauant de ses dents espuisé.
 Mais ne le retrouvant (ainsi que d'auenture
 Vn passant aura veu & lauë ceste ordure)
 Il se bat tout le corps tourmenté doublement
 Jusqu'à tant qu'il ait pris perniciousement
 De la Parque prochaine vne mort incongneue;
 Honteux de se veoir estre en telle inconuenue,
 Que marcher de sarmé des armes qu'il auoit,
 Qui le rendoyent serpent, & dont il s'assuroit.
 Ainsi desesperé contre la roche dure
 Il pert avec le corps sa venimeuse ordure.

CE CY toutefois a esté escript poëtiquement tant par Nicandre que par Oppian, approchant en cela de la commune opinion du vulgaire, selon laquelle les poëtes entrelacent tousiours quelques fables parmy leurs poëmes. L'interprete Grec dict que Archilas l'a ainsi pensé, & qu'André l'estime estre faux au passage que Athencee a allegué d'un diure intitulé, Des choses que lon croit faussemēt. Dont ie pense que ce que le mesme autheur auoit escript au liure des bestes venimeuses estoit en ensuyuant l'opinion du vulgaire. La Murene vit ordinairement en la grand mer le long des rochers qui sont en la riuē, & le long des bouches des riuieres. Les anciens les prisoyēt beaucoup en viandes, tant à raison qu'elles sont d'un bon goust: que pourautāt qu'elles sont si viues que lon les peut longuement garder dans les viuiers & boutiques pour s'en seruir en temps: car nous lisons que Hyrcie en auoit reserué six mille, lesquelles il donna à Cesar. Et dict on encore dauantage qu'elles sont faciles à s'appriuoiser, resmoing celle de Crassus & d'Antoine. Paul Ioue a faict un liure des poissons Romains, là ou il dict q'la Murene de l'eau douce est le poisson que nous nommons Lamproye: toutefois quelques vns ne le veulent accorder. Je pourrois alleguer en cest endroict vne infinité d'autoritez des anciens, touchant la bonté des Murenes & en quels lieux elles sont meilleures, si ce n'estoit que j'ay entrepris de descouurir plustost
 la mali-

sa malineté que sa bonté. La Murene est ennemie mortelle du Congre, & de la Poulpe ou Pourpe. Le combat de la Murene & de la Pourpe est merueilleusement bien descript par Oppian au second liure des poissons; dont Aelian a pris ce qu'il en a escript. La Murene est si viue & furieuse qu'estant prise elle contrainct souuentefois les pescheurs de se iecter en l'eau depuis qu'elle eschappe de leur baquet. Car on dict aussi qu'elle enrage quelquefois, comme les chiens, & excite les mesmes accidets que faict la Vipere: pour ceste raison sa morsure se guerist par les mesmes remedes. La morsure du Smyre est fort dangereuse & se guerist en prenât sa teste & la faisant brusler pour en appliquer la cendre dessus la playe.

DE LA PASTENAQUE. CHAPIT. XXXI.



Τρυγων, Pastinaca, Pastenaque.




A Pastenaque est nommee diuerfement selon les pais: le vulgaire des François la nôme Raye, a cause qu'elle est fort approchante de la Raye. Les Grecs la nommēt Trygonne & les Latins Pastenaque, dont i'ay pris & retenu le nom. C'est vn poisson plat, large, fort tendronneux, licé, sans escail-

K 4

le &

le & sans aiguillons, excepté celuy qu'elle a en la queue faict en maniere d'un lóg poinçon, aigu & crenelé ou dentelé des deux costez, ainsi qu'une sie. Elle a la queue fort longue & liece, amenuisant tousiours vers le bout, comme celle d'une souris ou d'un rat, dont les Flamets la nomment en leur langue Queue de souris, ou de rat. Le poinçon sort du milieu de la queue, l'endroiect auquel elle est encore fort grosse: il a toutes ses dents tournées vers haut, lesquelles sont d'autant plus grandes qu'elles approchent vers le bout. Ceste seule partie est venimeuse: car estant couppee on mange sans danger le demourant de tout le poisson. Il y a de deux sortes de Pastenagues, de la premiere est le pourtraict icy dessus, & icy ensuiuit celuy de la seconde.



LA seconde n'est dissemblable à la premiere, sinon en ce qu'elle a la teste separee davantage du demourant du corps, & est faicte presque, comme celle d'un crapaut: car la premiere espece l'a du tout retiree en dedens au dessous de la continuation de ses costés aboutissant en pointe. Les costés aussi de celle de la seconde espece sont beaucoup plus approchants de la façon des ailes des oyseaux, & pour ceste cause

cause les Romains & Neapolitains la nomment Aegle; différente toutefois de celle laquelle est nommée par les Latins Aegle, & laquelle n'a point de poinçon. Oppian raconte une chose admirable de la malice de ce poisson, c'est que jamais il ne mange, que premièrement il n'ait blessé quelque autre poisson ou animal. Ainsi congnoissons nous facilement qu'il vit de proie, & qu'il pour suppléer à la vitesse qu'il a la nature luy a ostée, il se met en embusches attendant avec son poinçon, qui luy sert d'espee, le plus subit animal qui soit en la mer. Aelian escript que non seulement la Pastenague a l'adresse de nager: mais aussi de voler, & qu'elle est fort amoureuse de la musique, tellement que les pêcheurs la lèvent au haut de l'eau en chantant, & qu'en ce faisant ils la prennent plus à l'aise. Il dict d'auantage qu'elle prend plaisir à veoir danser. ce qui me semble auoir esté escript fabuleusement par cest auteur, lequel ramasse plusieurs telles choses plustost pour montrer quelque exemple de vie que peser ou faire a croire que la chose soit vraye: & ainsi il montre que souuentefois noz plaisirs sont causes de nostre mort. Il n'y a auteur ancien qui ait escript de ce poisson, qui n'ait parlé de l'incomparable malineté de son poinçon. Oppian dict qu'il est plus dangereux que toutes les espees forgées pour la guerre, & plus pernicieux que les fleisches envenimees. Plinè la dict estre plus execrable que toute autre chose: & Aelian escript qu'il est si dangereux que la playe qu'il fait, est incurable; toutefois il abuse en ce dernier point; car il y a plusieurs remedes propres à ceste guérison, comme nous diròs cy apres, lesquels n'eussent esté escripts si la playe eust esté telle. Ce poinçon n'est seulement venimeux pendat qu'il est attaché à la Pastenague viue: mais aussi estant tiré il retient la mesme malineté contre les hommes & contre les autres animaux, & qui est encore plus admirable, cōtre les arbres & les plantes: Car estant fiché dedens le tronc d'un arbre, il le fait mourir, comme escript Nicandre, & Oppian apres luy, lequel a seulement amplifié le passage de nostre poëte touchant ceste

K 5

maline-

malineté & touchant la mort d'Vlyffe. Car Homere raconte qu'après la destruction de Troye, Vlyffe pensant retourner en son païs fut tellement agité des tempestes qu'il vint surgir en Italie, là ou il fut receu par vne enchanteresse nommée Circe, avec laquelle il coucha & l'engrossit d'un enfant, qui depuis fut nommé Telegon. Cest enfant, comme dict Oppian, eut enuie d'aller veoir son pere Vlyffe, qui estoit retourné en son païs, & au partir sa mere luy donna vn baston, au bout duquel estoit emmanché vn poinçon de Pastenague. Luy estant donques arriué en Grece, il aduint de fortune qu'il s'adressa sans y penser à prendre quelques ouailles qui appartenoyent à son pere, lequel venant au secours de ses troupeaux fut soustenu par Telegon, lequel ne le congnoissant pour tel, le blessa avec son baston, dont il mourut. Lycophron poëte Grec fort ancien introduict Castandre predisant cette mort par ces vers :

L'aiguillon pestilent du poisson incurable

Auecq son bout aigu tura le miserable,

Alors, qu'à son costé il le viendra toucher:


Ainsi le filz sera du pere le boucher.

VOYLA ce qui me sembloit necessaire pour l'explication de la fable alleguée par nostre poëte. Il reste à expliquer les accidents de ce poisson ennemy de toute sa nature, qui par vne malineté particuliere pourrist les parties, auxquelles il s'attache, esmeut de fort grandes douleurs, retire & esbranle les nerfs, laisse & rend imbecile le corps, faict faillir le cœur, faict perdre la parole & obscurcist la veue, toutes les parties circonuoisines de la playe noircissent & perdēt si bien le sentiment qu'elles ne sentent ce qui les touche: estants pressées elles iectent vne bouë qui est espesse & qui sent mal, à cause des raisons lesquelles nous auons desia deduiçtes au chapitre de l'Aspic, de la Vipere, du Pourrisseur & d'autres. Les remedes sont semblables à ceux, dont nous auons parlé au chapitre de la Vipere. On pourra toutefois vser particulièrement du poisson mesmes couppe en deux & appliqué sus la playe & de

& de la presure de lieure, de cheureau ou d'aigneau pris par la bouche, le pesant d'une drachme. Rondelet raconte auoir gueri un homme de ce mal, en appliquant dessus le foye de la Pastenague & la cendre du poinçon bruslé & meslé avec du vinaigre.

DE LA VIVE, OV DRAGON MARIN.

CHAPITRE XXXII.



Δράκων θαλάσσιος, *Draco marinus*, *Viue*.



Le Poisson que nous nommons ordinairement Viue a eu ce nom à raison de sa grande viuacité: car la Viue estant tirée de la mer demeure long temps en vie, & est tellement habile que mesmes estant sur la greue elle faict un trou dedans, & se cache parmy le sable: pour ceste raison

Pline l'a nommée Arance ou sablonneuse. Les Grecs considerants la grande similitude de son œil avecque celui du Dragon, l'ont nommée Dragon marin. Et la pluspart du Languedoc & de Prouence retenants le nom de Pline la nomment Araigne. Elle est fort commune par la France à cause de l'usage & de la commodité que lon en reçoit es viandes: car entre les autres poissons elle est requise pource qu'elle a la chair ferme & fort bonne au goust. celle qui se peche en la mer Oceane, a communement huit ou neuf pouces de long & quelquefois dauantage. celle de la mer mediterranee ne passe guere demy pied de long. Elle est toutefois semblable en tout & par tout a celle dont nous vions à Paris. Elles ont

la teste

la teste assez grosse, la machoire d'embas fort longue & spacieuse au pris de celle d'enhaut. elles ont deux aslerons au dessoubs de la gorge, & deux esloingnés dauantage aux deux costés. Elles ont le long du doz & du ventre des aiguillons penchez vers la queue, lesquels sont attachés les vns aux autres iusques à la moitié de leur longueur, par le moyen d'une peau deliée: toutefois les quatre ou cinq premiers du doz sont fort aizuz & distinguez d'avecques les autres: car le cinquième est fort petit & ne fort guere hors le doz: le quatrième est vn peu plus long, & les trois autres sont presque d'une mesme grandeur, sinon que celui du milieu les surpasse vn petit. Touts les autres aiguillons tant de haut que du dessoubs sont fort mouffes. Elles ont vne ligne depuis les ouyes iusques au bout de la queue, laquelle semble separer le doz d'avecque les costés & le ventre, comme certainemēt ils le sont, principalement par diuersité de couleur: car tout ce qui est au dessus de la ligne est plus rouffastre & tacheté de couleur bleue & doree: & ce qui est au dessoubs est beaucoup plus blanc. l'vn & l'autre est recouuert de fort petites escailles. Elles ont les yeux verts, tirants sur lazuré: & fort esleuez vers haut.

La Viue est au nombre des poissons desquels les aiguillons sont venimeux: ce qu'ordinairement plusieurs experimentent à leur dam. Les plus venimeux sont ceux qui sont pres de la teste, & principalement celui qui est au bout de l'ouye, & lequel est fort long, aigu & couché le long d'icelle, tellement que bien souuent il n'apparoist cōme point: pour ceste cause on a accoustumé de couper la teste de la viue auant que de la seruir sur table.

Les accidents de sa poincture sont vne grāde douleur en la partie blessée, avecque enflammemēt d'icelle: ce que i'ay veu aduenir quelquefois en ceux qui estoient piquez avecque vne fieur, & avecque des defaillances de cœur & des mortifications du mēbre blessé, si lon n'y remedie soudainement & dextrement. Parquoy il est necessaire d'y auoir l'œil: ce qui

ce qui se fera en appliquant dessus la blessure la viue coup-
pee en deux, comme escript Dioscoride & Galen, lequel
semble demander la viue encore estant viuante: ce qui me
semble estre beaucoup meilleur s'il estoit possible d'en re-
couurer. Le Surmulet aussi est fort bon appliqué en la mes-
me maniere: vn cataplasme faict de serpoulet, de sauge &
d'aluyne cuits auecque du vin & pétris auecque vn peu de
farine. Il faudra prendre par la bouce de la theriaque ou du
Mithridat auecque de l'eau d'aluyne. Dioscoride y ordonne
de l'aluyne, ou de la sauge, ou du souphre meslé auecque du
vinaigre. Voila les remedes les plus souuerains & particu-
liers, & desquels aussi on se pourra aider cōtre la piqueure du
Scorpion marin, que lon nomme Rascale en Languedoc.

Scorpion
marin,

DE LA TURPILLE.

CHAPIT. XXXIII.

Nápxn, Torpedo, Turpille.


*LES poissons, à qui Dieu ne donna le pouuoir,
Et à qui hors du corps l'aiguille on ne peut voir,
Receurent vn conseil qui tout plein de cautelle
Fut mis en leur esprit pour flescche naturelle,
Laquelle par finesse est apportant la mort
Bien souuent au poisson plus gaillard & plus fort.
Telle en eut la Turpille ayant la peau fort tendre,
Aprise d'elle mesme à sa force defendre,
Molle, pesante & foible elle se sent charger
De paresse, & encor on ne la voit nager:
Car à peine apparoiſt son chemin dans les vndes,
Lors qu'elle se conduict aux eaux les plus profondes:
Toutefois en ses flancs a vn chacun costé
Les forces & le dol de l'imbecilité
S'attachent en rayons, ou si lon vient atteindre
Approché de trop pres, vn homme sent esteindre*

La for-

La force de son corps, lequel ainsi chargé
 Ne le peut supporter: le sang en est figé:
 Les folles pesanteurs dans le mourant se cachent
 Dont les membres du corps peu a peu se relachent.
 Elle donc congnoissant cela qu'elle eut de Dieu,
 Couchée sur le sable elle ne part du lieu,
 Immobile du tout comme s'elle estoit morte:
 Tout le poisson alors qui à ses flancs se porte,
 Perd sa force, empestre d'un endormissement,
 Dont par trop empesché il meurt subitement.
 Elle se leue alors toute gaye, & encore
 Que viste elle ne soit, pourtant elle deuore
 Aussi bien le viuant que celui qui est mort.
 Elle arreste souuent le plus subit effort
 Des poissons qu'elle touche, alors qu'elle rencontre
 Ceux la qui par les flots luy viennent a l'encontre:
 Ils demeurent tous secs, enlassés & douteux,
 Ne se resouuenants, tant ils sont malheureux
 De leur premier chemin, ny de se mettre en fuite:
 Ainsi leur pauvre vie est par elle destruite
 Sans fayder, ne sentir leur mal qui est rongeant.
 Comme un homme couché, plus souuent en songeant
 Aux images de nuit, endormy ne s'aduance
 Lors qu'il pense au courir gangner sa deliurance,
 Et que son cœur tressaut, & que tremblant de peur
 Ses genouils sont chargés par vne pesanteur,
 Comme estants garrotez d'un lien immobile:
 Ainsi sont les poissons liés par la Turpille.

I'AY translacé les vers d'Oppian le plus fidelement qu'il
 m'a esté possible, par lesquels la nature venimeuse de la Tur-
 pille est amplement discourue. Ce que i'ay fait pourautant
 que Nicandre ne s'en est resouenu en son liure, selon lequel
 i'ay conduict la fuite de mon commetaire: & toutefois i'ay
 pensé que l'admirable vertu de ce poisson meritoit bien de
 estre congneue par noz François.

L A



LA Turpille ou Torpille a esté nommée par les Grecs & Latins Endormâte, pourautât qu'elle faict vne telle passion à celuy qu'elle touche qu'est celle que nous endurons ordinairement lors que nous auõs le pied ou la main endormie. Il y a quatre sortes de Turpilles selon Rondelet, lesquelles ne
font


font gueres dissemblables l'une de l'autre. Les deux premières ont cinq taches grandes & rondes au milieu du corps. Celles de la première des deux sont, distinguées par cercles, & celles de la seconde ne le sont pas. Les deux autres ne sont point distinguées par cercles, comme nous dirons au chapitre suvant. Les trois premiers de ces cercles sont en haut & les deux autres au dessous : ce qui est toutefois contraire en la figure que Matthioli en a donnée en son commentaire de Dioscoride; sur quoy ie ne pourrois donner iugement, attendu que ie ne sache point en auoir iamais veu. & me suis assuré en celles qui ont esté pourtraictes par Rodelet, comme i'ay faict en tout ce qui appartient aux poissons, m'assurant qu'il est digne d'estre creu, non seulement en ceste partie; mais aussi en toute autre, dont il a escript. La Turpille est de l'espece des poissons qui sont plats & tendronneux & est d'une couleur rouge palle. Il est facile de congnoistre par les vers d'Oppian quelle est la malineté du venin de ceste beste venimeuse : en quoy certes cela est plus qu'admirable, comment il soit possible que la vertu se coule le long d'un baston ou d'une ligne, & soit portée iusques au bras du pecheur, comme ont escript les anciens, & Theophraste allegué par Athenée en son septiesme liure: ce qui nous est aussi prouué par l'experience que Rondelet mesme escript auoir faicte en une Turpille morte. Ceste vertu d'endormir semble estre seulement en ses ælerons, ainsi que nous auons veu aux vers precedents, ou il est dict que la force de son imbecilité est en ses flancs. Ainsi Athenee recite l'opinion de Diphile Laodiceuse, lequel auoit escript au liure des Theriaques de Nicandre, que la Turpille n'endormiroit, sinon par une des parties de son corps : ce qui se doit rapporter aux ælerons, car se sentant prise a l'hameçon elle tasche d'entortiller la ligne en iceux, à fin de se défendre par sa vertu endormante, comme la Seiche faict de son encre, ainsi que dict Cicéron au second liure De la nature des dieux. Ceste vertu n'a aucune puissance sur celuy qui tiendra du benioin en sa main, si ce qu'en a
escript

escript Aelian est vray: ce qui se peut faire aussi par vne contrepassion qui est entre la Turpille & le benioin. Les accidets que la Turpille esmeut en celuy qui en est enuenimé, sont tous procedants d'une extrême froidure, comme la force esteincte, la pesanteur du corps, le sang figé, & l'endormissement de toutes les parties, lequel est fait par l'absence de la chaleur naturelle: les remedes donques doiuent estre chauds & auoir la vertu de resueiller les esprits tels q nous en ordonnerons au second liure, chapitre de la Cicue, du Pauot & autres, ausquels le lecteur pourra auoir recours en son besoing.

DE LA TROISIÈME ET QUATRIÈME

ESPECE DE TURPILLE.


CHAPIT. XXXIIII.



A troisieme & quatrieme espece de Turpille ne sont en rien differetes des deux premieres, quant à la vertu & propriete naturelle: elles le sont seulement en corpulence. Premièrement en ce qu'elles n'ont les grandes taches rondes que nous auons dict estre aux deux premieres.

L

Secon-




SECONDEMENT en ce que la troisieme est marquee inegalement par tout le corps, & la quatrieme ne l'est point. L'adiousteray encore cecy pour le contentement du lecteur, touchant la propriete des Turpilles. C'est qu'elles vivent ordinairement le long des riuës bourbeuses là ou le long de l'hyuer elles se cachent sous terre pour la crainte de la froidure qui leur est contraire, comme a escript Theophraste: Estant prises viues & fendues en deux, elles ont la vertu d'apaiser les grandes douleurs de teste, selon Galen qui dict l'auoir experimenté: l'huile aussi en laquelle elle aura esté cuitte toute viue, a la force d'en faire autant aux douleurs des ioinctures selon Paul Aeginete. Plin a passé plus outre, & a dict que la Turpille estant prise, la Lune estant au signe de Libra, puis mise à l'abry l'espace de trois iours, a la vertu de rendre les trauails des femmes beaucoup plus faciles: & que son fiel appliqué aux parties honteuses, empesche d'engendrer.

Dv

DV CHIEN ENRAGE.

CHAPITRE XXXV.



AUTANT que le Chien est domestique & familier de l'homme pendant qu'il est sain : d'autant luy est il ennemy depuis qu'il est sorti de sa nature acoustumee, laquelle il perd quelquefois par vne espece de maladie qui luy est fort commune & particuliere entre tous les autres animaux : & par laquelle il est fait non moins dangereux que les serpens & les bestes desquelles nous auons parle cy deuant. Ce qui a esté cause que ie l'ay mis en ce liure, à fin qu'à bon droit il ne me fust reproché d'auoir explique ce qui est moins congneu & necessaire aux François, & auoir laissé ce dont ils ont le plus à faire. Car encores que, dieu mercy, nature ait tellement fauorisé nostre Gaule entre toutes les autres nations, que comme desarmant ces môstres venimeux, elle vueille que nous marchions par dessus sans crainte de leurs morsures : toutefois elle en a laissé quelques vns plus tost pour les rédre soingneux que pour enuie qu'elle eüst de leur faire mal. Entre lesquels d'autât que celuy qui ordinairement est à nostre suite, est le plus dangereux, d'autant de uons nous estre mieux preparez, si dauenture il eschet qu'un tel malheur nous aduienne. Je deduiray donques le plus briuement qu'il me sera possible, la nature du chien enra-

L. 2

gé, la

gé, la force de son venin, & les accidents suruenants apres la morsure. puis ie parleray de la guerison.

LE Chien, lequel de sa nature est genereux, amoureux & flateur, & qui pour ceste cause est caressé de l'homme plus que nul des animaux domestiques, est subiect à trois sortes de maladies, a sçauoir à la rage, à la squinancie & aux galles: desquelles les deux dernieres ne sont contagieuses encore que le plus souuét il en meure. La premiere est contagieuse: tellement qu'il communique la mesme affection en celuy qu'il mord (si de bonne heure on n'y met ordre) soit vn homme ou vne autre beste. ce mal toutefois gaingne bien plustost la nature des autres animaux que celle de l'homme: pour ceste cause Aristote escript que les chiens & les autres bestes meurent de la rage deuant l'homme (car ainsi faut il selon Leonice corriger le passage d'Aristote, & ne penser qu'il eust esté si peu expérimenté que d'auoir voulu dire que l'homme ne meure point de la rage, comme il semble à ceux qui lisent & retiennent le mot Grec qui signifie *excepté* au lieu qu'il faut mettre celuy qui signifie *deuant*) Il y a deux causes pour lesquelles les chiens deuiennent enragez, toutes deux contraires. La premiere est la grande chaleur: la seconde est la grande froidure. Ainsi les anciens ont escript que le plus souuent ils enragent es iours caniculaires, & en hyuer durât les grandes gelées, principalemēt es regions, ausquelles il y a de grandes & subites mutations des saisons. Ce qui aduiēt pour autant que les chiens sont de leur nature chauds & secs, & par consequent ils ont beaucoup d'humeurs melancoliques bruslez, lesquels s'augmentent par les mutations subites, telles que nous les apperceuons en automne, & se bruslans d'auantage par les grandes chaleurs ils esmeuent vne fiebre ardante & vne phrenesie dans le corps du chien, laquelle nous nommons rage: & est distinguee en deux par les veneurs, en chaude ou desesperce: & en celle qu'ils nomment rage courante. Ceste chaleur est augmentée en esté par l'air penetrant iusques au dedans de leurs humeurs, & en hyuer par l'a-

par l'abondance de la chaleur de dedans, laquelle estant repoussée à raison de l'air froid s'augmente & s'alume & avecque soy faict allumer les humeurs pourrissants, lesquels sont d'autant plus dangereux que ne pouuâts s'esuanouir par les pertuis du cuir (qui pour lors sont du tout fermez) ils demeurent dedans & font les mesmes accidents que la grande chaleur de l'esté. Ceste raison me semble estre plus approchante de la verité que celle de quelques vns, lesquels ont escript que la rage se fait en hyuer par la vertu de la froidure qui gele le sang: car tant s'en faut que le sang gelé puisse esmouuoir vne telle fureur qu'au cōtraire il engourdirait tellement les esprits qu'il faudroit à l'instant que le chien mourust, voire deuant qu'il fust gelé; ioinct aussi que le sang ne se peut geler dans le corps que premieremēt la vie appuyee en la chaleur naturelle n'en soit du tout dehors. Il ne faut point doubter toutefois qu'avecque ceste cause exterieure il n'y ait vne promptitude ou aptitude de la nature du chien par laquelle cest humeur, est engēdré: à laquelle Galen ayant esgard a escript au sixiesme liure Des parties malades, qu'entre tous les animaux il n'y a que le chien lequel de soy-mesme enrage. ce qui semble auoir grāde apparence: encore q̄ plusieurs ayent pensé qu'il y eust des autres animaux de pareille nature. Mais ie ne me veux arrester à demesler ceste questiō, à sçauoir si les autres animaux qui enragēt, ont esté premierement morduz par les chiens enragez ou s'ils le deuiennēt de leur propre nature. Tant y a q̄ le chien ainsi malade a la vertu non seulement de faire enrager ceux qu'il mord, mais aussi ceux contre la peau, desquels il aura iecté de son escume: car elle retenant la nature des parties, dont elle procede (ainsi q̄ i'ay dict en vn autre endroiēt) porte ce venin tellement subtil, que facilement il passe par les pertuis du cuir, & estant attiré dans les arteres par le continuel mouuement d'icelles, il est conduict en la parfin au demourant du corps. Lon a encore adiousté d'autres causes avecques les deux premieres: lesquelles ont vertu de faire pourrir les humeurs des chiens:

L 3

comme

comme l'usage des charongnes qu'ils mangent ordinairement & des eaux pourries qu'ils sont contraincts de boire quelquefois. Plin a escript que les fleurs des femmes font enragier les chiens qui en goustent, & que tel venin est incurable: ce qui me semble auoir esté dict plustost par vne enuie qu'il a d'en mal dire, que pour quelque experience qu'il en eust faicte. Car c'est vne chose asseutee que le sang de soy-mesme n'est vicieux, sinon en quantité, pourautant que nature l'a destiné pour la nourriture de l'enfant dedans le ventre, au defaut duquel il est necessaire qu'il soit iecté hors. bié est il vray que si par quelque inconuenient il est retenu, il se gaste & se pourrist, tellement qu'il est cause de fort grandes maladies, telles que nous voyons ordinairement aduenir aux ieunes filles à marier & aux veufues. Lon dict encore dauantage q les chiés qui mangēt des choses fort chaudes, sont facilement pris de ceste maladie, à cause qu'eschauffant leur sang, lequel de soy est prompt à se mouuoir, elles engendrent la fièvre. Il se faut donc bien garder de faire manger aux chiens les viandes pourries, espicees & autres telles, lesquelles sont chaudes & eschauffent merueilleusement. Mais ce n'est assez de cōgnoistre les causes de ce malheur, si estāt aduenu, nous ne sçauons les moyēs de bié recognoistre le chien ainsi malade, à fin de nous en garder. Les signes par lesquels nous nous en pouuōs apperceuoir, ont esté escripts assez amplement par Dioscoride, Galen, Aelise & Paul Aeginete en ceste façon. Le chien enragé à la queue & les oreilles fort pēdantes, il regarde de trauers & plus melancoliquement q de coustume: il se iecte indifferēment sur tous ceux qu'il rencōtre, soyēt bestes ou hōmes, autant sur les congns q les estrangers: & ce sans abayer premierement. Il escume fort par la gueulle & les naseaux: il ne veut ne boire ne manger: il est communement gressle & sec: il a les yeux rouges, & haletāt il tire le plus souvent la lāgue hors de la gueulle toute rouffatre ou noiratre: il marche pas à pas, & est quasi cōme tout endormy. sil se met à courir, il va d'un costé & puis d'autre, & court plus vifement que

Moyen de
congnoistre
le chien en-
ragé.

que de coustume. Les signes du chien enragé ont esté cōpris
en vne respōse faicte aux calōnies d'un mōdifant, en ces vers:

*Retirez vous arriere, à fin que vōstre vne
Ne se souille, voyant vne beste incongneue,
Qui pleine de cholere & d'un cœur forcené
Se iette à trauers champs d'un pas abandonné.
Elle a l'œil de trauers & la gueulle escumante,
Ses naseaux sont remplis d'une escume sanglante,
Le hoire & le manger luy sont à contrecœur,
Son œil est esclerant plein de haine & rancœur:
Elle mord vn chacun, sans faire difference
Des incongneux à ceux dont elle a congnoissance:
Elle est maigre de corps & sans cesse luy pend
Du gosier deseché la langue d'un serpent:
Elle baisse la quenē, & de ses grands oreilles
Elle bat son museau plein de grosses abeilles,
Qui sans fin la piquants de leurs grands aiguillons
Luy font prendre chemin, ores par les seillons
De nouueau labourez, ores par les bruyeres,
Ores par les forests, ores par les iacheres.*

VOYLÀ les moyēs qu'il y a de recongnoistre le chien qui
est enragé. Toutefois il aduient bien souuēt que les hommes
sont blesez par ceux auxquels ils n'auront apperceu tels
signes, comme n'y ayant pris garde de si pres. Parquoy il est
tresnecessaire d'y aduiser diligemment, à cause du grand in-
conuenient qui en aduient: car cela ne se peut congnoistre
par la playe, laquelle est en tout & par tout semblable à celle
qu'un chien non enragé auroit faicte, ainsi qu'escript Galen
au liure des Sectes. Pour ceste raison quelques vns ont escript
des moyens de la congnoistre: c'est que si lon met l'espace
d'une nuit des noix dessus la playe, & que le lendemain on
les baille à manger aux poulles, on les trouuera mortes le
iour ensuyuant, si la morsure est d'un chien enragé. Item si lon
met du sang sortant de la playe dessus du pain, & que lon le
presente à un chien fort affamé, tant s'en faut qu'il le mange

L 4

que

que mesmes il ne daignera le fleurir. Ceste experience toutefois ne me semble assez suffisante, encore que Oribase & plusieurs apres luy l'ayent escripte. Dont il sera necessaire de s'enquerir diligemment du chien par lequel lon aura esté blessé: à celle fin de ne cheoir aux inconueniens de la maladie parfaite, que les Grecs ont nommé Hydrophonic: c'est à dire crainte d'eau: pourautant que ceux qui en sont malades ont l'eau en horreur sur toutes choses, encore qu'ils soyent extremement alterez. Car le venin estant entré par la playe ou par les pertuis du cuir, gangne peu à peu sans aucunement s'arrester es parties, par lesquelles il passe, tellement que lon est quelquefois quarante iours sans y rien appercevoir, quelquefois deux mois, ou six: & quelquefois vn an tout entier. Lon a mesmes escript de quelques vns, lesquels sept ans apres auoir esté blesez, tumberent en cest inconuenient: toutefois il s'en rrouue quelques vns lesquels peu de temps apres qu'ils sont blesez commencent à craindre l'eau & toutes autres choses humides. Le venin donques estant parueniu iusques aux grandes veines & au cerueau commence à gaster l'imagination, la raison & la memoire: tellement que l'homme en deuient fol & se deschire soy-mesme. Il mord & esgratigne les premiers venuz: il hurle, il crie, & endure des retirements des nerfs. Il est rouge par tout le corps, & principalement par la face: il a de grandes sueurs & des defaillances. Il se tourmente & entre en fureur lors qu'il voit l'humidité, & les choses resplendissantes, comme les miroirs à cause de l'horreur & la crainte qu'il a de soy-mesme, lors qu'il se voit là dedés: & a cause aussi (comme aucuns des anciens ont escript) qu'il pense veoir tousiours vn chien dedans l'eau ou dedés les miroirs. Aussi Aesse raconte d'un philosophe, lequel commençant a estre malade de ceste maladie, se voulut mettre au baing, là ou apperceuant la figure d'un chien, raisonna en soy mesme, & dict: Qui a il de comun entre vn baing & vn chié? lors il s'asseura, entra dedés, & beut de l'eau, dont il fut guerry. Auecques tous ces accidents le malade sent vne grande seiche-

seichereſſe de toute la bouche, & comme j'ay dict, vne ſoif non éteindible ſans appetit de boire, pourautant q̄ deſia ſon corps a pris vne affection contraire à la naturelle, dont il aduiant qu'il ne deſire les choſes qui naturellement appaiſent la ſoif. Il eſt tellement tourmenté par ces accidents qu'en la parſin vaincu de douleur & de trauail il meurt: principalement alors que le venin eſt entré dens le cœur. Car il ne ſe trouue point de remede, depuis qu'ils ſont cheuts en ceſte rage telle que nous l'auons deſcrite: & ne ſe liſt point q̄ perſonne en ſoit eſchappé, ſinon vn ou deux leſquels auoyét eſté bleſſez par des hommes enragez & non par des chiens. Auſſi la rage qui ſuruient en ceſte maniere n'eſt pas ſi dangereuſe & vehemente que l'autre: car le venin a perdu quelque partie de ſa force, tellement qu'encore ſeroit elle moins dangereuſe en celuy qui auroit eſté bleſſé d'un homme, auquel vn autre auroit donné ſon mal. Or encores que ces maux ſoyent tels, ſi ne faut il penſer qu'ils aduiennent tous en vn coup: car premierement l'homme deuïét penſif, & murmure entre ſes dents: il reſpond ſans propos, & commence à deuenir cholere plus que de couſtume: il voit en dormant vne infinité de ſonges fantaſtiques. quelques vns ſont encore paffez plus outre & ont eſcript qu'il ieſte en vrinant des morceaux de chair faiſts en maniere de petits chiens. ce qui aduiant pluſtoſt, (ſi lon doit croire qu'il aduienne) par vne oculte & indicible cauſe, comme auſſi la pluſpart de celles qui eſmeuuent les actions des venins ne ſe pouuoit tirer d'ailleurs, & ſommes contraincts au defaut des naturelles d'auoir recours à celles qui ſont par deſſus la nature. Mais à fin de ne cheoir en ces inconuenients tant eſtranges, il faudra mettre ordre de bõne heure que les remedes neceſſaires ſoyent cerchez, leſquels ont eſté experimētés & approuués, tant par les anciens que modernes. Je ſçay bien que les hommes addonnez naturellement aux ſuperſtititions ont inuenté vne infinité de remedes autres que Dieu n'a ordonnez: & ſe ſont deſbordés iuſques là, qu'ils ont penſé n'y auoir autres moyens

L 5

d'eſtre

d'estre garenty de ceste maladie que par imprecations dont ils saydent en la guarison : non seulement de ceste cy, mais aussi d'une infinité d'autres. comme si Dieu prenoit plaisir à tourmenter les hommes & à les faire courir ça & là, pour chercher ce que dès le commencement du monde il leur bailla en leur puissance : & penser aussi qu'il ait assubiecti son pouuoir a quelques parolles particulieres : luy qui est infini en tous lieux & qui a posé le monde dans l'infinité de son vouloir, par lequel il a voulu borner nos afflictions, à celle fin que nous ne pensassions que sa puissance fust attachée en quelque endroit. Les hommes donc detracquez de ceste voye, ont laissé les naturels moyens & vertus diuines que Dieu a mises aux herbes & sont entrez dans la spacieuse campagne de leurs sottes intentions & volontés effrenées, là où estants desbridez par l'auarice de ceux qui y pensent auoir proufit, ils se sont iectez dans les filets des esprits malins qui les attendent au passage. Car il ne faut point doubter que puis qu'ils ne se fient aux moyens que Dieu a ordonnez, & que puis qu'ils abandonnent, sans exemple & témoignage suffisant, ceste reigle vniuersellement estable, pour se forger à l'appetit des nouueaux medecins : il ne faut point doubter, dis-je, que les malins esprits ne se soyent mis en peine de les y tenir, leur donnant, ainsi qu'on dict, entre deux vertes vne meure. Ils se sont fiez par ce moyen en la vertu des parolles & caracteres, ainsi que les forciers & sont venuz iusques à dire qu'ils ne se soucient qui les guerisse & fut-ce le Diable. Qui est vn prouerbe aussi peu ressentat son Chrestien que bien peu est assuree la guerison qui s'en ensuit. Je ne dis point cecy sans en auoir veu vne infinité d'exemples, & sans premierement estre fondé sur la parolle de Dieu, par laquelle nous auons appris que nonobstant la belle apparence que les choses ayent, si n'y faut il adiouster foy si nous les voyons peruertir l'ordre que Dieu a estably entre les hommes, ou estre cōtraires à la parolle qu'il nous a laissée. Toutefois ceste dispute appartient plustost aux Theologiens qu'aux medecins.

medecins, lesquels pourtant establis de Dieu, ont trouué les remedes qu'il luy a pleu leur manifester encontre ce mal, non vn remede pris d'ailleurs que de sa main, voire de sa bouche, par laquelle dès le premier iour qu'il feit les herbes, il leur donna la puissance de multiplier en leur gaine, laquelle d'an en an a donné la mesme vertu qu'elles auoyent, à toutes celles qui depuis sont venues, & qui d'orenavant accroistront iusques à la consommation du monde.

Nous ne nous arresterons doncques à ces enchantemens si mal fondez, pour laisser les remedes par lesquels vne infinité de malades ont esté garentis deuant que telles superstitions fussent mises en auant au grand conténement de Dieu & domage de la republique. Mais auant que passer plus outre ie parleray vn peu des plus communs moyens desquels ces abuseurs de peuple saydent ordinairement en quelques endroits. Car ils n'ont pas esté du tout si lourdaux qu'ils ne se soyent aydes de remedes propres a teste maladie. Les vns font vne certaine composition de pain, dedans laquelle ils meslent quelques contrepoisons propres & en font manger vn long temps: les autres donnent de l'eau à boire: les autres des bruuges composez: les autres appliquent des fers chauds qui sont fort conuenables, comme nous dirons cy apres: les autres les font baigner, & vsent des mesmes remedes, desquels les medecins ont accoustumé d'vsar & lesquels toutefois ils deguisent de caracteres, de ceremonies, de parolles non entendibles & d'vne infinité d'autres bouffonneries qui rendent quelque admiration aux pauvres ignorants, & qui les entretiennent en leur fausse opinion. Je pourrois alleguer vne infinité de telles impietés dôt quelques vns saydent en la guérison des fieures & autres maladies, comme de versets & sentences rompues de la sainte escripture, des suspensions au col, & toutes les forcelleries que Fernel a ramassé en son liure des causes cachees: si ie ne pensois trop ennuyer le lecteur. Parquoy ie viendray à la guérison, laquelle se doit poursuivre tout le plustost qu'il sera possible

angivob

possible tant par medicamēts appliquez sur la playe que ceux que lon doit prendre par la bouche. Premièrement doncques si la playe est grande, il la faudra laisser saigner le plus long téps qu'il sera possible, à celle fin qu'une partie du venin sorte avecque le sang : & la ou elle ne sera assez grande, ou bien que seulement il y ait eu de l'escume, il faudra scarifier la partie en rond, & appliquer des vétoles ; puis apres mettre vn cautere actuel & faire cheoir la crouste le plustost que faire se pourra, puis entretenir la playe ouuerte iusques à tant que les quarante iours seront expirez, voire dauantage s'il est possible. Ce temps pendant il faudra appliquer des medicaments propres pour irriter la playe, cōme des ails, des ongnōs broyez, & de la poudre de Mercure. par ce moyen la playe sera tousiours ouuerte & le venin se vacuera tousiours de plus en plus, si lon adiouste des remedes plus particuliers à ceste maladie, comme l'emplastre que Galen compose selon l'ordonnance de Menippe & ses maistres Aeschiron & Pelops : elle est faicte d'une liure de bone poix de Calabre, trois vnces ou quatre d'Opopanax & d'une liure, huit onces de vinaigre. Il mōstre la maniere de le faire au liure Des cōtrepoisons chapitre septante quatriesme, dont lon pourra retirer plusieurs proufitables receptes pour ceste mesme intention. Lon pourra aussi appliquer de la Theriaque, ou de bon Mitridad dissout avec de l'huile rosat, & beaucoup d'autres emplastres & vnguents, lesquels ont esté ordonnez par les bons autheurs anciens, & qui seront retirez par le medecin diligent, comme de Dioscoride, Galen, Oribase, Aesse, Paul Aeginete, Plin, Auicenne & autres. Le plus excellent remede qui se baille par la bouche est escript par Galé apres l'ordonnance d'Asinie en ceste maniere. Prenez dix dragmes de cendre de Cancres bruslés, sept dragmes de gentianne & vne dragme d'encens, & en donnez trois dragmes tous les iours avecque de l'eau par l'espace de quarante iours. Dioscoride en faict vn qui n'est gueres different de cestuy-cy. il commande de faire brusler des Cancres avecques du sermēt
de vigne

de vigne blâche pour en garder la cendre bien delicee avec-
 que de la racine de gentianne bien fort batue & passée. puis
 quâd lon en aura à faire , il veut q̄ lon prenne trois dragmes
 de cendre de Cancre & vne dragme & demye de poudre de
 gentianne, en six onces ou six onces & demie de bô vin pur:
 ce qu'il veut q̄ lon continue par quatre iours, & là ou il aduie-
 dra qu'il y ait desia trois ou quatre iours q̄ le mal soit cōmen-
 cé, il veut que lon double ou triple le poix susdict; & dict que
 ce seul remede est suffisant. Cē remede entre plusieurs au-
 tres a esté escript en vers par Damocrate, lesquels sont alle-
 guez par Galē au liure des Contrepoisons: L'Ozeille appli-
 quée sur le mal & le bouillon d'icelle pris par la bouche, est
 de grâde vertu, cōme escript Aesse, disant qu'il a cōgneu vn
 vieillard, lequel n'vsoit d'autre remede que de cestuy-cy.
 Qui en voudra veoir dauâtage, celui le pourra en Aesse: tou-
 tefois ces remedes sont fort faciles & se peuuent recouurer
 ordinairement sans se trauailler, ainsi que lon a accoustumé
 de faire sans occasion & encore moins sans raison. Il y en a
 encores d'autres desquels on pourra vser, cōme du foye d'un
 chien enragé mis en cendre & du sang du chien pris par la
 bouche ce pendât que lon vsera des autres remedes en tout
 & par tout suffisants: car ces derniers-cy sont vn peu dou-
 teux à ceux qui sy veulent fier du tout. Il faudra en ces en-
 tre faictes ordōner de la maniere de viure & des choses qui
 semblent estre generalles. Il faudra donques nourrir le ma-
 lade de viandes de bon suc, lesquelles soyent plustost humi-
 des que seiches, luy tenir tousiours le ventre lasche, & luy fai-
 re vser de racines ourantes qui ont la vertu de faire vriner.
 Si lon voit que rien n'empesche & que le corps soit fort san-
 guin, il sera bô de tirer du sang. Au reste s'il est possible, il faut
 tant faire qu'il ne voye point ce qu'il buura, ne ce qu'il man-
 gera. Voila les choses qui sont necessaires pour ceste mala-
 die. Il sera facile de se gouverner au demourant par l'aduis
 du bon medecin, sans lequel il ne faudra se hazarder à faire
 chose dont il puisse venir inconuenient.

L'A

LA morsure du chien non-enragé est aucunement venimeuse, pourautant qu'elle est plus douloureuse & difficile à guerir qu'une playe simplement faite: toutefois elle n'est mortelle. On y remédie avecque un cataplasme fait de noix, d'oignon, de miel & de sel cuits ensemble, & pétris avec de la farine de fourmêt ou d'orobe. Il faudra toutefois premierement estuuer la playe avecque du vinaigre & du nitre, & mettre une esponge dessus, laquelle soit mouillée en vinaigre. Ce remède est bon aussi contre la morsure de l'homme, laquelle on dict auoir une pareille malineté, come aussi ont le Cheual, le Mulet, l'Asné, le Regnard, le Loup, le Chameau, le Singe, le Chat, le Rat & la Blette. Bref, il ne faut doubter que la morsure des animaux ne soit plus douloureuse & difficile à guerir que les playes ordinaires. Ce qui aduiet à raison de la salive, laquelle induit une mauuaise qualité en la partie blessée. Telle est l'opinion de ceux qui en ont escript: toutefois la salive de l'homme appliquée sur les vlceres, ne les rend point plus difficiles: mais au contraire elle les seiche plustost, & a dauantage une certaine propriété de guerir ceux ou lon se doute qu'il y a quelque venin: ce que j'ay souuentefois experimenté & trouué estre vray. Galen l'a montré au chapitre qu'il en a fait au liure des Simples. Parquoy il me semble que la douleur & difficulté de la guerison de la morsure de l'homme, vient en tout & par tout à cause de la meurtrisseure qui se fait au moyen des dets qui sont espesses, lesquelles ne peuuent entrer en la chair sinon en escachant. ainsi voyons nous les coups orbes & les playes faites avecque des pierres & des bastons, estre plus douloureux & difficiles à guerir que celles qui ont esté ouuertes avecques des glaiues trenchants & poignants. Quant est des autres animaux, ie penserois bien qu'ils auroient en leur salive quelque chose contraire à nostre nature, par laquelle les morsures se rendent plus douloureuses & rebelles aux remèdes: ce que non seulement nous apperceuons en icelles, mais aussi aux esgratigneures de ceux qui ont les ongles aiguz, comme les chatz & autres

& autres, lesquels laissent vne douleur avecque vne rougeur en la playe qu'ils esgratignent.

DES REMEDES PROPRES CONTRE
TOVS VENINS, CHAPITRE XXXVI.



A PRES que Nicandre a discoursu en ses Theriaques vne chacune espee de serpens sans auoir parlé des moyes pour guerir leurs venins, il donne des remedes generaux, desquels on peut vser contre toutes morsures de serpens. Il nomme premierement trois herbes, lesquelles d'elles mesmes estant appliquees sur les morsures, ou estant beuës avecque du vin, peuuent garentir vn homme de la mort. Mais auant il faict vne reigle generale: c'est qu'il faut que les herbes, dont on se veut ayder, soyēt le plus nouuellemēt cueillies que faire se pourra, & appliquees incontinent apres que la playe est receue. La premiere herbe des trois est nommee la Panacee, c'est à dire, toute bonne ou toute salutaire. *La Panacee.* Ce nom luy a esté donné pour la grāde vertu qu'elle a à guerir les maladies: on la nomme autrement le Panace de Chiron, pourautant que le Centaure Chiron fils de Saturne my *Chiron Centaure.* homme & my cheual, fut le premier qui la trouua en la montagne Pelion, & la remarqua en ce qu'elle porte vn tige long & menu. Ce Chiron fut vn grand medecin de son temps, lequel monstra l'art de medecine à Esculape, & la science des Astres à Hercule. La Panacee est vne herbe que Dioscoride descript mot à mot, selon que Nicandre l'a descripte: a scauoir ayant les feuilles semblables à celles de la marjolaine, vne fleur doree & la racine petite & poignante au goust. nous ne scauons au iourdhuy que c'est en France. La seconde herbe est la Sarasine que les Grecs & Latins ont nommé *La Sarasine.* Aristoloche. Il y en a de deux sortes. La premiere est le masse que nous nommons vulgairement la longue: à cause qu'elle a sa racine fort longue, d'vne coudee de profond en terre, ainsi

ainsi que dict nostre poëte. L'autre est la femelle que nous nommons la ronde, à raison de la façon de sa racine qui est toute ronde. l'une & l'autre a la feuille semblable à la Vincibosse que les Grecs & Latins ont nommé Periclymene, assez pres approchante de celle du Lierre. la fleur est rougissante comme l'Hyfgin, qui estoit anciennement vne espece de tincture pourpree, comme escript l'interprete Grec. Elles portent vn petit fruit lequel est fait en façon de petites pierres. Il le compare à celles du poyrier mirteen ou du bacche, qui sont especes de poiriers sauvages. les racines sont de couleur de buys par dedens, nomme buys d'Horicie, c'est à dire de Crete, pourautant qu'en ceste region il y en a en abondance. Le moyen d'vser de ceste herbe est qu'il faut prendre vne dragme de sa racine & la racler en du vin, puis la boire. Le

Vincibosse.

l'Hyfgin.

Poyrier mirteen ou Bacche.

Horicie.

Le Trephe. Trephe est la troisieme herbe, a sçavoir celuy que lon surnomme bitumineux, à cause que quand il est en perfection de feuilles & de fleurs, il sent le bitume. Lors qu'il est encore petit, il a couleur de Rue, il a les feuilles semblables au Lobe q̄ quelques vns disent estre nostre melilot vulgaire: ce qui me semble toutefois estre fort douteux, pourautant que nostre melilot a les feuilles languettes, & ce Trephe les a courtes, il les a attachees à vne longue queue qui est vn peu velue, & sont disperseees trois à trois, & pour ceste cause il est

Troifueillu. nommé Troifueillu, comme sont toutes les autres especes de Trephe: lesquelles toutesfois ont les feuilles plus en pointe & estroictes que cestuy-cy. Il a la fleur pourpree, comme dict Dioscoride: dont quelques vns le nomment fleur vermeillonnée au lieu que ie l'ay nommé petite fleur; car le mot Grec signifie l'un & l'autre. Nicandre veut que lon prenne de sa graine autant qu'il en peut tenir dans vn poisson, ou le creux de la main, & que lon la broye & boyue avec du vin ou du vinaigre meslé, comme dict Dioscoride, lequel aussi donne la mesme vertu à ses feuilles. Cela fait, nostre poëte nous ordonne vne Theriaque composée de racine de Thapfe, de Rosagine, de Rue, de graine de Vitex, de Serriette, d'Asphodelle

Mirte.

phodelle & de Paritoire, lesquels il veut estre broyez & pris avecque chopine de vin, ou de vinaigre, ou d'eau. Le Thapſe ^{Thapſe.} estoit vne herbe anciennement que nostre autheur nomme Thrinacie, cest à dire Sicilienne, pource qu'elle fut premierement congneue en Sicile (car Sicile a esté nommee Thrinacie. ^{Thrinacie.}) Leonicere pense que le Thapſe soit ce que Dioscoride nomme Thapsienne, en quoy certes il me semble qu'il s'est abusé d'autant que la Thapsienne est fort poignante & venimeuse. La Rosagine est vn petit arbrisseau que les Grecs ^{Rosagine.} & Latins ont nommé Nirie ou Nerie & Rhododeude: elle est fort approachante du Laurier & porte des fleurs semblables à des roses rouges: pour ceste cause quelques vns la nomment Laurier-rose. Elle est venin aux mules, aux chiens & aux asnes: & au contraire elle guerit les hommes de la morsure des serps estant meslee avecque de la Rue, & beu avecque du vin. Les autres herbes ont esté expliquées cy deuant. Outre les remedes cy dessus Nicandre ordonne la Viperiere ou Buglose sauuage, de laquelle nous auons parlé cy deuant. Elle a esté nommée Alcibienne pourautant qu'un homme ^{Alcibienne.} nommé Alcibie la trouua, & experimenta le premier quelle force elle auoit contre la morsure des serps, ainsi que nostre poëte l'a descript. Il l'a depeint merueilleusement bien en trois ou quatre vers, & encore mieux lors qu'il en fait deux especes qu'il semble seulement distinguer par la hauteur. Car aussi n'en reconnoissons nous qu'une non plus que Dioscoride, lequel toutefois s'est monstre grand obseruateur de Nicandre. Il ordonne aussi du Marrubin pris avecque du vin ^{Marrubin.} blanc, & dict que les bergers le nomment Melisse ou miel-leuse, non toutefois qu'ils soyent distingués: mais cela aduiet à raison de la grande similitude qui est entre le Marrubin blanc & la Melisse. Ainsi l'a il nommé aux Cōtrepoisons entre les remedes contre l'Asconite. La petite peau qui couure le cerueau de la poulle est bonne contre les serpens: aussi est toute la ceruelle prise avecque du vin. L'herbe Polinecme ^{Polinecme.} nous est aujourdhuy incongneue. Elle est nō seulement bōne

M

contre

contre les morsures des serpens: mais aussi contre les poisons, ainsi que luy-mesme l'a ordonné en la guérison de l'Aconite. Il ordonne encores l'Origan que j'ay expliqué cy dessus, & quelques parties du foye d'un sanglier, qui iadis estoient observées par les devins & pronostiqueurs. Elles estoient nommées particulièrement par les Grecs Trapezes, Pyles & Machaires. Ces parties sont assez pres du fiel & des veines que lon nomme portieres, à cause qu'elles portent la matiere du sang dedens le foye. Le poix d'une dragme de couillon de Bieure ou du cheual d'eau pris avecque de l'eau est un remede

Le Bieure.

Hippopotame,
Sais la bruslante.

Faux meschante.

Bupleure.
Pulybatee.

Perfil aux cheuaux.

de excellent contre les serpens. Le Bieure est un animal de double vie: car il vit partie en l'eau & partie en terre: il est semblable au loutre, mais il est un peu plus gros: il a les pieds de derriere faicts en patte d'oye, la queue escaillee, & les dents fort tranchantes. Le cheual d'eau est nommé par les Grecs & Latins Hippopotame. c'est un animal qui habite ordinairement dans le Nil, principalement au dessus de la ville de Sais que nostre poëte nomme bruslante, à cause que le territoire d'alentour est fort noir: comme s'il estoit bruslé. Ce cheual fort souuétesfois hors du Nil, alors qu'il est affamé, & va paistre les bleds semez le long du riuage de ceste riuere. Pour ceste cause Nicandre dict qu'il y met une faux meschante, c'est à dire, sa dent. Les autres remedes sont, l'Auronne, la graine de Laurier, la marjolaine, la presure d'un Leuraut, d'un fan de biche, d'un dain, & la caillette & le membre de Cerf, le Polion, le Cedre, le Genieure, la graine de Plane, de Cypres & de Bupleure, qui nous est incongnu aussi bien que la Pulybatee, dont il faict une Theriaque avecque du vin & de l'huile de chacun une chopine, & trois chopines de Prifanne. Il met en apres un autre Theriaque composée de Poix, de mouelle de Ferule, de racine de fenail sauvage nommé par les Grecs & Latins Hippomarathre: de Perfil de maraiz ou d'Ache, de graine de Cedre, & de Perfil aux cheuaux, autrement nommé par les Grecs & Latins Hippofelin: de Mirrhe, de graine de Commin & de chair de Vipere.

EXPLI-

EXPLICATION DES AVTRES PLANTES

ET REMÈDES DONT NICANDRE A

PARLÉ EN SES THERIAQUES.

CHAPIT. XXXVII.



AFIN que ie ne m'arreste trop long temps à repeter ce qui a esté escript par nostre poëte, j'expliqueray sommairement ce qui reste au denombrement des remèdes, sans parler derechef de ceux lesquels nous auons desia expliquez par cy deuant, où q̄ paraenture nous deduirons en nostre second liure. Le Glayeul qu'il dict estre nourry sur le riuage des riuieres, Drilon & Naron est celuy que nous nommons vulgairement Glayeul Illyrique: car ces deux riuieres passent en ceste regio en laquelle est située la ville de Ragouffe. Naron a esté nommé Nere par Pomponne Mela. Les poëtes escriuent que Cadme & sa femme Armone furent chassés de Thebes qu'ils auoyent edifiée, & se retirerent vers les Illyriés ou Dalmaciens, là ou par la compassion des Dieux, ils furent conuertis en deux dragons. Cadme est nommé Sidonien, à cause qu'il estoit fils du Roy de Phenicie, en laquelle est la ville de Sidon.

Naron.
Cadme Sidonien.
Armone.

La Bruyere & le Tamarisq sont assez vulgaires. Les anciens ont estimé qu'il y eust quelque vertu au Tamarisq touchant les propheties, & pour ceste cause les magiciens & les Scythes voulants predire l'aduenir, auoyent accoustumé d'vser des branchages de cest arbrisseau.

La Bruyere
& le Tamarisq.

Le Cytise nous est incongnu. Le Thytimal est nommé Thymalide par les Grecs: c'est vne herbe assez commune par les champs, laquelle iecte du lait. Dioscoride en fait sept especes.

Le Cytise.
Le Thytimal.

Le Sureau est nommé par les François Suseau, Suyer & Seu. Il est vulgaire.

Ancestres
cricurs des
Grenouilles.

Les Grenouilles que nostre poëte a nommé ancestres

M 2

cricurs

grieurs de Grenouillons, estants cuictes en eau, ou en vin ou avecque de l'huile, & du sel, cōme dict Dioscoride, sont propres contre la morsure des serpens, ainsi que nous dirons en nostre second liure : aussi est le foye & la teste de la Vipere estant prise avecque de l'eau, ou du vin, pour les raisons deduictes au commencement de ce liure. Nicandre, par le mot de beste, entend la Vipere ou le serpent qui aura blessé. Il ne faut pas toutefois penser que lon puisse vser de la teste ou du foye de Vipere sans qu'ils soyent premierement preparéz.

Bestes.

La Doree.

LA Doree est vne herbe assez commune en France, laquelle iecte des tiges droicts & blanchastres, ayant des petits bouquets de feuilles par interualles semblables a celles de l'Auronne. Elle a au sommet de son tige plusieurs petites queuës, au bout desquelles il y a vne petite teste rōde, iaulne & esclerāte, comme le soleil, pour ceste cause ie l'ay nommé Doree: les Grecs la nomment Helichryse.

La Burguespine.

LA Burguespine, ou Burguespin est nommée par les Grecs & Latins Rhamnus, dont il y a trois especes selon Dioscoride. La troisieme desquelles est noire, & produict des feuilles larges & aucunement rouges: les branches sont longues environ de cinq coudees: elles ont des espines dauantage que les deux premieres especes: toutefois elles ne sont si fermes ne si piquantes. son fruiet est large & blanc, faict en façon de petites bourses. pour ceste cause nostre poëte l'accōpare aux petits pauots. Cest arbrisseau est fort commun en Lydie pres le mont Thenolien & Parthenien, là ou Gyges regna anciennement.

Le Panicaut.

LE Panicaut est vne espece de Chardon que les Grecs & Latins ont nommé Erynge: quelques vns le nommēt Chardon à cent testes.

Le Basilic aquatique.

LE Basilic aquatique est semblable au Commin, excepté qu'il a les feuilles plus petites & vn peu decoupees: les Grecs le nomment Erine.

l'Ennecme.
l'Anis & brā-
qu'vrinne.

L'ENNECME nous est incongne.

L'ANIS & la Branqu'vrinne sont assez communs.

L'HER-

L'HERBE recôgnue par le nom d'Alcibie est la secôde es-
pece d'Orcanete, q̄ Dioscoride dict estre nômee Alcibienne.
Ceste herbe croist volontiers és lieux sablonneux tels q̄ sont
les champs pres Troye la grande, la où Nicandre dict, qu'elle
fut trouuee par vn chien blessé d'une Vipere. Crymnes & Crymnes,
Grase.
Grase sont noms propres de deux terroirs voisins de Troye, la
ou les Grecs firent le cheval de bois : assez pres de là est la
montagne Phalacree. Les Chiens sont nommez Amycleens Amycleens.
à cause de l'une des cent villes de Laconie, laquelle estoit
nommee Amycee : les bons chiens de chasse venoyent de
ceste ville.

LA Paulme-Dieu autrement nommee vulgairement Pal-
ma Christi, est fort commune en France. La Paulme-
Dieu.

L'HERBE qui est commune par le nom de retour du so-
leil, est celle que les Grecs nomment Heliotrope, pourautant
comme dict nostre poëte, qu'elle suit le soleil, ainsi que nous
disons de nostre Soucy. Elle a aussi esté nommee scorpieuse,
pource qu'elle a la fleur, faicte en maniere de la queue d'un
scorpion. Ses feuilles sont assez approchées de celles du Ba-
silic, sinon qu'elles sont plus grâdes, plus velues & plus blan-
ches. Ceste mesme vertu de suyure le soleil, est attribuee aux
feuilles d'Oliuier. l'Herbe nô-
mée par le
retour du so-
leil.

LE nombril de Venus est ce que les Grecs ont nommé Co-
tyledon. C'est vne herbe qui ne croist guere haut, elle a les
feuilles toutes rondes, fort vertes & creuses vers le milieu, la
ou la queue est attachee : elle iecte trois ou quatre petits ti-
ges, lesquels sont enuironnez de petites fleurs. Le nombril
de Venus.

L'HERBE d'Aesculape est la seconde espeece de Panacee,
laquelle a esté nommee Aesculapienne, pourautant qu'Aes-
culape la trouua & en guerit, comme disent les poëtes, Iolae
fils d'Iphicle lequel auoit esté blessé de l'Hydre qu'il tua &
brûla avec Hercule. l'Herbe
d'Aesculape.

LA Scolopendre est ce q̄ les Apoticares & le cômun nô-
ment Ceterach. Elle a esté ainsi nommee à raison de ses feuilles
qui ressemblent la Scolopendre terrestre que nous auons ex-
pliquee. Iolae fils d'I-
phicle.

pliquee entre les bestes venimeuses. Elles sont longues, comme le petit doigt, velues par dessous & rousses : mais vertes par dessus. Elle ne iecte ne tige ne fleur, ne graine, & croist aux murailles, parmy les rochers & aux lieux vmbreux.

La Quinte-feuille.

LA Quinte-feuille a esté ainsi nommée pour autant que c'est vne herbe qui porte ses feuilles cinq à cinq. Elles sont semblables à celles de la Mente, & dentelees tout a l'entour.

L'arction.

Cicame, Ordile, Leucas, Iasime, Thriacle, Bulbe, Sida Pfamatheien.

L'ARCTION est vne herbe semblable au bouillon, côme dict Galen. nous n'en auons point non plus que de Cicame ne d'Ordile, ne le Leucas, ne le Iasime, ne le Thriacle, ne la Bulbe, ne le Sida nommé Pfamatheien à raison d'une fontaine de Beotie nommée Pfamathe.

Lycopse.

LE Lycopse n'est autre chose qu'une espece d'Orcauette, laquelle a les feuilles semblables à la Letue, excepté qu'elle les a plus longues, plus larges, plus aspres, plus espesses, & le tige fort long, ainsi que dict Dioscoride.

La bassepinier.

LA bassepinier est celle herbe que nous auons nommée en un autre endroit Pin de terre, ou l'ue artetique.

Perfil bastard.

LE Perfil bastard ou sauuage est nommé par les Grecs Caucale. Il a les feuilles d'embas semblables à celle de l'Ache, & celles du haut du tige un peu plus chiquetées, comme sont celles du fenail : au reste il porte la graine comme le Perfil, & sent fort bon.

Le Panais.

LE Panais est nommé Pastinaque par les Grecs & Latins : aucuns des François le nomment Pastenade. Il y en a de plusieurs sortes, lesquelles sont fort bones & communes en France.

Terebinthe.

L'ARBRE Terebinthe est celui dont distille la Terebenthine que nous auons. Il nous est incongne en France.

Le Cheueil de Venus.

LE Cheueil de Venus est nommé Adiante par les Grecs. c'est vne plante qui a les tiges noirs, fort deliez, & les feuilles petites un peu dechiquetées, semblables à celles de Coriandre, elle n'a ne fleur ne graine, & croist es lieux ombrageux & le long des murailles moistes, comme celles des moulins à eau. Elle a ceste propriété qu'encores qu'elle soit pres de l'eau, si est ce que iamais elle n'est mouillée à raison de l'eau qui ne

qui ne peut tenir dessus: on la nomme vulgairement Capilli Veneris.

LE MACERON est nommé Smyrne par les Grecs. Il porte Le Maceron.
vn tige semblable à l'Ache & les feuilles vn peu plus larges.
Il a le haut de son tige, ou vient la graine, faict comme celui d'Anis.

IL y a deux especes de Pauot distinguees par noms differents, selon Nicandre. Celuy qui a la teste lóguette, est nommé Pauot onereux. Thylaque, & l'autre Epitele. Il nóme le Pauot onereux, à cause qu'il charge la teste & endort.

L'ARTICHAUT sauuage est ce que les Grecs ont nommé Pyracanthe ou Achanthe Leuce: c'est à dire, Espine blanche. sa graine prise en bruuage est bonne contre la morsure des serpens, ainsi que dict Dioscoride. L'artichaut sauuage.

L'AUERON est ce que les Grecs ont nommé Ægilops, & quelques François Coquiolo & Aueneron. c'est vne petite herbe qui a les fueilles semblables au fourmèt: elle a le tuyau fort menu au haut, duquel elle iecte deux ou trois graines rouges & longues, avecque des barbes longues & menues, comme cheveux. Elle croist ordinairement parmy l'orge, laquelle comme dict Galen, se conuertist en ceste herbe, comme le fourment en yuroye lors qu'il est semé en lieu trop humide.

LA MATRICAIRE est nommée par les Grecs Parthenie. Elle La Matricaire.
a les feuilles menues & semblables au Coriandre: sa fleur est blanche en dehors, & iaune au dedens. Elle est fort amere au goust, & puante en odeur. Fusché la prent pour la secóde espece d'Armoyse.

LE ROUGE lemnien est ce que vulgairement nous nommons Terre scélée, laquelle nous est apportee de Turquie. Le rouge lemnien.
Elle vient en l'Isle de Lemnos, autremét dicté Stalimene, la ou anciennement les païsans amassoient ceste terre en quelques endroits d'vn marais, comme escript Dioscoride. On nous l'apporte au iourd'hui de Turquie merquee de certains caracteres Turquesques. Et en faict on grand cas. Matthioli

souffient que ce n'est la rouge terre seelée : mais que ce que nous nommons bol de Leuant, est la vraye.

Le Paliure. LE Paliure a esté descript assez diuerſement par les anciens, tellement que nous ne le pouuons au iourd'huy rapporter aſſeurement à aucuns de noz arbres ou arbrisseaux, si ce n'est au houx.

L'Orobâche. L'OROBANCHE a la tige d'un pied & demy de haut, rougeastre, sans feuille, comme les Asperges qui commencent à pousser velu, mol & gras. sa fleur est blanchastre. sa racine est de la grosseur d'un doigt, & est fort spongieuse. Elle croist ordinairement entre les Legumes, les Bleds, les Châures & les Lins. toutefois quelques vns ont doubté si Nicandre veut entendre ceste plante, attendu que nul des anciens ne luy a baillé la vertu encontre les serpens, ou bien, si par ce mot grec Orobanche il veut entendre les fleurs de Grenadier, lesquelles sont quelquefois ainsi nommées, cômme dict l'interprete Grec. Quand est de moy, ie ne puis penser qu'il les entendit, pourautant qu'il parle incontinēt du petit vase rougissant, & des fleurs du Grenadier, au vers qui suit.

La Bugronde. LA Bugronde ou Bugrane est fort commune, on la nomme autrement Arreste-bœuf, pourautant qu'elle a la racine longue & forte, laquelle estant prise & enlacée dans le Socq d'une charrue, arreste les bœufs ou les cheuaux. Elle a les tiges couuerts de petits esguillons & les feuilles semblables au Melilot.

Le porreau Stratien. LE Porreau est nommé Stratien, à cause d'une ville d'Arcadie nommée Stratie, en laquelle les Porreaux estoient excellens entre tous autres.

L'Herbe sur-nommée du nom du dragon. L'HERBE sur-nommée par le nom du Dragon, est nommée Serpentine en François, pourautant que son tige est tacheté, ainsi que la peau d'un serpent. Elle est fort commune.

La racine semblable à l'esguille poignante d'un scorpion. IE ne puis ſçauoir ce qu'il veut entendre par la racine semblable à l'esguille poignante du Scorpion. Nous auons parlé cy deuant de la Scorpieuse, ainsi nommée à raison qu'elle a les fleurs semblables à la queue d'un Scorpion. Le Souey a la graine

graine faicte en ceste façon aussi à la scorpioide . Mais ie ne trouue point d'herbe qui ait ainsi la racine, si ce n'est la premiere espeece d'Aconite, dont nous parlerôs au second liure: toutefois ie m'asseure bien qu'il ne l'entend pas : car c'est vn poison . Et penserois plustost que prenant abusiuemēt la racine pour l'herbe entiere, il voulsit entendre le Scorpioide que Dioscoride dict auoir la vertu de guerir les poinctures des serpens.

LE Lychne a vne grande vertu contre les Scorpions, ainsi que dict Dioscoride . Matthioli la descript d'un tige velu, passant vne coudee de haut, au bout duquel il y a des fleurs rouges semblables au Violier . ses feuilles sont cotonnees, longues & blanches.

Le Lychne.

LE Iacinthe autrement nommé en François Vaciet, est vne herbe qui croist es forests & parmy les bleds . Il a la racine grosse & ronde comme vn oignon, les feuilles fort longues & estroictes, lesquelles commencent dès la terre, & vn petit tige qui monte du milieu d'icelles de la hauteur d'une bonne paume. Il iecte dès le milieu de son tige des petites fleurs rouges: nous en auons en abondance par la France.

Le Iacinthe.

LES poëtes escriuent que Iacinthe fut vn fort bel enfant, lequel estant aymé par Phebus Apollon, fut par vn inconuenient tué en iouant avecque luy au Disque, qui estoit vn fer tout rond que lon iectoit en l'air. ce fer rebondissant de vne pierre, blessa le ieune enfant en la teste, dont il mourut. Cela aduint, disent ils, sur le fleuve Eurotte, autrement nommé Amyclée, c'est à dire Laconien, à cause qu'il passe par Laconie. Ceste fable est aussi fort bien descripte par Ouide en ses Metamorphoses.

Disque.

Eurotte.

PAR la racine Libyque il entend la racine de Laser qui croist en Libye.

Racine Libyque.

LE Cal des Cheuaux est vne partie qu'ils ont endurcie vers les genoils & vn peu plus haut que le paturon.

Le Cal des Cheuaux.

LE Pain de pourceau est vne herbe que les Grecs ont nommée Cyclamine : elle a les feuilles semblables au Liepourceau.

Le Pain de pourceau.

M. 5

re, rou-

re, rougeastres & rachetees. son tige est lōg de quatre doids, & sans feuilles. ses fleurs sont rouges : sa racine est grosse & noire. quelques vns la nomment nombril de terre.

Le Cinamo-
me.

LE Cinamome n'est pas nostre Canelle encore, que vulgairement elle soit ainsi nommee : il est bien vray qu'elle en approche de bien pres, & qu'au defaut d'iceluy on en vse ordinairement.

Le Baulme.

LE Baulme que i'ay surnommé d'Arabie a la difference de nostre vulgaire, ne se trouue point aujourd'hui en nostre Europe.

NICANDRE a composé diuerses Thériaques de la melange des herbes precedentes, & autres, lesquelles i'ay expliquees en aucuns endroits. La maniere de les faire est assez amplement monstree par les vers mesmes, ce qui a fait que ie ne me suis voulu arrester à la transcrire derechef. Je prie le Lecteur de vouloir plustost supplier au defaut si aucun il y en a, que de se mettre en verue contre moy, tant à cause des diuers noms & surnoms imposez aux plantes ; que des trop brieues explications d'icelles.

F I N.

LE SECOND LIVRE DES VENINS, QVI EST DE LA NATVRE DES POISONS ET CONTREPOISONS :

*par Iaques Greuin de Clermont en Beauuaisis,
Medecin à Paris.*

DES POISONS ET CONTREPOISONS EN GENERAL. CHAPITRE I.



N O V s auons amplement discouru en nostre premier commentaire, tant de la nature des bestes venimeuses & morsures d'icelles, que des remedes propres & conuenables pour nous garentir de leurs venins. Nous auons aussi au premier chapitre esbauché generallemēt la nature des venins: & aux chapitres suyuantz monstré avecques Nicandre les moyens de nous contregarder des bestes venimeuses, tant par fumigations & ionchees, que par vnguens: & ce auant que parler de la particuliere nature de chasque animal. Il est donques necessaire, si nous voulons poursuyure ce mēme ordre, que nous parlions de ce qui semble auoir esté obmis par nostre Poëte, a sçauoir de la preseruatiō & guarison generale des poisons, pour l'explication desquels nous auons ordonné ce second liure: auquel (comme au premier) discourants librement, nous expliquerons les matieres & les mots plus difficilles de Nicandre. Mais auant que d'entrer, d'autant qu'il est icy question des cōtrepoisons, nous tascherons premierement de faire congnoistre leur nature: puis nous viendrons à la preseruatiō, & de la aux signes & à la guarison vniuerselle. Puis apres nous particulariserons chasque poison à l'imitation de nostre auteur. Le mot de Contre-
trepoison signifie autant que le mot Grec Alexipharmaque, par lequel nous entendons proprement le medicament qui se prend contre les poisons. Les Grecs l'ont aussi nommé

Definitio de
Contrepoi-
son.

Alexi-

Quelle est la
nature des
contrepoi-
sons.

Alexithere, iagoit que ce mot soit attribué proprement aux médicaments prins en bruuaige contre la morsure des serpens: à raison qu'il est composé d'un mot Grec, lequel signifie (comme j'ay dict au premier liure) beste venimeuse: toutefois l'on en use indifferemment. L'un & l'autre est nommé par Galen Antidote, à cause que l'on le donne contre les venins. Le mot ainsi expliqué, il reste de parler de la nature des contrepoisons, laquelle est de deux sortes. Car il y a des contrepoisons, lesquels rabattent & rompent les coups du poison: & les autres le tirent hors du corps auquel il est entré. Les premiers ont telle vertu ou à cause de leurs qualitez & complexions: ou bien à raison de leur particuliere nature. Ainsi les seconds iectent hors les poisons, ou à raison de quelque similitude de substance qu'ils ont ensemble, par laquelle ils les attirent: ou bien par leur chaleur subtile & deliée: ceux qui agissent par qualitez & complexions, ont leur action apparente. Car comme ainsi soit que les cōtraires soyent remedes à leurs contraires: il est tout manifeste que si le poison est nommé tel à cause de sa chaleur ou froidure, ou seicheresse, ou humidité excessiue; le contrepoison le doit combattre par froidure, ou par chaleur, ou par humidité, ou par seicheresse. Que si l'aduiét que le poison soit ou chaut & sec, ou chaut & humide, ou froid & sec, ou froid & humide, le contrepoison sera froid & humide, ou froid & sec, ou chaut & humide, ou chaut & sec; & ainsi son action sera manifeste, comme estant tirée des qualitez que les philosophes ont nommées apparentes. Et quant est de la nature particuliere du cōtrepoison, elle est telle qu'il ensuyt. Le cōtrepoison lequel rabat & rompt les coups du poison, est tellement participant de double contrariété, qu'autant il est contraire aux corps comme au poison: car il y a même proportion entre le corps & le contrepoison, comme entre le poison & le contrepoison: Et même aussi entre le poison & le contrepoison, comme entre le contrepoison & le corps. Cécly semble de primeface vn peu difficile & quasi repugnat: toutefois la raison est telle

telle, que si le contrepoison estoit semblable au corps, il n'auroit non plus de vertu a chasser le venin que le corps mesme, & ainsi il ne seroit mestier de chercher ailleurs ce que le corps auroit en soy. S'il estoit aussi du tout cōtraire au corps, tant s'en faut qu'il luy seruiſt de quelque chose, que plustost il ayderoit a le faire mourir. Nous disons donc que le cōtrepoison tient le milieu entre le corps & le poison, & ce pour bonne cause, si exactement & proprement il doit estre nommé contrepoison. Car autrement d'autant qu'il se retireroit du milieu pour encliner en l'une ou l'autre part, d'autant moindriroit il de sa puissance, attendu que s'il approche de la nature du corps, desia il commence à s'amoindrir en ce que le venin, de sa propre nature, va corrompāt tousiours la substance du corps & de tout ce qui en participe, s'il n'est secouru par quelque chose qui soit d'autre nature que de la sienne. Pareillement, s'il s'enclinoit d'aduantage vers le poison, d'autant qu'il participeroit de la nature d'iceluy, d'autant augmenteroit il sa force. Aussi n'est il pas bon, à raison de la premiere cause que j'ay dictē, d'vser en trop grande abondance de ces contrepoisons. Car certainement ils offenceroient la nature du corps, encore qu'ils fussent maistres du poison: Il n'est pas aussi bon d'en prendre en trop petite quantité, de peur que la vertu du poison ne soit plus forte. Or les cōtrepoisons, que j'ay dict auoir la force de tirer le poison entré dans le corps, ont la vertu de ce faire par vne semblāce de nature que l'on nomme es escolles similitude de substance, de laquelle ils participent: non qu'elle soit suffisante de tuer le corps, mais seulement (comme j'ay dict des premiers contrepoisons) de luy faire quelque tort, si on les prend en trop grande quantité. Quelques autres ont aussi telle vertu à cause de leur chaleur. Car la chaleur attire a soy, ainsi comme nous experimentons en plusieurs actions naturelles.

Mais auant que d'entrer en l'explication des autres matieres mises en auant, nous esclercirōs vne question, laquelle peut estre proposee en ceste sorte. Comment se peut il faire

Dispute sur
l'action du
poison & cō-
trepoison.

que

que le poison baille en petite quantité, montre ses effects en si peu d'heure par toutes les actions du corps, tant volontaires ou animales, que vitales & naturelles? comment aussi se peut il faire que le contrepoison puisse rabattre vne telle vertu, veu qu'il est impossible qu'une petite liqueur se transporte par tant de parties? Il n'y a point de doute, que cecy ne soit difficile a raisonner: car de dire avec Galen, que la substance du poison & contrepoison n'est point distribuee par le corps, mais seulement la qualité d'iceluy, certes ce seroit faire tort aux commencements de nature, par lesquels nous auons appris que les qualitez ne peuuent estre sans corps. Et principalement encorés celles cy, lesquelles semblent sortir des premiers effects de la propre substance de leurs corps, non autrement que la chaleur est vne qualité presque naturalisante le feu. Nous dirons donc, que ces qualitez sont tellement distribuees par tout le corps, qu'il n'est pas necessaire que la petite portion de poison soit partie en tant & tant de pars (car il seroit impossible:) mais il nous faut entendre que quant & quāt q ce peu de poison est entré dās le corps, ainsi comme vn ennemy, lequel a coniuéré la perte d'iceluy, il gaigne & conuertit en sa propre substance ce qui de prime face luy vient au deuant, soit le sang dans les veines, soit du phlegme dans l'estomach & dans les boyaux, dont puis apres il s'ayde à gaigner le reste du corps: ainsi que le capitaine, voulant liurer vne ville entre les mains d'un ennemy, tasche d'attirer le plus d'hommes qu'il peut, pour se seruir au coup donné. Le poison donques augmenté par ce moyen que i'ay dict, commence à s'espandre par les veines, arteres & nerfs: & ainsi se communicque facilement au foye, au cœur & au cerueau, mesme conuertit en sa nature le demourant du corps. Et quant est du contrepoison, pourautant qu'il est pris en assez suffisante quantité, estant descendu dans l'estomach, & là s'eschauffant il esleue des vapeurs, lesquelles separees & esparces par tout le corps, combatēt, par leur vertu pareille au corps, dōt elles sont esleuees, la force du venin, en quelq part qu'elle

qu'elle soit rencontrée. C'est pourquoy le contrepoison prins en petite quantité, ne peut vaincre le poison, à sçauoir à cause que les vapeurs ne sont suffisantes pour estre enuoyez en tant d'endroits, auxquels le poison est porté par le moyé que j'ay dict: ioinct qu'il ne peut (côme le poison) conuertir en sa nature aucune partie du corps: aussi n'est il necessaire ny expedient: car au lieu de secourir la vie, il l'endommageroit.

Reuenons donques au premier fil de nostre discours, & monstons le moyen par lequel nous nous pourons preser-
La preseruation contre les poisons.
 uer des poisons. Ce moyen est diuisé en trois parties. La premiere concerne la police de la maison: la secôde est appuyee en la maniere de viure: & la tierce aux medicaments. Il faut donc que celuy, lequel se veut garder des poisons, mette toute diligence de choisir des seruiteurs auxquels il se puisse fier, les ayants congnyus de longue main, & rendus obligez par quelques bienfaits: comme il est facile aux Rois & Princes, lesquels principalemēt ont besoing de ces preceptes, estants enuiez & crains de plusieurs. Car comme nous auons dict quelquefois en nostre tragœdie de Cesar:

*Celuy qu'un chascun crainct, se doit garder de tous;
 Car un chascun voudroit le massacrer de tous.*

Aduertissement aux grands seigneurs.
 Le premier precepte donques que doit garder vn grand seigneur, c'est de se faire aymer de ses subiects par vne bonne vie & bon exemple. Et d'autant que peu souuent il aduiant qu'un homme de grand cœur foublié iusques à ce point que de faire vn meschant acte: le Prince mettra ordre de se seruir de gens de marque, & qu'il aura congnyus estre de bonne part, fideles & craignans Dieu. Il doit aussi choisir des medecins, lesquels principalemēt soyent bien entendus en ceste partie de medecine, que nous nommons la congnoissance des Simples. Il se faudra garder de mettre la veselle de table en vn lieu decouvert, à celle fin que l'occasion de l'empoisonner, soit osté aux espions. Il la faudra aussi tenir nette & couuerte, lors qu'en icelle il y aura du vin ou de la viande, de peur qu'il n'y tombe quelque beste venimeuse, ou que l'odeur

Costume
peu certain.

l'odeur du vin n'aleche quelques serpens. Car de leur nature ils ayment le vin comme ont escript les anciens en plusieurs histoires, lesquelles nous doiuent seruir d'exemple. Il faudra aussi que les seelles & les brides des cheuaux soyent soigneusement gardees, de peur qu'elles ne soyent empoisonnees. pourautant que souuentefois le poison cache en icelles, & eschauffe sous les cuisses, ou dans les mains du cheualier, entre par les pertuis du cuir & ainsi l'empoisonne. Ces choses ainsi bien reglees rendront les empoisonnemets plus difficiles. Toutefois la malice des hommes est venue iusques à ce point, que mesme les domestiques soublient iusques à bailler le poison a leurs maistres : à quoy il est impossible de remedier, si ce n'est par vne grace particuliere de Dieu, qu'il voit & descouure toutes choses, voire les plus cachees. Les grands seigneurs y pensent bien remedier, lors que par leurs escuyers ils font gouter leur boire, & leur manger, auant que de le prendre : ce qui est toutefois incertain & de peu d'assurance. Car si l'escuyer ou aultre a enuie de doner le boucon à son maistre, il n'y a point de doubte, qu'il ne puisse gouter du mesme poison sans danger de sa vie, festant au parauant garny d'un preseruatif, lequel empeschera la vertu du poison suruenant : ou il en prendra en si petite quantite, qu'il ne fera suffisant de l'offenser : ou il prendra de l'endroit non empoisonné : ou bien, n'estant consentant du faict, il en prendra, & toutefois cela n'empeschera pas que le maistre n'en mange apres luy. Car communement les boucons ainsi baillez ne montrent pas leur force si soudainement, ains demeurent quelque temps dedans le corps auant que l'on s'en puisse appercevoir. Pour ces causes l'homme n'estant du tout assure, se doit garder en sa maniere de viure, qui est le second moyen. Parquoy il doit vser de toutes choses mediocres en leurs qualitez, tant premieres q secondes, c'est a sçauoir de celles qui ne sont trop chaudes, ou trop froides, ou trop seiches, ou trop humides, ou trop douces, ou trop ameres, ou trop sales, ou trop agrees : car communement les poisons sont tels

(principa-

(principalemēt ceux qui agissent par qualitez excessiues) & on aussi souuentefois accoustumē de mesler les poisons dās les choses douces. Il se faudra dauantage garder de manger de choses trop blanches; car en icelles aucuns des metaux venimeux se peuuent cacher: ou d'vser d'herbes, car parmy les bonnes lon peut mesler plusieurs herbes venimeuses. Il se faut quāt-&-quāt abstenir des viādes non accoustumees, lesquelles nous peuuent tromper par vn goust non accoustumē: il faut eiter l'vsage du sang, pourātant que parmy celuy duquel nous vsōs, lon peut facilemēt mesler celuy des bestes venimeuses. Toutefois, le plus assēuré remede de preservation, est de n'endurer lōg temps la faim ou la soif: & ce pour deux raisons. La premiere, pourātant que les premieres veines desamplices & affamees se iectent sans aucun esgard sur ce qui leur est offert premierement, & ainsi remōtant le poison dedans l'estomach ou ailleurs, elles le portent plus subitement par tout le corps, cōme si ce estoit vne viande propre pour la nourriture d'iceluy. L'autre raison est, que le poison rencontrā l'estomach plain, se mesle bien souuēt parmy les viandes, par lesquelles sa force est rabatue, si bien que auant qu'il se puisse r'auoir, on a loisir d'y remedier: il est mesme iectē quelquefois avecques les communes & ordinaires ordures du corps. Le remede qui suit cestuy-cy en excellence, est de n'vser de viandes mistiōnees, ou assaisonnees par diuerfes sauces: car en icelles il est plus facile de mesler les poisons.

Il nous reste, touchant ce point, à parler des medicamēts <sup>Medicamēts
preseruatifs.</sup> que nous nommons communement preseruatifs, c'est à dire, propres pour nous contregarder: ils sont de deux sortes, c'est à sçauoir, ou simples, ou composez. Des Simples (cōme aussi des composez) nous en vsōs par la bouche, ou nous les portōs, ou nous les auōs presens. Ceux desquels nous vsōs par la bouche, sont les figues seiches, les noix, l'escorce du milieu des chastaignes, l'ache, la racine du refort sauuage, les feuilles de rue avec du vin, le dictame & la graine de laurier:

N

l'odeur

l'odeur des couillons d'un bœuf, & celle du serpollet commun: la betoine, la nielle, la racine d'Asphodele, avecque de l'eau tiède, la graine de cōmin, l'oliban, le bois d'aloës, l'anis, l'aigremoine avecque de vin, les citrons crus, la graine de nœuet avecque du vin, les feuilles du poulliot sauvage ou calament, la terre seelée, la terre lennienne, prise seulement le poix d'un escu, l'armoise, l'aluyne, le fenail, la graine de geneure, & plusieurs autres herbes, lesquelles ont receu ceste vertu de la bonne nature pour suruenir aux inconueniēs des poisons. Le Mithrydat & la Theriaque fidelement dispensee emporte le prix, par dessus tous les contrepoisons composez. Toutefois il se faut garder d'en prendre en trop grande quantité. car comme j'ay dict cy deuant, les contrepoisons proprement ainsi nommés sont aucunement contraires à nostre nature. Il y a aussi un autre contrepoison assez commun, lequel toutefois est de grande efficace, & duquel anciennement Mithrydate Roy de Pont se contregarda longuement (cōme quelques anciens ont escript.) Il est composé de cinq feuilles de rue, de deux noix, de trois figues seiches, & d'un gros grain de sel, & est nommé le petit Mithrydat, à la difference du grand, dont Galen a donné la composition au premier liure Des contrepoisons. Plin raconte que Pompee apres auoir veincu Mithrydate, trouua au cabinet d'iceluy ceste composition escripte de sa propre main. Voila donc quāt aux medicaments tant simples que composez pris par la bouche. Car avecque les simples on pourra faire des diuerses compositions selon qu'il semblera bon au medecin experimenté.

Il reste à parler de ceux que l'on porte ou que l'on a presens pour descouurir le poison. auxquels toutefois (à la verité) il n'est expedient de se fier. Et quant à moy, ie ne doute point que en ce que les anciens & modernes en ont escript, il n'y ayt de l'imposture ou de la superstition meslée: toutefois pour contenter le lecteur, j'en escrieray quelques manieres avec protestation de n'en croire rien, si premierement on ne l'a experimenté. Ils ont donques escript, que la corne de

Ceraastes

Ceraſtes (que j'ay nommé Cornu au premier liure) ou ce que communement nous nommōs Langue de ſerpent, rend vne ſueur en la preſence de la vipere, du Napellus, & du fiel du Leopard. cecy a eſté eſcript par Pierre Apponenſis en ſon traicté des venins. Les autres tiennent pour certain, que la Turquoyſe perd ſa couleur en la preſence du venin : ce que voulant experimenter ie n'ay apperceu, & encore moins de la Crapaudine, qu'ils diſent bruſler le doigt à celuy qui la porte en la preſence du venin. On adiouſte encore que la chandelle miſe en vn chandelier faiſt du pied dextre d'un vautour, ſeſtainct : que le Perroquet crie plus haut que de couſtume : & que la Perdris nourrie domeſtiquemēt, en faiſt autant, & que meſmes elle rompt ſa cage. Il y a encore vne infinité d'autres menſonges miſes en auant par Piſon, Menelbe, Simonide, Ariſtodeme, Pherecide (comme eſcript Aeſſe) & par Guilbert Angloys, Pierre de Albano, Albert le Grand, Pierre l'Eſpagnol & autres, leſquels n'ont oublié les caracteres des Negromantiens : Comme l'image du ſerpent avec ſes eſtoilles grauées en vne pierre precieule : item l'homme à genoux ceint d'un ſerpent & tenant la teſte d'iceluy avecque la main dextre, & la queuē avec la gauche, le tout faiſt ſelon l'obſeruation de l'influence d'aucunes eſtoilles. Toutes leſquelles reueries, ont auſſi peu d'aſſurance, q̄ bien peu nous en aperceurons les effects. Je ne veux pas toutefois nier qu'il n'y ayt quelques pierres precieules, comme l'Emeraude, l'Agate, le Saphy, la Perle & autres, leſquelles miſes en poudre peuuēt garentir les empoisonnez, c'eſt à ſçauoir eſtāt priſes par la bouche. car telles choſes ſexperimentent ſouuentefois : mais de croire qu'eſtants portees elles ayent quelque vertu, ie n'y voy point de raiſon.

IL nous reſte donc, apres auoir parlé des preſeruatifs, de deduire en general la guarifon des poiſons, laquelle eſt tellement neceſſaire, que ſouuentefois nous ſommes contraincts y auoir recours, voire quaſi tousiours. Car quand vn homme empoisonné ſe preſente, il ne nous peut apparoiſtre de l'eſpe-

De la guarifon des empoisonnez.

ce du poison baillé. Parquoy, delaisants la particuliere methode de guarir, nous vsons de la commune. si est ce toutes fois que le bon medecin recerchant soigneusement, peut vn peu plus exactement particulariser le general par les choses apparoissantes à l'œil, comme sont les signes extérieurs, lesquels se manifestent aux accidens suruenants apres le poison baillé: si ne peut il estre pour tout cela acertené qu'en general, c'est à dire, de ceux qui sont ou chauds, ou froids, ou secs, ou humides. Car les enflammemens d'estomach, de reins, de vessie: & les escorcheures de langue & de gosier, ne suruiennent tant seulement pour les Cantharides, mais aussi pour le Salemandre & l'Enfleboeuf. Les esblouissements, endormissements & refroidissements ne se font au corps seulement à cause de la cicue, mais aussi à raison de la mādragore. Parquoy nous donnerons premieremēt les signes, lesquels entre les generaux sont plus particuliers, & lesquels se pourrōt retirer des quatre qualitez premieres. Car par icelles communement la malineté du poison se descouure, & principalement de celuy lequel agist par excessiues qualitez ou seules ou ioinctes avecque la particuliere contrariété, dont nous auons parlé au premier chapitre du premier liure. Ceux donques lesquels sont chauds, se manifestent communemēt par vn subtil enflammement de tous les membres, lequel principalement se descouure par vne soif non estindible, par vne continuelle sueur & courbature de tous membres. Et là ou avecque ceste chaleur y il y a vne inimitié particuliere, comme en l'Arsenic, alors il suruient vn espoignonement & vne douleur insupportable de l'estomach & des boyaux, vne deffaillâce, & des sueurs maintenāt chaudes, & maintenant froides. Le poison froid se manifeste par vn profond endormissement, voire tellement profond qu'à grand peine peut on reueiller & retirer celuy qui en est attainct. Quelquefois aussi le cerueau en est tellement troublé & assailli, que le plus souuēt vne folie & vne rage s'en ensuyt. Tout le corps se refroidit, le malade deuient terne & horrible a voir.

Il sue

Il sue vne sueur froide, & son corps deuient tout roide de froid. Les poisons secz ayants presque tousiours la chaleur pour compagne, rendēt la bouche & le gosier deseiché avecque vne soif qui ne se peut appaifer. Et pourautant que la seicheresse retire les membres & les conduicts du corps, ainsi que le parchemin se retire deuant le feu, à ceste cause l'vrine & les autres ordures ordinaires du corps sont arrestees, & le malade ne peut dormir. Au contraire par le poison humide il ensuyt vn dormir perpetuel, ou flux de ventre avecque vn relaschement de tous les nerfs & ioinctures: tellement mesmes que les yeux sortent quelquefois hors la teste. Il ensuit aussi le plus souuēt vne pourriture des mains, des pieds, des oreilles, du nez & des autres telles parties pendantes au tronc du corps. Or quant tels & pareils signes apparoiſtront, il sera facile de les combattre par leurs contraires: & encore que nommément l'on ne congnoisse le poison, si est ce que congnoissants son espece, la guarison en est specifiee: que si l'aduient que tels ou semblables accidens ne suruiennent aux malades, mais seulement quelques petites sueurs froides, ce sera vn grand argument que le venin agist par vne seule propriété de substance sans aucune qualité excessiue: parquoy l'on pourra vser des choses lesquelles leur sont contraires. Ce qui se fera par la prudence de bon medecin apres auoir vſé des remedes communs à tous poisons, lesquels se tirent premierement des choses que les medecins nommēt communement non naturelles: secondement des medicaments. Les choses non naturelles, sont sept en nōbre, c'est à ſçauoir l'air, le manger & le boire pris pour vn: l'exercice & le repos, le dormir & le veiller, la faim & la repletion, les passiōs de l'esprit & l'vſage de Venus. Quand est de l'air, il le faut eslire le plus clair, ſerein & doux qu'il sera possible, mediocre en chaleur & froidure. que si le poison est froid, il faudra vn peu eschauffer la chambre du malade, principalement par fumigations faiçtes de choses qui sont de bonne odeur. Et là ou il sera chaud, il faudra aussi le rafraichir par cōtraires, & toute-

fois retenir tousiours quelque peu de fumigations faictes des choses susdictes, comme de myrrhe de sandaux, d'aloë, & de telles choses, lesquelles ont vne vertu agissante contre les venins. Le manger doit estre nourrissant & faict de choses lesquelles resistent aux poisons: comme est le lait d'anesse, de chieure, de vache & aussi celui de la femme saine, & ce principalement es venins chautz & aigus. Il faut toutefois en tous vser de viandes lesquelles soyent grasses & espoisses, pour autant qu'elles estouppent les passages du corps, & empeschent que le poison ne soit porté si facilement comme il seroit: ioinct qu'elles rabatent l'aspreté des poisons. Parquoy il fera bõ d'vsr de mouelles, de beure, & de ceruelles de mouton, de poulles & autres: & aussi d'aucunes herbes propres a cela, desquelles nous auons parlé au premier liure. l'vsage de bon vin y est fort propre, comme souuentefois nous serons aduertiz en ce second liure. L'exercice n'est pas bon, & principalement au commencement: car il tire le venin dedans le profond du corps, qui est le poinct que le medecin doit noter entre tous, a sçauoir de s'abstenir de tout ce qui peut faire espandre le venin, pendant qu'il n'est encore que dedans l'estomach. Le sommeil superflu se doit euer: car en dormant, toutes choses se retirent au centre du corps plus facilement & promptement qu'en veillant. Il ne faut aussi se tenir sans manger: car le boire & le manger descédu dans l'estomach, empesche la malineté du poison. Il se faut garder des passions de l'esprit, ce qui est commun en toutes maladies, & sur rout de l'vsage de Venus. car nous n'auons rien qui dissipe dauantage de nostre chaleur naturelle, laquelle toutefois est la principale deffence encontre les poisons.

Maintenant il nous reste a parler en general du moyen de guarir par medicaments (car c'est le second q nous auons proposé) entre lesquels les vns sont prins au dedás, & les autres appliquez par le dehors. Ceux qui sont pris par le dedás, se donnent pour deux causes: la premiere pour chasser le venin, si il est possible; & l'autre pour le combattre. Or le venin

ne se

ne se chaffe que par haut ou par bas. Ceux qui chassent par haut, sont ceux lesquels font vomir, & desquels il est tresvtille d'vser incontinent que le poison a esté baillé: c'est a sçauoir quand il est encore dans l'estomach: car depuis qu'il est descendu aux boyaux, il le faut auoir par clysteres. La chose qui faict vomir, est le bouillon de graine de mauue, ou de lin, ou de fenugrec, & de plusieurs autres telles choses, lesquelles, avecques ce qu'elles font vomir, ont la vertu d'amortir la force du poison. Mais si l'aduenoit que le malade ne peut vomir pour toutes ces choses, il seroit bon de luy donner vn médicament ayant la force de pouffer hors par bas, comme est la Rhabarbe. La seconde maniere par laquelle nous cōbattons le venin, est accomplie par l'usage de Theriaque ou Mythridat, ou d'autres telles compositions, lesquelles se peuuent composer à la volonté du bon medecin, & selon que le faict le requerra. Lon peut aussi quelquefois vser de remedes appliquez par le dehors, cōme sont les baings & les estuues seiches, lesquelles toutefois ne se doiuent prendre du commencement; mais long temps apres, que lon aura esté empoisonné: à celle fin q̄ par la chaleur exterieure, le venin soit retiré aux parties de dehors. Pour la mesme raison, lon peut vser de ventouses, alors que le venin sera desia entré dedans le profond du corps: car autrement tant s'en faudroit qu'elles fussent profitables, que mesme au contraire (comme nous auons ja dict) elles aduanceroient la mort du malade.

Ces choses ainsi discourues, il nous reste de parler particulierement de chacune espee de poison.


Mais auant que d'y entrer, il nous faut explicquer ce qu'il y a de difficile en la preface du liure Des cōtrepoisons de Nicandre, laquelle il adresse à vn sien amy nommé Protagore^{Protagore} demourant en Cyzice cité d'Asie, assise sur le riuage de la mer Hellespōte, en vne isle aboutissante à la terre ferme par Hellepont.^{Hellepont} le moyen d'vn pont. ceste ville est au dessoubs d'vne montaigne nommee par les Grecs Arcton, c'est à dire le mont^{Mont aux-ours.} aux-ours: en cest endroit est la cauerne en laquelle Rhee^{Rhee.}

- mere des dieux, fonda anciennement vne chapelle en l'honneur d'un ieune berger nommé Atthis, lequel elle aymoit, pourtant que gardant ses troupeaux, il chantoit incessamment les louanges de sa grandeur. Ce berger fut tué par un sanglier, à la poursuite de Iupiter craignant le deshonneur de sa mere Rhee, surnommée Lobrienne, à cause qu'elle estoit adree aux monts Lobriés en Phrygie, ainsi que dict l'interprete Grec. Nicandre estoit de Colophon ville de Ionie region de l'Asie mineur, nommée auiourdhuy Natolie. Pres de Colophon est la ville de Claros, assez pres de laquelle il y auoit anciennement un temple dedié à Apollon, & vne Mare, qui faisoit rendre les oracles & responce à toutes demandes, lors que lon auoit beu de son eau : de la quelquefois Apollon est nommé Clarien : il est aussi nommé le Dieu qui de long tire : pourautant que du haut du ciel (luy qui est le soleil) il tire ses rayons iusques à nous qui sommes icy bas en terre. tel surnom luy est souuentefois donné par Homere, dont l'exemple est au premier de l'Iliade, parlant ainsi de Calchas :
- Il harençoit sachant les propheties
Du loing tirant.*
- Creuse. EN ceste region Ion & Achæe, fils de Creuse & de Xenthe, firent le partage des terres, qu'ils auoyent en Epire region de Grece, auiourdhuy nommée Albanie. Nicandre donc adressant son liure à Protagore, luy escript, qu'encores qu'ils foyent eslongnez l'un de l'autre, si est ce, qu'il luy veut bien decrire le moyen de guarir les poisons.

DE

DES VENINS.
DE L'ACONITE.
CHAPITRE II.

201



Ακόνιτον, Aconitum, Aconite.



L'ACONITE a esté ainsi nommé par les Grecs à raison de la ville Acone située le long du riuage de la mer Pontique, à l'entour de laquelle ceste herbe croist en abondance, & principalement le long de la riue d'Acheron, pres la cauerne Ache-
reuse, que les poëtes anciens disoyét estre l'entrée de l'enfer. pour ces causes ils ont escript que l'Aconite est yssu de l'escume de Cerbere chien à trois testes, & portier des enfers, lequel estant enchainé par Hercule, & tiré hors de l'enfer, ne cessa d'escumer par la gueule; tant que l'Aconite fut engendré de son escume: dont Ouide au quatriesme de la Metamorphose voulant nōmer l'Aconite, dict seulement les escumes de la gueule Cerberienne: c'est en la description du poison par lequel Athamas fut mis en fureur. Les autres ont dict qu'il est ainsi nommé à cause qu'il vient entre les caillous, nommez par les Latins *Cantes*. Ouide l'a escript au septiesme de la Metamorphose: & Nicādre a dict:

Dans les rochers pierreux en accroissant il sort.

N 5


Il peut

IL peut aussi venir du mot Grec Aconite qui signifie sans poudre: & ce pour mesme raison, c'est à sçavoir d'autant que croissant entre les cailloux, il semble qu'il se nourrisse sans poudre ou sans terre. Voila qu'à la significatiō du nom, laquelle j'ay retiree en partie de Theophraste au neuuesme liure De l'histoire des plantes: Et en partie aussi d'Ouide au lieu allegué, & de Pline en quelques endroits. Il y a quatre especes d'Aconite. La premiere, selon Dioscoride, porte communement trois feuilles semblables à celles d'un concombres; mais un peu plus petites & herissees: son tige est de la hauteur d'une paulme, sa racine est semblable à la queue du Scorpion, c'est à dire nouëuse, ainsi comme si c'estoyent petites pommes ioinctes les vnes aux autres. de ceste espece principalement Nicandre a parlé, voire comme ie croy, seulement. Car avecques ce qu'il n'en distingue point, Dioscoride luy a baillé les mesmes surnoms que nostre poëte, c'est à sçavoir Tu-panthere, Malle-mort, Tu-femelle, Mort aux rats: & d'abondant il luy en a donné encor un autre qui signifie autant que tueur de bestes sauvages: ce qu'il a fait à raison que les chasseurs auoyent accoustumé de faire une paste avecques ceste espece d'Aconite, par laquelle ils faisoient mourir les Pantheres & toutes autres bestes sauvages, comme ils faisoient aussi les rats & souris. La raison pour laquelle on le nomme Tu-femelle est pourautant, comme dict Theophraste & Pline, que sa racine appliquée aux parties honteuses des femmes (voire de toutes sortes d'animaux à quatre pieds) les fait mourir en dās le mesme iour. Les trois autres especes sont nommees du nom general par Dioscoride Tu-chien & Tu-loup. nous les nomons en François pattes-loupinnes. La premiere (ainsi qu'il escript) est celle dont les veneurs ont accoustumé d'vser. La seconde & la troisieme ont esté prises par les medecins pour s'en servir en quelques maladies: toutefois la troisieme espece est particulieremēt nommée Pontique. elle a les feuilles de plane, mais chicquettees un peu plus dru: elles sont plus longues & plus

Tu-pāthere.
Malle-mort.
Tu-femelle.
Mort aux
rats.

& plus noires. elle a le tige d'une coudée de haut, ou un peu plus grand, semblable à celui de la fougère. elle tient sa semence dedans des gouffes languettes, & a la racine noire comme les neuds des oignons de mer.

Second.



Troisième.



Les deux autres espèces ne sont pas beaucoup dissimilaires à celle-ci, sinon en tant qu'elles n'ont pas les feuilles si longues, ny la fleur de même façon : principalement la seconde, laquelle l'a dissimilable du tout, ainsi que l'on peut voir par les figures des peintures ci-dessus : La première desquelles a été tirée selon que Matthioli témoigne l'avoir vue. Je sçay bien qu'il a été repris assez aigrement : toutefois je ne le voudrais desmentir si hardiment, comme quelques-uns l'ont



l'ont faict, m'asseurant qu'il est digne d'estre creu en chose de plus grande consequence; encores qu'il n'eust le tesmoignage de plusieurs qui ont veu la mesme plante, ainsi qu'il escript. Or les signes par lesquels on congnoist le malade auoir esté empoisonné par l'Aconite, se manifestent aux accidens ou symptomes cy apres declarez, c'est à sçauoir en vn retirement de toutes les parties de la bouche telle que nous experimentons ayants mangé du verjus ou quelques autres choses fort aigres: & toutefois, comme dict Dioscoride, avecques ceste astriction il y a au commencement vn goust qui est doux. ce qui se faict à cause que de premiere arriuee le sang esmeu par son contraire, donne ceste douceur à la langue, laquelle

apres,

apres, comme toutes les autres parties voisines, par l'humidité & vertu pourrissante de l'Aconite, se retire d'èsia commençant à se dissoudre. Incontinent qu'il est descendu dans l'estomach, il ronge premierement l'endroiect qui est le plus sensible d'iceluy : à sçauoir la bouche ou l'entree, que les Grecs ont nommé le pilore: & en cest endroiect il faict vne espece de maladie que communemēt nous nommons le mal de cœur, non que ce soit le cœur lequel endure en ceste maladie: mais ceste partie de l'estomach q'j'ay dicté: & laquelle fut nommée par aucuns des anciens, le cœur, pourautant, comme dict Galen au second liure des arrests d'Hippocrate & Platon, qu'assez pres de la bouche & l'estomach est la place du cœur: ainsi que nous auōs dict au premier liure, expliquant vn pareil mot.

Et pourautant que l'Aconite est astringēt, il retressit tellement le fond de l'estomach, qu'il en est presque du tout fermé, là aussi, par la resolution des humeurs faicte à cause de la pourriture, il pesseue des vents & des vapeurs venimeuses, lesquelles, estants portees dans la teste, font vne pesanteur & vn tremblement des arteres: de là aussi les yeux esblouys representent les choses doubles & laissent malgré eux escouler grande abondance de larmes, qui est vn signe manifeste de la resolution du cerueau: l'autre partie de ces fumees descendant en bas dedans les boyaux, & est cause des ventositez, lesquelles se sentent à l'endroiect du nombril, & lesquelles quelquefois par la force de nature, ou par leur trop grande abondance sortent hors, & font vn grand bruit. Les humeurs ainsi fondus ou resouts par la grande pourriture de venin font enfler tout le corps, comme s'il estoit hydropique: ce qui est aussi cause de la pesanteur que lon sent dedans l'estomach. Ces choses ainsi apparoissantes il ne faudra faire doubte de venir quant- & quāt à la guarison. Premieremēt, s'il est possible, il faudra faire vomir le venin, ou le tirer par clisteres, c'est à sçauoir si lon pense qu'encores il soit dans l'estomach & les boyaux, & obseruer sur tout les choses lesquelles nous auons
mises

mises en auant au premier chapitre. dont Nicandre a dict
que les remedes particuliers seront bons:

— pourueu qu'auant il tire

Du ventre le repas qui tardif n'y peut cuire.

Puis il se faudra appliquer aux remedes particuliers, com-
me est vne poignée de chaux meslee avecques vne choppine
de vin: car la chaux est seiche, & par ce moyen elle est con-
traire à la pourriture de l'Aconite: aussi sont l'Auronne, & le
Hydromel. Marrouchin: la Rue estant beue avecques l'Hydromel, qui
est vne composition faicte avec du miel & de l'eau: toutes
lesquelles herbes sont contraires aux venins par vn don par-
ticulier qu'elles ont receu de nature, comme nous auons dict
au premier liure. & principalement la Rue a telle propriété
contre l'Aconite, que celuy qui en aura mangé le matin, ne
pourra estre blessé par l'Aconite, ainsi qu'Athencee a trans-
cript de Theopompe Chien, en son troisieme liure. La peti-
Bois-gentil. te Oliue ou le Bois-gétil est vn petit arbre, lequel a les bran-
ches de la hauteur d'une paume, & les feuilles semblables à
celles de l'oliuier, excepté qu'elles sont plus menues, plus
ameres & mordâtes. ce qui est cause qu'elle deseiche & net-
toye l'estomach remply de ce poison. Le vin, aussi ou l'eau
d'as laquelle on aura esteinct du fer, ou du marc de fer, ou de
l'or, ou de l'argent, a la vertu d'empescher la pourriture, par
vne force deseichante que le feu luy dône: par ceste mesme
L'Iue. vertu elle peut nettoyer l'estomach. L'Iue que lon nomme
musquee, est, selon Dioscoride, remede particulier cōtre l'A-
conite, soit en bouillon (comme il dict) ou soit avecques du
vin, selon que Nicandre l'ordonne. L'Iue est vne assez petite
herbe, laquelle rampe sur la terre, & a les feuilles semblables
à celles de la petite Ioubarbe, excepté qu'elles sont cotonees,
plus petites & plus espoisses: elle a la senteur de Pin: & pour
cette cause quelques vns la nōment Pin de terre, ou Pin ter-
restre. Elle porte vne petite fleur iaune, & a la racine sembla-
ble à la chicoree: on la nomme aussi Iue Artritique, à cause
qu'elle est bonne contre le mal des ioinctures, lesquelles sont
nommees

nommees par les Latins Articles. La racine de l'Origan & le Policneme (herbe que nous n'auons point aujourdhuy) sont ^{Policneme.} chauds & secs selon Galen, & pour ceste raison ils empeschent la pourriture. Les consommees de veau ou de poule (laquelle est nommee l'oiseau Casanier, à raison qu'entre tous les ^{L'oiseau Casanier.} oiseaux elle est la plus domestique) sont beaucoup estimez, d'autant qu'ils reconfortent l'estomach, & que par leur gresse ils estoupent les conduits du corps: & ainsi ils empeschent que le poison ne s'y porte si facilement: toutefois il sera bon de n'en user iusques à tant que lon se fera ayde des autres moyens, entre lesquels est le suc de l'arbre nomme Baume, ^{Baume.} lequel, selon Dioscoride & Pline, croist seulement en Iudee & en Egypte: si est ce que depuis leur aage quelques vns ont escript que lon en a veu en Italie: nous ne sçauons aujourdhuy que c'est en France. bien est il vray que nous auons du suc qui en sort, lequel est nomme communement Oppobalsame. L'histoire en est amplement descrite par Dioscoride en son premier liure, & par Matthioli au Commetaire. Ce suc est chaud & sec, & pour ceste raison contraire à la pourriture de l'Aconite: & se doit bailler (comme dict Nicandre) avecques du lait de femme, lequel aussi est contraire au venin: ou bien au deffaut de lait, il se pourra donner avecques de l'eau. Les presures de Fan & de Leuraut ont grande efficace encontre ce poison, entant q toutes presures deseichent, digerent & nettoient par leur aigreur. elles se doiuent bailler avecques du vin, comme escript nostre Poëte, ou avec du vinaigre, selon Dioscoride. Lon peut bié aussi, au defaut des autres remedes, prendre la racine du meurier, & l'ayant pillee la faire boullir dans du vin, puis en donner le bouillon en bruuage avecques vn peu de miel: car la racine du meurier, & principalement l'esorce d'icelle a vne vertu purgeante, par laquelle elle recte le poison. Je ne veux pas laisser en arriere vn remede duquel nous vsons iournellemēt en plusieurs autres maladies, qui est le vin d'aluyne, ayant la force de deseicher & de nettoyer, avecques vne particu-
liere

liere contrariété contre les poisons. Dioscoride aussi le recommande en son chapitre De l'Aconite, ou il fait vne composition telle qu'il ensuit. Prenez vne dragme de suc de Baume, & le mêlez en esgale portion de miel, de lait, de castoreum, de poiure & de rue: & buuez le tout avecques du vin. Voila quant à la nature & aux accidés qui suyuent la prise de l'Aconite: dont aïsemēt nous pouuons retirer qu'il est froid & humide, ainsi que doctement de Gorris a escript, puisque les remedes sont chauds & secs: toutefois avecques cela il a vne particuliere nature pourrissante. Nous le rapporterons donques au reng des venins, lesquels par toute leur substance sont contraires à la vie des hommes. Par ces mesmes remedes se garissent ceux qui ont pris le miel que Dioscoride a dict estre engendré en Heraclie de Pont, à sçauoir a l'endroit ou croist l'Aconite.

Miel d'Heraclie de Pont.

DE LA CERUSE.

CHAPITRE III.

Ψευδαδιν, Cerusa; Ceruse, ou blanc d'Espagne.



A Ceruse, autremēt nommée blanc d'Espagne, est vn poison artificiel, lequel se fait avecques du plomb, resout & fondū par la vertu d'un fort vinaigre, ainsi que Vitruue, & Dioscoride auant luy, en monstre la façon en son cinquiesme liure. ce qu'il a fait à cause qu'elle sert à beaucoup d'accidens suruenants exterieurement aux corps des hommes, & tels qu'il les descript au mesme endroit. ceste drogue est assez commune & principalement par les femmes, lesquelles n'ayants chose plus recommandable que la beauté, taschèt d'acquérir par art ce que nature leur a denie. Les signes par lesquels on peut congnoistre vn homme auoir esté empoisonné avec de la Ceruse, sont ceux qui ensuyuent. Premièrement elle se decelle par sa couleur mesme, car estant blanche comme lait, elle blanchist la langue & toutes les gencives,

fines, auxquelles elle s'attache. Lors qu'elle est desia entree
 dans l'estomach, tant par sa qualite froide & seiche desia cō-
 muniquée aux poulmons, que par quelque portion demou-
 rée & attachee dans le gosier, elle esmeut en iceluy vne toux Toux seiche.
 seiche, c'est à dire vne toux par laquelle riē ne sort du corps
 encore que long temps elle continue. Il survient aussi parmy
 ceste toux vn sanglot & appetit de vomir, qui est signe de la
 seiche affection de l'estomach que desia j'ay declaree au pre-
 mier liure. Il s'esleue aussi de ce venin des vapeurs refroi-
 dies, lesquelles se gelent estants arrestees dedans le cerueau,
 & ainsi le malade est comme tout endormy, & pense voir
 devant ses yeux des fantosmes: car le cerueau trouble & re-
 froidy, trouble quant & quant tous les sens qui procedēt de
 luy: & refroidit tout le corps par la communication & con-
 sentement qui est entre toutes les parties. Avicenne adiouste
 encore des autres signes, c'est à sçavoir deffailance de cœur,
 (qui est vn signe commun en la plupart des venins) laquelle
 vient à raison de l'entree de l'estomach qui est blessée. Il viēt
 aussi vne aspreté de la gorge, & de la langue faicte par la sei-
 cheresse & froideur du poison, & pour ces causes meismes l'e-
 stomach & le ventre endurent des douleurs poignantes: &
 le malade retire son vent avecque grande peine: son corps
 deuiant blanc, & iecte l'vrine quelquefois noire, quelque-
 fois sanglante: ce qui est faict par le poison desia porté aux
 parties exterieures & par vne grande resolution & dissolu-
 tion des humeurs. Mais le premier remede pour garentir
 le malade, est de faire, sil est possible, qu'il vomisse, ou bien
 qu'il iecte par bas le poison qu'il a beu. Parquoy toutes cho-
 ses grasses & huileuses sont propres à l'vne & l'autre inten-
 tion, cōme les trois especes d'huile d'oliue, la Mirtine, l'Or-
 cadienne & la Premadienne, lesquelles estoient ainsi nom-
 mées du temps de Nicandre, comme a escript l'interprete
 Grec. Tel est aussi le lait duquel on aura tiré la petite peau
 qui se faict dessus, apres qu'il est vn peu repose, & qui est nō-
 mēe par les Grecs d'un mot qui signifie vielle, & ce pourau-
 tant

Oliue Mirti-
 ne, Orcadiē-
 ne & Prema-
 dienne.

La clere viel-
 le.
 Leurs &
 leurs

Ingioline.

La fermeté
de la cendre.

Persee.

Cephee.

Gorgoniene.

Melanthien.

Mycene.

tant qu'elle est ridee, comme sont les vieilles. Nicandre don-
ques commande que l'on oste ceste partie du lait, à cause
(comme ie pense) qu'elle a quelque vertu desseichante, la-
quelle est contraire à ceste guerison. Mesme vertu encontre
la ceruse a esté donnée à la manlie boullie, pourautat qu'elle
est gluante, & pourautat aussi qu'estant chaude & humi-
de, elle resiste davantage à la seicheresse & froidure de la
ceruse: comme aussi fait la Ingioline, qui est autrement nom-
mee sesame, laquelle ie ne deseriray plus amplement, d'au-
tant que les arboristes du iourd'hui en font en fort grand dif-
ferent. Galen dict qu'elle est espaisse & gluante, & par con-
sequent fort propre pour faire ce que Nicadre a escript. L'on
pourra aussi user, selon Dioscoride, d'huile de grosse marjo-
laine & de glaycul, du bouillon de figues & de pruneaux, de
la gomme de noyer, de premier & d'encens. Apres que l'on
aura baillé ces choses escriptes pour faire vomir & vider le
poison, il faudra faire gargariser la bouche avecques de la
lexiue faite de la cendre de ferment, & mesmes en avaler,
pourautat qu'elle a la vertu de nettoyer le demourant du
poison, lequel pourroit estre encores attaché cõtre les parois
tant de la bouche, que de l'estomach. pour ceste mesme in-
tention Dioscoride commande le bouillon d'orge, & l'eau
mielée: car elle a la vertu de nettoier. Et pourautat aussi que
les noyaux de pesches sont amers & chauds, il ne faut doub-
ter, qu'ils n'ayent la vertu de nettoyer & de resister à la froi-
dure du poison. Le Pescher est nommé par les Latins arbre
Perlique, pourautat qu'un nommé Persee fils de Iupiter le
planta premierement en Mycene, l'ayant eu en don d'un
homme que l'on nommoit Cephee. cela fut fait apres la
victoire qu'il obtint eontre Meduse autrement nommee
Gorgoniene, de laquelle il couppa la teste avecques le glai-
ue que luy presta Mercure, lequel luy auoit commandé qu'à
l'endroict ou la poignée d'iceluy cherroit, il feist faire vne
ville. ce qu'il fit, l'ayant veu cheoir au mont Melanthien.
ceste ville fut nommee Mycene située en la Moree iadis nom-
mee

DE LA CANTHARIDE.

CHAPITRE IIII.

Les Cantharides sont de petites bestes qui se trouvent sur les arbres & sur les herbes. Elles ont le corps ovale, le dos d'un brun foncé, et les pattes d'un brun plus clair. Elles se nourrissent de la sève des arbres et de la pulpe des herbes. Elles sont très utiles pour la médecine, car elles ont la propriété de corriger les humeurs et de purifier le sang. Elles sont aussi très utiles pour la préparation des remèdes contre les venimes et les morsures.

La Cantharide est une espèce de mouche, laquelle a esté ainsi nommée par les Grecs à cause de la semblance qu'elle a avecques l'Escarbot, que les Grecs nomment Cantharis. elle est resplendissante comme or, & fort belle à voir, à raison de sa couleur azurée meslée parmy le jaune: elle vient communement sur les fresnes & sur plusieurs autres arbres, ou elle se nourrit de leurs feuilles, cōme les vers à foye font de celles du meurier. Elle se trouue aussi parmy les bleds, dōt Nicandre l'a nommée Deuore-bled, & est en grande abondance és regions chaudes, comme en Italie. sa complexion est chaude & seiche iusques au plus haut degré: & pour ceste cause les Cantharides sont corrosiues, bruslātes & venimeuses non seulement à cause de leur chaleur & seichereffe excessiue, mais aussi à cause d'une particuliere inimitié que la nature leur a donnée encontre l'homme: ce qui se peut congnostre par les accidens cy apres declarés, lesquels se manifestent

Deuore-
bled.

festent particulièrement en aucunes parties du corps : comme aux reins & à la vessie . Le premier signe par lequel on peut congnoistre la prise de ce poison, apparoist en la lenteur & au goust d'iceluy : car & en l'un & en l'autre il ressemble à la poix fondue, ou bié au cedre rappé de nouveau : ainsi que Dioscoride a escript en son sixiesme liure, l'ayant toutefois pris du passage de Nicandre. Estant entré dans l'estomach, il ronge & vlcere par sa complexion naturelle, que j'ay dicté, toutes les parties par lesquelles il passe, comme les leures, la bouche, le gosier, & l'estomach, auquel il faict vne grande douleur à l'endroict du petit tendron, que les Picards nomment la fourcelle : car la dessoubs est la partie plus sensible de l'estomach : de la il descend dans les boyaux, & se porte par les veines portieres, & de la iusques à la vessie. Passant par ces destroicts il escorche & racle les parties auxquelles il touche, dont il auient que le malade rend par bas pareille chose que ceux qui ont la dysenterie : de la aussi viét que il rend le sang avecques l'urine : de laquelle seichant les conduicts, elle empesche que le malade ne puisse plus vriner. Le sang aussi corrompu & eschauffé par ce poison donne vne fièvre ardente, laquelle est cause de la fureur ou phrenesie qui en ensuit, & mesmes des deffaillances, & en la fin de la mort. si soigneusement & diligemment lon n'y donne ordre, premierement par vomitoires & clysteres, comme nous auons desia escript. Les vomitoires selon Nicandre, doiuent estre faicts en partie de ceruelles de porc & d'agneau ou de cheureau : car toutes les ceruelles des animaux, estants pituiteuses & de difficile digestion, engendrent vn suc fort gros, & excitent le vomissement : ce qui se faict dauantage lors qu'elles sont meslees avec la graine de lin, laquelle est grasse, venteuse : & lasche non seulement l'estomach ; mais aussi le ventre : rabattant la poincture & malineté de la Cantharide : comme aussi font les consommez de toutes chairs grasses, desquels il faudra tellement remplir l'estomach, qu'en la fin il soit contrainct de vomir, soit par ce moyen, soit en mettant les doigts de-

dans la gorge . Les clysteres aussi se doiuent faire de lait : car avec ce que le lait vuidé les ordures du corps, il a la vertu d'esteindre & moderer la chaleur & seicheresse de la Cantharide : & pour ceste raison, aussi il sera bon d'en faire boire au malade . Il faudra au deffaut des autres remedes vser, avecques Dioscoride, du bouilló de graine de lin, de mauue, de fenugrec, & de racine de guimauue. Apres ces remedes il faudra fayder de ceux, lesquels ont vne propre vertu de combattre le poison; comme est le poulliot, duquel nous auons parlé au premier liure: il n'est pas contraire, par ses qualitez, à la Cantharide. car il est chaud & poignât : mais par vne particuliere nature que les Grecs ont nommee Alexipharmaque, par laquelle il est contraire non seulement à ce venin; mais aussi à tous autres . Le bruuage d'eau dans laquelle est meslé le poulliot, fut pris par Ceres (comme racompte Nicandre) lors que toute esplouree de la perte de sa fille Proserpine, que Pluton dieu des enfers luy auoit rauie; elle fut receue en la maison de Hippothoote fils de Neptune, par sa femme Metanire, à laquelle Ceres, ne voulant boire de vin, commanda de luy donner de l'eau & du poulliot meslé parmy. Ce temps pendant Iambe, qui estoit du pais de Thrace, chambriere de Metanire cōptoit des fables & autres ioyes fetez en vne façon de vers, laquelle depuis a esté nommee Iambique, du nom de ceste chambriere . Le vin aussi a vne nature contraire à tous venins & poisons, & pour ceste cause Nicandre l'oublie bien peu souuēt entre ses remedes. Il l'ordonne donques en cestui-cy, & y mesle les petits bourgeons de vigne, d'autât qu'ils ont la vertu de nettoier & de rafraichir. Dauantage il commande de prendre vne herbe qui a, comme il dict, la racine aiguillonneuse, & est presque semblable à l'Asphodele; toutefois nous ne pouuons deuiner, quelle elle peut estre . car ny luy, ny son interprete Grec ne l'ont nommee . En quoy certes Leonicerus interprete Latin, s'est abusé en son annotation, là ou il explique ce passage, comme si c'estoit l'asphodele mesme. Lon pourra prédre enco-

re qua-

re quatre dragmes de terre samienne, laquelle est bonne ^{Terre samienne.} contre la Cantharide, pour deux raisons: l'une à cause de toute sa nature que nous auons nommée particuliere: & l'autre à cause de sa complexion mediocrement froide, par laquelle elle rabat la chaleur de la Cantharide, restreint le flux de sang, & referme les vlcères des boyaux, que nous auons dict estre accidens suruenés apres la prise de ce poison. Ceste terre est ainsi nommée à cause de l'isle de Samos, en laquelle elle est prise en vne fosse que l'on nomme ^{Phillis.} Phillis pres la region ^{Imbrasidienne.} Imbrasidienne, ainsi nommée à cause de la riuere Imbros, laquelle est en l'isle de Samos. Ceste terre, comme dict Nicandre, fut monstrée premierement par vn belier aux Nymphes de l'isle de Samos, assez pres du riuage de Cercet, qui est ^{Cercet.} vn fleuve, lequel passe par la même isle. Il y a aussi vn contrepoison que Dioscoride & Galen ont escript apres nostre poëte, c'est à sçauoir huit dragmes de vin cuit: le suc de rue & l'huile de glaycul ou flambe & celle de rose. Car & le vin cuit & la rue ont ceste vertu par leur propre nature: & l'huile est fort propre pour rabattre la poincture de la Cantharide, & la chasser par bas. Nous auons encore plusieurs autres medicaments, desquels on peut vser en tel inconuenient, & lesquels ont esté fort recommandez par les auteurs anciens & modernes: toutefois ie les laisseray d'autant qu'il me semble que ceux dont nous auons parlé, sont suffisans & assez faciles à recouurer.

LE IL LIVRE
DV CORIANDRE.
CHAPIT. V.



Κόριον, Coriandrum, Coriandre.



LE Coriandre est vne plante assez vulgaire, laquelle porte vn tige fort gresle. d'vne coudee & demye de haut, & par tout assez branchu. sa feuille au commencement ressemble à celle de l'Adianthe, que nous nommôs cheueux de Venus : & lors qu'elle est grande, elle represente celle de la fumeterre. elle a la racine courte, dure & peu chevelue. Dioscoride, Galen, & Auicenne ne s'accordent aucunement en la nature & complexion du Coriandre. Car Dioscoride a
escripte

escript en son troisieme liure, que le Coriandre est froid: ce que Galen a repris, s'efforçant de prouuer le contraire au septiesme liure Des Simples. Auicenne est suruenu la dessus, & a voulu reprendre Galen pour la deffense de Dioscoride. Toutefois i'aymerois mieux suyure l'opinion bien prouuee, premierement d'Hippocrate au second liure de la Diete, & secondement de Galen, que de m'opiniatrer en celle des deux autres. Car sil nous est permis de iuger des premieres qualitez par les secondes, certainement nous trouuerôs qu'il est plustost chaud que froid, tant par le goust & par l'odeur, que par toute sa substance. Et ne faut point en cecy, pensant accorder ces deux grans personages, dire que le Coriandre nouveau est froid, & que le vieil est chaud: car il est impossible qu'il y eust vn changement de complexions si diuerses, comme sont le froid & le chaud. Il est bien vray qu'au nouveau il y a plus d'humidite qu'au vieil: de laquelle aussi nous parlerons cy apres.

L'usage que lon reçoit du Coriandre principalement est en la graine, laquelle est petite, ronde & assez ferme: on la prepare communement (pour la vertu qu'elle a à faire digerer les viandes en l'estomach, & empescher que les fumees ne montent dans le cerueau) la faisant tremper en vinaigre, & puis la seichant: car par ce moyen, dict on, sa vertu venimeuse en est ostee. Mais pour parler libremet de ce que i'en pense, ie ne puis voir en quoy elle est venimeuse, sinon que son poison fust si foible & de si petite efficace, qu'il ne peust agir qu'estant pris en grande quantité, comme certainement la meilleure chose du monde peut estre nommee poison, lors qu'estant pris en grande abondance, ou elle trouble l'entendement, ou elle estouffe celuy qui en a vse. Ce qui me fait dire cecy, est pourautant que le Coriandre est remede contre le venin du serpent que nous auons nomme en nostre premier liure Double-marcheur, ainsi que dict Plin en son deuxiesme liure.

Nous dirons donques que le Coriandre soit la plante
O s verte

verte, & son ius, ou soit la graine, est poison, lors qu'il est pris sans discretion de quantité, & principalement s'il est champestre : car il n'y a point de doute qu'il ny en ait de deux sortes, l'un champestre & l'autre domestique : comme aussi l'interpretateur de Nicandre a déclaré en son commentaire : bien que Brassauolle soit de contraire opinion . Le champestre & sauuage est celuy, lequel sent fort, & lequel pour ceste raison a esté nommé par les Grecs Corie, d'un mot lequel signifie vne punaise : d'autant qu'il sent les punaises . Dioscoride pour ceste raison escript en son sixiesme liure, que le Coriandre ne se peut celer, à raison de son odeur, laquelle subitement se represente en la bouche de celuy qui en a pris : & se respand par tout le corps . Voila les premiers accidens qui aduiennent aus malades . Les autres sont premierement vne phrenesie & perturbation de l'entendement semblable à l'yurongnerie, laquelle se fait par les fumees venimeuses esleuees dans le cerueau : de la suruient la pesanteur de teste, & les endormissemens qu'aucuns ont escript aduenir apres la prise de ce poison . Nicandre n'a escript que le troublement d'esprit & les parolles eshonteées lesquelles il accompare aux fureurs & hautz cris des Thyades, prestresses de Bacchus, lesquelles anciennement luy sacrifioient, & estans bien yures crioyent & hurloyent sans honte, sans respect de leur honneur, & sans peur : dont il dict, que le malade crie, comme s'il estoit picqué d'un Thaon . Or apres que lon aura baillé les choses propres à faire vomir, comme est l'huile de glayeul que Dioscoride commande en cest endroict, & toutes telles autres choses, dont nous auons souuent parlé, il faudra venir aux remedes, lesquels sont contraires aux poisons de toute leur nature . Car le Coriandre est poison plustost à cause de quelque particuliere malineté, qu'à raison de ses qualitez excessiues, ausquelles aussi il n'est inconuenient de remedier . Car, comme Galen dict, le Coriandre nouueau a beaucoup d'humidité abondante . Il faudra donques donner du

Thyades.

vin

vin encontre la qualité venimeuse : & pour deseicher cest humidité, il faudra baigner du sel & de l'eau, ou les coquilles d'œufs, avecques de l'escume de mer : ou de la salmure, ou le consummé d'une poule ou d'oison, pourueu qu'il soit fort sallé, ou du vin cuit avec de la lexiue, tous lesquels remedes ont vertu de deseicher ceste humidité desmesuree : & avecques cela ils ont une force particuliere encontre les venins. c'est pourquoy Nicandre commande de faire baigner le malade dedans l'eau marine. ce qui se doit entendre, lors que lon pense que la vertu du venin est desia communiquee aux parties exterieures du corps. Mais pourautant que le vin cuit & le vin doux sont d'une complexion chaude, sil auient que le malade soit au temps de vendange (auquel il fait encores chaut) Nicandre commande d'y adiouster de la neige, pour retenir en bride la grande chaleur du vin : comme aussi il commande d'y adiouster de l'huile. Dioscoride conseille d'y mettre de l'alumine, laquelle, comme nous auons dict souuentefois, a la vertu de contrepoison. Il nous suffira de ces remedes faciles, sans en entasser dauantage, à la maniere de plusieurs, lesquels en ont remply les grandes pages de leurs liures sans ordre & sans iugement.

DE

De la maniere de faire le vin de la grande chaleur du vin : comme aussi il commande d'y adiouster de l'huile. Dioscoride conseille d'y mettre de l'alumine, laquelle, comme nous auons dict souuentefois, a la vertu de contrepoison. Il nous suffira de ces remedes faciles, sans en entasser dauantage, à la maniere de plusieurs, lesquels en ont remply les grandes pages de leurs liures sans ordre & sans iugement.



Κάκισον, Cicuta, Cicue.



A Cicue est au iourd'uy tellement vulgaire, qu'a grand peine se trouue il homme qui ne la congnoisse, à cause qu'elle est en grande abondance par les prez & au long des lieux ombrageux. elle iecte vn tige assez long, noueux, comme celui du fenail : ses feuilles ne sont gueres dissimilables de celles du Coriandre : elles sont toutefois plus estroictes & approchantes de celles de la ferulle. La Cicue est ex-

est extrêmement froide, ce que les medecins nomment iusques au quatriesme degre: comme aussi les accidens, le tesmoignent amplement. pour ceste cause elle est au reng des poisons, lesquels sont ainsi nommez pour leur excessiue complexion simplemet: encôres qu'elle semble auoir vne particuliere malineté naturelle, laquelle est cause d'une espece de folie que les Grecs nomment Conarie du nom de la Cicue, laquelle est ainsi nommee par les Grecs, comme a escript Galen en son septiesme liure Des simples. Les Atheniés faisoient anciennement mourir leurs mal-faicteurs avecque ce poison; & pour ceste cause la Cicue a esté en grand bruit par toutes les nations. Les accidens suruenants apres la prise de ceste maligne boisson, sont tous effects d'une grâde froidure, laquelle commence à maistriser la chaleur naturelle du corps: comme sont les esblouissements que Nicanre a nommé vne nuit tenebreuse portee dedans la teste: les tremblements, les deffailances & imbecillitez du corps, les estouffements, les difficultez de respirer, la froidure des parties exterieures du corps, le mouuement empesché des arteres, que nostre auheur a nommé veines à la maniere des anciens: lesquels par le mot de veines ont non seulement entendu les veines; mais aussi les arteres qui font le poux. Tous ces accidens donques rendent vn tesmoignage certain de la grande froidure & pesanteur de ce venin, encontre lequel apres auoir vsé des remedes principaux desquels il faut s'ayder au commencement, ainsi comme nous auons dict, à sçauoir d'huile pour les vomissements & principalement de celle de glayeu, laquelle est plus chaude que les autres; & de clysteres pour faire escouler ce que desja est descé du dans les boyaux: il faudra venir aux somierains remedes, lesquels doivent estre chauds & subpits, puisque le poison est froid & grossier. En premier lieu il faut faire boire à longs traicts & souuent du vin du meilleur & du plus pur qu'il sera possible de recouurer. Car si l'on en vloit en petite quantité, & qu'il ne fust assez puissant, il y auroit danger qu'il ne seruist de condu-

Nuit tenebreuse.

Veines.

conducteur à ce poison, tant s'en faut qu'il le vainquist. Pour ceste cause, comme j'ay dict en vn autre endroit, les Athéniens auoyent de coustume de mesler d'un petit vin parmy la Cicue, qu'ils donnoyent aux condamnés à mort: à celle fin que le vin, lequel est subtil, desliaist seulement son espaisseur (car estant petit & foible & en petite quantité, il ne peut faire dauantage) & à celle fin aussi qu'il la rendist plus subtile & consequemment plus propre à passer par les veines & les arteres. Après auoir donné le vin, lon pourra pour plus grande assurance donner du laurier, des carottes, du poiure, de la graine d'urtie, laquelle a grãde vertu de dissoudre plus que d'eschauffer, & du benioin: toutes lesquelles drogues ont la vertu d'eschauffer, ainsi que lon l'experimente communement. Mais apres que lon aura vsé de tous ces remedes, il faudra vser du lait, soit de celuy d'anesse, ou de celuy de chieure, ou de celuy de vache. Il sera bon aussi de boire du moust, ou du miel, à celle fin que la vehemente, poignante & bruslante vertu des medicaments, desquels lon aura vsé parauant, soit adoucie, & que l'estomach soit nettoyé de ce qu'il pourroit estre demeuré attaché contre les parois d'iceluy, ainsi Nicandre l'a commandé, quand il dict:

*On eschauffez vn pot de lait tout escumeux,
Et luy donnez à boire, ou bien du moust mielleux.*

Car cecy se doit entendre apres que lon aura vsé des autres remedes, dont nous auons parlé: & lors que lon estimera que desia le poison soit vaincu & hors du corps. Autrement il ne seroit bon d'en vser, aussi nostre autheur a mis ces deux vers apres les autres, ce que toutefois pourroit biẽ abuser: car il escript aucunes fois en premier lieu les remedes, desquels il faut vser au dernier, & au contraire: ainsi que la licence & liberte du poëme le requiert. Il faut doncques en tel cas vser de la prudence du bon medecin, lequel peut aisement, selon son art, discerner des medicaments: & les mettre chacun en leur reng: ainsi que nous faisons en ces liures.

D V T O X I Q V E.

CHAPITRE VII.

Toξικον, Toxicum, Toxique.



ON n'a point iufques au iourd'huy feue donner affurance du Toxique, quelle drogue ce fut anciennement, & fi nous la congnoiffons en l'Europe. Car encores que Dioscoride, Galen, Auicenne & plusieurs autres en ayent fait mention en leurs liures: fi est-ce qu'il est facile à veoir qu'ils estoient auffi empeschez, que nous pouuons estre. Dioscoride le nomme bien: auffi fait Galen & Auicenne, mais ils ne le defcriuent point. Le premier se contente d'en escrire ce qu'en auoit escript Nicandre parauant luy. Galen dict seulement que c'est vn venin. Auicenne en parle daduantage, mais assez ambiguement: ce qui a fait que Manard medecin Ferrarois s'est abusé pensant que le Toxique fust le Napellus des Arabes: ce que toutefois se trouuera estre faux, d'autant que le Napellus ne donne point de furie, ny de rage comme fait le Toxique: & pour plusieurs autres raisons qui ne sont necessaires d'estre mises en cest endroit. Plin a voulu passer plus outre, & a dict, que quelques vns ont estimé, que le Toxique fust vn venin, ainsi nommé à raison de l'arbre qu'on nomme l'If, lequel est nommé par les Latins Taxe, & ainsi que le Toxique fust quasi Taxique, comme venant de cest arbre. Toutefois cela semble estre assez impertinent d'autant que Nicadre apres auoir parlé du Toxique, parle de l'If, en la fin de ses contrepoisons, ainsi que nous escrirons cy apres. Mais comme a fort bien dict de Gorris, il ne nous faut beaucoup tourmenter à chercher ce malheureux poison: car si nous l'auions trouué, nous deburiós mettre toute diligence de le perdre. Tant y a que c'estoit anciennement vn pernicieux venin, duquel on empoisonnoit les fleches & les dards, pour rendre les blesseurs incurables, ce que Nicandre

candre a escript, & apres luy Ouide en son quatriefme liure du Pont: dela, comme dict Dioscoride, il a pris son nom; car la fleiche se nomme en Grec Toxe. Or ce venin estoit si pernicieux, que Nicandre le nomme venin de Vipere, comme estant aussi dangereux que celuy qu'elle porte. Et encore les poëtes voulans signifier vn venin par excellence, se sont souuenus principalement de cestuy-cy, comme du plus dangereux & mortel: ainsi a escript le mesme Ouide au second liure de ses Amours:

Nous n'entreprenons pas acte qui soit inique,

Nous ne nous assemblons pour mesler le Toxique.

Et Plaute en la comedie du Marchât; l'iray, dict il, au medecin, & là ie me feray mourir avec le Toxique. Voila quant à la recongnissance & signification de ce poison: venons maintenant à ses effects, par lesquels nous pourrôs congnoistre qu'il est de la nature de ceux, lesquels de toute leur substance sont ennemis mortels de l'homme. Car avecques ce qu'il a vne force & malineté cachee, il a aussi vne chaleur & seicheresse excessiue, dont il aduient que incontinent la langue de celuy qui l'a pris, s'engrossit par vn enflamment, fait à cause de la chaleur & seicheresse d'iceluy: dont Dioscoride a dict que la langue & les leures de l'empoisonné sont enflammées. De ces deux mesmes qualitez suruiuent la toux seiche: nous nommons vne toux seiche, comme desia nous auons dict, en laquelle vn homme toussit souuent, & toutefois ne rend aucune matiere. Or de cest enflamment, par la vertu cachee du poison, il ensuit incontinent vne pourriture fort grande, laquelle estant accompagnée de la malineté particulière, fait que les genciuës se pourrissent & mesmes les humeurs du corps; desquels il s'eleue des fumées malignes retenant la nature de l'humeur, dont elles sont eleuées: & d'icelles il aduient des tremblements de cœur, des phrenesies, des rouillements d'yeux, de l'escume en la bouche procedante des humeurs & des esprits troublés & esmeus: Item des cris & hurlements que Nicandre accompare à ceux

à ceux lesquels sont faicts par vn homme qui voit defia l'espée tiree & esleuee pour luy couper la teste: ou bien pareils à ceux qu'anciennement la Prestresse de Rhee (dont nous auons parlé cy deuant) faisoit le neuuesme iour du mois, auquel on auoit accoustumé luy sacrifier. Car, entre autres ceremonies, ceste prestresse alloit par les montaignes, & là elle crioit à haute voix selon qu'il estoit ordonné par les constitutions de ses sacrifices.

LA guarison de ce venin se doit tellement administrer, que premierement ayant pris & lié le malade (car autrement à raison de la phrenesie, il ne voudroit obtemperer) cōme en tous autres venins, il faut, si est possible, le faire vomir: soit mettant les doigts, ou vne plume dedans son gosier: soit luy faisant distiller dedans la bouche de l'huile rosart, ou de gleyeul: soit luy donnant le consummé d'vn ieune oyson; ou de la graine de raue. avecques du vin. Il ne faudra aussi oublier l'autre remede, lequel se tire des clysteres, ainsi q̃ nous auons dict en la guarison des autres venins. Puis apres ces choses ainsi disposees, il faudra prēdre les remedes particuliers, lesquels doiuent estre froids & humides pour cōtrarier à la chaleur & seicheresse de ce poison: cōme sont toutes sortes de pōmes, tant domestiques q̃ sauuages: & non seulement les pōmes, mais aussi leurs feuilles & branchages nettoyez: lesquels se doiuent cuire en eau pour en donner le bouillon au malade. Aussi pourra lon se seruir beaucoup tant de la decoction de coings (que les Latins à l'imitation des Grecs ont nomé pōmes Cydoniennes, à cause qu'ils sont venus d'vne ville qui est en Crete nommee Cydon) comme de leur mesme substance, tant pour la raison de leur temperature, que pourautant qu'ils ont grande vertu de reconforter l'estomach, lequel principalement est affligé en ceste maladie. lon en pourra aussi faire vne meslange comme faict Nicandre: faisant bouillir dedans l'eau de la graine de coings avecques du poulliot broyé. Dioscoride fayde de quelques autres remedes, comme de sang de bouc & autres,

tres, lesquels semblent contrarier à ce poison par vne naturelle contrarieté de nature. qui aura enuie d'en vser, les pourra facilement retirer d'iceluy. Mais nonobstant tous ces remedes, la malineté du poison est si grande, que à raison des troubles qu'il faict à la nature, il est difficile d'en eschapper, que pour le moins le malade ne demeure long temps abatu: car les vapeurs venimeuses esleuees dedans le cerueau, lesquelles ont esté cause de la grâde phrenesie, laissent vne imbecillité si grande, qu'à grand peine s'en peut on releuer. de la viennent les esblouissements, & plusieurs autres maladies de cerueau, lesquelles demeurent apres la guarison de ce dâgereux venin. Il ne sera mauuais aussi de noter en passant les accidents suruenants apres la playe recoue par la fleische enuenimee, ainsi qu'a faict nostre autheur: c'est à sçauoir, vne noircissure de chair, faicte par vne grande pourriture & degast de la substance de la partie blessée: & pourautant que ce poison est chaud & sec, il ne se faut esbahir, si bruslant tout ce qu'il touche, la peau se desseiche & se rompt, non plus ne moins qu'un maroquin approché trop pres du feu. Quant est de la guarison faicte par les fleisches enuenimees, elle se peut aisement tirer de nostre premier liure, là ou nous auons discouru en general des remedes pour les morsures des bestes venimeuses: car les morsures ne sont guères différentes d'auccques les playes enuenimees. T'ay bien voulu discourir ceste guarison, encores que nous ne cōnoissions le poison, pourautant qu'elle pourra seruir en autres venins de pareille nature.

DE L'EPHEMERON OV IOVRNALIER.

CHAPITRE VIII.



Εφήμερον, Ephemeron, Journalier, Tu-chien.

L'EPHEMERON a esté surnomé Colchique, à la difference du glayeul sauvage, qui est aussi nommé Ephemeró: ce qui a esté fait pourautát qu'il croist en abondáce en l'isle de Colchos, là ou il est beaucoup plus pernicieux qu'en nostre Gaule. c'est pourquoy Nicandre le voulant distinguer, a diát l'Ephemeró, dont Medee Colchique vsa premieremét. Medee Colchique. Car selon les anciennes histoires des poètes, Medee la magicienne estoit fille du Roy de l'isle de Colchos, en laquelle la-

son la rault pour auoir la roison d'or. Ephemeron est vn mot Grec signifiant en nostre lague Journalier : & est ainsi nommé à cause que son venin faict mourir en vn iour celuy qui l'aura pris. Quelques vns du vulgaire le nommēt Tu-chien, ou mort-au-chien. c'est vne herbe laquelle sur la fin de l'Automne iecte premierement vne fleur blanchastre, semblable à celle de saffren. ceste fleur est portee sur vn tige de quatre doigts de haut: elle a les feuilles semblables à celles d'un porreau: elles apparoiſſent apres que la fleur est ia pſſee. Elle est fort commune en France; toutefois non si dangereuse que celle dōt Nicādre a parlē. Quelques vns ont voulu dire, que nostre Ephemeron ou Journalier est l'herbe dont la racine est nommee par les apoticaireſ Hermodaſte: pourautāt que ſa racine est comme vn petit oygnon iumeau, doux, plain de lait, & rouſaſtre par le dehors : toutefois les mieux aduiſes ne ſont de ceſt aduiſ, entre leſquels Matthioli homme de grand iugement & bien experimētē en la doctrine des Simples, en a faict vne aſſez ſuffiſante preuue en ſon commentaire ſur Dioſcoride. Ce q'ie puis aſſeurer encore dauantage comme ayant veu & confrontē les deux plantes au iardin de Pierre Quēte apoticaire diligent & curieux au poſſible de la congnoiſſance des herbes. entre leſquelles il y a autant de difference qu'entre vn aſne & vn cheual : car la feuille de l'Hermodaſte est plus large & plus blanchaſtre que celle du Journalier: dauantage elle ondoie par les coſtez, ce que l'autre ne faict pas. Elle iecte vne belle fleur iaune ſur la fin du printemps, apres que les feuilles ſont ia venues : & l'autre la iecte ſur la fin de l'Automne, beaucoup auant que les feuilles apparoiſſent. Bref il y a ſi grande difference, qu'il n'est icy meſtier de la deduire plus amplement. Ce poiſon eſt ennemy de la nature de l'homme en tout & par tout, tāt par vne vertu cachee, que par vne exceſſiue chaleur & ſeicheſſe, par laquelle il ronge & vlcere la bouche, l'eſtomach, & toutes les parties auſquelles il touche. de la ſuruiennent les demengemēts des leures, tels que ceux que faict l'ortie, le lait de figues,

de figues, ou l'oignon de mer : car toutes choses poignantes esmeuent vn demengement, puis apres vne cuisson, & en la fin vne brulure en la partie qu'elles rongent. Et d'autant que le Iournalier a vne grande quantité d'humeur superabundant, ioinct avecques les autres qualités naturelles, il fait vn estouffement de l'estomach, comme si lon auoit mangé des champignons, ou autres telles choses, lesquelles de leur nature chargent & estouffent. Or sil aduient que ce poison soit plus long temps au corps, sans qu'on le face vider, il commence à tellement ronger l'estomach & autres parties naturelles, que en bref temps il les perce d'outre en outre: & se communiquant aux principales, il excite vn enflamment dans le foye, d'ot il sensuyt vn flux de vêtre, par lequel le patient iecte des choses semblables à l'eau, dedans laquelle lon a laué de la chair nouuellement tuee, c'est a sçauoir, sanglantes. Et non seulement vn flux sensuyt, mais aussi vn vomissement de mesme couleur. tous lesquels signes apparoissans, certainement il sera possible de iuger asseurement que la maladie est incurable : tant à cause que desia le venin a gaigné les parties principales; qu'aussi l'estomach & les boyaux estants percez, il est impossible de les guarir. Parauant donques que ces inconueniens suruiennent, il faut tacher, tant par vomitifs, que par clysteres (comme nous auôs dict souuent) de mettre hors la plus grâde part de ce poison: puis apres il faudra vser des contrepoisons particulieres, tant contre le Iournalier, que contre les accidents qu'il esmeut. Encontre les accidents il faut vser de lait, & principalemēt de celui de vache, car il esteinct l'ardeur du poison, & restreinct aussi le flux de vêtre, qui desia pourroit estre suruenu. La mesme vertu de restreindre, est attribuee aux feuilles & au fruit de chefne & de fouteau, aux feuilles & à la racine de la Noueuse, qui est vne herbe que les Grecs ont nom- La Noueuse. mé Polygone, & les apoticaire Centinodie. Elle est ainsi nommée à raison qu'elle a beaucoup de nœufs par ses branches gresles & tendres. elle se traine par terre, & est fort abondante.

**Veilles de
vigne.**

**Pais chaste-
nier.**

Prométhé.

Cler larcin.

par les cimetières. A mesme intention lon pourra vser des veilles de vigne, c'est à dire, des bouts qui se tortillét à l'entour des bourgeons : car ils ont plus de vertu de restreindre que n'a pas tout le demourant, comme aussi ont les ronces, & les escorces du millieu des chastaignes, lesquelles ont esté ainsi nommées, pourautant que premierement elles furent cultiuees à l'entour de la ville de Casto, à cause de laquelle le pais fut nommé Chasténier, dont les arbres en retindrent le nom. Je dis cecy pour l'explication du passage de nostre autheur. Au deffaut de tous ces remedes, & mesmes avecques iceux, lon pourra adiouster ceux qui ensuyuent, & ont la vertu de restreindre, à sçauoir la graine de Myrthe ou ses feuilles, & l'escorce de Grenade, l'Origan, la lexieue de serment, & la mouelle de Ferulle. Mais pour ne laisser le passage de Nicandre sans explication, il faut noter, que Promethee ou Promethé, ayant fait l'homme du limon de la terre (cōme disent les Poëtes) monta au ciel par le moyen de Minerue, & ayant vn baston de ferulle vuidé de sa mouelle, il toucha le chariot du soleil, & de la il desroba le feu, qu'il cacha dedans ce baston creux, dont son larcin est nommé cler, à cause que le feu est esclerant. c'est pourquoy Nicandre a dict :

*Il sera bon aussi de despoiller la mouelle
Du ventre à la ferulle, ou l'ardante estincelle,
Proye du cler larcin du subtil Prométhé,
Fut quelquefois nourrie & mise en liberté.*

Nous auons touché ceste fable au premier liure parlant de l'Alteré.

Lon mettra peine de garentir le malade avecques ces remedes, composant des decoctions pour boire ; & des clysteres aussi : & meslant quelquefois vne partie d'iceux avecques du vin, comme a commandé Dioscoride : & principalement vsant de leur suc, comme de celui de la noueuse, ou des veilles de vigne, ou de ronce, ou bien de la mouelle de la ferulle. Toutes ces meslanges se doiuent parfaire par le medecin expert, selon la cōplexion du malade, & l'exigence du mal.

du mal. Toutefois par sus tous il se faut mettre en peine de recouurer du lait d'anesse, ou de vache, & en iceluy cuire du Serpollet : car il a la vertu de dissoudre les estouffements, que nous auons dict suruenir incontinct apres la prise de ce poison : & mesmes (ainsi que dict Dioscoride) il est possible de sauuer l'homme empoisonné par le seul vsage du lait.

DE L'VLOPHONE, OV PORTE-MORT.

CHAPITRE IX.

Ουλοφόνον, ἰξίς, Vlophonon, Porte-mort.



Ov s sommes tous d'accord que l'Vlophone ou. Porte-mort est vne liqueur glueuse, laquelle a esté nommee par les Grecs Ixie, c'est à dire, gluante. Mais ayât esté long temps d'opinion auecques tous ceux qui en ont escript auant moy, que ceste sorte de glu fut celle que les anciens

Contre la cõ-
mune opi-
nion.

ont escript estre prise en la racine de la Carline, nommee par les Grecs & Latins Chameleon blâc; en la fin relisant vn passage, lequel est aux Theriaques de Nicandre, ie commençay à soubçonner fort de la verisimilitude de telle opinion : & mesmes ie fus contrainct de penser qu'elle estoit faulse, pour les raisons que ie deduiray cy apres. Premièrement la cause qui les a induicts à croire, a esté, que Plin escript que de la racine de Carline blanche il sort vne liqueur de laquelle les femmes de Candie vsent au lieu de mastich, & est nommee, dict il, Ixie. Ils ont aussi esté induicts à ce mesme, pourautant que Theophraste & Dioscoride ont escript, que la racine de la Carline blanche meslee auecques de la farine d'orge, de l'huile & de l'eau, faict mourir les chiens, les souris, & les pourceaux. voila donques sur quoy ceste opiniõ est appuyee. Voyons maintenant si cela est suffisant pour dire que la glu qui sort de la Carline blanche soit venimeuse. Je confesse premierement qu'il en sort de la glu, mais ie dis que ce n'est

L'Vlophone
ou Porte-
mort n'est
point pris en
la racine de
la Carline.

pas elle, laquelle est venimeuse : car encore que Plin eſcriue, que ceste liqueur est nommee Ixie, ſi eſt ce que ce n'eſt pas à dire, que ce ſoit le poiſon, attendu que le mot eſt commun, lequel vient d'un mot Grec qui ſignifie autant que ce que les Latins ont nomme Viſque, & les François, de la glu. Et meſmes quant les auteurs ſe ſont ſouuenus de l'Ixie venimeux, ils ont adioute (au moins la pluſpart) le ſurnom de Vlophone, qui eſt à dire, porte-mort : ainſi a fait Nicadre, & Dioſcoride, qui a eſcript au ſixieſme liure Ixie ſurnomme porte-mort : ainſi ont parle Aeſſe & Paul Aeginette, & toutefois nous ne trouuons point que la Carline blanche aye eſté ainſi ſurnommee, ſi ce n'eſt par Plin, lequel en ceſt endroit ſeſt abuſe tant pour les raiſons que nous aligerons cy apres, que à cauſe qu'il dict ce ſurnom luy auoir eſté donne, pourautant qu'il tue les genieſſes. Et qu'il ne ſoit ainſi, Nicadre nous ſeruira de teſmoin, lequel en ſon premier liure a deſcript la Carline noire, & la Carliue blanche (dont Dioſcoride a pris la deſcription des ſiennes) & a dict, que la blanche eſtoit bonne contre la morſure des ſerpens, nous aduertiffant de fuir la noire, comme vn poiſon : cecy eſt eſcript au diſcours des racines Theriaques en ces vers,

Congnois la montaniere & la blanche Carline,

Car il y en a deux que lon congnoiſt par ſine :

L'une eſt noire à la voir ſemblable à l'artichaut,

Et ieſte vne criniere arondie par haut.

En ſa racine elle eſt toute noire & eſpeſſe :

Elle croiſt plus ſouuent en vn lieu qui ſ'abaiſſe,

Dedans les boys obscurs ſe cachant du ſoleil :

Mais l'autre touſiours freſche eſt paroiffant à l'œil

D'une feuille eſclerante : elle ieſte poureuſe

Vne teſte fort bas : ſa racine eſt miellieuſe

Et blanchaſtre vn petit, la noire tu fuyras,

Et de l'autre vne drachme en de l'eau tu boiras.

VOYONS maintenant ce qu'en ont dict les autres apres luy. Theophraste & Dioſcoride eſcriuent que le bouillon de la raci-

la racine couppee par tranches est fort bon contre les catarrhes, qu'estât beue avecque du vin, elle faict mourir les vers du corps: qu'elle est bonne contre l'hydropisie, contre l'arrest d'vrine, & contre les serpens. Galen au huictiesme liure Des simples parlant de toutes les deux especes, dict, qu'il ne faut vser aucunement de la noire, si ce n'est par dehors, à cause qu'elle est venimeuse: mais que l'usage de la blâche est tresvtile aux maladies telles que nous auons dict. Prendrôs nous pour responce suffisante ce que André Matthioli a dict en son commentaire sur Dioscoride, que Galen auoit fally en ce qu'il a escript que la Carline noire est venimeuse, & n'en dict point autant de la blanche? Certainement il debuoit plustost considerer l'abus qui est au nom d'Ixie, les vertus que les anciens ont attribué à sa racine, & mesmes l'interpreteur de Nicandre: lequel, considerant parauanture ce que i'ay dict, a escript que l'Ixie estoit vne espee de vermine, encores que en cela il n'y ait grande apparence. Mais poursuivons plus auant. S'il est ainû q la racine soit bonne & prouffitâble estant prise au dedans du corps, d'ou vient que le suc d'icelle est venimeux? la racine ne comprend elle pas le suc? n'est ce pas à cause d'iceluy principalement qu'elle est ou bône ou mauuaise? dirons nous que le suc est poison & que le demourant est vn contrepoison? cela seroit chercher trop loing des eschapatoires pour s'abuser soy-mesme. Nous adiouterons encore cecy, c'est qu'entre les signes de l'Vlophone tous ceux qui en ont escript, ont dict qu'il estoit du goust & de l'odeur du Basilic: or le goust du Basilic (comme chacun sçait) est amer, & son odeur est fort bonne: & toutefois Nicandre, Theophraste & Dioscoride escriuent, que la racine de la Carline est douce, & son odeur est fort aspre, mesmes qu'elle sent mal. Il nous est donques aisé d'arrester que l'Vlophone n'est point la glu qui sort de la Carline blanche, de laquelle les femmes de Candie vsent sans danger. Et encores que Aesse mette la Carline blanche entre les poisons; si est ce que lon ne tirera pas de la, que l'Ixie soit pris d'icelle.

car mesmes il le dict apres auoir particulièrement parlé de l'Vlophone au chapitre precedēt. Ioinct qu'il est seul (que ie sçache entre les auteurs dignes de foy) lequel a escript que la Carline blanche est vn venin. Que sil eust en cela suiuy son maistre Galen, duquel il a pris toutes autres choses pres que de mot à mot, il ne se fust trouué estre seul de ceste opinion. l'Vlophone dōc est vne espee de glu tiree de quelque plante venimeuse, de laquelle toutefois ie n'ay encores asseurance, ioinct que ie ne me tourmenteray beaucoup de la recercher. Ce poison est manifeste par le goust, lequel il a semblable au Basilic: & lequel par sa naturelle malinēté (car c'est vn poison contraire à cause de toute sa substance) estant entré dans l'estomach, esleue tant de vapeurs dedās la teste, que la raison estant troublee laisse le malade tout furieux: dont il se mord la langue, comme dict nostre poëte, laquelle incontinent est enflammee & enflée. Et pourautant que ce poison est gluant, il estouppe les boyaux & autres passages & conduicts du corps, dont il aduient qu'une grande quantité de vapeurs enclose en ces destroicts, rend vn bruit assez haut, tournoyant çà & là, & pressant tellement la poitrine, que le malade en chet en courte alaine. Il y a encores vn autre signe particulier pour recongnoistre ce poison, c'est la matiere espaisse & gluante laquelle sort, lors que lon dōne au malade quelque medicament vomitif, ou bien quelque clystere. Ceste matiere phlegmatique est semblable à celle qui est dans les œufs, que les poulles iectent imparfaits pour auoir esté trop souuent cochees par diuers coqs, lesquels par ce moyen empeschēt la perfection entiere d'iceux: dont il aduient qu'ils sont sans escaille, & que la matiere dedans est blāchastre & toute glueuse. Ces choses ainsi apparoissantes, il faudra, apres le vomitoire & le clystere tant pour dissoudre que pour destoupper les conduicts, prendre de l'absinthe, & le broyer avecques du vin doux, ou avecques du meilleur & plus fort vin que lon pourra trouuer. Il faudra aussi donner de la therebentine, ou de la poix raisine, ou de la poix de pin:

car tou-

car toutes sortes de raifines ont la vertu de ce faire, & de nettoyer. elles ont auffi la force de passer legerement, comme eftant faictes de parties fort subtiles & deliees.

Nôtre auheur en paſſant ſur ceſt endroit ſeſt reſouue-
nu d'une fable, laquelle a eſté depuis luy deſcrite par Ovi-
de : & ce pour donner vne raiſon poétique de ce que le Pin
ieſte de la raifine. La fable dōques eſt telle qu'il enſuit: Mar-
fias excellent muſicien de ſon tēps, fut tant outrecuidé, qu'il
oſa bien parier contre Apollon à qui mieux chanteroit: mais
Apollon voyant vne ſi grande outrecuidance, l'eſcorcha viſ
& attacha ſa peau deſſus vn Pin: de la mort duquel non ſeu-
lement les nymphes; mais auffi les troupeaux des champs
& les arbres plourerēt, entre leſquels le Pin la porta plus im-
patiemment ieſtant tout depuis la raifine au lieu de larmes.

Les autres medicaments contraires à l'Vlophone ſont
ceux, leſquels, comme les premiers, ont la puiſſance de diſ-
ſoudre la grande eſpoisseur d'iceluy, & d'ouurir les eſtouppe-
ments qu'il cauſe dans les boyaux. Tel eſt le Polliot, que Ni-
candre a nommé mort-aux-rats (comme cy deuant nous
auōs dict de l'Aconite:) toutefois ie ne ſçay point pour quel-
le raiſon : car ny Theophraste, ny Dioſcoride, ny autre qui
ayt parlé du Polliot, ne luy donne la vertu de faire mourir les
rats. & ne puis penſer, pour quelle raiſon il le face: ſi ce n'eſt à
cauſe que, comme dict Galen, il eſt amer & aigu au gouſt.
Au reſte il nomme le maſle polliot, à la difference de l'autre
eſpece: car ſelō Dioſcoride & Galen, il y en a de deux ſortes,
comme nous auons dict au premier liure. La Rue, l'Aspic
d'outre mer, le Laſer, le Couillon de bieure, & le Boucorigan
(qui eſt vne herbe aſſez approchante de l'Origan) ont la pro-
priété de diſſoudre les vents, & de digerer les humeurs ef-
fois & glueux: & par ainſi ils ſont fort propres contre ce poi-
ſon. Tous ces remedes, comme auffi pluſieurs autres adiou-
ſtés par Dioſcoride, ſe pourront meſler enſemble ſelon l'ad-
uis du bon medecin. Mais il pourra ſembler eſtrange, qu'apres
tous ces remedes digeſtifs, Nicandre a adiouſté le fromage,
lequel

Marſias,

Mort-aux
rats.

Boucorigan,

lequel semble estre du tout contraire aux autres simples cy dessus escripts: ce qui est certainemēt vray. toutefois il faut considerer le temps, auquel il le commande, c'est à sçavoir, la fin de la maladie lors que desia lon a vſé des autres, & que lon pense que le poison est vaincu. Car à ceste heure le fromage, froid de sa nature, a la vertu de temperer la grande chaleur, que le poison pourroit auoir laissé dans l'estomach, & dans les boyaux.

D.V. SANG DE TAUREAU.

CHAPITRE. X.

Aux raiſes, Sanguis taurinus, Sang de Taureau.



LE Sang de Taureau de sa nature est fort espais, dont il aduient qu'estant tombé dans l'estomach d'un homme, il se durcit facilement, ioinct que tout sang de sa nature estant hors des veines & artères, facilement se grumelle & se pourrit: voire encores qu'il fust en vn lieu plus chaud que le sien propre. Parquoy il aduient qu'incontinent qu'il est en l'estomach, & que là dedans il se fige & grumelle, il commence à se pourrir, & se pourrissant, il esleue des mauvaises fumees dedans le cerueau, dont le malade s'esuanouit souuent. Car estant en gros morceaux, il ne peut sortir, ny par haut, ny par bas, dont il ensuit vn estouffement & estouppement des cōduicts, tant de ceux de l'estomach, que de celui des poulmons: ne se pouuant faire autrement qu'en le buuant il n'en soit demouré quelque portion au commencement du conduict du vent: ce qui faiet que le malade iecte vne quantité d'escume par la bouche: car il ne peut aisement retirer son alcine, & endure presque vne mesme passion que font les epileptiques, à raison (comme j'ay dict) des fumees esleues dans le cerueau. Tous ces maux donques aduient aux hommes, non que le Sang de taureau


reau soit vn venin de sa propre nature : mais seulement par vne seconde raison . Car de foy-mesme , & en sa premiere naissance il n'est aucunement excessif en qualitez : ny aussi contraire de toute sa substance : mais seulement à cause de son espaisseur, ainsi que nous dirons du lait empesuré. C'est pourquoy on y ordonne des medicaments, lesquels de leur nature ont la force de dissoudre & mettre en morceaux ce qui de foy est espois & figé. telles sont les figues vertes, le vinaigre, toutes sortes de presures, soit de Fan, de Leuraut, ou d'autre animal: le nitre, le laser, la graine de choux, les ronces, le poiure, la racine d'herbe à punaises, & toutes telles choses, lesquelles sont faictes de parties deliees & eschauffantes, & desquelles il faut seulement vser, & non de medicaments propres pour vomir : ce que toutefois nous auons dict estre le premier precepte en tous venins, c'est à dire, en ceux qui par leurs excessiues qualitez premieres, ou par leurs particulieres natures sont tels. Car si on vouloit contraindre de vomir, tant s'en faudroit que cela proufitast, que mesmes le poison estoupperait les conduits, & sentasseroit daduantage en iceux, & ainsi pourroit empescher le vent, & par consequent la vie. Quand donques Nicandre à dict:

On tires luy du corps ceste pesante ordure;

il ne l'a point entendu par le vomissement : mais seulement par les clysteres, lors que desia le poison est descendu dans les boyaux. Il est bien vray que Galen a escript au liure des Contrepoisons, que celuy qui a pris le Sang de Taureau, doit boire du vinaigre, & puis vomir: ce que se doit entendre apres que le vinaigre aura dissout tout le sang figé. Nous deuons toutefois penser q tous ces accidés, dont nous auons parlé, suruiennent non pas lors que lon a pris le sang estant desia figé parauant que le prendre, mais lors qu'il se fige dans l'estomach, ayant esté beu tout chaut, & auant qu'il fut figé, tel que Themistocle capitaine Athenié le beut pour se faire mourir, ainsi comme le tesmoigne Plutarque de Cheronee.

D E

LE II. LIVRE
DE L'ENFLEBOEVF.
CHAPITRE XI.



Βούρπης, Buprestis, Enfleboeuf.



ENFLEBOEVF est nommé par les Grecs & Latins le Bupreste, pourautât, comme dict Nicandre & Pline, qu'estant entré dans le corps des bœufs & des vaches, il les fait enfler. C'est vne petite beste semblable à la Cantharide, ou bien à l'Escarbot à long pieds : laquelle estant cachée dans les herbes, est souuentefois mangée par les animaux paissants, dont apres ils meurent. ce que ordinairement les bergiers experimentēt en leurs moutons, lesquels en deuiēnt enflés comme tabourins. Or si auient qu'un homme en soit empoisonné, cela se congnoistra par le goust, & par la senteur que ce venin a semblable avecques le nitre; par vne grande douleur de l'estomach & par l'estoupement de l'urine. la raison de cecy se peut tirer de ce que nous auons escript, au chapitre de la Cantharide, à laquelle tout ainsi cōme l'Enfleboeuf luy est semblable en port & en mauuaiseſtiē : il excite ainsi pareils accidens aux corps dans lesquels il entre : & d'abondant il les fait enfler, ainsi comme si le malade estoit affligé de l'espece d'hydropisie, que les medecins nomment Tympanite, cest à dire, hydropisie, en laquelle le ventre tellement est tendu par les vents qui sont entre chair & cuir,

cuir, qu'il semble que ce soit vn tabourin sonnant, lors que lon y touche. Cela suruiet par les vapeurs lesquelles fessent des humeurs fondus par la vertu du poison. Les remedes dont il faut vser en ceste maladie, sont semblables à ceux dont nous auons parlé au chapitre de la Cantharide : & d'abondant, Nicandre en a ordonné quelques vns particuliers apres le vomissement, c'est à sçauoir, les figues seiches avecques du bon vin vieil, lesquelles seules ainsi meslees ont la vertu de dissoudre les vêts par leur chaleur moderee; & aussi de destouper le ventre par lequel vne partie du poison se peut euacuer. Et d'autant que l'Enflebœuf est chaud, Nicandre cōseille d'vser de poires sauuages, & de graine de Meurtre, qui ont la vertu de rafraischir & de fortifier l'estomach, & ce par leur astriction. Puis quād lon s'apperceura que les accidens seront diminuez, & que la fieure sera appaisée, il sera bon de donner du fruiet de palme avecques du lait: car il a la vertu de fortifier & l'estomach & nostre chaleur naturelle, aussi à cause de son astriction. Le lait aussi (principalement celuy de la femme, puis celuy de la vache) avecques ce qu'il a vne particuliere proprieté contre les venins, il appaise la grande force aiguillonnante que l'Enflebœuf pourroit auoir laissé dans l'estomach & dans les boyaux. Toutefois il ne le faudra bailler lors q le corps sera encore enflé, & que la fieure sera vehemente: car alors il pourroit augmēter le mal.

DU LAICT EMPRESVRE.

CHAPITRE XII.

Γάλα εμπυτισθεν, *Lac intus coagulatum*, *Laiet empresuré.*



NE faut penser que laiēt empresuré, dont nous voulons parler, & dont tous les anciens ont escript, comme d'un venin, soit celuy duquel nous vsons sans dāger apres qu'il est caillé. Car nous experimentons ordinairement que, principalement en esté, on en mange sans se porter mal, si ce n'est que lon

que lon en vse en trop grande quantité. Celuy donques que nous nommōs empresuré, est le laiēt auquel de nouueau on a meslé la presure, & lequel est mangé auant qu'il soit caillé. Je dis cecy pourautant qu'il semble que les interpretes de Dioscoride ayent voulu entendre en telle façon le chapitre qu'il en a escript au sixiesme liure: & mesmes il semble que ce soit vne chose contraire de dire q̄ le laiēt caillé n'est point venin, & que l'empresuré le soit, entant que le laiēt caillé est meslé avecques la presure, & qu'il n'y a point de difference entre l'un & l'autre, sinon en ce que l'un est desia caillé, & l'autre le sera bien tost. Pour accorder dōques cecy, nous dirons, que le laiēt caillé n'est point dangereux, pource q̄ estant dans l'estomach, il est dissout par la chaleur naturelle d'iceluy, & ainſi il se laisse facilement cuire: mais celuy auquel seulement la presure est meslee, estant descēdu dans l'estomach commence à se cailler par l'action de la presure, tellement que se rendant contumax à la chaleur d'iceluy, tant ſen faut qu'il soit vaincu, que mesmes il la suffoque, tant par sa froidure, que par les estoupemēts qu'il faict dedās les conduits: ausquels estat porté, bien qu'encores il ne soit caillé, si est-ce que tenant en foy vne partie de la presure, il commence à ſamasser & à tellement estouper ces parties, que les accidents mortels en ſuruiennent: comme ſont les estouffements, les deſfaillances de cœur, les grandes douleurs de teste, & autres: lesquels se font à cause des mauuaises vapeurs esleues de la pourriture de ce laiēt. Parquoy la guarison se prendra des choses lesquelles ont la vertu de dissoudre & d'amenſiſer, comme nous auōs dict au chapitre Du sang de Taureau, se gardant bien ſur tout de donner chose qui endurciſſe le laiēt caillé, comme est le ſel; ou qui puiſſe faire vomir, pour la raison ia escripte au meſme chapitre: encores qu'Auicenne ſemble ordonner le contraire, mais ſans raison & contre le commandemēt de Dioscoride: telle vertu a le vinaigre meslé avecques deux parties de vin cuit, ou avecques la racine, ou le ſuc de Laſer, le Thym, les feuilles de vigne meslees
avecques

avecques du vin, la graine de Genieure & les feuilles de la Mente prises avecques mesme liqueur, ou avec du miel, ou bien avecques du vinaigre. Outre ces remedes lon doit vser principalement de la lexiue dans laquelle les bonnetiers & megissiers ont accoustumé de lauer leurs laines: car encores q̄ toute lexiue ayt la force de dissoudre: ceste cy toutefois l'a dauantage, à raison de la laine, laquelle y est luee. la presure est estimee le premier & plus excellent remede, à cause qu'estant prise avecques du vinaigre, elle a vertu d'amenuiser & dissoudre: & non seulement celle du lieure, comme dict Galen, mais aussi celles de tous autres animaux. Ce que possible semble estre estrange, pourautāt que la presure a esté cause que le laiēt seest cailé: toutefois il se peut faire que la presure face cailler & decailer le laiēt, mais en diuers temps: car lors qu'il n'est cailé, estant meslee, elle le caille, à cause de sa chaleur mediocre, par laquelle elle separe les choses qui sont de diuerse nature, comme le laiēt cler & le laiēt espois, qui sont les deux premieres substances diuerses contenues au laiēt. ce qu'aussi elle feroit au fourmage composé de dissemblables parties, si ayant esté mise en plus grande quantité, il luy restoit encores quelque force. Mais estāt prise en suffisante portion, apres q̄ le laiēt est cailé: & estāt aussi aidee, tant par la chaleur naturelle du corps, que par le vinaigre adiousté, elle le fait fondre & dissoudre. Ainsi voit on au printemps, lors que la chaleur n'est encores vehemente, que la boue se durcit par la digestion de la plus grande humidité; mais lors que le soleil se renforce, nous la voyons se dissoudre en poudre. La presure donc estant plus forte par le moyen de la chaleur naturelle, separe exactemēt les parties dissemblables, & amasse celles qui en tout & par tout se ressemblent: comme a escript Aristote au second liure De la generation des animaux.

Q

Dv

Δορύκνιον, Dorycnion, Morelle furieuse.

Dispute contre Matthio-
li.



N D R E' Matthioli, au commentaire qu'il a faict sur Dioscoride, n'est pas d'accord que le Dorycnion soit ce que les Grecs ont nommé Morelle furieuse: & ce pour-
autant, comme il dict, que Dioscoride en a faict deux chapitres differents en son quatriesme liure. toutefois si nous voulôs
considerer ce que le mesme Dioscoride en a escript au sixiesme liure, & ce que Theophraste & Plin en ont raconté, certainement nous trouuerons, ou que Dioscoride s'est abusé, ou bien que le Dorycnion est vne chose aprochante de la Morelle furieuse. & à fin qu'il soit libre à chascun d'en iuger, j'allégueray ce qu'ils en ont escript: car de moy ie ne voudrois deroger à l'autorité d'un grand personnage pour fauoriser à l'autre, principalement en vne chose, en laquelle il semble estre variable. Theophraste donc escript que celui qui aura pris vne dragme de Dorycnion en breuuage, commence à se complaire, & à festimer estre beau, comme ja deuenant fol: que sil en a pris deux dragmes, il sera encores plus fol; & commencera à auoir des diuerses illusions deuant les yeux: sil en a pris trois, il le sera du tout: & mourra subitement, sil en prent vn peu dauantage. Autât en a escript Plin en son vint-&-vniesme liure de l'histoire naturelle, & Dioscoride aussi parlant de la Morelle furieuse. Dauantage au proesme de son sixiesme liure il dict, que la morelle furieuse est nommee Dorycnion, & au sixiesme chapitre du mesme liure il le reconferme. Bien est il vray qu'il en faict deux dissemblables descriptions au quatriesme liure; sur quoy Matthioli fasseure, donnant pour responce à ce que lon pourroit alleguer des passages du sixiesme liure, qu'il est bié vray que Dioscoride dict, que lon nomme la Morelle furieuse Dorycnion;

nion : mais que de la lon ne doibt inferer qu'il soit de ceste opinion; mais seulement que aucuns l'ont ainsi nommee. toutefois il me semble, sauf meilleur iugement, que ceste response n'est suffisante, attendu que ce que Theophraste & Pline ont escript du Dorycnion, cela mesme a esté dict de la Morelle furieuse par Dioscoride: ioinct aussi que en la fin du proesme, il semble qu'il le die de son opinion, & non de celle d'autrui. Au reste la Morelle furieuse a esté nommee Dorycnion, pourautant qu'anciennement on auoit accoustumé d'en oindre les fers des lances; que les Grecs nommēt Dorates : ou bien à cause qu'elle a autant de vertu pour faire mourir, comme a vne lance. Auicenne la nomme Raisin de regnard, à cause, comme ie pense, qu'elle porte des petits grains pareils à ceux de raisin, comme aussi l'a escript Dioscoride en la descriptiō. qu'il en a faict. Elle est aussi nommee Morelle furieuse, à raison de l'accident de fureur, qu'elle esmeut en celuy qui en a bu: Ce qu'elle faict non à cause de ses qualitez, qui sont froid & sec, mais plustost à raison d'une particuliere malineté : car tant s'en faut que le froid excitast vne fureur, qu'au contraire il rend le malade endormy & pesant, comme nous auons dict en autre endroict. Toutefois Nicandre n'a point parlé de la fureur en la description des accidens esmeus par ce poison, comme estant vne chose assez manifeste de soy-mesme, laquelle facilement se pouuoit presupposer à raison de la particuliere nature de ceste herbe. Or quand vn homme en aura esté empoisonné, on en pourra estre acertainé tāt par le goust, que par la couleur du poison car & l'un & l'autre a quelque chose de commun avecques le lait, c'est à sçauoir la douceur & la blancheur. Et pourautant, comme i'ay dict, que la Morelle furieuse est froide & seiche, il aduient incontinent apres qu'elle est entree dans l'estomach, que les parties nerueuses d'iceluy sont bleffees: car il n'y a rien plus contraire aux nerfs, & à tout ce qui en approche, qu'est le froid: de la suruiennēt les hocquets, les vomissements, & les deffailances de cœur. Et d'autant aussi

Q. 2.

qu'il

qu'il se faict souuent que par les continuels vomissements, les veines de la gorge & de l'estomach se rompent, il aduient que ce que le malade vomit, est sanglant. Les humeurs aussi pourrissants par la particuliere malineté que i'ay dict estre en ce poison, escorchent par vne poincture conioincte, & raclent tellement les boyaux, que ce qui sort par bas apparoit glueux, & faict pareille douleur que ont accoustumé de faire les tranches & les expressions. Dont le malade estant rompu & matté, n'a pas le courage de boire, encore que par la seicheresse du poison il fust alteré. Puis qu'il est donques ainsi, que tant par sa froidure & seicheresse, que par vne vertu cachée il est poison, à bõne raison les remedes doiuent estre de double nature, à sçauoir chauds & humides, & aussi contraires par vn don particulier. Les premiers sont le lait tiede meslé avecques du vin doux, la chair d'un chapon rosti, ou le confumé d'iceluy: les autres sont quelques poissons escailés, lesquels se nourrissent parmy les rochers, & lesquels outre leur naturelle bonté, ont aussi la vertu de faire ouurir le ventre, & de chasser par bas le poison caché, tant dedans l'estomach, que dedans les boyaux. Entre autres ceux cy sont les plus excellents: c'est à sçauoir les Ouidres, la Porpre, la Langouste, & le Herisson de mer: la Pinne, la Petouille, la Porcelaine, & toutes autres sortes d'Ouidres, desquelles les vnes seront mangées crues, & les autres, qui sont de plus difficile digestion, seront cuites & administrées selon la discretion du docte medecin.

D v

D V P H A R I Q V E.

CHAPITRE XIIIIL.

Φαρικόν, Pharicon, Pharique.



Es escriuains anciens & modernes, lesquels ont parlé du Pharique, ne nous ont asseuré que c'estoit : ce qui est adueni d'autant que les premiers ont esté ou negligents de l'escrire, ou bien l'ont laissé comme chose assez commune de leur temps. toutefois Dioscoride le met au rang des venins simples, soit qu'il fust vne herbe, ou vn arbre, ou vn fruit. il a esté ainsi nommé selon Proxagore du nom d'un empoisonneur, lequel l'inuenta premierement : ou bien à raison de Pharis ville d'Arcadie d'ou il fut apporté. Athence le nomme Phariacon. Or est il à presupposer, par les accidens qu'il esmeut dans le corps, que son venin est tel de toute sa nature. quand est de ses qualités, ie penserois bien qu'elles fugent chaudes & seiches attendu son action subite: car comme dict Nicandre;

Il tue en moins d'un iour vn homme plein de vie.

Ses accidens donques sont premierement vn goust d'aspic d'outre mer : dont quelques vns ont voulu dire que c'estoit vne espee d'aspic, ou bien vn venin faict d'une partie d'iceluy. apres le goust il ensuyt vne escorcheure de la bouche, puis vne defaillance & vne fureur d'esprit, vne resolution de tous les nerfs pour les causes assez souuent deduictes par cy deuant: & principalement à raison des humeurs, lesquels s'esleuent dedans la teste & troublent là dedans les instrumens, tant du sens que du mouuement. Les moyens d'y remedier sont premierement les euacuations accoustumees, dont nous auons souuent parlé : puis apres les remedes particuliers : c'est à sçauoir l'aspic d'outre-mer, celuy, dis-je, lequel vient sur les montaignes de Celicie, au pied desquelles le fleuve de Cestre s'escoule : & est nommé particu-

Cestre.

Q 3

ticulie-

Thylacite.

Le Lis.

ticulierement Thylacite, c'est à dire, porté dans les sacs de cuir : car de ces regions anciennement on l'apportoit dans des sacs de cuir la part ou lon en auoit à faire . Liuesche & le Glayeul ont vne vertu chaude & seiche, & pour ceste raison, ils contrarient tant à la pourriture du Phariaque, qu'à la douleur des nerfs excitee par iceluy. Nicandre adiouste encores les fleurs de Lis : & d'autant qu'elles sont froides & humides certainement, il me semble que combien qu'il nomme toute la fleur, si est ce qu'il n'entend que ceste petite vergette iaune, laquelle sort du millieu de la fleur, & laquelle peut auoir quelque particuliere vertu contre ce poison . Il l'accompare au membre d'un asne, d'autant que estant grosse par le bout, il semble qu'elle en approche : & la dessus il prend occasion de mettre vne fable en auant, qui est, que quelquefois Venus conuertit vne ieune pucelle en ceste fleur, d'autant qu'elle auoit tant presumé de soy que de penser estre plus belle que Venus mesme, qui est la deesse de beauté. laquelle en dedaing de ce, & pour vne merque d'ignominie à iamais luy attacha vn membre d'Asne au beau millieu de ses feuilles . Il y a encore des remedes, dont Dioscoride faide encontre ce mesme poison, desquels ie ne parleray dauantage, d'autant qu'il est incongnu, & que contre les maux incongnus il n'est neccessaire se tourmenter beaucoup pour le recouurement des remedes . Il suffira d'adiouster ce que Nicandre ordonne pour remedier au mal de teste, c'est qu'ayant faict raire les cheueux, il faudra appliquer par dessus vne emplastre faicte de Rue & de farine d'orge.

D E

DE LA IUSQUIAME OV HANEBAÑE.

CHAPITRE XV.



Υοσϋάμος, *Hyoscyamus*, *Jusquiame*, ou *Hanebane*.



A Jusquiame a esté nommée par les Grecs Hyoscyame, pourautāt que les pourceaux qui en mangent, tombent en vne resolution de tout leur corps : car le mot signifie autant que febue de pourceau. Les François ont retenu à peu pres le mot Grec, & luy en ont encores donné vn autre: car quelques vns du vulgaire la nomment Hanebane. elle est encore nommée par les Latins herbe Apollinaire & Alterque. C'est vne herbe assez haulte ayāt le tige gros, les feuil- les larges & longues, chiquettees noires & herissées. les fleurs


Q 4

fortent

fortent du costé des tiges, elles s'entresuyuent par ordre & sont faictes comme les fleurs du grenadier. Apres que les fleurs sont cheutes, la graine demeure enfermée dedans des petits calices recouverts par dessus & semblables à ceux du Pautot. Dioscoride, Galen & Aesse en ont fait de trois sortes. La premiere, disent ils, a la graine noire & les fleurs mediocrement pourpres. La seconde a la graine roufaste & les fleurs iaulnes. La tierce est blanche en sa graine & en ses fleurs. Les deux premieres sont venimeuses, & l'autre est idoine es guarifons d'aucunes maladies: toutefois nous ne recognoissons que la seconde espece, dont i'ay mis le pourtraict cy dessus. Pline a distingué la premiere espece en deux: l'une qu'il dict croistre en Galatie, & l'autre qu'il nome vulgaire, laquelle est plus blanchastre que la premiere, plus abondante en fruit, & plus haut q le pautot: au reste il s'accorde avecques Dioscoride. S'il aduient que quelque estourdy par mesgarde ou autrement; ou quelque enfant alleché par la beauté de sa fleur en mange, il s'esleuera en la gensue & aux leures d'iceluy vn grand demangement & vne poincture semblable à celle qui se fait lors q les nouvelles dents comencent à sortir. ce qui se fait par la grande seicheresse de la Iusquiamé, ioincte avecques vne froidure fort grande. Car elle est froide & seiche, & a dauantage vne particuliere malineté ennemie du cerueau: c'est pourquoy estant entree dedans l'estomach, elle esleue forces vapeurs dedans la teste, & induit vne affection semblable à l'yurongnerie. ce qui a fait que Pline a escript q la nature de la Iusquiamé estoit semblable à celle du vin. Avecque ce troublemēt d'esprit le malade sent vne fort grande inquietude de tout le corps, des defaillāces de cœur, des tremblemēts, & vn mal par tout le corps qui le fait pēser que lon le batte de verges. il a les yeux rouges & vn grād demangemēt. Pour contrarier dōques à ceste grande seicheresse, Nicandre veut q lon donne du lait, principalemēt de celui d'anesse, cōme escript Dioscoride: & en son deffaut, de celui de chicure ou de vache ou de femme. le mesme Dioscoride

coride ordonne de l'eau mielee, ou du bouilló de figues seiches, tant pour la mesme intentiõ que pour faire vomir: qui est le premier coup d'escrime, dont il se faut aider en cest endroiẽt: pour laquelle cause aussi le Corneboeuf, autrement nommé le fenugrec, a esté ordonné avecques de l'huile, cõme ayant la vertu de ce faire, à raison de sa force qui amolit. Il a esté nommé par les Grecs du nom de Corneboeuf, à cause que c'est vne herbe qui porte vne lóge gouffe poinctue par le bout & faicte en maniere de la corne d'un bœuf. Tous les autres remèdes que Nicandre a mis en avant, ont la vertu d'eschauffer & de dissoudre tant la froidure de ce poison, que les vapeurs espesses ja esleuees dans la teste. Tel est le suc de l'ortie & la graine d'icelle vn peu deseichee: ce qui se faict à raison de ses parties deliees, par lesquelles (comme estant accompagnées d'une chaleur mediocre) l'espaisseur est dissipée. Le Cresson alenois, la Raue, le Seneue, la graine d'oignõ & d'ail, ont tous vne chaleur, vne subtilité deliee, & vne vertu nettooyante, comme nous auons dict en quelques autres endroiẽts: aussi ont les noyaux du Pescher & l'amade qui est enclose en iceux, à raison de son amertume: de laquelle Nicandre seulement veut entendre, ainsi comme ie pense, & non des feuilles, ou du fruct de l'arbre qu'il nomme Persien, pour les raisons desia deduiẽtes cy deuant. Dioscoride ordonne quelques autres medicamẽts en la guarison de la Iusquiame avecque ceux dont nous auons desia parlé selon la sentence de nostre autheur, lesquels toutefois se peuuent rapporter aisement aux mesmes raisons que dessus. La Cichoree dont il se resouuiẽt, comme mesme a faict Nicandre, est prouffitabile cõtre la Iusquiame, non tant à raison de ses qualitez, que par vne vertu ouũrante & subtiliante, dont elle est douce par nature. Ces choses ainsi faictes, il faudra laisser reposer le malade, à celle fin qu'il cuise ce qu'il pourroit estre demouré dedans son corps.

Corneboeuf.



Q s D v

Μηκωρ, Papaver, Pavot.

Μηκωρειον, Succus papaveris, Opium, suc de pavot.

Premier pavot

Second.

Les especes
de Pavots.

AVANT que d'entrer en l'explication du suc de Pavot dont il est fait mention par nostre Poëte, ie déduiray sommairement la diversité des Pavots & leur nature. Car encores que de chacun d'iceux le suc que vulgairement nous nomons Opium, ne soit tiré pour l'usage de la medecine: toutefois il n'y a presque celuy d'entre eux qui ne retiène quelque naturel-

Troisième.



naturelle malineté. Entre les Pauots donques les vns viennent naturellement, les autres avecque l'artifice des homes: ceux qui croissent naturellement, sont le Cornu & l'Escumeux. Le Cornu a esté ainsi nommé, pourautant qu'il porte des longues gousses faictes en façon de Cornes, ainsi q nous auons dict au precedent chapitre du Corneboeuf ou fenu-grec. il porte les feuilles blanches, herissées & semblables au bouillon blanc, excepté qu'elles sont chiquettees par les costez. son tige est aucunement velu, & a sa fleur fort palle. Sa graine est semblable à celle du Pauot commun: mais elle est plus menue & toute noire. sa racine est noire & espaisse, & n'est pas beaucoup enfoncée en terre. Elle croist en lieux mariti-

maritimes. L'escumeux est nommé autrement Heraclee, & est descript par Dioscoride: ce que ie n'ay voulu icy transcrire, pour autant que nous ne en auons point. Entre ceux qui croissent avecque artifice, le premier est ordinairement cultiue en nos iardins. il a la teste vn peu longuette & la graine de dedans assez blanche, il est particulièrement nommé le Cultiue. Le second est le noir qui a la graine noire & la teste vn peu plus longue. Le tiers est nommé Erratique, pourautant que sa fleur n'est de longue duree: il porte la feuille de cichoree, la fleur rouge paillée, le tige fort velu, & est vulgairement nommé Coquericoq. il croist ordinairement parmy les bleds: quelquefois en si grande abondance, que les regardant de loing, il semble que la terre en soit toute couuerte. La nature de tous les Pauots est froide & seiche: toutefois les vns le sont plus que les autres: car le noir est le plus dangereux de tous, & d'iceluy principalement se tire la liqueur que nous nommons Opion, non toutefois que des autres il ne s'en puisse bien tirer: ce qui se fait à l'heure que lon fait ouuerture en la teste des Pauots, sans blesser le dedans, c'est lors que les testes sont vn peu engrossies, peu apres que les fleurs sont cheutes: le suc distillant petit à petit s'amasse & s'endurcit, il est blanc, pesant, massif, amer au goust, d'une odeur endormante & poli: il se dissout facilement en eau, il n'est ny raboteux, ny groumeleux: estat dissout, il ne se ramasse point comme la cire, & ne se fond point au soleil: estat mis dedans la lampe, il ne rend point la flamme noire: & bref estat esteint, il retient tousiours son odeur premiere. telle est l'election du vray suc de Pauot, lequel toutefois est bien souuent adultere & sophistique en la maniere que Dioscoride la mostre: toutefois ce n'est nostre but d'en parler dauantage. Aduenant doncques que quelque vn aye pris du suc de pauot, les accidens se manifestent tels qu'il ensuyt: à sçauoir vn fort grand endormissement, vn refroidissement & couleur pallissant de tout le corps. Ce qui aduiet à cause de la grande froidure du poison, lequel engourdit quant-&-quant les paupieres, tellement

ment qu'elles ne peuuent estre ouuertes, & refroidit si mortellement les parties de dedans, que mesmes le vent qui sort de la bouche en rapporte vne froidure. En la parfin la pauvre chaleur naturelle fuyant ceste froidure maistresse des parties de dedans, se retire quelquefois au dehors, & esmeut vne sueur puante, cōme retenāt la qualite du poison, lequel de soy est de fort mauuaise odeur : alors il se faict des resolutions, principalement des parties plus prochaines de la teste, comme des machoires : bref, les signes plus prochains de la mort apparoiſſent tels que les descript Hippocrate en son Prognosticque, dont Nicandre a pris la sentence de ces deux vers :

Souuent son nez retors, l'œil enfoncé bien fort,

Et ses ongles ternis luy predisent la mort.

Ce qui se faict en l'homme malade par l'absence de la chaleur naturelle : & ce qui est d'autant plus esmerueillable, en celuy qui n'est malade de long temps que cela nous montre vne cause fort pernicieuse. La chaleur doncques naturelle accompagnée du sang, estant foible & debile se retire vers le cœur, & laisse le peu de partie charnue qui est en la face, laquelle fanachil, comme estant destituee de ce qui la soustenoit & maintenoit : ainsi les yeux s'enfoncent tant pour ceste cause que pour l'absence de l'esprit animal, lequel naturellement y est enuoyé à grande abondance du prochain cerueau, principalement offensé en ceste maladie. Le bout du nez est retors par le retirement de ses fibres desseichees à raison de l'absence du sang. Les ongles aussi noircissent comme approchant d'une mortification. Nicandre a encore adiousté vn accident qui est vn enflammement des leures faict par la grande amertume du poison, laquelle y ayant premieremēt esmeu vne demangelon & vne cuisson, est cause qu'il y ensuyt vne douleur dont souuentefois le malade est resueillé encores qu'il soit fort endormy. Aesse adioust des sanglots & des conuulsions, lesquelles se font par la resolution des nerfs, procedant du cerueau.

Or pour-

Or pourrâit que ceux qui ont pris ce poison, sont tellement assommez, que deux mesmes ils ne se peuuent ayder: il faudra leur ouurir les dents à force, & distiller avecque de la laine dedans leur bouche de l'huile d'oliue, ou de l'huile rosart, ou de glayeul: à celle fin de les contraindre à vomir par ce moyen. toutefois l'huile de glayeul est la plus souveraine, à cause qu'elle reschauffe & dissout la froidure & l'épaisseur des fumées de ce poison. Apres auoir vſé des vomitifs & des clysteres fort poignants, il se faudra ayder des remedes propres: le premier desquels est le vin doux, ou le meilleur que lon pourra trouuer, meslé avec du miel, que nostre poëte a nommé le labeur des abeilles d'Hymette, pourrâit qu'en ceste montaigne située en Attique region de la Grece, & laquelle est tousiours florissante en belles & douces fleurs, il y a abondance d'abeilles, lesquelles pour ceste cause font vn miel fort bon & delicieux, que Martial mesmes a nommé le noble nectar des abeilles. Nicandre dauantage touche en passant la naissance des abeilles, dont nous auons parlé au premier liure. Et pourrâit qu'anciennement, comme dict Virgile en ses Georgiques, on auoit accoustumé d'offrir à Ceres les gauffres, dans lesquelles les abeilles font le miel: nostre poëte a dict que les abeilles font les gauffres pour Ceres: il n'a toutefois vſé du mot propre en son vers Grec: ains prenant vn mot qui signifie la viande faicte de pain & de miel, il a voulu seulement entendre les Gauffres: ainsi que Lycophron a vſé de mesme mot voulant signifier le fourmēt. A ceste cause les poëtes, & principalement Nonnus en ses Dionysiaques, ont nommé Ceres Ompniene, c'est à dire noriciere, qui est le mot, dont nostre auteur s'est aydé. Il commande donc de mesler du miel avecques le vin, pourrâit qu'il a la vertu d'eschauffer mediocrement, de nettoier, & desmouuoir la nature. le vin doibt estre le meilleur qu'il sera possible de recouurer, à celle fin qu'il soit plus puissant à combattre la grande froidure & seicheresse du poison: car s'il estoit petit, il luy seruiroit

Hymette.

Les Gauffres.

Ompniene.

seruiroit de conduicte, ainsi que nous auons dict parlans de la Cicue. Voila quant à ce que Nicandre commande estre pris par dedans : mais Dioscoride a adiousté plusieurs autres remedes, comme l'aluyne ou le cinamome meslé parmy le vin pur, le vinaigre chaud, ou meslé avecques du miel, ou du sel : & plusieurs autres qui se peuuent recouurer en son liure. Ceux qui s'appliquent par dehors du corps, se retirent des baings; à raison de la grande froidure qui a endurcy le cuir. & quasi comme figé le sang de ces parties, ou bien à cause de la demageçon qui y pourroit estre excitée. Car les baings estants chauds & humides estendent le cuir, reconfortent les parties refroidies & desseichées, font euaporer ce qui pourroit estre demouré entre chair & cuir, & remettét le sang en son naturel. dauantage il ne faut oublier de mettre dans le nez du malade, pendant qu'il sera assommé, des choses fort odorantes, ayant la vertu de faire esternuer, à celle fin que par tous moyens le cerueau & la vertu animale soit aiguillonnée & excitée à se deffendre. Au reste tout ainsi que les accidens suruenants apres la prise du Pavot cornu, soit en boisson, soit en viande, sont semblables à ceux, desquels nous auons amplement discoursu : ainsi la guarison est pareille en tout & par tout, comme a escript Dioscoride en son sixiesme liure.

Dv

LE II. LIVRE
DV LIEVRE MARIN.
CHAPITRE XVII.

Λαγῶδες θαλάσσιος, *Lepus marinus*, Lieure marin.


Premier lieure marin.



Second.



LE Lieure marin est vne espece de poisson de mer, de la nature de ceux que lon n'ome mols. il a esté ainsi nommé, non qu'il fust semblable en corpulence au lieure terrestre : mais seulement en couleur : car le lieure marin n'est autre chose qu'une masse de chair sans forme, ainsi que nous voyons estre les ouïstres, ou les limaçons tirez de leurs escailles : i'entends celuy qui se rencontre en nostre mer, & lequel Guillaume Rondelet, homme fort diligent en la recherche des poissons, tesmoigne auoir veu. car Aelian & Plin en ont fait encores vne sorte, laquelle ils escriuēt estre en la grāde mer, & en Inde, en tout & par tout semblable au lieure terrestre, excepté du poil que le marin porte herissé, poignant & resistant



& résistant au toucher, ce que le terrestre n'a pas. Il nage, dict Aelian, d'une fort grande vitesse, & est entre tous les poissons le plus difficile à prendre, en ce que jamais il ne chet dedans les rets, & ne s'attache à l'amorce. vray est que quand il est malade, il est contrainct ne pouvant nager, de se retirer au bord. Il est si dangereux, que mesmes en le touchant de la main ou d'un baston, il empoisonne & fait mourir, si lon n'y remédie avecque vne racine qui se prend en l'une des Isles de ceste mer en laquelle on le rencôtre: voila quant à cestuy la. L'autre est diuisé en trois especes, selon Rondelet, & est nommé vulgairement Imbriage: celui de la premiere est tresvenimeux & semblable à vn limaçon tiré de son escaille, principalement par le derriere. Il a la bouche sur le doz, comme la Seiche: il a deux petites cornes semblables à celles des limaçons: & ce qui est plus admirable en ce poisson, c'est que les parties dextres ne respondent aucunement au senestres: ce qui toutefois se voit en tous autres animaux. Il est d'un goust & odeur poissonneuse, fort mauuaise, & telle q'celle qui sort d'un poison pourry. Nican-dre l'a fort bien descript en ces vers:

R.

En odeur

*En odeur il ressemble à l'escaille & ordure
D'un poisson, poisson, dis-je, insect de pourriture,
Dont il retient le goust tout tel qu'il est alors
Que l'escaille gastée a corrompu son corps.*

Dauantage la malineté de ce poisson est si estrange, qu'il empoisonne non seulement ceux qu'il le mangent: mais aussi ceux qui le touchent & qui le regardent, comme escript Pline, tellement que si vne femme grosse iectant l'œil dessus en approche trop pres (principalement de la femelle) elle sentira subitement vn mal de cœur & vne enuie de vomir: & en la fin elle auortera. Ce que Rondelet tesmoigne auoir apperceu en vne femme grosse, laquelle de fortune arriua lors qu'il en decouppoit vn que lon luy auoit apporté. Toutefois ce que Pline escript du toucher mortel, cela se doit seulement entendre de la premiere espece que nous auons descript selon la sentence d'Aelian. Ce poisson se nourrist ordinairement du limon & d'ordures: pour ces causes il habite dans les estangs marins avecques les Calmars ou Casserons que les Latins nomment Loliges, ainsi que escript Aesse. de la nostre poëte a escript que le lieure marin estant nouvellement né, se cache sous la criniere ou æsleron du Calmar & de la Seiche, de laquelle aussi en passant il escript la nature: c'est que se sentant aguettée par le pescheur, elle iecte grande quantité d'une humeur noir, lequel elle a reserué dans son corps, pour en troubler & noircir l'eau lors qu'elle s'apperçoit q le pescheur la veut prédre; & ce tēps pendāt, qu'elle a loisir de se sauuer. Plutarque s'en est souuenu en vn petit ceuvre qu'il a fait: là ou il accompare la Seiche avecques les dieux d'Homere, lesquels bataillants tantost contre les Grecs, & tantost cōtre les Troyans, & ne se sentans les plus forts se cacheoyent dedās des nuées espaisées, & ainsi se retiroyēt de la meslee. Le lieure marin de la secōde espece est plus grand q le premier: il luy ressemble en tout & par tout, excepté en la corpulence exterieure: car les parties du costé dextre ressemblent aux fenestres: il a par le deuant deux larges saillies

toutes

Nature de la
Seiche.

toutes charnues, au milieu desquelles il y a vne petite fente, & au desoubz deux petites cornes plus courtes & plus aigues, que celles du precedent. nous l'auons seulement representé d'un costé, comme le premier. Celuy de la troisieme espece que nous auons faict pourtraire des deux costez, à l'imitation de Rondelet, est autant maling que ceux de dessus, & a cecy de particulier qu'il faict mal aux yeux de celuy qui le regarde trop attentiuement. Il ne se trouue aussi que en la haute mer. Il reste maintenât à discourir des accidents suruenants après la prise de ce poison, lequel de sa nature manifeste est chaud, rongean & pourrissant. premierement festant manifesté par le goust & l'odeur, dont nous auons desia parlé, & estât entré dans l'estomach & dans les boyaux, il gaste l'economie naturelle d'iceux, y excitant vne infinité de douleurs, & vn degast de l'appetit avecques des vomissements, choleres portans quant- &-quât l'odeur du poison; puis estant porté par les veines premieres iusques au foye, il eschauffe le sang & les esprits, dont il ensuyt vne puante sueur. Il gaste tellemēt ceste commune cuisine du corps, que le sang qui en sort, est tout aqueux: c'est pourquoy il en ensuyt vne hydropisie, laquelle commence par l'enflure des pieds & des iambes, ainsi que communement elle a accoustumé de faire, c'est ce que nostre poëte veut entédre quant il escript:

— *quelquesfois il sent*

Enfler toute la peau de son pied qui festend.

Ce passage cy toutefois a esté assez mal retourné, selon mon iugement, par Leonicere & par Matthioli, qui l'a ensuiuy en son commentaire sur Dioscoride, parlâts d'une ardeur de talons & des yeux enfoncez, dont il n'est aucunement faict mention au texte Grec, ce que ie dict de peur que ceux qui liront l'un & l'autre, ne pensent que ma version soit faulse: car qui la voudra cōferer, on en trouuera la verité. Le malade chet quant- &-quant en vne iaunisse, en laquelle la couleur de tout le corps apparoist comme meslee de noir & de

Erreur de
Leonicer &
de Matthio

R. 2

vert,

Pourpré.

vert, & en la fin plombée : ce qui se fait pourautant que les parties qui auoyent accoustumé de purger cest humeur, lors que le corps se portoit bien, sont gastees & estouppees, comme aussi sont les conduits de l'urine : & la verge mesmes estant enflée, l'urine sort en moindre quantité que de coutume : encores le peu qui sort est sanglant & quelquefois pourpré, c'est à dire, d'une couleur meslée de rouge & de noir : ce qui se fait par un commencement de mortification en la nature. Aesse nomme ceste couleur violette. bref, ces conduits sont estouppez par l'enflamment des reins & de la vessie.

Fleur bourgeonnante.

Or les choses ainsi renuersees, & du tout gastees dans le corps, il ne faut point doubter que les parties d'iceluy ne soyent frustrees de leur nourriture. Parquoy elles desechent & viennent en chartre : car le sang qui leur est enuoyé, ressentant la pourriture & la fatale malineté de ce poison, ne peut estre conuerti en leur substance, ce qui s'augmente encore dauantage par les vlceres des poulmons, contre lesquels particulierement ce poison s'attache en les rongant non plus ne moins que fait la Cantharide encontre la vessie, comme a escript Galen au liure de la Theriaque, à Pison. ce qu'il fait par vne telle particularité naturelle, que mesmes il escript, au premier de la composition des medicaments en general, que les poulmons, seuls entre toutes les parties du corps, sont vlcerés par le lieure marin. ce qui se manifeste aussi exterieurement par la rougeur des iouës, que Nicandre accompare à vne fleur bourgeonnante : car la rougeur des iouës, qui est quasi comme un accident essentiel, que les Grecs nomment pathognomonique es affections des poulmons, se fait par vne chaleur esleuee de la pourriture, par laquelle ils sont vlcerés. Je sçay bien que cecy a esté mis en doute, & disputé par Rondelet encontre de Gorris : toutesfois les raisons deduites par de Gorris, en l'apologie qu'il en a faite, prouuent manifestement ce que j'en escripts. Outre les signes susdicts nostre autheur en adiousté encor un, c'est que

c'est que les empoisonnez par le lieure marin ont toute sorte de poisson a cõtre-cœur, non tant à cause qu'ils ont esté empoisonnez par le poisson, que par quelque particuliere inimitié. ce qui se monstre en ce qu'ils ne refusent pas l'escreuice, qui toutefois est vn poisson : & aussi en ce que lors qu'ils commencent à les aymer, c'est vn certain signe de la guarison prochaine : laquelle si de malheur ils ne peuvent recouurer, ils demeurent languissans autant de iours, disent ils, qu'aura vescu le lieure, par lequel ils auront esté empoisonnez. Mais pour euitier vn tel inconuenient, apres les vomissemens & les clysteres, il faudra purger le malade auecque de l'Hellebore noir, q̃ nostre poète nôme remede Phocien, pourautant que ceste boisson fut premierement inuentee en Phocide petite region de la Grece. le sçay bien que les autres ont expliqué ce passage autrement, prenant le mot Grec qui signifie sanglante ou noire. il n'y a toutefois aucune difficulté en cela. Le suc de la Scamonee a mesme vertu cõtre ce poison : & selon Auicenne celuy de Reglisse & l'Agarie: lesquels toutefois se doiuent meslanger selon que le medecin voira estre propre: car la Scamonee & l'Hellebore ne se doiuent manier à tous propos & sans raison, comme le manie mon esceruelé Pedante à la façon qu'il mania le fouet le plus souuent sans discretion: contre lequel lon pourra à bon droit alleguer les vers que Perse escriuoit à son semblable.

Tu dissous l'Hellebore, & si tu n'entens pas;

Ignorant, comme il faut l'arrester par compas.

LE lait d'Aneffe & le bouillon de mauue, tant de la racine que des feuilles, ont fort grande vertu contre ce venin : car ils appaisent les enflamemens & espoissonnemens du Lieure marin. La resine de Cedre a quelque nature proprement alexipharmaque estant prise avec du vin le poix d'une obole. Toutes les sortes de Grenades, comme les Oenopiennes, Promeneennes & Aegineennes, empeschent la pourriture qui se pourroit faire dās les humeurs du corps. Les grains des Grenades sont recouverts par dedans d'une

Remede Phocien.

Oenopien,
Promenee,
Aeginee.

R. 3. petite.

Taye araigneuse.
Hume-vin.

Oliue nichante.

petite peau fort delicee, laquelle pour ceste cause a esté nommee taye araigneuse par nostre poëte. lequel aussi voulant signifier vne grappe de raisin, a dict vn repas hume-vin, d'autant que mangeant la grappe on aualle quant-&-quât le vin doux contenu en icelle, lequel il ordonne en ceste maladie comme estant vn fort commode contre-poison, dont il faut vser continuellement. Il a dauantage surnommé l'oliue qui est sous le pressoir nichante, pourautant que lors que lon en tire l'huile, on amasse toutes les oliues en façon d'un nid, à celle fin que le pressoir puisse porter sur toutes. Dioscoride a adiousté à ces remedes le sang de jars, alors qu'il est tiré nouuellement du corps, & qu'il est encore tout chaud. Santes Harduyn qui a pris peine de ramasser tous les remedes, desquels se sont refouuenus les auteurs qui ont escript des venins, fait vn grand amas de receptes, ausquelles celuy pourra auoir recours qui en voudra sçauoir dauantage: car il me suffit d'alleguer ce qui m'a semblé estre necessaire pour l'intelligéce de nostre matiere, sans accumuler tant de remedes, qui ne seruent de peu, puis que lon le peut faire à moins.

DE LA SANGSUE.

CHAPITRE XVIII.



Βένδα, Hirudo, Sangsue.



LA Sangsue est vn animal entaillé, lequel se trouue ordinairement dans les eaux, & principalement en celles qui sont bourbeuses & limonneuses, comme dans les estangs, viuiers, & petits ruisseaux passants par les lieux marefquageux. Il y en a de deux sortes: l'une est marine viuante en estangs

estangs marins : & l'autre se nourrist dedans les eaux douces . La marine est semblable à celle de l'eau douce , dont nous auons mis le pourtrait cy dessus , sinon en ce qu'elle est beaucoup plus grosse, & a la peau beaucoup plus dure: ce qui faict qu'elle ne se ramasse pas si aisement que l'autre : car elle ne peut retirer que la teste & la queue. Les Sangsues de l'eau douce estants estendues, ressemblent fort bien à vn ver, ou plustost à la queue d'une souris : car elles se ramenuisent tousiours depuis le derriere iusques au bout de la teste: toutefois elles ne sont toutes semblables; car les vnes ont la teste plus grande que n'ont les autres, plus rousastre & distinguee de petites marques: elles sont beaucoup plus d'agereuses que celles qui ne sont q̃ noires: elles ont toutes le corps faict quasi comme de petits cercles attachez les vns cōtre les autres, au moyen desquels elles se ramassent quelquefois en vn glob, & apparoissent larges & languettes, comme vne febue : par ce mesme moyen aussi elles auancent en marchant premiere-ment la partie de deuant, & consequēment celle de derriere . Elles sont toutes venimeuses : toutefois les vnes plus que les autres : car celles qui se trouuent dans les eaux claires & coulantes, ne le sont pas tant : parquoy lors que lon s'en veult seruir pour tirer le sang, il les faut soigneusement desgorger & les preparer, selon que l'art commande : autrement elles laisseront des vlcères en la chair, lesquels seront fort dangereux & difficiles à guarir : ce qui se faict encore dauantage, lors qu'en les arrachant elles laissent leurs testes en la chair, comme il aduint anciennement à Messalin, qui en auoit appliqué contre son genouil, dont il mourut : car elles ont ceste nature particuliere, qu'estants approchees de l'une des parties du corps, elles s'y attachent & en tirent le sang. pour ceste cause elles ont esté nommees par les Grecs Bdelles, c'est à dire suçantes : & par les Latins Succesang : nous les nommons vulgairement Sangsue pour Sangsucce. De la les Latins ont nommé les harengues & belles parolles, par lesquelles on tire de l'argent, les sangsues de thresor.

Ciceron a vſé de ceſte maniere de parler en quelque epiſtre. Or aduient il ſouuentefois q̄ ceux qui voyagent eſtants alterez & buuants à meſme de la premiere eau qu'ils rencontrent, & eſtants courbez en maniere d'un taureau, comme dict noſtre authœur, & ne voyants ce qu'ils boient, laiſſent entrer vne Sangſue avecques l'eau qu'ils tirent : ce que Columelle eſcript aduenir ſouuentefois aux bœufs . La Sangſue eſtant ainſi, ou par quelque autre maniere, entree dans la bouche, ſ'attache quelquefois à l'endroiſt du neud de la gorge: ce que noſtre poëte entend, quand il dict:

Elle ſucce le ſang, ou ſ'attache à l'endroiſt

Où le vent amasſe paſſe par ſon deſtroiſt.

CAR en ceſte partie le vent que lon respire ſe ramasſe en vn, pour paſſer par la luette, qui eſt vne petite fente aſſez eſtroiſte. quelquefois elle deſcend plus bas iuſques à la bouche de l'eſtomach, & quelquefois iuſques au fond diceluy: là ou eſtant attachee, elle commence à ſucce. Ce qui ne ſe peut congnoiſtre par ſignes particuliers, ains ſeulement par le rapport du malade. Il eſt bien vray qu'il crache le ſang aucunesfois aqueux, & en petite quantité, à ſçauoir lors que la Sangſue ſ'eſt attachee contre vne petite veine: & quelquefois il le rend fort naturel & en grande quantité, lors qu'elle eſt contre vne grande veine. toutefois cela peut ſuruenir de pluſieurs autres cauſes, leſquelles defaillantes peuuent donner quelque ſoubçon au medecin: car ſi lon ne voit autre cauſe pour laquelle il doiue cracher le ſang, & que le malade rapporte qu'il a beu en la maniere que deſſus; & qu'avecque cela il ſe plaigne de ſentir vn ſuccement en ſon corps: alors on pourra vſer des remedes propres & conuenables pour ceſte maladie. En l'adminiſtration deſquels le medecin ſe doit propoſer deux choſes: la premiere de faire laſcher priſe à la Sangſue, la tuer & la ieſter du corps: l'autre de guarir l'ouuerture & l'vlcere qu'elle aura fait. Noſtre authœur, & ceux qui en ont eſcript, ne ſe ſont ſouuenus de ce ſecond point, excepté de Gorris qui conſeille

seille d'vser de gargarismes si le mal est és parties de la bouche; ou de medecines en boisson, si le mal est plus bas, lesquelles il veut auoir la vertu de nettoier, de restreindre doucement & d'eschauffer mediocrement : à cause que le venin des Sangsues est froid . Les autres remedes par lesquels on pourra destacher & tuer la sangsue, doiuent estre vn peu aigres, ou aigus, ou salez: ce qui s'experimente mesmes en celles qui sont attachees exterieurement : car pour les tirer, il ne faut que leur iecter du sel ou de la cendre . Il sera donques conuenable de faire boire du vinaigre meslé avecques de la neige ou de la glace : du sel tiré de terre (comme il s'en tire en quelques regions) ou fait artificiellement avec de l'eau de mer; ou de l'eau salee eschauffee au soleil ou au feu; de l'escume de sel, laquelle s'esleue par la meslange que le saulnier fait lors qu'il mesle l'eau douce parmy la salee, à celle fin de rendre le sel plus gracieux : ce qu'il fait en temps sec au deffaut de l'eau du ciel . Le bon medecin encore pourra selon l'exigence du mal composer plusieurs medecines ou gargarismes, tant des choses susdictes, que de plusieurs autres escriptes par Dioscoride: toutefois il n'vsera de gargarismes, sinon lors qu'il verra le mal n'estre plus bas que le dedans de la bouche, comme nous auons desia dict.

R s

D v

LE II. LIVRE
DV CHAMPIGNON.
CHAPITRE XIX.



Mûze, Fungus, Champignon.



IL fut iamais neceffaire d'efcrire les remedes encontre les venins, pour obuier aux inconueniens & aux mortels aguets, lefquels par la malice des hommes nous font drefsez le plus fouuent: c'eft maintenant qu'il faut mettre peine de les rechercher & mettre en auant en l'explication de ce poifon, lequel ne nous eft offert en cachette par nostre ennemy, ny fardé ou defguifé fous les bones viandes: mais pluftoft pourfuiuy avecques grand trauail par celuy mefme, qui rompt & perd fon repos, lors qu'il fe leue matin pour aller cueillir le champignon, ou pluftoft pour chaffer apres la mort, comme il feroit apres vn lieure. laquelle toutefois il ne destruiet l'ayant trouuee: ains la portant foigneufement en fon logis, il s'en repaift, comme d'une viande la plus exquife du monde. puis qu'il eft donques ainfi, & que les hommes font fi friants de ce qui les tue fouuentefois; il faut pour
le moins

le moins qu'ils entendent les moyens de se sauuer, & de racoustrer la faute qu'ils auront faicte, & qu'ils congnoissent les moyens de discerner ceux qui sont les moins dangereux entre tous. Le Champignon est vn corps spongieux, leger, mol & blanc, lequel est faict communement du limon de la terre, ou du lieu auquel il croist : ce limon s'esleue par le moyen d'un suc aigre : & ce principalement sur le point du iour : pour ceste raison Nicandre le nomme leuain de terre : car aussi le leuain a vne aigreur qui faict reuenir le pain à la maniere du champignon, qui n'est autre chose que le limon boursoufflé par vne petite aigreur, lequel a si grande affinité avecques le leuain, que si le leuain est destrempe en eau, & qu'il soit versé en terre, l'endroit ou lon auroit coupé vn tronc de peuple noir, il faict esleuer en bref vne grande quantité de Champignons. Il y a de deux sortes de Champignons: les vns sont terrestres & les autres sont arboriens ou forestiers, c'est à dire croissants sur les arbres : les vns & les autres sans racine, sans tige, sans feuille, sans fruit, sans graine, sans mouelle, sans nerfs & sans veines. Entre les terrestres sont les potirons & mousserons, que ie pense auoir esté nommez par les Grecs & Latins Boletes : ils sont couverts d'une petite peau blanche, dessous laquelle ils apparoissent rouges: ce sont ceux que Paul Aeginete a estimé estre les meilleurs. Ceux qui les suiuent en bonté, ont esté nommés par les grecs Amanites; les troisiemes Agirites, qui croissent sur le tronc du peuple noir, avecque le leuain, comme nous auons desia dict. Les autres qui ensuiuent, ont tous diuers noms, selon la figure en laquelle ils sont faconnez : car ceux qui sont faicts en maniere d'un œuf, sont nommés Oualliers: ceux qui sont longuets en maniere d'un doigt, sont nommés Doigtiers: ceux qui sont chiquetez & creuassez comme les esponges, sont nommés Spogieux, tels que sont ceux que nous nommons en François Morilles. Les autres sont faicts en maniere de buttes, ou comme vn pain de sucre, & les autres en maniere de fuseaux, receuants diuers noms selon la diuersi-

Espece de
châpignons.

diuersité des païs & leur diuerse façon. Il y en a encore que les Latins nomment Lacinies, c'est à dire, decoupez: & croy que ce soit ces grands que nous voyons estre faicts par dehors en maniere d'un bonnet à la Suisse, & par dedans creuacez & fendus. Nous auons encore dauantage ceux q nous nommōs Vesse de loup & Pissaulits, lesquels sont faicts en poincte, & ont la couleur plus-souuēt rouille: ils rendēt quelque petit bruit avecques vne fumee, lors que lon marche dessus. Voila quāt aux terrestres que les poētes ont nommez Fils de la terre, pour autant qu'ils viennent sans graine. il y en a toutefois pres Paris de grands & larges, lesquels portent par dessus leurs testes quelque chose presque semblable à de la graine, laquelle estāt semee en temps pluuieux, faict croistre vne grande quantité de champignons. Les arboriens ou forestiers naissent sur les arbres, & principalement sur leurs racines: ce qui se faict par l'humeur superabondant d'icelles; non plus ne moins que faict l'Agarie qui n'est aussi autre chose qu'un Champignon arborien, croissant en façon d'esponge: toutefois il est de diuerse nature, pourautant qu'il croist à plus longs traicts. Entre les arboriens les vns sont nommez aureilles de Iudas pourautant qu'ils sont faicts en façon de aureilles, & les autres sont aussi nommez Rissolles pour la semblance qu'ils ont avecques des rissoles, lesquelles representent la façon d'un demicercle, ainsi que communement on faict les pastez de venaison. Entre tous les champignons les vns sont bons à manger (si bons on les doit nommer) & les autres sont dangereux & venimeux: ou de leur propre nature, ou par quelque accident ou inconuenient. Ceux qui le sont de leur propre nature, sont les Vesses de loup, les Pissaulits & ceux qui croissent sur les arbres, mauuais de leur nature, cōme est l'Yf: sur ceux lesquels se deschargent de leurs mauuais excrements en iceux: comme est le Chesne, l'Yeuse qui est vne espece de Chesne, que les Latins ont nommé Ilex: le Grenadier & l'Oliuier, ainsi que nous pouuons retirer des vers de Nicandre, lesquels estoient escripts en ses Georgiques, &

ques, & lesquels sont alleguez par Athenée en ceste maniere:

*Le champignon mortel & humide & pesant
Croissant sur l'olurier est tousiours mal faisant :
Il porte avecque soy la mort pernicieuse
Croissant au grenadier, au chesne & à l'yeuse.*

LES mortels par inconuenient suruenus sont ceux, lesquels naissent pres quelques cloux rouillés, ou pres de quelques panneaux & drappeaux pourris, sur le fiens pourrissants & pres les cauernes des serpens; à cause qu'estats alainés d'iceux, ils retiennent aisement le venin: car ils sont tendres & spongieux. Le moyen pour les bien reconnoistre est, que incontinent qu'ils sont cueillis, & que lon les nettoye, ou que lon les coupe avecques le cousteau, ils pallissent, ils sentét le relant: ils paroissent ou plombés, ou noirs, ou verdoyants: & apres qu'ils sont cuicts, ils sont gluants, & s'attachent les vns contre les autres. Au contraire les bons à manger retiennent leur blancheur avecque vne rougeur viue: tels que sont ceux qui croissent és prez & sur les montaignes, desquels Horace a dict:

*Les champignons sont fort bons de nature,
Qui dans les prez tirent leur nourriture :
Mais il ne faut aux autres se fier.*

Toutefois encores qu'ils soyent tels, si est-ce que lon ne leur donne point le nom de bon, sinon à la difference des premiers, comme estants moins dangereux: car comme dict Galen, les champignons sont froids & humides, & pour ceste cause ils approchent de la nature venimeuse, mesmes, dict il en vn autre endroict, les potirons ou mousserons (qui toutefois sont les meilleurs entre tous) font vne nourriture phlegmatique, froide & de fort mauuais suc, si lon en vse beaucoup. pour ceste cause Plin les met au rang des viandes qui se mangent temerairement, & Iuuenal les nomme douteus. Pour à quoy obuier, on les doit preparer en la cuisson, y adioustant des pommes, ou poires sauuages, ou bien des domestiques au deffaut d'icelles, pourueu qu'elles soyét aigrettes: les feuil-

les feuilles ou l'escorche des arbres mesme ont pareille vertu que le fruit: ce que Cephisodore disciple d'Isocrate semble auoir notté es vers recités par Athenee, ou il dict que deuant que de manger des champignons ou de quelque autre viade estouffante, il veut manger des pommes aigres. Les accidets suruenants à ceux qui ont mangé les champignons venimeux sont tels qu'il ensuit. Premièrement ils induisent vne passion estouffante & cōme estranglante, avecque vne cholicque: ce qui se faict par les ventositez & les humeurs espaiz engendrés de la substance des champignons, lesquels, comme nous auons dict, sont froids & humides. Ce qui est aussi commun apres la prise trop abondante de ceux que nous auons dict estre bons. Les autres ont cecy dauantage, qu'ils vlcerent l'estomach & les boyaux, & les poignent incessammēt, ils rendent le corps palle, ils arrestent l'vrine, ils excitent vn froid, vn trēblement, vn arrest de poulx, vne deffailance de cœur, vne froide sueur & la mort en la parfin, si de bon heure lon n'y remedie: premièrement par vomitifs & par clysteres: secondement par les choses qui ont vertu de deseicher & d'eschauffer: telles que sont le Refort, la Rue, la cendre de peruanche beue avecque du vinaigre, le pied d'Alexandre, le nitre, le creffon, le feneué, la cendre de lie de vin, la fiente de poulle puluerisee & buë avecque de l'oximel. Dioscoride adioust la cendre de fermēt ou celle des brāches de poirier sauuage prise avec du sel, du nitre & de l'oxicrat, qui est vne meslage faicte d'eau & de vinaigre. Il adioust aussi avecque la mesme meslange des œufs de poulle, & vne dragme de Sarafine & beaucoup d'autres remedes. La fleur de vieil cuiure est fort desliee, & pour ceste raison elle tire hors du corps l'humour espais, ainsi que escript Dioscoride en son cinquiesme liure: parquoy elle est fort commode contre les champignons. La fleur de cuiure se faict lors que lon iecte de l'eau froide dessus vne piece de cuiure rougie au feu. car estant par ce moyen soudainement rafraischie, elle iecte cōme vne petite escume, laquelle fendurcit & s'amasse en faço
de grai-

La fleur de
cuiure.

de graine de millet. L'un des plus excellents remedes contre ce poison se pourra tirer de la Theriacque & Mythridat pris avecque du vinaigre, ou de l'oximel, ou de l'eau de vie. Mais le plus court fera, au deffaut des dessusdicts, de faire cuire du poiure avecques le meilleur vin qu'il sera possible de trouver, & le boire : puis apres manger vn ail tout cru qui est le Mythridat & la Theriaque plus cômune des bonnes gens de village. Ce que nous auons dict cy deuant de la malincté des champignons venimeux par accidēt, peut aduenir aux Trufes que les Latins nomment Tubera . Car selon la sentence de Diphille, il y en a quelques vnes qui excitent des passions estouffantes , ainsi que les champignons : contre lesquelles aussi ie pense qu'il sera bon d'vser des mesmes remedes que nous auons ordonné.

D'abondant encore nostre poëte a ordonné les grains de Meurtre : ce qu'il a faict en la fin de son liure , quasi l'ayant oublié à mettre à l'endroiēt auquel il parle du chápignon. Il veut donques que lon prenne la graine ou le fruiēt de Meurtre, qu'il nomme pourpre florissant, pour autant qu'il est de couleur entre rouge & noir : toutefois beaucoup plus noir q rouge. Il dict aussi qu'il meurist aux rayons hyuernaux, pour autant qu'il est fort tardif. Ceste graine doibt estrer broyee affin d'en tirer le suc lequel il faut dōner a boire à celuy qui aura esté empoisonné par les champignons . Nicandre ne nomme pas le Meurtre , toutefois il en faict si facile description , que aisement on apperçoit ce qu'il veut entendre par la fable vulgaire du iugement donné sur la montaigne Ide , pres Troye , par le beau Paris, lequel adiugea la pomme d'or à Venus nommee par les poëtes Escumiere , pour autant qu'elle fut engendree de l'escume de la mer. Apres ce iugement, elle se couronna de Meurtre en signe de victoire. Parquoy Palla & Iunon nommee Samiéne (a cause de l'isle de Samos, ou elle estoit adoree) prindrent en hayne le Meurtre , comme estant tesmoing de la honte qu'elles auoyent receue, lors que Venus leur auoit esté preferee.

Pourpre florissant.

Ide.

Escumiere.

Iunon Samienne.

Dv

LE II. LIVRE.
DV VERDIER ET DES AVTRES
CRAPAVX. CHAPITRE XX.

Le Verdier.

Le Crapault muet.



Φρύνος, καὶ βάτραχος ἑλεος, *Rubeta, rana palustris*, Verdier
& Crapaux.



Es François ont diuisé en deux toutes les sortes de grenouilles : les vnes sont venimeuses, lesquelles ils nomment proprement Crapaux. Les autres ne sont point venimeuses, & retiennēt le nom de Grenouilles, desquelles nous n'entendons parler en cest endroit. Il y a trois sortes de Crapaux : à sçauoir les Verdiers, autrement nommez Grefsets; les Crapaux d'eau, & les Crapaux muets. Les Verdiers sont ceux que les Latins ont nommé Rubettes, pourautant qu'ils sont ordinairement parmy les buissons. ils sont grands & gros comme vne petite Tortue : ils ont deux faillies sur le front, & sont semblables à la grenouille, excepté qu'ils sont noirastres, & ont le museau beaucoup plus large & arondy. ils s'enflent, & se herissent alors que lon les assault (ce qui est aussi

Le Crapault d'eau.

aussi commun à ceux de même espèce, dont nous parlerons
 apres) de là est venu la commune similitude François de
 l'homme fier & orgueilleux avecque le crapaut; car on dict,
 qu'il s'enfle comme vn crapaut. Ils s'esleuent contre les pas-
 sants, & les infectent de leur haleine, car elle a la puissance de
 mal-faire. Ils sont surnommez de l'esté par nostre autheur,
 pourautant que principalement ils apparoissent en esté, lors
 que les forciers & empoisonneurs les recherchent pour s'en
 ayder. La seconde espèce est celle, que les François nommēt
 simplement Crapaut, lequel se trouue le plus souuēt parmy
 les lieux humides, comme dans les maresquages, & lieux qui
 sont bourbeux, pour laquelle cause aussi ils sont nommez
 Crapauts d'eau. ils s'engendrent dans les caues, & sous les
 grosses pierres, ils sont presque semblables aux grenouilles:
 ils ont toutefois le museau plus aigu, & les iambes plus cour-
 tes, en quoy ils sont aussi aucunement dissemblables d'avec-

S

quo

que le Verdier. ils ont la peau plaine de petites bossètes, & toute tachetée de marques griffatres: ceste peau est espaisse & dure, tellement que le plus souuēt on a peine à la percer: ce qui est aussi plus difficile, à cause que lors que les crapauts s'enflent, elle obeit dauantage aux coups que lon luy donne. Ces deux premieres especes, sont celles dont le plus cōmūnement saydent les forciers & forcieres de la France; & ce en plusieurs manieres lesquelles proufisent beaucoup plus estāt cachees que descouuertes. La troisiēme espece de Crapaut est celle que lon nomme muette. Le Crapaut muet est fort petit à la conference des deux premiers: il est vert & se tient ordinairement entre les roseaux, à raison desquels aussi il est nommé, comme dict Pline, le Crapaut Calamite: il est aussi nommé muet, pourautant qu'il n'a aucune voix, comme les deux premiers, & principalement comme le Verdier des marts. Ce petit Crapaut est quelquefois pris par les bœufs ou les vaches, & auallé avecque les herbes qu'ils paissent, dont il leur suruiuent vne telle enflurē de tout le corps, qu'ils en creuent le plus souuent. S'il aduient que les forciers ou autres ayent baillé vn poison faict & composé du venin de Verdier: ou que lon ayt mangé des herbes sur lesquelles il ayt vommy son venin, le corps du malade deuendra tout gaulnastre, ainsi qu'est le Tapſe qui estoit anciennement vne herbe de laquelle on saydoit a teindre: toutefois nous ne pouuons pas maintenant la rapporter aux nostres. Ce qui aduient non tant à cause de la complexiō de ce venin qui est froid & humide, que de sa malineté particuliere, laquelle pourrit les humeurs, & ainsi elle brusle le corps, ou bien elle le faict enfler: elle esleue des hōcquets & vne puanteur, ainsi comme faict toute autre pourriture. Ceste enflure principalemēt excitée par les humeurs abondants, presse tellement la poictrine, que le malade est contrainct de retirer son vent avecque vne fort grande peine. car l'entredeux trauerſant, que les Grecs nomment Diaphragme, ne pouuant auoir son mouuement libre, le redouble incontīnēt, & faict haster le cours de l'ha-

Tapſe.

de l'haleine. *Ælian* en escript dauantage, & dict que celuy qui regarde le Verdier & qui en est en mesme heure regardé, tellement que la veüe d'iceluy vienne iusques à celle de l'homme, incontinent il en deuendra blefme; ce qui toutefois, dict il, n'est de longue duree. nous auons parlé de cecy en vn autre endroict. Ceux qui sont empoisonnez par le venin du Crapaut d'eau, perdent incontinent l'appetit, ils sentent vne humidité en la bouche, vne enuie de vomir, vne deffaillance, vn vomissement & vn grand mal de cœur; ce qui se faict tant à raison de la particuliere malineté, que par l'humidité & froidure du poison. Le venin du Crapaut muer a presque les mesmes accidens que le Verdier: car il donne vne couleur de buys, c'est a dire, iaunastre, & outre les accidens susdicts il coniure encontre la race de l'homme, tellement qu'il s'attache particulièrement aux parties destinees par la nature pour la perpetuité du genre humain. Car il corrompt les conduicts de la semence, si bien q ne pouuant plus estre retenue en iceux, elle sort outre le gré de celuy qui est empoisonné: & pour ceste cause nostre Poëte nôme ceste semence sterile, comme estant rendue impuissante par la froidure & humidité du poison. Tels sont les accidés du venin des crapaux: toutefois ils sont diuersifiés selon la nature des venins, que lon melle en la cōposition des bouccōns que lon en faict, tellement qu'il se peut faire que tous ces accidens n'aduiendront pas à ceux qui en auront esté empoisonnés. Mais c'est vne chose que communement nous apperceuons en nostre France, que la pluspart de ceux qui sont empoisonnés, cheent en vne iaunisse, par la malineté de ce poison, lequel s'attache au sang, & aux parties destinees pour la nourriture du corps, les desseichant, tellement qu'apres la mort elles apparoiſſent toutes endurcies & empierrees, & principalement le foye, lequel a le plus enduré. Or pourau tant que ce venin est ennemy mortel de toute sa substance, il faut combattre avecque luy tant par qualités manifestes que par contrepoisons particuliers: ce qui se fera apres le vomissement.

Couleur de
buis.

S. 2.

misement

missément & les clysteres. sa complexion est froide & humide, & pour ceste cause il esleue des ventosités espaisles, parquoy Nicandre ordonne de la poix qui est chaude & seiche, & qui digere & dissout les espaisseurs par la force des parties subtiles dont elle est composée. elle se doit boire avecque du bon vin, selon Aesse. bref toutes choses chaudes sont fort bonnes en cest endroict. Le cōtrepoison particulier se prend de la ratte mesme du Verdier, ou d'un bouillō de grenouilles de mer cuittes avecque du vinaigre, ou bien des grenouilles rosties. la raison de cecy se pourra retirer du premier chapitre de nostre premier liure. encontre ce poison aussi, & principalement contre celuy du Crapault muet, il faudra prédre du bon vin, & y mesler de la racine de roseau, ou de fouchet, que Nicandre a nommé Ayme-vie, à cause que depuis qu'il commence à croistre en quelque endroict, il y abonde en grande quantité & augmente tousiours. Il en a faict deux especes, comme dict l'interprete Grec, l'une masle & l'autre femelle: i'ay nommé la premiere Souchet, & la secōde Souchette. Apres que lon aura vsé de ces remedes, & que le malade commencera à se mieux porter, il faudra le faire estuuer en estuues seiches, pour ouurir les pertuys du cuir, & pour tirer par la sueur ceste partie d'humour qui luy auoit faict changer la couleur. Il le faudra aussi baigner bien souuent, & le promener, à celle fin de deseicher & euacuer la grande humidité causee par le poison: & pour exciter aussi la chaleur naturelle, laquelle est comme assommee par la froidure & espaisseur des vapeurs espaisles au dedans du corps. Car tout le but de la guerison en cecy est de dissoudre & desassamblar les causes qui apesantissent le corps du malade: cela toutefois se doit faire avecque discretion, & ne le faut entreprendre sans le conseil du medecin bien entendu en cecy. lequel tousiours doit estre mandé en tels inconueniens, si ce n'est que le temps ne le permette, & que la necessité soit vrgente, pour laquelle principalement i'ay escript ces deux liures. Il y a encores beaucoup d'autres remedes

contra-

contraires à ce poison, comme le ius de butoine, de plantain, d'armoïse, & le sang de tortue pris avecque du vin : lesquels se pourront lire à loisir dans les auteurs anciens par ceux qui en voudront sçauoir dauantage. Nous noterons toutefois que non seulement ce venin est dangereux, estant pris par la bouche ; mais aussi estant attaché au cuir par dehors : ainsi qu'il aduient souuétefois alors qu'en tuant les crapaux ils font iaillir leur venin encontre ceux qui en approchèt de trop pres. Parquoy il faut diligemment essuyer la place & appliquer dessus quelques vns des remedes dont nous auons parlé au premier liure en la guarison des playes faictes par les bestes venimeuses, & principalement au chapitre du Chien enragé : là ou nous auons escript de son escume.

DE LA LITHARGE ET DE L'ARGENT VIF. CHAPITRE XXI.

Λιθάργυρος, *Spuma argenti*, *Litharge*.

Υδράργυρος, *Argentum viuum*, *Argent vif*.



E que les Grecs ont nommé Litharge ou pierre d'Argent, a esté nommé par les Latins Escume d'argent, encore qu'il doïue estre plustost nommé escume ou pierre de plomb, que d'argent ; si lon veut considerer sa naissance. La Litharge est vn médicament metallique, c'est à dire composé artificiellement de quelque metail ; car elle ne s'engendre pas naturellement, comme faict l'or ou l'argent ; mais elle est faicte de metaux naturels : & pour ceste cause elle est mise au rang des choses qui se font aux secondes fournaïses, auxquelles on commence à separer & affiner les metaux. toutefois elle est faicte principalement de plomb, vne grande partie duquel se conuertit en escume, & l'autre en marc ou lie, nommée par les Grecs Molibdone, & Plombagine par les Latins

Latins. Elle est faicte en cinq manieres : premierement de plomb, soit en mine, ou en pierre, ou en lames cuictes dedas la fournaise, iusques a ce qu'elles soyent conuerties partie en escume & partie en plombagine: secondement elle est faicte de la meslange de plomb & d'argent : tiercement de plomb & d'or: quartement de plomb, d'argent & d'or : cinquiement de cuiure & de plomb . Dioscoride a parle des trois premieres, & leur a donne des noms particuliers. Il nomme la premiere plombeuse, la seconde argenteuse, la troisieme doree, la quatrieme & cinquieme ont este adioustees par George Agricola excellent escriuain des metaux . La meilleure de toutes, de laquelle nous nous aydons principalemēt en medecine, est celle qui est faicte de plomb, & d'or, & qui est iaulne : toutefois nous en vsons de deux sortes, à scauoir de la blanche nommee argenteuse, & de la iaulne nommee doree: & ainsi ces deux mots ne signifient pas seulement la matiere, dont la Litharge est faicte; mais aussi la couleur qu'elle porte, & laquelle s'imprime en la Litharge, selon le degre du feu : car si elle sent le feu plus aspre & plus continu, elle se faict iaulne: si non, elle demeure blanche. D'auantage si elle est long temps dans la fournaise d'embas, en laquelle elle tombe estat faicte, elle s'amassera en grosses masses espaiſſes & pesantes: si elle en est retiree plus soudain, elle fera seulement comme enflee & plus legere . La premiere, comme dict Plinē, est nommee par les Grecs Stereotide, c'est a dire, massiue; & la seconde Pneumene, c'est a dire enflee : toutefois il en escript vn peu autrement que ne faict Agricola. Matthioli au commentaire qu'il a faict sur les liures de Dioscoride, semble n'estre en tout & par tout de ceste opinion, quant est de la Litharge argēteuse & doree : car il dict, que la couleur doree, ne se faict que de la vapeur de cuiure rouge meslee dedans le plomb : & la couleur argenteuse par la vapeur de l'argent: tellement qu'il conclud, que la Litharge n'est autre chose que du plomb mesle dans la vapeur de cuiure ou d'argent.

Or enco-

Or encores que Nicandre n'ait parlé que de la Litharge; toutefois i'adiousteray en cest endroict l'Argét vif, & cy après quelques autres metaux, lesquels estants trop cognuz par le vulgaire; meritent bien d'estre mis en ceste endroict, à eelle fin que fil aduient que quelqu'un en abuse, comme certainement il se faict trop souuent; au moins que lon en sache la guarison.

L'argent vif a esté ainsi nommé, pourautant qu'il est quasi comme en vn perpetuel mouuement, & semble qu'il soit vif. Aristote le nomme argent liquide coulant ou fondu: Dioscoride & le común des Grecs Hydrargyre, c'est à dire, argent aqueux: toutefois Pline s'est abusé en l'explication de ces deux mots. L'argent vif est vn metal liquide & coulant comme l'eau: il est fort mobile, & represente l'argét en couleur: il est toutefois vn peu plombé. Ceux qui en ont escript, en ont faict de deux sortes: L'un est naturel & pur, lequel se trouue dedans les mines d'argent pendant aux voutes d'icelles. L'autre est artificiel, & se faict en la maniere que Dioscoride en a escript la façon en son cinquiesme liure. Les deux sont d'une mesme nature, & de pareille substance, à sçauoir pesante, subtile & froide au toucher: & encores qu'ils soyent coulants, toutefois ils ne rendent point les places humides; par lesquelles ils coulét, à cause qu'ils ont vne seicheresse naturelle & profonde en leur centre; toutefois en partie meslee parmy leur humidité exterieure, par laquelle elle est temperée. Les Alchemistes ont si grande opinion de ce metal, que la pluspart d'iceux l'ont couru à force d'or & d'argent pour l'arrester: & toutefois n'estants encor venus à bout de ceste entreprise, & samusants tous après ce iouët a foux, ils ont sans y penser pour recompése de leurs frais & de leur peine, retiré des poisons tresdangereux, lesquels ils ont expérimentés les premiers: car le meslant avec vne infinité d'autres drogues, ils ont faict des compositions les plus estranges & pernicieuses que lon sache rencótrier. De la est venu le sublimé & le precipité vn peu trop cognuz en nostre France. de

L'argent vif.

S. 4.

. là aussi

là aussi ils ont acquesté des tremblements de tout le corps, des apoplexies, des retirements de nerfs & des maux insupportables aux ioinctures. bref, ie ne voy point qu'il y ait autant de proufit en la congnoissance de ce metal, comme il y en auroit s'il estoit incongnu: car certainement ie ne trouue en quoy il approche de la nature humaine, sinon entant qu'il est fort grand amy de l'or, auquel seul il s'attache de soy-mesme & sans aucun artifice, & lequel seul il reçoit dedans soy: car toutes autres choses nagent dessus luy, excepté l'or. Toutefois lon en a receu quelq' ayde en la guarison de la verolle, laquelle est telle, que lon ne luy en doit dire grand mercy: car entrant dedans la teste & dans les nerfs, voire quelquefois iusques aux os, il esmeut vne telle descéte d'humours, principalement sur les genssiues & en toute la bouche, qu'avecque les bons il faict sortir les mauuais: & qui le laisseroit faire, il en feroit sortir l'ame. Aussi voyons nous combien il est dangereux à gouverner, principalement par vn raz de gresseurs, de femmes, & d'ignorants, lesquels se meslants en la republicque, ainsi comme vne peste, sont causes d'vne infinité de maux, pour auoir sans esgard & sans la consideration qui leur deffaut, manié ce trompeur medicamēt. Il n'est toutefois question d'entrer maintenant en ceste dispute, & me suffit d'auoir dict cecy par maniere d'aduertissement. Ie ne m'arrestteray aussi à discourir dauantage de la nature du vif argent, comment il n'a plus grand ennemy que le feu, lequel le faict monter incontinent en haut, encores qu'il soit fort pesant, & lequel mesme luy faict quitter l'or son plus grand amy qu'il ait point: ie diray seulement qu'à peine se trouue il homme qui a bon droict se puisse vanter d'entendre sa nature & vertu en tout & par tout. Dioscoride a escript qu'il est venimeux estant pris par la bouche: pourauāt que par sa grande pesanteur il perce & ronge les parties dedans, & faict les mesmes accidens que la Litharge, c'est à sçauoir vne pesanteur dedans l'estomach & des grandes ventosités & douleurs dans le ventre, pareilles à celles, comme dict

nostre

nostre poëte, qu'endure vn malade de trenchees : ce qui aduient en partie à cause du rongement de boyaux. Il suruient aussi vn arrest d'vrine, à raison de la douleur qui esmeut vn flux d'humeurs aux parties interieures du corps, esquelles la vessie est situee; & par ce flux d'humeurs les conduicts sont estoupez; & le corps en deuient enflé, lequel aussi represente vne couleur plombée, à raison des humeurs infectés par la Litharge qui retiét en tout & par tout la nature du plomb, & par l'argent vif qui represente aussi la couleur d'argent, tirant vn peu sur le plombé. Voila les accidents que Dioscoride a escript suruenir à ceux qui ont pris la Litharge ou l'Argent vif, lesquels il a pris de mot a mot du passage de Nicandre, & n'y a adiousté aucune chose. Galen le passe assez legierement au chapitre qu'il en a faict particulièrement, & confesse n'auoir experimenté sa nature : toutefois il le met au nombre des venins qui sont contraires en tout & par tout à la nature humaine, au cinquiesme liure des Simples. Matthioli a escript qu'il est froid & humide extremement, que par sa froidure il gelle les humeurs du corps, & que par son humidité pourrissante il les infecte: dont il aduient que ceux qui l'ont pris, rendét vne haleine puante, & semblable à celle que rendent les verolles qui en sont frottez : toutefois qu'il ne faict point de mal, si ce n'est que lon le prenne en grande quantité, pourautant qu'il se meut tousiours & descend vers bas : ou bien si ce n'est qu'il soit meslé avecques quelque autre drogue, qui ait vertu de le retenir.

La guarison de ces venins consiste en deux points: le premier commande d'empescher que les parties de dedans, ne soyent rongees : & le second monstre les moyens de digerer l'enflure du corps, & d'ouurir les conduits estouppés. parquoy apres que lon aura vsé de vomitifs & des clysteres; il faudra donner du lait nouuellement traitt & principalement de celuy d'Anesse, puis apres le faire vomir. Les consummés de veau & de poulles sont fort propres: l'huile d'amandes douces, & autres telles choses, desquelles nous auons

S s

parlé

parlé par cy deuant en la guarifon des Cantharides. Cela fait, il faudra vfer des autres remedes qui ont vertu d'ouurer & de digerer, comme la Myrrhe prife au poix de deux oboles. Dioscoride en ordonne huit dragmes, toute fois ie penfe que le paffage foit depraué: & que au lieu du huit dragmes il faille efcire deux oboles. La liqueur d'Orualle nommee vulgairement Toute-bône, a la mefme vertu comme auffi a la graine; le Millepertuis, l'Hyfope, le figuier fauage, la graine de Perfil, le poiure, le trouefne, & les fleurs de Grenadier.

Isthmien. Nicandre a furnomé le Perfil du mot Isthmien, & a allegué affez brefuement vne fable, laquelle fert beaucoup pour l'intelligence de ce mot. Elle eft efcrite par Pindare en fes Isthmiennes, par Ouide au quatriefme de la metamorphofe, par Ciceron au premier de fes Tufculanes queftions, & par Pausanias en la fin de fon premier liure: Athamas deuint enragé à la pourfuite de Iunon, laquelle luy donna vn bruage d'or il fut empoifonné: eftant ainfi hors de fon fens, il tua vn de fes fils nommé Learche. Ino, qui eftoit fa femme, indignee d'un tel acte, print fon autre enfant, nommé Melicerte, & le iecta avec luy du haut d'un rocher dedans la mer, dont Venus compaffionnee pria Neptune le dieu de la mer, d'auoir pitie de Ino & Melicerte: ce qu'il accorda, & lors il transforma la mere en vne deeffe de mer, que lon nomme Nereide; & fut nommee Leucothee, c'eft à dire, deeffe blâche: les Latins la nomment Matute ou Aurore. Melicerte fut transformé en vn dieu marin, & fut nommé Palemon: fon corps fut porté par vn daulphin iufques au bort pres la ville de Corinthe: & là eftant trouué par les Corinthiens (autrement nommés Sifyphides à caufe de Sifyphe, qui fonda premierement leur ville, & la nomma Corcyre) il fut enterre honorablement & tant en fon honneur que celuy de fa mere, l'oracle d'Apollon commanda que lon feift des tournoirs, lesquels furent nommés Isthmiés, dont auffi Ino eft quelquefois nommée deeffe Isthmiene par Euripide. ce nom leur fut donné à raifon du lieu auquel Corinthe eft fituee. Car elle eft au de-

ftroit

etroit qui est entre le païs d'Athenes & de Peloponeſſe, ou de la Moree, & lequel ſeulement empêche que tout ce païs ne ſoit vne Iſle, ayant d'un coſté la mer *Ægee*, & de l'autre coſté celle que lon nommoit Ionienne. pour ceſte cauſe auſſi Corinthe eſt nommée particulièrement par les poëtes Double-marine. Ces deſtroicts de terre ſont nommés par les Grecs Iſthmes : comme les deſtroicts de mer Porthmes, tel qu'eſt celui de Gilbathar. De la donques ces tournoirs furent nommés Iſthmiens: eſquels le victorieux eſtoit couronné de Perſil au commencement qu'ils furent inſtitués: & ainſi le Perſil fut nommé Iſthmien : ſa graine eſt ainſi nommée Nemeen-^{Nemeenne.} ne, par noſtre autheur aux Theriaques, pourautant qu'aux iouſtes Nemeennes on auoit accouſtumé d'en couronner les victorieux auſſi bien que de Pin. Plutharque en la vie de Theſee eſcript, q̄ ce tournoir ſe faiſoit de nuit, & qu'il ſeruoit ſeulement de preparatif aux autres, leſquels ſe deuoient faire le iour ſuyuant en l'honneur de Neptune, & leſquels furent inſtituez par Theſee. Les quatre tournoirs de la Grece ont eſté compris en l'épigramme Grec, que lon diſt auoir eſté compoſé par Archias poëte, entre leſquels ceſtuy-cy eſt nommé. Il y a, diſt il, quatre tournoirs en la Grece. deux ſe font en l'honneur des dieux, à ſçauoir de Iupiter & d'Apollon : les deux autres en l'honneur des mortels : à ſçauoir de Palemon & d'Archemore. les pris eſtoient, la pomme, l'oliuier ſauuage, le perſil & le pin. Les tournoirs Olympiens ſe celebroyent pour Iupiter, les Pythiens pour Apollon; les Nemeen, pour Archemore; & les Iſthmiens pour Palemon. Les odes de Pindare ſont plaines de ces fables : comme ayant eſté faiſtes en l'honneur des quatre tournoirs de la Grece.

D E



Σύιλαξ, Taxus, If.



L'IF est vn arbre semblable au Sapin en feuilles & en grâdeur, cōme escript Dioscoride; toutefois il ne croist pas du tout si haut, & a les feuilles vn peu plus espesses & les branches plus courbees: il porte des petites pōmmettes, cōme celles du Lierre, mais vn peu plus grosses: elles sont rougeastres, douces & vineuses. Le bois est rougeastre tirant sur le noir: il est beau & fort; tellement que lon en faiēt les arcs, lesquels sont trouētez les meilleurs & plus roides entre tous. Il croist cōmunement selon Dioscoride en Italie, en Languedoc, prin-

doc, principalement vers Narbonne, & en Espagne. Celuy dont j'ay donné le pourtraict cy dessus, est en vn iardin de Paris, nommé vulgairement le Iardin des Arbalestriers. Nicandre a dict, qu'il croist dessus la môtaine d'Oethe, qui est en Grece, entre Macedoine & Thessalie. c'est celle en laquelle les poëtes disent que Hercule se brusta. La graine & le suc de cest arbre pris par la bouche, voire l'ombre seule, est si dangereuse, que quelques vns ont pensé que le Toxique, dont nous auôs parlé cy deuant, fut vn poison composé de quelque partie de cest arbre. Et dauantage le vin que lon met dedans les barils faicts de bois d'If, a la force de faire mourir celuy qui en boit. Les cheuaux, taureaux, bœufs, vaches, moutons, & autres bestes de parc, qui mangent des feuilles, ou qui dorment à l'ombre de Lif, sont empoisonnez: tellement qu'il semble que cest arbre non seulement soit ennemy de l'homme; mais aussi de tout ce dont il se sert. Dioscoride en a escript encore dauantage, c'est que les petits oiseaux qui se repaissent de la graine de l'If d'Italie, deuiennent tout noirs, & que les hommes qui dorment sous celuy qui croist en Narbonne, sont quelquefois sy endommagés que le plus-souuēt ils en meurent. Les accidents qu'il esmeut en celuy qui en est empoisonné, sont vn flux de ventre, vn froid par tout le corps, & vn estouffement à l'endroiçt de la gorge. Ce qui aduient non seulement à cause de la froidure du poison: mais aussi par vne particuliere nature & malineté cachee en luy, laquelle aussi particulièrement pourrit les humeurs, & escorche le dedans des boyaux: la cause de la froidure & de l'estouffement se peut retirer des raisons allegues au chapitre de la Cicue, de la nature de laquelle ce poison participe en la pluspart, & a vne mesme guarison comme escript Dioscoride & Aesse. Nostre Poëte n'ordonne autre chose que vn grand traict de bon vin pur, tant à raison de la chaleur du vin que de sa nature alexipharmaque. Qui voudra donqties sçauoir les autres remedes, celuy les pourra retirer du lieu cy deuant escript. On donne vne pres-
que sem-

L'ombre du
Noyer.

que semblable vertu venimeuse au Noyer, au moins à son ombre : ce que j'ay autrefois experimenté sans y penser : car y ayant dormy long temps dessous en plain esté, ie me senty le corps tout refroidy avecque vn grand mal de teste, qui me dura cinq ou six iours. On pourra en pareil cas suruenant vsr de bon vin, & des remedes cy dessus escripts.

DE PLVSIEURS POISONS DESQUELS

NICANDRE N'A POINT ESCRIT.

CHAPITRE XXIII.



Chenilles de
Pin.

CELLE fin que nous ne laissions rien en arriere touchant les poisons particuliers, lesquels se sont descouverts par la trop soigneuse malice des hommes : j'ay pensé estre expedient de discourir en bref de quelques vns d'iceux lesquels n'ont esté mis en auant par nostre poëte, soit qu'il pensast que la congnoissance de la guarison qu'il a donnée fust suffisante pour tous autres poisons : ou soit qu'ils ne fussent encores trouuez de son temps. Entre lesquels sont les Chenilles de Pin, lesquelles estants entrees dans l'estomach esmeuent vne grande douleur & enflammement au palais, en la langue & en toute la bouche, avecque vne grande douleur & poincture en iceluy & dedans les boyaux, tout le corps s'enflamme & le malade chet en vn grand degoustement. les remedes sont pareils à ceux de la Cantharide.

L'herbe à
Puces.

LE ius ou la graine de l'herbe à Puces, nommee par les Grecs & Latins Psyllion, estant prise par la bouche enuoye vne froidure par tout le corps, vne pesanteur avec vne defaillance, vne melancholie, & vne lascheté d'esprit. on y remedie par les mesmes moyens desquels nous auons parlé au chapitre du Coriandre. Ceste herbe n'est pas celle q les Grecs ont nommée Conyze & que nous auons explicquee au premier liure sous le nom de Pulciere : car encores q toutes les deux ayent pris leurs noms des pulces, si est ce q ceste cy est beaucoup plus amye de l'homme que n'est pas la premiere. Il y a
vne

vne espece de Passinets entre tous ceux qui croissent dans les prez, & dans les marefcages, laquelle a esté nommée herbe Sardonienne, à cause qu'elle croist en abondance en l'isle de Sardine. elle est semblable à la grande Hache, elle a le tige fort long, & les feuilles fort dechiquetées : elle porte des petites fleurs jaunes, & est fort commune dans noz fossés & le long des fontaines. Elle a esté nommée par aucuns le Persil ou l'Hache ^{L'Hache riente,} riente à cause q̄ celui qui l'a mangée, ou qui en a esté empoisonné, meurt en riant, ainsi cōme escript Pausanias en son dixiesme liure en la description de l'isle de Sardine. Homere & ceux qui sont venus apres luy, ont surnommé le ris d'un foux, ris Sardonien, c'est à dire, un ris faict sans occasion, ou bien cōtre le gré de celui qui rit: tel qu'en proverbe cōmun nous le nommōs ris d'hostelier qui ne passe point le neud de la gorge. Ce meschant poison ennemy principal du cerueau & des nerfs, esmeut en iceux vne conuulsiō ou retiremēt, par lequel les muscles de tout le corps, & principalemēt ceux de la face, estants tendus vers leurs attaches, font aussi retirer quant-&-quant la bouche & les iouēs, en la façon q̄ lon les retire en riant. Il excite aussi par sa grāde froidure un endormissement, & un estouffemēt de la chaleur naturelle, ainsi q̄ faict la Cicue: & pour ceste cause on y remedie en la mesme maniere, & par les mesmes medicaments. Aësse y a adiousté quelques particuliers remedes au chapitre qu'il en a faict.

Le ius tiré de la Mandragore, que le vulgaire nomme Mandegloire, est tellement pernicieux, qu'incontinent apres l'auoir pris, il cause un endormissement & vne deffail-
La Mandragore, ou Mādegloire.
lance de tout le corps, puis un somme si profond, qu'il est bien peu dissemblable à la Lethargie: car ce poison estant extremement froid excite tous les accidents que nous auons dict estre esmeus par la froidure. Les remedes que Dioscoride ordonne, sont le Nitre & l'Absinthe pris avecque du vin doux, ou du vin cuit, puis l'exercice de tout le corps: & pourautant que le plus souuēt le malade est en lethargie, il ordonne plusieurs drogues odorantes & qui sentent fort,
à celle

à celle fin que par le fter la vertu du cerueau soit esguilonnee. telles sont l'aigremoine, le poiure, le fenneué, le castorion & la rue broyée en vin aigre, la poix liquide & la fumee des lampes & chádellés esteinctes: bref, toutes choses qui esmeuent à esterneuer & qui ont la vertu d'eschauffer & de digerer les vapeurs espesses, telles q nous les auôs escriptes au chapitre de la Cicue & du Pauot. Il y a deux especes de Mádragore: l'une est la noire ou la femelle: l'autre est la blanche ou le masle. La premiere porte les feuilles esparées par la terre longues, estroictes, & tirant sur le noir à la cõparaison de la seconde, qui les a grandes, larges & douces au toucher en maniere de grãde poiree. L'une & l'autre est sans tige, & porte des pomes, qui sortent de la racine, dissemblables toutefois en ce q le masle les porte plus grosses & plus rondes que la femelle. elles sont iaulnes, attachées à une lóque queue, & ont la senteur assez plaisante, tirant un peu sur le douxereux. celles de la femelle sont faictes en maniere de petites poires & sont attachees de mesme maniere que les autres. Les racines de toutes les deux sont grosses par haut & fourchues par bas. elles representét un homme sans teste & sans bras. toutefois les imposteurs qui cõrchent tous les moyens de trõper le simple vulgaire, ont accoustumé de tirer ceste racine, & de luy donner par haut quelque facon de teste & de bras. Puis la part ou naturellement le poil a accoustumé de croistre, ils font des petits trous qu'ils remplissent de graine de millet, & remettent le tout en terre, dont ils le deffouissent derechef, à sçauoir lors que le millet a iecté des petites racinettes, cõme petits poils; lesquelles ils couppent egallement: & lors ils font à croire que ce sont corps viuants en terre, & ayãts fort grande vertu à donner des richesses. J'ay bien voulu escrire cecy en bref, à celle fin d'aduertir un chacun de la grãde imposture d'aucuns, & de la trop facile croyance des autres, appuyee sur ce que Pythagore nomma anciennement la Mandragore semblable à l'homme: & Columelle demy-hõme. ce qu'ils ont faict à bonne raison, attendu que par bas elle est

Imposture
en la Mandragore.

four-

fourchue ainsi que l'homme: non toutefois qu'ils ayent voulu dire que la Mandragore ou sa racine fut vn homme ou autre chose viuante comme l'homme.

LE Plastre est vn poison fort commun pour l'usage que nous en recepuons es bastimēts: toutefois il est si dangereux au corps de l'homme, que celuy qui en a pris (comme facilement il se peut prendre estant mis en poudre) endure subitement vn estouffement qui le presse à l'endroiēt de la gorge & de la poitrine: ce qui se faict pourautant qu'il s'endurcit dans l'estomach, & estoupe les conduicts du corps. il a dauātage vne malineté cachée & naturellement venimeuse, telle que mesme Ciceron voulant signifier les mains enuenimees de Medee, il les nomme plastrees, en l'espitre à Trebasse. Les remedes cōtraires a ce poison sont semblables à ceux q̄ nous auons discourus au chapitre de la Ceruse & des Chāpignons.

LA Chaux viue est commune pour le mesme usage des bastiments. elle est fort bruslante: tellement qu'elle esleue vne cruste, & est mordante au possible: pour ceste cause estāt entree dans l'estomach & aux boyaux, elle les ronge & les brusle avec vne douleur insupportable. Ce qui s'empesche par les choses qui ont vertu d'adoucir, ainsi que sont les gras & huileux medicaments, cōme le suc de Maulue & le lait, & les consume de veau & de chappōs: & telles que nous les auons ordōnees cy deuant en la guerison de plusieurs poisons.

L'ORPIN iaulne & l'Orpin rouge sont deux mineraux qui bruslent & mordent & ont pareille vertu que la Chaux. pour ceste cause on remedie à leurs accidēs par les mesmes medicaments. Le premier est nommē par les Grecs Arsenich, & par les Latins Auripigment: toutefois ce n'est pas l'Arse nich vulgaire. car l'Orpin est ~~un~~ minerall simple, & nostre Arsenich est composé d'iceluy. Le second est nommē par les Grecs & Latins Sādaraque, & n'est autre chose que l'Orpin rougy dās la mine par vne plus grande cuisson de nature. Agricola les nomme entre les suc de la terre, lesquels sont endurcis. Les apothicaires nōment communemēt Sandaraque, le vernis du-

Le Plastre.

L'Orpin iaulne & rouge.

Le vernis ne est pas le sandaraque des Grecs.

T

nis du-

nis duquel les escriuains & les peinctres s'aydent, ayants esté abusés du nom Arabe. Car les Arabes ont nommé la gomme de genieure sandarax, de laquelle le vernix est fait.

L'Arsenich.
Le sublimé.
Le Reagal.

L'ARSENICH vulgaire, le sublimé & le Reagal sont trois drogues fort dangereuses, desquelles ordinairement les boucons sont faits par les empoisonneurs. elles sont chaudes & brulantes: parquoy elles rongēt l'estomach & les boyaux, & les percent d'outre & outre: elles esmeuent vne fois non estindible & vne fiebure. Les remedes plus expedients sont les vomissemēts & les clysteres, puis le lait, le beurre, l'huile d'amande douce, le consumé de poulle, & de veau bien gras: desquels on doit faire souuent des clysteres & les donner trois ou quatre fois le iour sans y adiouster autre chose.

Verd de gris.
Cuiure brulé.
Limure de cuiure.
L'eau fort.
L'eau de sa-
uon.
Le plomb.

Telle & pareille est la guarison du verd de gris, du cuiure brulé, de la limure de cuiure, de l'eau fort, & de l'eau de sa-
uon. voyez les autres remedes és chapitres precedens.

LA limure de plomb, & le plomb brulé se guarissent ainsi que fait la Litharge: dont il retient les effets malings estants entré dans le corps.

IL y a encores beaucoup d'autres drogues desquels les medecins s'aydent, encore que de leur nature elles soyēt venimeuses; toutefois ils les preparēt tellement que la pluspart de leur malineté en est hors auant qu'elles soyēt applicques: tel est le Cinabre, le Vermillon, le Vitreol ou Coupperose, le Souphre, la limure de fer, la pierre Armenienne, l'Aimant, le Diamant, le Lapis, l'Euphorbe, la Scammonee, la graine d'urtie, le safran; & vne infinité d'autres medicaments pris aux mines, aux plantes, & és eaux tant douces que salées: desquels ie n'ay voulu parler plus amplement, comme estants moins communs & moins pernicioeux que les autres: toutefois si il aduient que lon en abuse, la guarison se pourra facilement tirer des discours precedens.

A MON-

A MONSIEVR,
MONSIEVR DE CARNAVALET,
CHEVALIER DE L'ORDRE DV ROY, ET
GOVVERNEVR DE MONSIEVR.



MONSIEVR, estant bien assure, que le bon vouloir que vous portez aux lettres a engendré en vous vne naturelle affection & bien-veillance enuers ceux qui sefforcent par estude d'y acquérir quelque degré, ie me suis enhardy de vous presenter vn mien petit discours, auquel ces iours passez i'ay donné congé de sortir de mon estude, non tant pour enuie que i'eusse d'en acquérir bruit & reputation, que pour la neccsité du temps selon les raisons que ie vous deduiray. Or est il ainsi, Monsieur, que l'auarice & l'ambition bourreaux de nostre vie, ont plus remué de mesnage en ce monde, que nul autre vice que lon scauroit nommer. Car ils ne se sont seulemēt meslez parmy les chasteaux des grands : mais aussi ils ont voulu reuisiter les boutiques des particuliers : tellement qu'il n'y a auiourdhuy art liberal, ou mechanique qui n'ayt ses auaricieux & ambitieux : bres, comme on dict communement, chacun y endure ses passions. La nouueauté est la messagere ou plustost l'agent & facteur de ces deux puissantes dames, laquelle estant entree au conseil, & ayant fait sa harangue, engendre incontineēt deux manieres de gens, selon la disposition des esprits remuans qu'elle y rencōtre. Les vns sont admirateurs, & les autres calommateurs, tous deux poussez par vne mesme nouueauté, mais inegualement. Car les vns sont simples & lourdaux, & les autres malicieux. La simplese nous fait admirer les choses que nous n'entendons point : & la malice nous fait despriser tant celles qui sont cognues que les incognues. Les premiers ressemblent à la plotte de neige, laquelle s'augmēte tant plus elle est roulée : ils vont sui-uants la route d'autrui, & si vous leur en demandez la cause, ils diront qu'ils font comme les autres. Les seconds sont plus fins & rusez, aussi ont ils quelques raisons sardees pour couvrir leur malice. Mais en-core que la nouueauté face ces choses, si en demeure il tousiours quel-

T 2

ques

ques vns non affectionnez, lesquels ont l'esprit si net, qu'incontinent ils discernent la verité d'avecque la mensonge. Telle & pareille maladie est entrée depuis quelque temps en nostre medecine, par le moyen de quelques hommes, lesquels ont mis en avant vne certaine drogue qu'ils nomment Antimoine. Ceste drogue a eu du commencement des calomniateurs : mais beaucoup plus d'admirateurs. Car il ny a auioirdhuy si petit barbier de village, qui n'en donne eschec & mat : il ny a si nouuel aprenty en medecine qui n'en face son coup d'essay : Il ny a si babillant Theriacleur, qui n'en face d'un diable un ange, & qui n'en ayt si bien enforcé la raison des simples, que à peine se trouuera il homme auioirdhuy qui n'en conte quelque miracle, & qui n'en porte en son escarcelle. Mesmes ceste drogue a telle vertu, que les Theologiens, Nobles, Legistes, marchants, & paisans en sont deuenus medecins. Or vous pouuez cognoistre, monsieur, combien le proces est dangereux auquel il est question de la vie, principalement sil est tombé entre les mains d'un ignorant rapporteur ou bien affectionné pour l'accusateur. Mais vous scauez encore mieux, en quel danger seroit un camp, lequel importerait du salut de tout un royaume, sil estoit conduit par un clerc d'armes. Aussi ceux qui ordinairement font estat de ceste drogue, luy sont tellement attachez, qu'à meilleure raison nous pourrions dire, que la drogue les porte & conduit, plustost qu'elle n'est portée & maniee. Ils sont si peu exercez, mesmes ignorants en ce dont ils font profession, qu'il ne faut point douter que bien souuent ils ne mettent la brebis en la gueulle des loups. Pour ceste cause, monsieur, i'ay souuentefois essayé de me mettre entredeux, pour aduiser sans passion quelle en estoit la verité. Je me suis aidé des raisons & de l'experience, & en la parfin i'ay traissé le discours suyuât, par lequel ie n'entends point, cōme les calomniateurs, condamner en tout & par tout l'Antimoine : mais seulement celui duquel ils vsent. Je n'entends point m'opiniatrer contre ceux qui disent qu'il y a de grandes vertus aux metaux : car ainsi ie le pense, & scay bien qu'il y a beaucoup de choses cachees, desquelles nous n'auons pas la cognoissance : mesmes ie dis que si toutes les choses cognues estoient balanchées avecques les incognues, elles se trouueroient merueilleusement legeres : toutefois pour cela ie ne veux entrer en l'une des extremités : & ne veux, comme les simples & lourdaux croire

croire à tous esprits, ny sciemment, comme les malicieux m'opposer à la verité. Car ie sçay bien qu'en l'Alchemie il y a de fort beaux secrets : mesmes i approuue merueilleusement les extractions des huilles & quintessences, pour veu qu'elles soyent faictes par bons maistres, entendus en l'art, bien raisonnants & philosophans. Toutesfois pour tout celle ie ne puis approuuer l'Antimoine ainsi preparé qu'il est : & encore moins vn tas de secretaires, lesquels pour faire valloir leur marchandise, se vantent d'auoir des secrets cachés chez eux, faisant tort par ce moyen à la noblesse de leur art. Ainsi, Monsieur, i'ay pensé ceste question si belle & profitable que ie n'ay fait doute de vous en faire iuge & protecteur, tant à cause de vostre singuliere prudence & sain iugement, qu'en recognoissance de la faueur, dont quelquefois il vous a plu m'honorer, vous priant tresaffectueusement qu'il vous plaise me tenir du nombre de voz seruiteurs. Monsieur, ie prie le Createur qu'il vous maintienne en sa grace & moyen la vostre, de Paris ce premier iour de Ianuier, 1566.

Vostre obeissant seruiteur
Iaques Gréuin, Medecin.

T 3

Dis-

CHAPITRE XXIIII.

Σίμμι, Stibium, Antimoine.

E n'auois pas deliberé de faire vn traicté particulier de l'Antimoine, lors que ie commençay à escrire des poisons : car il me suffisoit d'en discourir sommairement, ainsi que i'ay fait des autres en mes deux liures Des venins, escripts suiuant les Theriaques & Contrepoisons de Nicandre.

Mais ce pendant que l'œuvre estoit sous la presse, ie fus aduertie que M. Loys de Launay Medecin de la Rochelle auoit fait imprimer vn liure intitulé *De la faculté & vertu admirable de l'Antimoine* : auquel apres auoir discoursu des miracles de nature & de l'origine des metaux, il tombe sur son poinct & monstre la nature generale de l'Antimoine : veut prouuer qu'il n'est point poison, que sa vertu n'a esté cognue par les anciens, non plus que celle de plusieurs medicaments, desquels nous vsons aujourdhuy : puis il se met en peine de prouuer que nostre Borax n'est point contraire à la nature, & s'arrestant sur la definition des medicaments & nature d'iceux, il se forge quelques obiections, & entre en la parfin sur le champ spacieux de ses experiences. Il ne faut toutefois penser qu'il m'ayt esté possible de recouurer ce liure qu'avec toutes les peines du monde : car ceux es mains desquels il estoit tombé, en ont fait vn reliquaire si precieux, que plustost ils eussent quitté toute autre chose, auant que s'en desfaire : si bien qu'il m'eust esté plus aisé d'arracher la masse hors des mains d'Hercule, que de les desgarnir de ce bouclier.

clier. Ce qui fut cause que ie visitay par sept ou huict iours routes les boutiques des imprimeurs & libraires de ceste ville: & ne me fut onques possible d'en trouuer vn seul. Je ne scay si ceux qui les retiennent estiment la marchandise si chere & precieuse, que pour argët elle ne se puisse achepter: ou bien s'ils ne nous estiment dignes de sçauoir les secrets qui y sont cachez. D'une chose suis-je assure que tout homme de bon iugemēt ne se mettra en peine de le reuoir deux fois. Or ainsi que le desir me croissoit de iour en iour, & que tant plus ie voyois qu'il m'estoit difficile de le recouurer, tant plus essayois-je les moyens d'en passer mon enuie: ie feis tant par gens interposez qu'il me fut presté pour dix ou douze heures seulement: pendant lequel temps ie me mis en deuoir de gouter les raisons, lesquelles y sont deduites, & feis tant qu'en la parfin i'en tiray la moelle en vn extraict sommaire. Or ce qui plus m'a contenté en ce liure, ça esté que i'ay veu le champ ne m'estre du tout fermé pour combattre avec les armes, tant de raison que de l'experience: car ce sont les deux bastons q̄ Launay presente (encore que de l'un seul il face son plus grand effort) & que ie suis trescontent d'accepter: voulant faire en cela comme le soldat genereux, qui a son honneur en recommandation, lequel estant descendu en camp clos, ne s'amuse, comme les femmes, à combattre d'iniures, mais seulement par armes, desquelles il a conuenu. Ainsi donques, Launay, ie vous prie de penser que ie ne me veux defendre ny vous assaillir d'autres armes, & que aussi vous estimant homme de lettres, ie pense que vous ne vous destracquez point du sentier de raison, laquelle nous doit conduire à la verité. Faisons donques tellement que les regardans puissent remarquer en nous vne grande partie de l'honnesteté & gentillesse des anciens cheualiers que lon nommoit errans, lesquels souuentefois apres auoir combattu long temps, si d'auenture la nuit suruenoit, ne laissoient de se caresser l'un l'autre & coucher ensemble, en attendant le iour auquel ils deuoyent vider leur

T 4

querel-

Proposition
des poinçts
principaux
de ce Traicté.

querelle. Mais à celle fin que ma dispute soit mieux entendue, ie proposeray sommairement les poinçts, desquels ie pretends discourir en ce petit Traicté. Premièrement doncques puis qu'il est question de l'Antimoine, ie declareray que c'est qu'Antimoine, puis ie prouueray qu'il tient la nature de poison, & respondray aux preuues & obiections de Launay: en la fin i'adiousteray en bref les moyés par lesquels on pourra estre garenty de ceste drogue dangereuse.

Que c'est
qu'Antimoi-
ne.

L'Antimoine est nommé par les Grecs Stimme: & Stibie par les Latins: les Arabes qui ont esté des principaux droguites du mode, luy ont donné le nom q nous retenós. C'est vn corps mineral, semblable à la Marcasite de plomb ou à la pierre plombeuse: sinon qu'il est plus blanc & brillant, ainsi que l'escume d'argent, & approche fort de la nature du plomb, tellement que quelques vns sont d'opinion qu'il est la mesme Marcasite de plomb. Pline & ceux qui ont escript des metaux, en ont fait de deux sortes: l'une qu'ils nomment masle, & l'autre femelle. Le masle est plus rude, plus raboteux, plus sablonneux, moins poissant & moins brillant que la femelle, telle que Dioscoride l'a descript en son cinquiesme liure, là ou il dit qu'il a la vertu de restraindre, d'estouper les conduicts, de refroidir, d'empescher la trop grande croissance de chair, de cicatrifer les vlceres, & de nettoyer les ordures & les vlceres des yeux: d'arrester le sang coulant de là taye du cerueau: & de faire les mesmes operations que fait le plomb bruslé. Car, comme il dit en la fin du mesme chapitre, il se conuertit aisement en plomb, lors que lon luy donne cuisson: bref, il fait beaucoup d'autres actiós, toutes lesquelles procedent d'une grande froidure & seicheresse. Je laisseray les commoditez que les ouuriers mechaniques en recoiuent: car il n'est pas icy question de monstrier comme il faut faire les mirouers ou les boulets: ie m'arresterray aux vertus precedétes, desquelles nous sommes d'accord, & suyuant lesquels ie tascheray d'esclaircir l'Antimoine, tellement qu'il puisse estre cogneu d'un chacun.

Vertus de
l'Antimoine.

Et pour-

Et pourautant que les anciens & modernes ont recogneu en chafque chose naturelle deux vertus, l'une desquelles ils nomment apparoiffante ou euidente, & l'autre cachee : ie parleray de toutes les deux, & commenceray à celle qui nous doit estre la plus connue. Les vertus ou facultez apparoiffantes & euidentes procedent des quatre premieres qualitez qui font les premiers instrumens de la proprieté de chafque chose : comme la chaleur est le premier instrument du feu, par lequel il brulle. Ces quatre qualitez sont chault, froid, sec & humide, tellement conioinctes aux quatre elements, que mefmes les philosophes ont esté contrains de les prendre pour leurs formes & perfectiones, qui les faict estre tels qu'ils font, ainsi que j'ay dict en quelque autre endroit. De l'inequale mefange de ces quatre premieres qualitez procedent celles que nous nommons secondes, en la composition de tous les corps naturels : tellement que tout ce qui est compris entre la chappe du ciel & le milieu de la terre, est participant de ces quatre qualitez, & par consequent des secondes : comme de dur, mol, espais, tenure, pesant, leger, gluant & cassant. Ainsi les corps composez qui participent plus du feu que des autres elements, sont plus chauls, plus secs, plus tenures, plus legers & plus cassans : & si nous voulons passer plus outre, & iuger par la veüe, le gouft & le flier, ils se trouueront plus noirs, plus amers & de plus forte odeur. Au contraire ceux qui participent de la terre, sont froids, secs, durs, espais, pesans, blancs, fades au gouft, ou bien le plus souuent infipides & de nulle odeur. Ceux qui sont aërez sont chauds & humides, mols, rares, gras, legers, rouges en partie & amiables tant au gouft qu'au flier. Mais ceux qui tiennent d'auantage de l'eau sont froids & humides, mols, espais, pesans, blancs, fades au gouft : & le plus souuent de nulle faueur & odeur. Les operations de chafque corps composé procedent, comme j'ay dit, de ces premieres ou secondes qualitez : tellement que par les premieres ils eschauffent, ils deseichent, ils amoitiffent & refroi-

Il y a en chafque chose naturelle deux vertus.

Les vertus apparoiffantes.

Premieres qualitez.

Secondes qualitez.

T s

refroi-

Degré pour
cognoistre les
proportions
des qualitez.

Reigle pour
cognoistre les
qualitez.

refroidissent : & par le moyen des secondes ils endureissent, ils amolissent, ils espaisissent : ils rendent les choses pesantes ou legeres, gluantes ou cassantes, blanches ou noires, ou rouges : de bonne ou mauuaise odeur : bref ils ont la vertu de communiquer & imprimer leurs facultez és autres corps, dans lesquels ils entrent, ou contre lesquels ils sont appliquez. Ce qu'ils font ou plus ou moins, selon qu'ils participent ou plus ou moins de ces premieres & secondes qualitez simples, ou diuerfement meslangees. De façon que les Medecins qui ont recherché principalement ces vertus euidentes & apparoißantes, & qui se font fiez plus volontiers en icelles qu'en toutes autres, se sont proposez de certains degrez pour entendre mieux leurs proportions, ayans premierement establi vne reigle assuree de ce qui est temperé: car par icelle ils iugent les causes chaudes, seiches, froides & humides. Ceste reigle est la plus iuste qu'ils ont peu choisir, c'est à dire, la plus temperée, puis qu'il estoit question de cognoistre la complexion ou temperament des corps naturels. Le corps donques qu'ils ont cogneu le plus temperé, a esté le corps humain : ce qui se prouue par les actions qu'il a les plus excellentes entre tous les autres animaux: comme il n'y a point de doute que celuy qui fait plus heureusement toutes les actions qui procedent de l'homme, ne soit le plus temperé entre tous les hommes. Ainsi ont ils prins l'homme temperé pour leur reigle, temperé di-ie en chaleur & humidité, esquelles la vie est appuyee, non plus ne moins que le bon manœuvre collationne tousiours son ouurage auecque celuy qu'il estime estre bien fait. Puis ils ont nommé toutes choses ou chaudes, ou froides, ou seiches, ou humides ayans esgard à ceste reigle. & ont fait quatre degrez, selon lesquels ils donnent à entendre de combien les choses surpassent ou deffaillent en icelle : tellement qu'ils ont nommé les choses chaudes au premier degré, lesquelles surpassent vn peu la chaleur de l'homme, & lesquelles commencent desia à l'eschauffer, non toutesfois si manifestement qu'il ne soit necessaire

cessaire d'autre preuue. Ainsi est-il des froides, lesquelles s'en reculent d'un peu. Celles qu'ils ont dit estre chaudes, ou froides au quatriesme degre, ce sont celles qui luy sont en tout & par tout contraires. Car telles extremités ne se contrarient seulement l'une à l'autre: mais aussi à ce qui est temperé entre les deux. Celles qui sont au second degre comencent desia à se faire sentir manifestement, & celles du troisieme agissent avecque vehemence.

Ces choses estans ainsi brefuement discourues, nous feront entendre quelle est la vertu apparoissante de l'Antimoine. Je reuiendray donques à ses actions, desquelles nous auons conuenu selon ce que nous en ont laissé Dioscoride, Galen & Pline: & routes lesquelles ne peuuent reussir que d'une grande froidure & seicheresse, qui procedent de la nature terrestre & aqueuse. Car aussi la commune nature des metaux est terrestre & seiche: aussi est celle de tous medicaments qui restraignent, estouppent, & empeschent la croissance de chair. Et d'autant que l'Antimoine restraint, & toutesfois n'a aucune qualité apparoissante au goust, il s'ensuit que non seulement il est terrestre & sec, mais froid & aqueux: terrestre di-ie & sec au troisieme degre: come tous restraignans de pareille nature: froid & aqueux pres du quatriesme: comme le plomb lequel a beaucoup de substance humide gelee par le froid: ainsi qu'escriit Galen au chapitre qu'il en a fait expressement. L'Antimoine donques se retire de la nature humaine de trois degrez, en l'une de ses qualitez: & de deux en l'autre.

L'Antimoine
froid & sec.

L'Antimoine
terrestre &
aqueux.

Voila quant à sa vertu manifeste. Il nous faut maintenant montrer quelques opinions des philosophes, Alchimistes & Astrologiens touchant la nature des metaux, par laquelle ce que j'ay dit sera d'auantage confirmé. Aristote escript que la matiere des metaux procede d'une vapeur. Les Alchimistes & Auicenne se sont fantastiqués un pere & une mere aux metaux: & ont dit que le soufre donnoit la semence, & que l'argent vif leur donnoit la nourriture comme leur mere.

La nature de
tous metaux.

Les au-

Les autres qui ont voulu estre plus subtils, escriuent que la matiere du soulfre & de l'argent vif s'assemble en vne masse terrestre, & que d'icelle il s'esleue vne vapeur tressubtile, laquelle depuis estant cuitte par la chaleur moderee de la terre, se conuertit en metal. Albert veut que cest humeur soit espais & gras. Les autres qui sont venuz depuis, & qui ont iugé de toutes ces opinions, ont arresté que la matiere des metaux procede de l'eau & de la terre principalement (non qu'ils ne veuillent que les autres elements y aient leur part) terre di-ie & eau tellement meslez, que la partie aqueuse maistrise la terrestre, laquelle y est proportionnee en telle maniere qu'elle obscurcit en partie la clarté d'icelle, sans toutesfois luy oster sa lueur. Les Astrologues veulent que la cause de ceste meslange procede des estoilles qu'ils nomment errantes, & pour ceste cause les Alchemistes nomment entre eux les metaux d'un gergon particulier de Soleil, Lune, Mercure, Venus, Mars, Iupiter & Saturne. Les autres en donnent la cause à la chaleur, Aristote au froid : & les mieux entendus disent que la chaleur est cause que la terre & l'eau se pètrissent ensemble, & que le froid fait geler la composition, comme aussi nous voyons les metaux se fondre par la chaleur, & se prendre par la froidure.

Les actions de
l'Antimoine
procedent du
froid & du
sec.

Ainsi donques les actions de l'Antimoine sont toutes procedantes du froid & du sec, tant à cause de sa nature particuliere que generale, selon lesquelles il est plus froid & sec que les metaux, & n'est pas si parfaitement pètri: car l'inequalité de sa substance se descouure par la mauuaise odeur qu'il rend, ainsi que ie diray cy apres. Galen aussi le met au nombre des medicaments lesquels desechent fort, en son quatriesme liure de la Composition des medicaments selon les parties. Il a dauantage la vertu d'eslargir les yeux, & pour ceste cause les Grecs le nomment quelquefois Platyophthalme, c'est à dire, eslargisseur d'yeux, ce que Ieremie le prophete touche en vn passage de son liure.

Il reste maintenant à parler de sa vertu & faculté cachee.

Nous

Nous nommons vertu, puissance, ou faculté cachée, celle de laquelle nous ne pouuons rendre les raisons naturelles, telles que nous auons expliqué cy dessus. Ceste vertu estend merueilleusement loing les fimbries de son habillement : car depuis que les hommes sont au bout de leur roollet, ils n'ont point de plus assuré recours q̄ deuers elle : & nous la peignent telle que bon leur semble. Mesmes pour la mieux autoriser, ils la font descendre du plus haut du ciel, & l'entassent parmy la meslange des quatre elements. Ils ont encore passé plus outre, & selon leurs fantasies ils ont donné des similitudes de substances aux choses qui n'en peuuent mais, comme à la peau d'une biche pour guerir les gouttes, d'autant que la biche court bien viste : aux ceruelles des passereaux pour exciter l'appetit venerien, pour autant que les passereaux sont fort lubriques, & à une infinité d'autres telles fantasies cōtrouuees à l'appetit des hommes. Toutesfois si nous voulons considerer les choses de plus pres, & que nous-mesmes ne voulions esmoudre le glaiue qui nous doit trancher la teste, il nous sera facile d'en parler vn peu plus clairement. Ce qui se fera pourueu que nous esleuions vn peu noz esprits en la contemplation des choses naturelles, lesquelles, bien qu'elles soyent composees de mesme matiere, ne laissent toutesfois d'estre dissemblables : soit à cause de la diuerse & differēte meslange de leurs commencemens, soit à cause de la vertu qui leur a esté particulièrement donnée dès le premier iour qu'elles furēt faites au monde. Ainsi non seulement le premier homme a eu la vertu d'engendrer : non seulement la premiere plante a eu le don de porter fruiēt & graine : mais aussi ils ont eu ceste faculté, que ce qui sortiroit d'eux en pouuoit faire autant. Voila comment les causes cachees procedent de l'entendible parole de Dieu, lequel a voulu dès le cōmencement que toutes choses produissent leurs semblables, non seulement en apparence exterieure, mais aussi en vertu interieure & faculté naturelle. Ainsi les medicaments purgeans ont la vertu &

De la vertu
& faculté
cachée.

Dont procedent les causes cachees.

tu & propriété de tirer les humeurs vitz de dedás le corps. Ainsí la nourriture a la faculté d'augmenter & entretenir le corps : ainsí les poisons ont vne propriété , par laquelle ils contrarient aux hommes . Or tout ainsí que les raisons de toutes ces choses ne se peuuent extraire des causes apertement naturelles : ainsí ne les pouuons nous cognoistre que par l'experience , laquelle ferme la bouche & arreste le pas de toutes raisons depuis que legitiment elle apparoit , n'estant sophisticquee par legere croyance , qui est le vray entretien de l'imposture , & l'appast des Theriacleurs & Charlatans.

Quelle doit
estre l'expe-
rience des me-
dicaments.

Mais puis que nous sommes sur la question des medicaments , la vertu desquels doit estre experimentee , il nous faut scauoir le moyen comment ceste experience se doit faire , à fin que par la semblance des choses nous ne soyons trompez : car chascun scait qu'il y en a plusieurs qui ont l'apparence de verité , lesquelles ne laissent pas de venir de la boutique de mensonge. Le moyen donques d'experimenter les medicaments qui purgent , a esté escript par Galen en son liure de la faculté des Simples : qui est de le bailler premierement à vn homme sain & de bonne complexion , puis à vn qui soit vn peu intemperé , & en la fin à vn homme qui soit malade. Ainsí en a l'on fait de l'Antimoine : & mesmes il ne faut point doubter que l'on n'ayt oultre passé ce precepte de Galen : car il ny a Antimoniacle qui n'en baille à toutes heures , à toutes complexiões , à tous aages , & à toutes maladies : tellement qu'il n'est que trop experimenté. Et est vne chose asseuree qu'il purge : nous dirons cy apres en quelle maniere & quel humeur. Et pour le present ie raconteray ce que par experience i'en ay peu apperceuoir . Il me souuient que quelquefois persuadé par les faux miracles de ceste drogue , par lesquels elle abuse vn chascun , non plus ne moins qu'un faux prophete & imposteur : ie fus si facile à croire ce que Matthioli en escript en son commentaire sur Dioscoride , & ce que plusieurs m'en preschoient , que me sentant chargé

chargé d'humeur, & estant assez difficile de mon naturel à prendre médecine. ie la voulu experiméter en moy-mesme, comme estant vne chose aussi facile à prédre qu'un grain de bled mis en poudre. l'en meslay donques seulement trois grains avec vn peu de conserue de roses, dont il me suruint en moins d'une heure vn si estrange vomissement qu'encores que de ma nature ie sois facile à vomir, si est-ce qu'à chaque fois qu'il me prenoit, i'en estois au mourir. Or me print il par huit fois, & autant de fois me trauailla il par bas, dont ie demouray quasi hors de moy-mesme, & me laissa vne grande foiblesse, laquelle me continua bien huit iours. Tout ce qu'il purgea ne fut qu'une matiere aqueuse: ce q' i'ay de mesme obserué en quelques autres qui en ont pris: & ny a point de doute que la purge qu'il fait ne soit semblable aux sains, aux intemperez & aux malades, si ce n'est qu'elle soit diuersifiée par le meslange de quelque humeur, lequel parauéture se sera ietté parmi. La vertu donques cachée en l'Antimoine est de tirer force humiditez du corps, tant par haut que par bas. Ces choses ainsi deduites, il me sera plus facile de prouuer mon second poinct, qui est le principal, & monstrier que l'Antimoine est vn poison & non vn medicament.

J'ay monstté amplement en mon premier liure Des venins la signification du mot venin & poison, avec la nature & difference d'iceluy: ce qui n'est necessaire repeter en cest endroit, à fin de monstrier plus clerement ce que i'ay entrepris: mais ce sera le plus sommairement que faire se pourra. Nous nommés poison ou venin toute chose laquelle estant entrée ou appliquee au corps humain, a la vertu de le combattre & vaincre, non plus ne moins que le corps est victorieux de la nourriture qu'il prend iournallemēt. Ce qu'il fait ou par les qualitez manifestes, ou par vne propriété naturelle, quelquefois seule, & quelquefois aidée par icelles. Le poison qui est tel, à cause de ses qualitez manifestes, est celuy qui est beaucoup esloigné de la chaleur naturelle douce, benigne, & humide, tel qu'est l'Arsenich chauld & sec

Que c'est que
poison.

extreme-

L'Antimoine
ne est poison
à cause de ses
qualitez ap-
paroiſſantes.

extremement, tels que ſont tous autres ſimples prochains de l'extremité, que nous auons nommé quatriefme degré, deſquels encore que nous nous en pouuions aider és applications exterieures, ſi nous eſt-il defendu d'en vſer au dedans, que premierement leur malineté n'en ſoit oſtee, & parfaitement corrigée. Or auons nous monſtré parci deuant que l'Antimoine eſt froid au quatriefme, & ſec au troiſieſme, d'ot il me ſemble qu'il n'eſt neceſſaire de plus grâde preuue touchant le poinct des apparêtes qualitez. La Mandragore n'eſt froide qu'au troiſieſme degré, & toutesſois pour ceſte cauſe ſeule elle eſt poison. S'il eſt ainſi que les ſimples ſont dangereux dauantage d'autant qu'ils ont plus de cauſes de danger, certainement ceſtuy cy ſera mis des premiers au ranc, comme eſtant froid & ſec, qui ſont deux qualitez diametralement oppoſées à la chaleur & humidité naturelle. Mais paſſons oultre : car ie me doute bien de la reſponſe ordinaire. Ie ſçay bien que tels venins n'agiſſent point ſinon en quantité : toutesſois cela n'empêſchera pas que l'Antimoine, ie dis celuy qui eſt crud, ne ſoit pour le moins du nombre de ceux cy : & celuy auſſi qui eſt préparé comme ils le préparét eſtant chaud & ſec en meſme degré, comme ie monſtreray.

Que c'eſt que
medicament
purgeant.

Venons à la malineté naturelle & cachée, & ne nous arreſtons ſur les formes ſpecifiques, proprietez occultes, & toutes telles chimeres, touchons le poinct principal, & faiſons comparaïſon du medicament avec le venin & l'Antimoine : regardons quelle doit eſtre l'action de ceſtuy cy, & collationons ſi bien celle de l'autre, que nous deſcouuriôs ſi le double eſt ſemblable à l'original, ou ſ'il eſt falſifié. Le mot de medicament purgeant eſt attribué en general à toutes choſes, leſquelles ont la vertu de vuides les humeurs viciex du corps : dont les vnes purgent indifferemmēt chacune d'icelles, & les autres ſeulement celle qui leur eſt familiere, ſi bien que chaſque medicament tire l'humeur qui luy eſt propre. Les premiers ſont ceux qui purgent non de leur faculté, ains par vn accident, c'eſt à dire, en lachant le ventre par leur humidité,

midité, ou en ouurant les conduicts fermez par leur chaleur. Les autres sont nommez proprement medicaments purgeans, lesquels, comme escript Galen, tirent l'humeur, non plus ne moins que l'Aimant tire le fer, ou que les arbres tirent de la terre ce qui leur est familier. Or il n'est icy question des premiers: car ils agissent par qualitez manifestes, & encores qu'il en fust question, si est-ce que l'Antimoine ne pourroit estre mis en leur ranc. Car il n'est pas humide, & tant s'en faut qu'il ouure les conduicts, que mesmes il les estoupe, ainsi que nous auôs monsté. Il reste dōques d'aduiser des autres, & tascher, s'il est possible, de luy trouuer place, si non, le reiecter.

Les medicaments qui tirent l'humeur par la semblance qu'ils ont avec iceluy, ont accoustumé de ce faire ou par les vomissemens, ou par les selles: tellement que selon la diuersité de l'humeur qui doit estre tiré, de la nature du malade, de la saison, & de toutes telles considerations nous auons accoustumé de les ordonner. Et mesmes nous auons vn precepte de Galen que lors que nous voulons purger par le vomissement, il faut reserrer le ventre: & au contraire si nous entendōs purger par bas, il le faut amoitir & reserrer le haut. Aussi ne voyons nous point, si ce n'est par quelque inconuenient, qu'un mesme medicament face l'un & l'autre, autrement ce seroit introduire contrarieté en la nature vniuerselle: ie dis faire l'un & l'autre en mesme temps, & par vne mesme vertu: ioinct que le vomissement est vne passion cōtre nature, encores que quelquefois le corps se descharge par iceluy: mais c'est es maladies & estant contrainct & esguilloné par la cause du mal. Les medicaments aussi estans entrez dedans l'estomach, & estans premierement esguillonéz par la nature, commencent à mettre en execution ce qu'ils ont en charge: & selon leur naturelle faculté, ils tirent l'humeur qui leur est familier: les vns la cholere, les autres le phlegme, & les autres la melancholie, qui sont trois humeurs qui ont accoustumé de sortir les limites de nature, &

ACTIONS des
medicaments
purgans &
l'usage d'i-
ceux.

V

faire

Pourquoy il
y a diuers
medicaments
purgans.

Les effects
& actions des
venins.

faire les maladies en nous : tellement que toutes les maladies qui suruiennent es corps procedent d'iceux : & pourau- tant qu'ils sont dissemblables en substance, qualite, quanti- té, amas, mouuement & pourriture, il est necessaire qu'il y ayt diuers medicaments, les vns destinez pour les corriger & pour rabattre leur coups : les autres pour en faire la vuidan- ge. Ces medicaments estans donnez à ceux qui sont en plei- ne santé, se conuertissent en poison lors qu'ils ne trouuent à quoy s'attacher, non plus ne moins que nostre chaleur natu- relle, n'ayant dequoy s'atisfaire à sa nourriture, est contrain- cte quelquefois d'vser des superfluitez de nostre corps, & en abuser au lieu de nourriture : aussi ne trouuans point l'hu- meur qui leur est familier, ils se iettent sur les autres. Ils pur- gent non seulement la partie plus delicee de l'humour, mais aussi celle qui est espaisse & quasi comme la lie. Apres les vuidanges faictes selon l'art & l'ordre de nature, il ensuit vn soulagement pareil à celuy que reçoit vn poure porte-faix lors qu'il est deschargé de son fardeau. Selon la qualite & quantite de l'humour qui est sorti par le benefice du medi- cament : le Medecin raisonne de la maladie, il iuge de l'estat du proces qui est entre la cause du mal, & la nature du ma- lade : si bien que sil s'apperçoit frustré de son intention, & qu'il voye que le medicament, au lieu d'auoir tiré la chole- re, ayt amené du phlegme, ou autre humour, il iuge de la contumacité du mal, & par consequent de la longueur de la maladie : bref il prend iugement de ce qu'il a à faire. Et au contraire quels sont les effects du venin, duquel l'action pro- cede d'une vertu cachee ? Ils sont tousiours de mesme espe- ce en tous corps & en tous temperamens, selon la diuersité desquels seulement ils diuersifient en plus ou moins. Car tous les venins ayans vne mesme fin, qui est la destruction du cœur, principal baston de la vie, s'attachent incontinent qu'ils sont entrez dedans à ce qu'ils rencontrent participer d'iceluy, chascun toutesfois selon sa nature. L'Aconite, les Cantharides, l'Ephemeron Colchique s'attachent aux par- ties na-

ties naturelles, & troublans l'œconomie d'iceux, ils ressemblent à vn guerrier, lequel pour auoir meilleur 'marché de son ennemy luy coupe les viures. Ces poisons ne peuuent iamais estre domptez en partie, comme les medicaments, & est necessaire pour en auoir la raison qu'ils soyent iettez dehors: ce qui ne se peut faire si tost que la nature n'ayt enduré beaucoup. Leur action est vehemente, & encorés qu'ils soyent baillez en petite quantité, si ne laissent-ils pas de faire vn grand endommagement. Celuy qui doubtera de ces choses, & qui en voudra estre fait sage par autoritez (car par experience ie ne le conseillerois) pourra lire ce que Nicandre, Dioscoride, Galen, Aesse, Paul Æginette & plusieurs autres en ont escript. Toutes ces choses sont encorés plus dangereuses si le venin qui est pris a son action procedante tant des qualitez manifestes, que de sa nature cachee: car on dit communement, que mal sur mal n'est pas fanté.

Or faites maintenant collation des actions de l'Antimoine avecque ce que i'ay dit. l'Antimoine estant entré dedans le corps travaille communement & par haut & par bas: on le baille en maladies contraires, à tous aages & sexes, & en toutes saisons. Il besongne incontinent qu'il est entré, & tire aussi bien des eaux en vn hectique, qu'en vn hydropique: en vn sain qu'en vn malade, en vn melancholique ou cholere, qu'en vn phlegmatique: & trouue tousiours cest humeur contre lequel il s'attache, ne chassant hors du corps que le plus delié. Il laisse vne grande lassitude & deffaillance, encorés que la nature en ayt esté maistresse. Que pourra la dessus raisonner le Medecin qui apperçoit mesme quantité & qualité d'humeur en cest hectique, comme il a veu en l'hydropique? accusera-il plustost l'opiniaistreté du mal, que l'ouurage de sa drogue? surquoy se fondera-il pour poursuivre la guarison? Ne iugera-il pas incontinent qu'au lieu de medicament il a baille vn venin: ou que ce medicament n'a point fait son deuoir, lequel au lieu de cholere luy a tiré des eaux? Voyant mesme effect en tous, ne soubçonnera-il pas la verité? Car

Actions de
l'Antimoine
collationnees
avec celles des
medicaments
& venins.

té? Car, dira il, dont peuuent venir ces humiditez en cest
 homme malade d'une feure ardente? sont elles point natu-
 relles? ou bien, ce poison n'en a il point conuerti des bonnes
 en cestes cy? Comment? d'où vient que si petite quantité
 de drogue ayt ainsi trauaillé en si peu de temps & par haut
 & par bas? n'est-ce point la nature qui a ioué au quicte & au
 double, & qui s'est soy-mesme desbordée pour se descharger
 de ce qui luy faisoit nuisance? Que dira-il dauantage voyant
 pareille operation au commencement de la maladie, lors que
 l'humeur est encores crud, & qu'il n'est propre à la vuidan-
 ge: pareille di-ie à celle qui se fera apres la cuisson d'icelle?
 Voyla, ce me semble, que pourra dire un Medecin bien en-
 tendu & bien raisonnant. S'il passe plus oultre, il dira que ve-
 ritablement il se fait beaucoup de choses en nature, lesquel-
 les sont merueilleuses: mais ce pendant il se souuiendra que
 par ces choses l'ordre general d'icelle n'est iamais immué.
 Car il ne pensera pas qu'il y ayt miracle au monde qui puisse
 faire une montaigne sans vallee, puis que, si ainsi aduenoit,
 ce ne seroit plus montaigne. Il rentrera donques en telles ou
 semblables considerations, & dira, que si l'Antimoine est un
 medicament, & qu'il tire l'humeur par la similitude de sub-
 stance, il faudra ou qu'il ne guerisse que d'une sorte de mala-
 die, ou bien qu'il ny a qu'un humeur au corps. La premiere
 partie de ceste disonction se prouue necessairement par ce
 que ayant tiré du phlegme par la vertu de sa substance sem-
 blable, il ne pourra pas tirer de la cholere par la mesme ver-
 tu: car le phlegme & la cholere sont contraires & sont des
 maladies contraires. ainsi s'il guerist des feures ardentes, il
 ne pourra pas guerir des feures quotidianes: ou bien il ne ti-
 re pas par la semblance de nature: ce que toutesfois Launay
 confesse. Cela est aussi cler que le soleil. L'autre partie est ma-
 nifestement declaree faulse par le premier liure d'Hippocra-
 te de la nature humaine, & par le commentaire que Galen
 a escript dessus: car s'il ny auoit qu'un humeur au corps, il
 faudroit qu'il ny eust qu'un elemēt, qui feist la meslange des
 corps

L'ordre ge-
 neral de la na-
 ture ne peut
 estre changé.

L'Antimoine
 ne tire point
 par similitu-
 de de substā-
 ce, ou il ne
 guerit que
 d'une mala-
 die.

corps composez, ce qui est non seulement contraire à la raison: mais aussi aux sens. Or tous les bons medecins sçauent q̄ non seulement il y a diuersité de maladies: mais aussi q̄ chaque espece de maladie est diuersifiée selon le subiect auquel elle est: si bien que Socrate malade d'une fièvre quarte, n'est tourmenté en la façon qu'est Platon malade de pareil mal. Cela s'experimente tous les iours non seulement par les accidens: mais aussi par la guerison & moyen d'icelle. Pour ceste cause Hippocrate a nommé l'occasion soudaine, l'experience perilleuse, & le iugement difficile. Il est doncques facile de conclure que l'Antimoine n'a pas les vertus que lon luy attribue.

Chaque es-
pece de ma-
ladie diuersi-
fiée selon l'in-
diuidu ou
particulier.

D'auantage s'il m'est licite de recapituler plus sommairement la loy generale de la purge, & des medicaments purgeans, i'esclairciray ce point vn peu plus manifestement. Ceste loy est de purger l'humeur lequel est vitieux en qua-
 lité, ayant esgard à la voye par laquelle l'humeur se porte
 naturellement, & par laquelle la maladie, & la nature ont accoustumé se descharger. Il faut d'auantage que ceste voye soit commode par la loy de nature, & non incommodee par accident. Ceste purge se fait ou en vuidant simplement les humeurs qui sont mauuais, non bouillans & offensans vne des parties du corps: ou bien elle se fait en ramenant & retirant au contraire l'humeur qui coule par vn lieu non commode: ou en le destournant vn peu des parties lesquelles sont incommodes par accident: ou bien en le poussant avec celui qui commence à vuidier: comme il aduient souuent lors que la nature qui commence à pousser hors la cause du mal est aidée par la medecine purgeante. Ces limitations sont prinſes de la doctrine Hippocratique, & sont celles par lesquelles nous pouuons suffisamment discerner les bons medicaments purgeans d'avecques les mauuais. Rapportez y vostre Antimoine, & dites: l'Antimoine ne tire point l'humeur qui est vicieux, il ne le fait point vuidier par là ou la nature, l'humeur & la maladie ont accoustumé se deschar-

La loy de la
purgē.

V. 3.

ger, ny

ger, ny par les lieux lesquels ne sont point incommodez par inconuenient. Il s'ensuit donques qu'il n'est pas bon médicament purgeant. Le prouue ma proposition par ce qu'il est consumptif, c'est à dire, il fond & consume la chair & les humeurs, ainsi que ie monstrey cy apres : par ainsi il ne vuide point les humeurs mauuais : tant s'en faut qu'il empesche le bouillon d'iceux, que mesmes il l'excite: On ne le peut accommoder par artifice à ensuyure le mouuement de la nature, de l'humeur & de la maladie: car il fait vomir aussi bien en hyuer comme en esté, les melancholiques que les choleres : és maladies qui se purgent par haut, comme en celles qui se purgent par bas: bref il faict vomir & purge par haut & par bas, en toute nature, en tous temps, en toute humeur, & en toute espee de maladie.

L'Antimoine
ne est poison
de propre nature.

Oultre toutes les raisons susdites, l'affinité & semblance de nature que l'Antimoine a avec le plomb, comme ont escript tous les anciens, doit estre suffisante pour le mettre au ranc des poisons : & faut confesser qu'encores il est plus venimeux, comme estant sa matiere plus inegale & moins pètrie. Ce qui se peut facilement prouuer par la mauuaise odeur qui en sort lors que lon le calcine, & que la partie d'iceluy plus aqueuse & humide se uaporant sur le feu & rendant vne fumee puante & souldphreuse (laquelle sent ie ne sçay quoy d'Orpin) laisse la partie plus contumace & terrestre en laquelle principalement la malineté est appuyee. Launay est bien contraint de confesser ce point : mais il dit que ceste malice est corrige par la preparation qu'il en fait auant que le bailler. Et puis que nous sommes tombez sur ce point de preparation, ie deduiray en bref les causes & les moyens par lesquels les medicaments malings ont accoustumé d'estre preparez, à celle fin que lon puisse iuger si ceste preparation est legitime.

Les medicaments purgeans estans participans de la malice des poisons, ou pour le moins contraires en partie à nostre nature, se doiuent premierement eslire selon les regles qui en

qui en ont esté ordonnees par les anciens, & selon les notes par lesquelles ils sont remarquez. Cela fait on tasche de leur oster leur malice, ou pour le moins de la retenir en bride: ce qui se peut & doit faire ou par la meslange de quelque autre médicament, ou par industrie de l'art. La meslange du médicament se peut faire pour trois raisons. La premiere pour contrarier à la forme & propriété que nous auons nommee cachee, adioustant aussi quelquefois par ce moyen plus grande vertu à ceux qui sont debiles, comme quand on adioste le lait clair ou le miel avec l'Epithyme, lequel autrement n'auroit grande vertu à purger: changeant aussi quelquefois les malinetes de ceux qui sont contraires aux parties principales du corps, en y adioustant les médicaments lesquels ont la propriété de les fortifier & defendre: Et quelquefois les meliorant & conduisant aux parties desquelles nous voulons attirer l'humeur. La seconde raison se fait pour contrarier aux qualitez premieres: comme quand nous adioustons les choses froides avec les chaudes, à fin de les temperer. La troisieme se fait pour contrarier aux effets & inconueniens qui procedent de la prise de tels médicaments, comme sont les defaillances, les espoissonnements de l'estomach, les tranchees & racleures de boyaux. Ainsi auons nous accoustumé de mesler des choses de bonne odeur pour adoucir ces incommoditez, & pour conforter le cœur, & les esprits. Ainsi quelquefois vsons nous de saveurs pour rompre les excez du médicament: aigres & ameres, pour resoudre les ventosités & conforter l'estomach: salees, pour les poindre si dauenture leur action est trop tardiuë: huileuses, pour rendre les conduits plus coulans: douces ou insipides, pour les rendre plus agreables; ou pour rompre leur poincture: aigrettes, & stiptiques, pour rabattre leur vehemence, pour rendre la purgation plus louable, & pour conseruer les parties destinees à la nourriture du demourant du corps. Ainsi meslons nous quelquefois des médicaments de contraire corpulence, comme quand

Deux moyes
de corriger
les medica-
ments.

Correction
par meslage.

V 4

nous.

Correction
des medica-
ments par
art.

nous meslons des choses gommeuses & gluantes telles que le tragagant & le mastic parmy les medicaments trop subtils, tel qu'est l'Aloe & la Coloquinthe. Ce qui se fait pour empêcher qu'ils n'escorchent & facent ouurir les emboucheures des veines. Voila quant à la meslange correctrice des medicaments. Venons à l'industrie de l'art : laquelle par quatre moyens a accoustumé de diminuer leur malice. Le premier est la cuisson, le second le lauement, le tiers la trempeure ou infusion, le quart la broyeure ou trituration. La cuisson se fait par deux moyens, le premier par le bouillon, le second par la seule vertu du feu sans aucune humidité, & est nommee assation ou rotissure. Les Alchemistes la nomment calcination en leurs metaux. L'un & l'autre a la vertu de diminuer les humiditez superflues des medicaments, & principalement le second qui rend plus poignans ceux, la poincture desquels estoit comme ensepuelie en l'humidité. Le lauement a la vertu de diminuer ceste mesme poincture : & encores dauantage si l'eau, avec laquelle on le fait, a quelque vertu contraire au medicament qui est laué. La trempeure ou infusion en fait autant : & nous donne encores ce point dauantage, que les choses trempées laissent leur vertu en l'humidité dans laquelle elles sont trempées. Ainsi quand nous voulons tirer la seule vertu purgeante d'un medicament, nous le faisons tremper, & en prenons la seule infusion. La broyeure ou trituration est cause d'une plus parfaite meslange : elle rend les medicaments plus subtils & faciles à estre portez par le corps : & mesmes elle oste quelquefois de la malice d'iceluy, comme de la Coloquinthe, laquelle se doit broyer parfaictement : autrement elle s'attacheroit contre l'estomach & escorcheroit les boyaux.

Preparation
& correction
de l'Antimoine.

Considerons maintenant quelle est la vulgaire preparation de l'Antimoine : & voyons si par icelle sa malice est diminuée. Nous auons monstre par cy deuant que l'Antimoine crud est froid & sec, & que quand il n'y auroit autre chose,

chose, il est poison du nombre de ceux qui le sont à raison de leurs qualitez excessiues. Aussi auons nous dict qu'il est de mesme vertu & faculté que le plomb, & pour ceste cause quelques vns ont estimé que l'Antimoine estoit vne quatriesme espee de plomb. Or la maniere de preparer cest Antimoine maling, comme i'ay dict, de sa nature, se faict tant par meslange d'autre medicament que par cuisson en la maniere que Matthioli nous a laissée par escript en son Commentaire sur le cinquiesme liure de Dioscoride. Car premierement il puluerise l'Antimoine crud, puis il le met dedans le creuset, & le calcine sur le feu. Cela fait, il le puluerise de rechef & le remet sur le feu le calcinant par ce moyen tant & iusque à ce qu'il ne iette plus de fumee: puis il mesle vne once d'Antimoine crud en demye liure de calciné, avec demy once de Borax & recuit encores le tout ensemble. Si donques la malice de l'Antimoine est ostee par adionction de medicament, il faut que ce soit par celle du Borax, & que le Borax ayt telle puissance & vertu: ce qui toutesfois est faux: comme ie veux monstrer.

Preparation
de Matthiol.

Premierement le Borax que les Grecs ont nommé Chryfocolle, est vn poison, comme dict Dioscoride, lequel faict vomir, & lequel par consequent est ennemy de l'estomach. Launay sachant bien cecy a eu recours à vne negatiue, & a dict que le Borax duquel nous vsions, n'est pas celuy des anciens: que c'est vn medicament composé faict de nitre fossile & naturel, qui est vne espee de pierre luisante approchant de la nature du sel: mais plus poignante & amere. Toutesfois il dict qu'elle est bien desgraissee, lauee & trempée en lait de chieure, ou de vache, iusques à ce qu'elle ayt perdu sa saleure, & depuis mise au soleil avec huile d'aman-des douces par l'espace de quarante iours. Launay nous compose ainsi son Borax artificiel, encores que les anciens nous ayent baillé deux autres compositions faictes l'une de la naturelle: & l'autre dont les orfeures ont accoustumé d'vser, faicte de cuiure de cypre & de l'vrine d'un enfant. George

Que le Bo-
rax n'a aucu-
ne vertu de
corriger l'An-
timoine.

De la nature
du Borax.

Agricola escript que le Borax que lon fait à Venise est artificiellement fait de Nitre, dur, espais, & semblable à vne pierre : toutesfois il le nomme Chrysocolle, pourautant, dict il, que veritablement c'est la Chrysocolle, que les Arabes nomment Tincar. Si celle que lon fait à Venise est la vraye Chrysocolle, & que la vraye Chrysocolle soit poison (ie dis naturelle & artificielle) pourquoy Launay nous veut il nier ce poinct? veut il estre plustost creu q̃ ceux qui en ont escript? Et ne se faut arrester sur la couleur : car, comme dict Agricola, la couleur luy est donnee par le moyen d'une herbe, & est celle de laquelle les orfebures saydent au deffaut de l'autre. Christophle Encel en escript autant : aussi fait Jean Kerman, lesquels en ces derniers temps ont fait des liures speciaux pour les matieres metalliques. Et toutesfois puis que Launay pense auoir fait beaucoup de se sauuer par là, & dire que nostre Borax n'est pas celuy des anciens, ie suis trescontent de le prendre en payement pour ceste heure, pourueu qu'il regarde de pres à ce que i'ay à dire. Le Nitre est vn suc amassé & espais, lequel se peut aisement rapporter à vne espece de sel : car il tient fort de sa nature. Celuy duquel le Borax est fait, est dur, espais, & semblable à la pierre, ainsi que nous auons dict cy deuant, & par consequent ayant trouué chaleur, il ronge d'auantage, comme escript Galen au chapitre vingtiesme du quatriesme liure des Simples : là ou mesmes il dict que toute espece de sel tiré de terre, est plus espais & terrestre que l'autre, dont il sensuit qu'il est plus chaud & sec : & si ce n'estoit que sa poincture est rabattue par les parties aqueuses, ceste chaleur approcheroit du feu. Le Nitre estant bruslé approche fort de la nature de l'Aphronitre, qui est ennemy mortel de l'estomach, & ne se doit prendre sinon en tresgrande necessité, comme escript le mesme Galen au neuuesme liure des Simples. La vertu de tous les sels est de retraindre, renuerfer & troubler l'estomach & d'esmouoir le vomissement, de deseicher & purger en raclant : & pour ceste

ceste cause, dict Mesué, il ayde l'action des medicaments qui purgent paresseusement. Le Nitre estant de ceste nature, pourra-il contrarier à la naturelle malice de l'Antimoine ? n'augmentera-il pas plustost sa subite & laborieuse purge ? pourra-il fortifier les parties principales du corps encontre ceste malice ? le rend il meilleur ? le peut-il conduire aux parties desquelles nous voulons tirer ? Quand est de la contrariété des qualitez, il n'est mestier qu'il le face : car nous sommes sur les vertus cachees : & quand ores nous y ferions, tant s'en faut qu'il luy contrariaist, que mesmes il augmenteroit sa seicheresse iusques au quatriesme degré & le rendroit chaut, ainsi que nous dirons tantost. Passons donques outre. Les effects du Nitre contrarient-ils aux effects de l'Antimoine ? tant s'en faut, que mesmes il augmente les époinçonnements de l'estomach & esmeut les vomissements : mesmes ie ne sçay si ie doibs passer plus outre & dire que le Borax en est la seule cause en cestuy-cy. A il bonne odeur pour conforter les esprits ? nous auons parlé de la faueur. Sa corpulence est elle contraire à celle de l'Antimoine ? non : car l'un & l'autre est dur, espez & pesant. Mais vous me respondrez qu'il est préparé, & que par telle preparation il perd sa salure : à quoy i'insiste, qu'encore que par telle preparation il se face quelque separation de forces : si est-ce que la malice & qualité ne se peut effacer du tout, si ce n'est qu'il fust fait contraire à soy-mesme. Je dis d'auantage que quand les Alchemistes ont parlé des choses contre nature, ils ont entendu cela des sels, & des autres moyens minéraux : pourautant qu'ils ont veu de combien ils estoient eslongnez du genre metallique, dont ie conclud qu'ils sont plus imparfaits & moins commodes a rendre les metaux familiers de la nature humaine : car estants au dessous des metaux, ils ne peuuent seruir de moyens entre les deux : ce qui se doibt plustost rapporter aux simples, que nous nommons vegetaux, lesquels participent de la nature animale & minerale. Je sçay bien que les metaux

Des sels contre nature selon les Alchemistes.

taux ne peuuent estre communiquez à nostre nature que premierement ils ne soyent reduicts en nature de sel : mais ce n'est pas à dire, que pour les bonifier il faille vser des sels qui sont moyens minéraux . D'alleguer au contraire avecques Launay , que Galen a dict le Nitre estre bon a prendre contre les humeurs espais & gluants : c'est se couvrir d'un sac mouillé : car Galen n'entend pas cela du Nitre qui a passé par le feu , lequel par ce moyen approche de la nature de l'Aphronitre ennemy mortel de l'estomach, comme escript le mesme Galen au lieu que Launay a allegué . Et qu'il ne soit ainsi, baillez le Borax seul ainsi calciné, & vous en verrez les mesmes effects que de vostre Antimoine. Je noteray vn point en passant pour monstrier combien Launay s'est abusé en sa composition de Borax fait de Nitre naturel : car s'il auoit entrepris de nous en monstrier, il seroit bien empêché . La confrontation de nostre Nitre avecques la description de celuy des anciens nous en fait sages , & m'en rapporteray à ce qu'en a escript Matthioli, auquel Launay se fie tant. Quand donques il dict que le Borax est fait de Nitre naturel fossile , c'est proposer fausement . De vouloir asseurer de quoy il est fait , & comment, ce seroit vouloir nous faire a croire qu'il a esté du conseil des Veniciens , lesquels en gardent le moyen comme vn riche tresor. Et croy certainement que si Launay eust esté meilleur Alchemiste qu'il ne s'est monsté : ou qu'il eust reuisté si peu que rien les liures de tels philosophes, il eust plustost soubçonné le Borax estre fait de salpestre, attendu que souuentefois ils vsent de salpestre au lieu de Borax : & qu'avecque peu de preparation le salpestre peut faire les actions du Borax. Mesmes, au defaut de celuy de Venise, on en compose avecques du salpestre, duquel on fayde : non toutesfois si bien que de l'autre. J'en ay veu vne douzaine de receptes pour en faire, toutes par le moyen des sels, aluns & salpestres. Alexis Piemontois en a escript vne, en son empirie, dans laquelle il entre de l'alun, du sel alcali (dont on vse pour faire le verre) & du sel gemme.

Nostre Borax est fait de salpestre, sels & aluns.

gemme. Or les raisons que nous auons deduides touchant le Nitre se trouueront, pour le moins, autant suffisantes, estant rapportees au salpestre, sel alcali, sel gemme & alun: tellement que le Borax, soit qu'il soit fait de l'un ou de l'autre, ne peut estre que tresmauuais & dangereux, & par consequent inhabile a corriger l'Antimoine. l'adiousteray encore ce que Matthioli escript, qu'il ne conseille pas de mesler du salpestre au lieu de Nitre es medicaments qui entrent dans le corps, sinon que lon se voulist mettre en danger: sur ce point il s'attache aigrement aux pauures moynes qui ont commenté Mesue, & les argue de peu de charité, en ce qu'ils conseillent de prendre du salpestre par la bouche. Voila ce qui se peut dire touchant la meslange.

Il reste a discourir si par artifice, qui est le second moyen de corriger les medicaments, ceste malice est diminuee. La preparation artificielle de l'Antimoine est faicte par cuisson seiche & brullante, nommee calcination. Or par la calcination l'humidité qui lioit & amassoit les parties terrestres est chassée, lors que par le moyen du feu on puluerise les choses que lon calcine: ainsi que Geber escript en la quatriemesme partie de son premier liure Du sommaire de la perfection. Quand donques vous preparez vostre Antimoine vous l'endurcissez & luy baillez vne vertu de feu, attendu que l'humidité aqueuse seuanouit & par cōsequēt la mollesse & la froidure qui y estoient appuyees, ainsi la seicheresse faugmente: car l'humidité qui luy contrarioit est absente, & telle seicheresse, comme escript Galen, ne peut estre sans grande chaleur. Aussi voyons nous que tous les metaux froids & secs de leur nature deuiennent caustiques, c'est à dire brullans, par la calcination, car le feu qui est contraire a leur chaleur naturelle, non plus ne moins qu'a la nostre, les altere. Et ainsi les Alchemistes escriuent que toute espee de chose calcinee se conuertit en nature de sel, & acquiert vne poincture plus grande. Galen aussi au premierme du neuuesme liure des Simples, escript que toute chose

Cōtre la calcination de l'Antimoine.

Effets de la calcination.

se ref.

se reſtraignante & froide (comme eſt l'Antimoine cru) reçoit par la brulure yne chaleur grande, par laquelle l'humidité eſt conſumee; & le reſte demeure terreſtre; avecque la chaleur conioincte qu'Ariſtote nomme empyreume. L'argent viſ m'en ſera telmoing; duquel l'on faiſt par ce moyen le precipité & la pouldre de Mercure. Tous les bons Alchimiftes ſeront en cecy de mon opinion; tant par les experiences qu'ils en font ordinairement, que par ce qu'ils ont yne reigle, que tous metaux ſont froids en leur dehors, à cauſe de la partie aqueuſe, laquelle y predomine; mais qu'au dedans ils ont yne grande chaleur, laquelle apparoiſt, lors que la froidure ſe ſepare avecque l'humidité par le moyen du meſme ſubieſt qu'elles ont, à ſçauoir l'eau, ainſi comme j'ay deſia dict. Or encores que par voſtre calcination il vous ſemble que l'Antimoine ſoit vn peu adouci, par l'abſence du mauuais ſoufre; toutesſois l'eſprit fixé demeure, & ny a ſeulement que le volant qui quiete la place. Par la calcination donques, vous endureſſiez & ignifiez voſtre Antimoine, qui ſont deux choſes contraires à la bonté des medicaments. Et ne vous ſeruira de dire que ces reigles ſ'entendent ſeulement de la tranſmutation & perfection des metaux imparfaits; car de pareilles cauſes il enſuit tousiours pareils effects, leſquels ne peuuent eſtre changez par les diuerſes intentions des ouuriers. Je ſçay bien que ſi Launay voit quelqueſois Geber, il ne faudra pas de me reſpondre qu'en calcinant les metaux ils ſont purifiez par les choſes qui ont vertu de ce faire, entre leſquelles il nomme les ſels; mais ſil regarde plus auant, il trouuera que par ce moyen les parties impures en ſont ſeparees, lors qu'ils tirent avecques eux la ſubſtance terrienne, & y laiſſent ſeulement la pureté des corps. Qu'il me monſtre maintenant qu'en calcinant ſon Antimoine & y meſlant le Borax, yne telle choſe ſe face; tant ſ'en faut que meſme toutes les ſubſtances demeurent confuſes & ſont priſes & portees dans l'eſtomach. Mais ſi cela ſe faiſt, que Matthioli ne le met-il

met-il dès le commencement? ou pourquoy y remette il de l'Antimoine cru? veut-il de rechef gaster ce qu'il a tant de peine à nettoyer? D'auantage, confidez; ie vous prie, de rechef, confidez de plus pres ce que vous faictes en calcinant vostre Antimoine: ne le rendez vous pas d'autant contraire à la nature humide, que le verre sec luy est contraire? Certes il est ainsi: car par ce moyen vous trouuez qu'il est aucunement vitrifié. Mesmes vous estimez celuy estre le plus gentil compagnon, qui le rend plus cler & transparent, qui est vne des proprieté du verre. I'en ay chez moy de cinq ou six sortes: i'en ay de celuy de Saluses, qui commence à auoir la vogue: i'en ay de toutes les façons, toutes transparentes. Or sçauons nous bien que l'action de faire du verre est l'extreme du feu, & par consequent de la seicheresse. Mesme Theophraste Paracelse escript au chapitre sixiesme du premier liure de Gradibus, que ce qui reduict en chaux, cendre & verre, est au quatriesme degré du feu: autant en dict Arnault de Villeneufue. Et encore que vostre Antimoine ne soit en ceste derniere vitrification (comme ie ne veux pas acertener, d'autant qu'estant mis sur les charbons, il rend encore de la fumee, à raison de l'Antimoine cru que l'on y a remette) toutesfois si me confesserez vous qu'estant reduict de nature opaque & vmbreuse en transparente, il faut qu'il soit quelque maniere de verre, pour le moins au premier degré. Comment donques pourra nostre nature dissoudre & deslier ceste dureté & seicheresse vitreuse? Car il faut qu'elle le face, auant qu'elle s'en ayde à iecter hors les mauuais humeurs: ou bien le medicament ne compatiroit pas: ce qui est toutesfois necessaire, comme i'ay monstre, sinon qu'il se face poison & en tout & par tout rebelle à la nature. Si cecy ne vous suffit, baillez du verre broyé à vn chien & vous verrez comment ses operations approcheront de celles de vostre Antimoine. Mais vous me pourrez alleguer le tesmoignage du mesme Theophraste Paracelse, lequel escript en son liure qu'il a fait De la long-

L'Antimoine
ne préparé est
aucunement
vitrifié. A de
moyne l'iron
Paracelse

Proprieté
de l'Antoi-
ne cru. L'iron
de Rube-
l'Antoi-

Antimoine
qui se pre-
pare avec
le charbon

gue

Preparation
de l'Anti-
moine selon
Paracelse.

Preparation
de l'Anti-
moine selon
le de Rupe-
scissa.

que vie, en vn chapitre expressement faict de l'Antimoine, que tout ainsi que l'Antimoine affine l'or, ainsi affine il les corps, & parlant paraboliquement, comme de coustume, il en faict vn fort grand secret, & touche le moyen de le preparer, fort obscur & difficile à entendre, mais non pas tant que lon ne voye bien que ce n'est pas la preparation de Matthioli. Premièrement, dict il, gardez qu'il ne se corrompe: mais tenes-le tout entier comme il est, sans aucune perte de sa forme & substance: car sous icelle est caché le grand secret de l'Antimoine, lequel se doit pousser hors par la cornue sans aucune teste morte, & de rechef repeter par vne tierce purge reiteree, & alors il sort, & se baille au poix de quatre grains avecques la quinte essence de Melisse. Iean de Rupe-scissa qui a escript il y a plus de trois cens ans de la consideration des quintes essences de toutes choses, a faict vn chapitre de la quinte essence de l'Antimoine, de laquelle il dict merueille, & proteste que c'est le secret des secrets, le plus esmerueillable qu'il est possible de trouuer: toutesfois regardez comment il l'acoustre. Il le met en pouldre premièrement, il le mesle avec le vinaigre des philosophes dedans vn vase plombe, & le laisse septante iours en fien de cheval: puis il le met sur le feu & en tire, avecques les moyens qu'il propose, vne liqueur qu'il nomme benoïste, plus riche que nul tresor, plus douce que miel & sucre. Regardez maintenant de combien vostre preparation est éloignée de ces deux precedentes. Et quand ores la proposition de Paracelse seroit vraie, & mesmes ce qu'en dict Iean de Rupe-scissa, il faudroit que la preparation fust telle qu'ils la demandent & commandent. Dont ie m'esmerueille de Matthioli, luy qui faict estat de la vraye medecine, & qui s'est tant adonné a reprendre les autres, comment il a mis en auant ceste preparation sans l'esplucher de pres, & soigneusement rechercher les raisons des effects d'icelle. Parquoy ie ne me puis persuader, & me semble qu'il est du tout impossible de croire que telle preparation soit legitime, par laquelle

quelle l'Antimoine est rendu bruslant & caustique, & retient la pluspart des malices du plomb bruslé, & par conséquent il a la vertu de fondre & refondre la chair & les humeurs tant bons que mauvais. Ce que j'apperceu il y a environ vn an ou plus, en vn nommé maistre Nicolas, peintre de la Roynie, lequel fust malade d'une hydropisie, dont le pource homme se voyant enflé, comme vn tabourin, m'appella long temps apres le commencement de son mal, auquel selon que l'art me commandoit, & que la raison me iugeoit, j'ordonnay quelques medicaments & clysteres propres à tirer les eaux. En la fin se faschant de la longueur de telle maladie, & ayant esté trompé par les faux miracles de l'Antimoine, il s'addonna à en yser, dont il mourut peu apres. Estant ouuert on luy trouua le dedans les boyaux rongez & gastez. Ce qui fust cause de me confermer encores d'auantage en mon opinion premiere. Car tels sont les effects des medicaments caustiques & septiques, c'est à dire, bruslans & fondans les humeurs & la chair. Cecy se peut prouuer d'auantage par la subite operation de l'Antimoine, lequel en moins d'un heure faict sortir vn demy seau d'humiditez hors du corps, & faict des accidens que le plus maling de tous les autres poisons ne pourroit faire, estant pris au double de cestuy-cy, voire & y fust le Sublimé. Ces humiditez sont ce celles qui sont causes des maladies attachees & arrestees en vne des parties du corps? Telle vuidange se pourroit elle faire en si peu de temps? Ce sont celles qui naturellement sont attachees au dedans de l'estomach & des boyaux, & qui rendent ces parties plus glissantes, & sans lesquelles aussi les actions naturelles ne se pourroyent faire si heureusement, comme elles se font. Ce sont humiditez phlegmatiques superflues de la nourriture; mais vtiles pour maintenir les parties naturelles en leur souplesse accoustumee.

Les humeurs
que purge
l'Antimoine.

Cerchez doncques vne autre preparation, si vous voulez faire vostre profit de ceste droguc. Consultez les philosophes

X

Alche-

vous

Alchimistes, lesquels ont plus parfaite cognoissance des metaux, que vous n'avez, & adioustez mes prieres avec les vôtres : à celle fin qu'ils vous donnent à entendre quelque autre moyen, comme ie m'assure qu'il y en a d'entre eux, lesquels par continuel estude & experience ont descouvert des secrets, que nature a cachez en ses metaux : que si vous n'en avez d'autre par leur moyen, vous ne trouuerez mauuais si i'enrolle vostre Antimoine au ranc des poisons ! Et si vous ne vous contentez de raisons precedentes, faictes essay de vif-argent & d'Antimoine, baillez-en esgales portions à deux chiens, & vous verrez lequel des deux aura plustost fait son coup.

Interest de la
police.

Ie desirerois en cest endroit que le Magistrat, lequel a l'entretien de la police en charge, tint la main à cecy : à celle fin que le chemin fust couppe à ceux, lesquels par le moyen de ceste drogue peuuent plus aisement mettre leur mauuaise volonté en executio : car il ny a poison, par lequel on puisse plus couuertement empoisonner vn homme, soit ayant esgard à sa quantite, soit ayant esgard à sa qualite, d'autant que la grosseur d'un pois suffira pour tirer l'ame d'un corps : & n'ayant aucun goust ny odeur, elle ne s'aperceura pas si tost estant meslee parmy quelques confitures, ou parmy du vin, ou dans vn potage. Bref il ne se trouue point vn boucon duquel on se puisse plus traistremet aider, que de cestuy cy. Que vous seruira donques, Messieurs, d'auoir defendu aux apothicaires de bailler du sublimé ou de l'Arsenich, si vous permettez, & si par conuenance vous donnez la main à cestuy-cy ?

Responce aux
raisons & ac-
cusations de
Launay.

Il me faut maintenant respondre aux raisons & obiections mises en auant par Launay, à celle fin que le lecteur puisse mieux iuger de nostre differet. Ces raisons sont fondees en tesmoignages & en l'experience. Le premier de ses tesmoignages par lequel il pense que l'Antimoine n'est point poison, est appuyé en ce qu'il dict que tous les anciens qui ont parle des poisons, n'ont point mis l'Antimoine en leur ranc : à quoy

quoy il est tresfacile de respondre . Premièrement , l'argument est seulement probable & non necessaire : car s'ils n'en ont point parlé, ce n'est pas à dire qu'il ne le soit . Secondement , tous ceux qui ont dict que le plomb estoit poison , n'ont ils pas dict que l'Antimoine l'estoit aussi , puis que selon leur opinion , l'Antimoine est vne espece de plomb , la plus imparfaite de toutes ? Dioscoride qui a escript que l'Antimoine auoit les mesmes effects que le plomb bruslé , & qui a dict que le plomb bruslé est plus vehement que le laué, n'a-il pas estimé que l'Antimoine estoit poison ? Si Launay est bon Alchimiste, il sçait bien que l'Antimoine est vne Marchassite . Quand donques Pline , Dioscoride & Albert ont dict que la fumee du plomb que lon calcine , est dangereuse & mortelle , n'en ont-ils point voulu entendre autant de l'Antimoine ? Le plomb plus imparfait des metaux est dangereux à cause de son imperfection : l'Antimoine est la quatriesme espece de plomb la plus impure (ou pour le moins , s'il n'est espece de plomb, vous me confesserez qu'il est beaucoup plus impur , attendu les raisons precedentes) il sensuit donques que l'Antimoine est plus dangereux que le plomb . L'autre tesmoignage est pris de Matthioli , & de Gallus tous deux medecins de l'Archeduc . il dict que si l'Antimoine estoit poison , ces deux grands personnages ne l'eussent tant recommandé . J'admire & reuere Matthioli & Gallus pour leur doctrine : mais la verité a plus de puissance sur moy . Ils sont tous deux hommes subiects à fabuler comme les autres . Et possible que quand ils auront bien gousté & digeré mes raisons , ils changeront d'opinion . Quand est de Matthioli , ie sçay bien qu'il y a des passages en ses commentaires ausquels il s'est abusé . Entre autres i'en ay remarquez deux sur lesquels j'ay discouru en mes liures Des venins , & ay monstre , selon mon iugement , avec toute modestie ce qui me sembloit estre esloigné de verité . Parquoy ce bouclier de Launay ne me semble suffisant cōtre les raisons cy dessus deduites , & faut qu'il ayt recours aux

Matthioli
s'est abusé en
quelques en-
droits de ses
commentai-
res sur Dios-
coride.

experiences, iusques à ce que ie les luy aye rabattues.

Que c'est
qu'experien-
ce, & com-
ment elle se
doit faire.

Et a fin que ie ne confonde rien, il nous faut voir premierement que c'est qu'experience, & en quelle maniere nous en deuons vser. Experience, selon Aristote & Galen, est vne memoire des choses lesquelles sont apparues souuentefois en vne mesme maniere, tellement que plusieurs memoires d'une mesme chose engendrent vne experience, sur laquelle on puisse fonder quelques reigles propres à bastir vn art & science, laquelle comprenne generalmente ce que l'experience a trouué en particulier. Or l'experience, comme dict Galen, a esté trouuee ou fortuitement, ou de propos deliberé. L'appelle fortuitement sans aucun conseil ou preuoyance : ce qui aduient ou par cas d'aventure, ou par nature. Par cas d'aventure, comme si celuy qui a la fieure ardente reçoit vn coup d'espee en l'une des veines du bras, & que par ce moyen il soit guery. Par nature, comme, si aduient que luy-mesme recoiue guarison par auoir saigné du nez : telle experience nous monstre que la saignée est bonne & salutaire. Celle qui a esté trouuee de propos deliberé est en celuy-mesme febricitant. Car si estant alteré extremement il a de pleine volonté pris la cruche a-mesme, il a beu son saoul, & que delà il se soit bien porté, on en recueille l'experience. Toutesfois on ne fera pas du premier coup des reigles generalles : mais il faudra que cela soit confirmé par le temps & long vsage, comme dict Aristote au huitiesme des Ethiques : de peur qu'au lieu de bastir vn art, nous n'esleuions vn chasteau à l'ignorance. Encores n'est ce pas assez : car il faut que ceste experience soit ioincte avec la raison, puis que ce sont les deux instruments, par lesquels les arts & les remedes sont inuentez, comme escript Galen sur le premier Aphorisme d'Hippocrate. Autrement le Medecin seroit semblable à ceux desquels il parle au neufiesme liure des arrestz d'Hippocrate & Platon, & lesquels suyuant la seule experience, ne peuuent corriger les fautes qu'ils ont faictes.

Pour

Pour ceste cause aussi le mesme Galen au troisieme liure Des parties malades, dict que l'inuention des remedes procedante des vrayes demonstrations est beaucoup plus excellente, es choses qui aduiennent peu souuent, que n'est pas l'experience. Mesmes il craint tant que nous ne soyons trompez par ces experiences, qu'au cinquiesme liure De la methode, il escript que personne n'ose mettre en auant vne nouuelle experience, iusques à ce qu'il se soit persuadé auoir iustement condamné les premiers remedes, desquels on a accoustumé faider. Non toutesfois que Galen condamne les medicaments trouuez nouuellement, cela ne veux-je nier à Launay : mais il faut adiouster les limitations de Galen, à sçauoir la raison & l'experience. Il y a encore vn autre point à obseruer entre vne infinité d'autres que ie laisse pour n'estre trop long: c'est qu'il faut donner raison pourquoy telles experiences aduiennent plustost ainsi que ainsi. Et ne suffit de dire que ce sont proprieté cachees : car ces proprieté concernent l'vniuersel, & non le particulier: autrement vous ne pourriez pas faire reigle generale, & vostre experience demeureroit incertaine. Cecy se doit obseruer religieusement, à fin de fermer la bouche aux imposteurs, qui à chaque bout de champ diroyent, Je l'ay experimenté, & ce téps pendant se iouerót de la vie des hommes à tort & à trauers. Car, comme dict Galen, l'experience est perilleuse à cause que la matiere sur laquelle on experimente, n'est pas comme celle d'un charpentier, ou d'un couueur : laquelle estant gaste, n'apporte pas beaucoup de dommage, mais elle est plus digne & ne peut-on en icelle experimenter les choses non approuuees sans vn tresgrand peril, attendu que la mauuaise experience n'importe rien moins que de la vie. Paracelse mesmes l'un des premiers auteurs de l'Antimoine, escript au sixiesme chapitre de son Labyrinthe, que l'experience procede de plusieurs experiments tirez par science, & que là ou est la science, là est l'experience: & au contraire, que là ou est l'experience, là est la science: toutesfois dict il, la science doit

X 3

prece-

preceder l'experiment. Je veux maintenant sçauoir de vous qui auez si bien experimenté l'Antimoine, si vous auez memoires suffisantes pour faire ceste experience, & si ceste experience est ioincte avec raison, pour en faire vne reigle generale. De raisons vous n'en auez point: mesmes elles vous sont contraires, ainsi que i'ay montré cy deuant. Auez vous trouué, sans y penser, que l'Antimoine préparé, comme vous le preparez, eust telle vertu? S'il est ainsi, à quelle fin l'auoit-on préparé deuant? de dire que la nature vous l'a montré, ie ne sçay pas comme vous le prouueriez: car ce poinct sentend seulement des choses qui sont au corps, & qui procedent du corps. Le seul moyen de propos deliberé vous demeure, duquel si vous vous voulez aider, il faut necessairement que vous l'ayez fait estant poussé de quelque raison, ainsi que le malade par la soif.

Diçtes moy, ie vous prie, quelle est ceste raison. Est-ce point que Paracelse, comme i'ay dict, a escript, que comme l'Antimoine affine l'or, ainsi affine-il les corps? Si ie vous nie ceste proposition, que deuiendrez vous? Je suis certainement contraint de la tenir pour suspecte: car il ny a aucune proportion ou compassion entre l'Antimoine & le corps, comme il y a entre l'or & l'Antimoine. L'or & l'Antimoine sont corps qui ne viuent point, ils sont terrestres, froids & secs, & immobiles: le corps humain est viuant, il est plein de chaleur & humidité fecode, il se meut, & est presque autant esloigné des metaux, que le feu est de la terre. Que direz vous aussi si ie vous respōds avec Arnault de Villeneufue, que la nature n'est point corrigee qu'en sa nature mesme: & parauenture qu'à bon droit ie vous pourrois dire, que quād quelques vns ont escript que l'Antimoine corrige le corps, ils ont voulu entendre du corps metalique, c'est à dire de l'or, lequel est ainsi nommé par excellence. C'est la dessous, Launay, qu'ils ont, selon leur maniere accoustumee, eouuert leurs secrets. Ne sçaez vous pas de combien de noms ils se sont aidez pour cacher leur pierre philosophale qui purifie les me-

les metaux? Passons donques oultre, & me mōstrez le temps & long vsage que vous auez de vostre experience. Regardez si vous auez des demonstrations & preuues pour la confirmer. Montrez moy par raison que iustement vous ayez con-
 demné noz remedes accoustumez. le sçay bien que Launay fest efforcé de ce faire. le sçay bien que pour rendre sa marchandise plus vendable, il a ressemble le Charlatan, qui des-
 prise celle de ses compagnons : mais ie respondray tantost à ce point, incontinent que i'auray vuide cestuy-cy. Montrez moy donques de rechef si vous auez quelques raisons pour-
 quoy l'Antimoine guerit plustost la peste, que la fieure hecti-
 que, la quoridiane que l'ardante : ou pourquoy il les guerist toutes ensemble, & de tout cela tirez moy vne belle regle
 generale, & l'enroollez parmy celles d'Hippocrate & Ga-
 len. Ne nous pensez pas payer de dire qu'il y a beaucoup
 de choses incogneues, desquelles les vertus ne sont encores
 experimentees : car ie suis bien d'accord avec vous de ce
 poinct. le suis bien d'accord aussi qu'il y a des secrets en
 l'Alchemie de grande efficace. le sçay bien qu'il n'y a que
 quarante ou cinquante ans que le Gaiac, la Sassepareille, la
 Schyne, & quelques autres, sont en bruit, & que nous en re-
 ceuons de fort grands allegements. Mais que vostre Anti-
 moine doiue tenir ligne de compte, ie le nie : & est le seul
 poinct que i'ay debattu. Les vertus du Gaiac, de Sassepareil-
 le, & de la Schyne apparoissent tant par les qualitez exterieu-
 res, que par experiences, raisons & approbations des plus do-
 ctes. Et puis, ces simples approchent vn peu plus pres de no-
 stre nature: ils ont vescu & ont esté plains de chaleur & hu-
 midité feconde, par ainsi la comparaison n'est pas esgalle. De
 dire q' l'on vse de Precipité en la peste & d'huile de Vitreol
 en la fieure quarte, & que par mesme maniere on pourra bié
 vsfer d'Antimoine : ce n'est pas bien argumenté. Car la con-
 sequence n'en vaut rien : & y peut auoir raison en l'vn, &
 non en l'autre. Les huilles lesquelles tiennent de la nature
 aëree sont beaucoup plus familiares de la nature humai-
 ne, que

ne, que ne sont pas les substances terrestres de l'Antimoine.

Il y a encores vn poinct qui me faict condamner vostre experience & la maniere d'en vser : c'est qu'encores que vous cognoissiez la vertu de vostre drogue estre de faire vomir, toutesfois vous ne regardez point si celuy à qui vous la baillez est disposé à vomir, à celle fin de l'y preparer selon le precepte general que Galen nous a laissé au commentaire sur le trezieme Aphorisme du quatriesme liure. Il faut, dict il, experimenter premierement comment celuy qui doit prendre l'Hellebore, a accoustumé de se porter des purges qui se font par haut, c'est à dire, par le vomissement. Faites en l'essay par medicamēts vomitifs qui soyēt mediocres, & si vous trouuez que difficilement il s'y purge, il se faudra bien garder de bailler l'Hellebore à cest hōme deuant qu'il soit préparé. Je pourrois en cest endroit remplir voz coffres de la mesme mōnoye que vous en auez tiree, & amener des exemples de plusieurs qui se sont mal trouuez de l'Antimoine, & d'autres qui en sont morts. Quād est de ceux qui en ont esté guaris, ie croy que s'ils estoient balācez avec les autres, qu'à grand peine pourrōnt-ils iamais gagner terre. C'est vne chose coustumiere en telles impostures que de bien remarquer celuy qui par vne bonté de nature a esté en vn mesme temps deliuré de deux maux, & oublier ceux qui s'en sont mal trouuez. Je ne doubte pas toutesfois que la prise de l'Antimoine n'ayt serui de quelque chose : mais en la façon q̄ seruit le coup d'espee à vn qui se cōbattoit contre son ennemy: car ayant vn apostume au costé, & ne l'osant faire percer par vn Chirurgien, pour la grande apprehension qu'il en auoit, il receut ce bien de celuy qui luy pensoit mal faire en luy donnant vn coup en cest endroit. Il sert aussi en la maniere que la malice & meschanceté de la femme seruit à son mary, laquelle l'ayant empoisonné & craignant que le premier poison ne fust assez fort pour le faire mourir, luy en rebaila encores vn autre, lequel se trouua cōtraire au premier: & ainsi ce pendant qu'ils se combatoyent, la nature faite plus forte,

les chaf-

En quelle maniere l'Antimoine peut guarir.

les chassa tous deux selon l'epigramme que nous en auons en Ausonne lequel i'ay fait François au premier liure des venins. Ainsi donques l'Antimoine entre dedans le corps, aguillonne tellement la pauvre nature desia assailie, q̄ contrainte de reprendre sa force, elle le iette premierement dehors, & par consequent il prepare les conduits à la cause du premier mal, laquelle quant-&-quant esbranlee se peut ietter apres le premier vaincu. Que si l'on m'allegue d'auantage que les humeurs qu'il tire hors du corps sont ceux qui faisoient & causoyent les maladies, ie respondray, & est vray, que autant ou plus d'humeurs tirera-il en l'homme le plus sain du monde, & que autant en font les petites escailles, qui fessent lors q̄ lon bat les chaudieres d'arain ou de cuire apres qu'elles sont nouuellement tirees du feu. Ce que i'ay veu experimenter en vn homme malade de la fiebre quartte, lequel en auoit prins en poudre à la persuasio de quelques gens peu entendus en la Medecine.

Il reste maintenant à monstrier que les medicaments, desquels nous vsions ordinairement en la guarison des maladies, sont veritablement medicaments propres pour les effects que nous en requerrons, à sçauoir la Rheubarbe, la Scammonée, & le Turbith: qui sont les trois contre lesquels principalement Launay s'est attaché. Premierement si nous en voulons faire comparaison avec les metaux, il n'y a point de doute qu'ils ne soyent beaucoup plus amis de nostre nature: car pour le moins, ils ont la vie d'auantage, fuyant laquelle ils sont participans de nostre esprit nourricier. I'ay l'usage avec la raison, les deux instruments des arts, comme nous auons monstrier: i'ay le commun consentement des anciens & des modernes: i'ay les operations ordinaires en toutes les maladies, esquelles nous nous aydons d'eux. De dire avec Launay qu'ils sont amers & poignans, & que pour ceste cause ils sont malings, ce seroit vouloir confondre les genres avec les especes: car si la leur son Memes, il a appris que ceste proposition est comparative: c'est à dire, ayant esgard à ceux qui ne

Defense des
medicaments
ordinaires cō
tre les calom-
nies de Lau-
nay.

font

X 5

font

font si amers ne si poignants. Il a appris d'auantage qu'elle se diét souuentefois des medecaments de mesme espee: & que ce ne seroit pas bien cōclud, la Rheubarbe est plus amere que le plomb; ou l'argent-vif: il sensuit donques que la Rheubarbe est plus dangereuse que le plomb; ou l'argent-vif: car la Rheubarbe est d'une autre espee que le plomb & l'argent-vif. Ceux qui m'ont ouy discourir ceste matiere en mes leçons, le monstrent à Launay s'il ne se veut contenter. Serroit ce bien de reche cōclud, la Rheubarbe est plus amere que le sublimé, qui n'a guere de goust, la Rheubarbe donques est plus dangereuse drogue que le sublimé. L'amertume corrompt l'estomach, ce diét Mesue, elle corrige la poudure & empesche les ventositez & la pourriture: la Rheubarbe est telle & la Scammonée en tient en partie. Et puis que nous en sommes là, ie dy que l'Antimoine est plus maling pour autant qu'il n'est d'aucun goust: car s'il fait les actions desquelles nous auons parlé cy deuant, & q nous ne les puissions rapporter à aucune cause pour le moins apparète, ne faut-il pas dire que la malice est bien grande? Quand la peste est en un lieu bien acré, & qq'il n'apparoist aucune cause pour laquelle elle sy doibue tenir, n'est ce pas signe qu'elle est plus dangereuse? L'homme d'infirmité n'est il pas plus à craindre que celui qui est ouuer? Mais n'oz medecaments sont falsifiez, ce diét Launay, ie scay bien qu'il s'en trouue voirement de falsifiez: mais gardez vous en. Si le m'ache de la coignée ne vaut rien, voulez vous pour cela la jeter en la riuiere? Pourquoy Launay en vse il luy mesme ainsi que i'ay veu en vne recepte signee de sa propre main? I'ay veu & reuisité vne grāde partie des boutiques de ceste ville de Paris, ou i'ay rencontré de bons & mauuais medecaments: mais ie puis asseurer d'un poinct, que i'ay trouue en quelques vnes de la Rheubarbe, de la Scammonée & du Turbith aussi bon qu'il s'en rencontre point, si ce n'est que Launay vueille nier en tout & par tout cela qui nous apparoit à l'œil. Nous auons toutesfois les liures aussi bien que luy: nous auons les moyens de les confron-

confronter: nous sommes en vne cōpagnie de Medecins des plus excellents de l'Europe: & auōs la trafique des estrangers. S'il dict que la Rheubarbe qui vient à Venise n'est pas bōne, il ne faut que voir si elle est rouillastre, pesante, de substance rare: il ne faut que veoir si estant rompue elle apparoit rouille-jaune & entremeslee d'azur: il ne la faut que mascher & voir si elle ne collorē pas de couleur de safran, si elle n'est pas amere & stiptique; si elle apparoit telle, que seruiront toutes noz disputes? Vostre precepteur Matthioli est il entré en ceste doubte, luy qui est Medecin de l'Archeduc? D'auantage, venons aux effects, ne sont-ils pas tels que les Arabes anciens, & les Medecins modernes l'ont escript? Voulez vous mesmes dementir ceux de ce temps qui nous en ont donné le pourtraict? Ne scauons nous pas bien que les Venetiens trafiquent en Alexandrie, & que non seulement les drogues d'Egypte, mais aussi celles de l'Inde y sont amassees pour le reste du monde? Ne scauons nous pas bien que les Portuguez trafiquent ordinairement en Calicut? Lisez les nauigations nouuellement mises en lumiere, & vous gardez vne autrefois de tomber en telle absurdité. Tout ce que vous dictes de la Scammonēe est le plus beau du monde: mais vous ne dictes pas tout. Car vous taisez les moyens que nous auons de la preparer: vous ne dictes pas que la poincture est temperee tant par la cuisson que lon en fait, que par la meslange des autres medicaments. Lisez vostre Mesue & vous le trouuerez. Quand à nous qui ne nous voulons destraquer de la raison, nous improuons les falsifications que lon en fait, & que mesmes on faisoit du temps des anciens. Nous admonestons les Apothicaires d'y auoir l'œil, nous les reuifitons pour ce fait, & separons le bon d'avec le mauuais: & n'en voyons point tels inconueniens aduenir en vingt ans, qu'il en est adueni en vn seul de vostre Antimoine. Nous scauons aussi quelles sont les marques du bon Turbith, nous le preparons tous les iours, nous en ordonnons, & en apperceuons les effects. Le deduirois ce point plus

De la Rheubarbe.

De la Scammonēe.

Le Turbith.

plus amplement, si ce n'estoit que ie l'ay reserué pour vn autre endroit: & si ie ne scauois que le lecteur non passionné prendra les raisons susdictes en si bonne part, que pour le moins verra-il que ce que l'enay fait a esté plustost pour chercher la verité, que pour enuie que i'eusse de contredire aux escripts de Launay.

Ces choses deduites & bien entendues serót suffisantes, ce me semble, pour empescher désormais que les hommes ne se monstrent si faciles à croire le premier venu, & mettre leur vie si precieuse & vniue entre les mains de ceux qui par expériences scauent masquer leur ignorance, & qui pour mieux se faire reuerer, ressemblent les Theriacleurs, lesquels pour bien vendre leurs drogues ne font autre estat que de guerir les gouttes, les ladreries, les vieux ylcères pourris & enchancrez, & toutes telles maladies delaisces par les plus scauans: comme si a eux seuls tels secrets eussent esté reuelez: comme si la verité ayroit mieux esté manice par des ignorans, que par les doctes: & comme s'il leur estoit possible de guarir les maladies difficiles, ne sachant guerir les moindres. Je me resoudray doncques sur ce point, que puis q Mat-
thioli & Launay peu verlez, comme ils monstrent, en l'Al-
chemie, ne nous donnent autre moyen de faire nostre profit de l'Antimoine: il faudra attendre que ceux qui par vn long
labeur sy sont addonnez, nous en monstrent quelque plus
seure preparation, soit avec extraction d'huile, ou avec quel-
que autre chose que leur art leur enseigne. Ce temps pen-
dant i'admonesteray vn chascun d'y prendre garde, & prie-
ray, voire adiureray le Magistrat d'y adionster son autorité.
Et pourautant que l'Antimoine ainsi prepare fait vne si grã-
de subuersion de l'estomach, qu'à peine s'en peut il voir de
plus grande en si peu de temps, ie conseilleray à celuy qui en
aura prins, de reconforter son estomach avec des medica-
ments, dont les vns seront pris par la bouche, & les autres se-
ront appliquez par le dehors. Il pourra mesler des remedes
qui empeschent la rongueur parmy ceux que lon prédra par
la bou-

Remede con-
tre l'Anti-
moine.

la bouche, ce qu'il fera par le conseil du bon Medecin, lequel ordonnera des clysteres, ayans la vertu d'adoucir & de conforter les parties dediees à la nourriture. Car ce sont les plus offesees par ce poison, ainsi que les accidens le tesmoignent. Il pourra d'avantage se nourrir de viandes delicates, de facile digestion & nourriture, à celle fin de restaurer les humiditez naturelles de ces parties. Je deduirois la guérison plus amplement, si ce n'estoit que la plus part se pourra retirer des chapitres precedens : esquels j'ay touché amplement ce qui est necessaire d'entendre touchât la guérison des poisons qui ont la vertu de consumer les substances du corps humain. La confirmation aussi de toutes ces choses est amplement deduite au second discours que j'ay fait sur les vertus & facultez de l'Antimoine, lequel sert d'Apologie à ce premier, & auquel la malice des metaux est suffisamment mōstrée avecque plusieurs telles questios naturelles traitees, lesquelles m'ont semblé necessaires pour la parfaite intelligence des Venins.

FIN DES DEUX LIVRES

DES VENINS.

REGISTRE DES PRINCIPALLES MATIERES

TRAICTEES AVX DEUX LIVRES DES VENINS. ITEM

LES MOTZ DES OEUVRES DE NICANDRE,

LESQUELS SONT EXPLIQUEZ.

A.			B.		
Acheron	201	Bieure	178	Cleopatre	royne se fait mordre
Aconite	201	Bitume	50	par vn Aspic	65
Action des venins rapportee a la		Blanc d'Espagne	208	Clere vieille	209
diuerses nature des hommes	131	Blanc-ventre	97	Coccyte	75
Action du poison & contrepoison	189	Bois-gentil	206	Le colb	87
		Boissons amoureuses	37	Combat du Rat de Pharaon con-	110
Action des venins	306	Borax & sa nature	314	tre l'Aspic	70
Aeginee	261	Borax ne peut corriger l'Anti-	313	Contrepoison, & que c'est	187
Aegyptiens peignoient le serpent		moine	6	Vn cor	83
nommé l'Alteré pour signifier		Boucon	235	Corace	74
vne grande soif	96	Boucorigan	12	Corne de dain	50, 79
Adrian s'est abusé en baillant les		Britannique empoisonné	179	Cornu	81
diuerses especes de scorpions	131	Bruyere	74	Cornus amis des Psiliens	81
Agages	74	Bucarteron	184	Corbeau qui croace a la pluye	216
Agaric especes de champigno	268	Bugronde	182	Cornebeuf	249
Alexipharmaque	187	Bulbe	180	Cornebeuf des animaux diuersi-	
Alexithere	187	Bupleure	179	fic selon le Climat, & pour-	
Alteré	62 & 95	Burguepine	179	quoy	73
Ampoules	76	Cadme Sidonien	185	Correction des medicaments	311
Amicleens	181	Cal des cheuaux	52	Coudecs	145
Amour, & comment il est cau-		Calament	317	Coulesfang	85
sé par les regards	37	Calcination	37	Coulesfang rampe à doz rompu, &	
Amphurie	98	Caligule mourut empoisonné	12	pourquoy selon les poetes	89
Ancestrs crieurs des grenouil-		Caligule Empereur gardoit des	258	Couleur de buys	275
lons	179	poisons de grande efficace	130	Couleur de terre	101
Animaux venimeux en quelques		Calmar	89	Crapaux	272
parties & non en toutes, &		Cancres	212	Cresson-alenois	52
pourquoy	28	Canobe	79	Creuse	209
Animaux venimeux en vne region		Cantharide	109 & 118	Crisms origaniers	53
non en l'autre, & pourquoy	28	Cauteleux	51	Crymnes	181
Antidote	187	Cecile	118	Cuyure limé	290
Antimoine poison	304	Cedre	210	Cuyure brulé	290
Antimoine peut guerir & com-		Cedre fermenteuze	210	Cydon	225
ment	328	Cephee	210	Cyrtie	179
Antimoine	294	Cercaphe	35	D.	
ses actions	327	Ceremonies vaines & forcelleries	117, 119.	Dard nom de serpent	115,
Apollon Clarien	200	Ceres	118 & 214	Definition de venin	5
Araignes & leurs especes	120	Cerfs ennemis des serpens	48	Desbord du Nil	65
Areste-boeuf	184	Cercet	215	Description du commencement	
Arction	182	Ceruse	245	de l'este	60
Argent vif	277, 279	La chaleur ayde l'action des ve-	15	Defroeur du feu	97
Aristote expliqué	62	nins froids	267	Diane	43
Armone	179	Championn & ses especes	118	Differences & diuerses especes de	
Arsenich	290	Chafferats	289	venins	7
Artichaut sauvage	183	Chaux viue	109	Dispute contre Galea	13
Ascreans	44	Chelydre	58	Disque 185	Dorce
Aselen	74	Chenille	286	Dorycnion	222
Asphodele	55	Chenilles de Pin	69	Double-marcheur	100
Aspic	64	Chercheur	98	Double-teitu	100
Aspic surnommé porte-sommeil		Cherfydre	109	Dragon	112
par Lucain	67	Chefneau	182	Dragon marin	155
Atthis	200	Cheueuil de Venus	163	Duffus Roy d'Escoffe enforcelle	
Aueron	183	Chien enragé	174	39	
Aueugles	118	Chien non enragé	75	E.	
Auic nne n'a entendu Nicadre	84	Chiendens	175	Eau defaun	290
Auronne	54	Chiron Centaure	4	Eau forte	290
B.			4	Eauterrier	98
Basilic	105	Choses contre nature	4	Elopiens	118
Le Basilic ne fait dommage par		Choses naturelles	4	Empoisonneur	6
sa seule presence	30	Cicame	182	Enchantements	31
Bassepinier	182	Cigale trop-printaniere	102	Enfans enforcellez par les vicil-	
Baulme	186, & 207	Cinamome	185	les & comment	39
Belette ennemie du Basilic	107	Circe	154	Enficeuf	238
				Entreueud	

REGISTRE.

Entrenend	131	Hygin	176	d'une sansue	263
Ephemeron	227	I.		Metanire	118
Epire	200	Iambe	214	Metaux & leur nature	299
Epitele	183	Iacinthe	185	Miel d'Heracle de Pont	208
Erreur de Iehan Lonicere	103	Iafme	182	Mieurment	86
Erreur de Pierre Gille	103	Ide	271	Millefois couronnant	101
Etumiere Venus	271	Imbrafidienne	215	Millier	115
Etouille	117	Imposture de ceux qui se disent de		Mithrydat	194
Etouille ennemi du scorpion	118	la lignee de S. Paul	82	Mithrydate	194
Eternite signifie par le Basile	106	Imposture des mandegloires	288	Moluriens	118
Eucieme	180	Inculpable	131	Montagnes d'Europe ausquelles	
Eurote	185	Iolac	181	on trouue les viperes	74
Experience des medicamets quel-		Ionchees cotraires aux serps	52	Mont aux ours	199
le elle doit estre	303	Journalier	227	Morelle	55
Experience & comment elle se		Journalier n'est pas l'Hermoda-		Morelle furieuse	242
doit faire	104	cte	228	Morsure de l'homme	174
F.		Iphicle	181	Mort-aux rats	202
Fascination ou forcellerie faite		Ispien	282	Moficlin	116
par le regard	37	Iucartetique	145	Murene	147
Fausse histoire d'une fille nour-		Iucartetique & Artetique	206	Mufaragne	134
rie de Napellus	16	Iugioline	200	Mufique guerison de la morsure	
Femmes qui demeurent long tems		Iule	137, 138	de la tarantule	126
fans manger, & pourquoy	23	Iunon Samienne	271	Moyen de tenir les viperes fans	
Fer-a-raualler	110	Iupiter	43	qu'elles facent mal	82
Flammante	85	Iulquame	247	Mycene	210
Fleur bourgeonnante	260	L.		N.	
Fleur de cuire	270	Ladriere	212	Naissance des mouches a miel &	
La force des yeux	38	Lait empresure	230	des guefpes	134
La fougere	49	Lalfard, & que c'est	142	Nature du venin	6
Fraspe-telle espece d'Araignee	126	Lalfard Chalcidique	141	Naufrage	86
Flumigations cotre les serpens	47	Langee	211	Naron	179
G.		Lafer	57	Natrix	98
Gages pierre	48	Lechant	70, 75	Neuf lumieres	83
Galban	51	Le lis	246	Nielle	50
Garence	56	Leucas	182	Nil	65
Gaufres	254	Lieure marin	256	Nombri des Venus	181
Gaulois & Scythes anciens em-		Lieux abondans en serpens	63	Noueufe	219
poisonnoient leurs fleches	12	Lixarge	277	Nouriture & son naturel	6
Gorgonienne	110	Locuste empoisonneuse	12	Noyer & son ombre	286
Gras 181		Lucresse poete mourut empoison-		Nuict tenebreuse	221
Gredieux	44	ne	37	Nuict vmbreuse	127
Grasse gelat & tempestueuse	77	Luculle mourut empoisonne	37	O.	
Guerison generale des empoi-		Lychne	184	Obfeure lucur	44
sonnez	195	Lycopfe	182	Oeagride	116
H.		M.		Oenopien	261
Hache-riante	287	Macheron	183	Oethe montagne	285
Hanebane	247	Mandragore	287	Oliue nichante	262
Hardouin n'a entedu Nicadre	84	Maladies des chiens	164	Oliue myrtine, Orcadienne &	
Hebre	116	Maladies procedees des venins	9	Premadienne	209
Hellespont	199	Mal au corur	86	Onogire	55
Herbe a puce	286	Malle-mort	202	Opis	42
Herbe connue par le nom du re-		Malparlant & medifant signifie		Orcanette	181
toir du follet	181	par le Basile	106	Ordile	182
Herbe d'Aesculape	181	Manue fauage	58	Orion	43
Herbe fumonnee du nom du		Marrubin	177	Orbanche	184
Dragon	184	Marfias	235	Orpin jaune & rouge	239
Herbes plus venimeuses en quel-		Marfians	82	Othrys	63
ques parties qu'en autres &		Matrice	183	Oyseau cafanier	207
pourquoy	30	Le medecin connoit les venins de		P.	
Hermodace	228	pour quelle raifon	7	Pagure	130
Hefode	42	Medecine diuisee en trois mebres		Pain de pourceau	185
Hippopotame	178	4.		Pais Chatehier	230
Hippothoite	214	Medec	227	Pallure	184
Hoequets	76	Medicament & son naturel	68	Pallase	43
l'Homme accoustume a prendre		Medicaments preferuatifs contre		Panacee	175
du poison petit a petit	17	les poisons	85	Panis	182
Horicie	176	Medicamets purgeats & leur vif-		Panicaule	180
Humeurs du corpa ne peuvent		de	304	Pannone	74
estre conuertis en poison	17	Melanthien	220	Parolles vaines es enchantemets	
Humeurs pourruants font des ac-		Melicerte	282	33, & 35.	
cidens diuers es corps	21	Meliffin	44	Passage de Galen explique	18
Hydromel	206	Mercure innocent	145	Patenaque	151
Hymette	14	Mefalin mort par l'application		Paulmedien	181
				Paulot	

REGISTRE.

Pauot & sa nature	250	Rheinthe	116	guérison de ceux qui ont est	
Pauot oncreux	183	Rheubarbe	331	blesté par les chiens enragez	
Paufanias parle du Pourrisseur		Riolés-piolés	64	169.	
autrement que ne fait Nican-		Rippe	74	T.	
dre	92	Ris fardonien	132	Taincte de cholere	113
Peletrone	114	Rois d'Acgypte mettoyét des Al-		Tamarisq.	179
Peonien	114	pics en leurs diademes, & pour-		Tapfe	177 & 274
Permeffe	44	quoy	68	Tapis velu	93
Persee	210	Rofagine	177	Tarantole	117
Perfil aux cheuaux	178	Rofmarin & ses especes	49	Tarantule espece d'araignee	125
Perfil baillard	182	Rouge lemnien	183	Tartare	70
Phalanges & leur especes	120	Rubetes	272	Taurau afre du ciel	61
Pharique	245	Rudepeau	109	Taye araignee	162
Phillis	215	S.		Le Temps	97
Philtres	37	Sablonneux	118	Terre felee	183
Pierre Queute diligent apoti-		Sais	178	Tetragnate espece d'araignee	122
caire	228	Salemandre	142	Theribinthe	182
Pied de rofmarin	49	Salemandre terrestre	146	Theriaque	4
Pierre Thracienne	51	Saline de l'homme contraire aux		Thonien	89
Pierres de Mercure	63	serpens	57	Thriacle	182
Pinet	56	Sang de Taurau	236	Thrinacie	177
Plafre	289	Sanguie	262	Thyades	218
Pleiades	60	Sarafine	175	Thylacite	246
Plomb	290	Sauge	57	Thylaque	185
Poisson	6, 303.	Saturne	42	Thymal	179
Policneme	177 & 207	Scamonee	331	Tige crepu	52
Polion	53	Sciron	74	Cheulu	52
Pont	51	Scolopendre	137	Titan	42
Porreau fratien	184	Scolopendre herbe	181	Titanienne	42
Porte-mort	231	Scorpion comment engendre se-		Tournoirs olympiques	281
Pourpre	260	lon les poetes	43	Tortue	145
Pourpre florissant	271	Scorpion ennemi de l'Estoille	118	Toux feiche	209
Pourrisseur	63 & 90	Scorpion & ses especes	129	Toxique	225
Pourrisseur espece de laiffard	141	Scorpion marin	157	Trephe	176
Poyrier miteen ou Bacche	176	Scytale	102, 139	Troisques compofés contre les	
Preparation de l'Antimoine	312,	Scytale lettre miffine des Lacede-		serpens	58
& 320.		moniens	103	Troisquillu	176
Preferuation contre les poisons		Seiche & sa nature	258	Trufes	271
191		Sels contre nature	315	Trygone	151
Presure & sa vertu	241	Seps & lepedon font vne mefme		Tu-chien	227
Promence	261	chofe	90	Tu-femelle	202
Promethee	230	Serpens dangereux eftants ren-		Tu-panthere	202
Protagore	199	contres a leun	60	Turbith	331
Pfilens	81	Serpens, & que c'est que lon en-		Turpille	157
Pulciere	54	tend par le mor	45	La Turpille ne fait mil au fim-	
Pulybatee	178	Serpens ont peu de sang	25	ple toucher du baïton	30
Purgation & les choses requises		Serpens se cachent en hyuer, &		Typhlopes	118
en icelle	309	pourquoy	27	Typhlops & Typhline	104
Q		Serpens font froids, contre Mat-		V.	
Qualitez premieres	297	thioli	21	Venins pour arteres	221
Qualitez fecondes	297	Serpés font trois ou quatre mois		Venins appliquez exterieurement	25
Queue au taurau	61	fans menger	27	aydent	25
Qui font les plus dangereux ve-		Serpent mege le fenouil pour ro-		Venins artificiels	9
nins	9	couurer fa veue	46	Venins aydent quelquefois la na-	
Quintefeuille	182	Serpent se prend quelquefois pour		ture	23
R		toute beste venimeufe	45	Venins chauds & secs extreme-	
Rablette	139	Serpentine	184	ment ne peuuent feruir de	
Racine libique	185	Serpoulet	54	nourriture	16
Racine femblable à l'esguille poi-		Sida pfamathien	182	Venins chauds font bie tost mou-	
gnante du fcorpion	184	Sirien	70	rir les hommes de chaude com-	
Raïfon poetiq pourquoy les fer-		Sifyphides	182	plexion, & non si tost ceux de	
pens renouellent de peau	97	Smyre	143, 151	contraire complexion	13
Rafcade	157	Souchet ayme-vie	276	Venins contraires de toute leur	
Rat de Pharaon	69	Souchette	276	substance ne peuuent feruir de	
Rage des chiens & les caufes	104	Sorcelleries	31	nouriture	15
Regal	290	Sorcelleries empoifonnees par el-		Venin des ferpens enfermé en vne	
Regard de quelque peuple & ani-		les hommes	34	petite peau fous leur langue	
maux dangereux	39	Sorcelleries precedentes des el-		67.	
Remede Phocien	261	prêts	35	Venins estendus sur les efrriers &	
Remarquable	44	Soulphre	59	sur les loquets des portes pour	
Repas hume-vin	262	Squarrus	109	empoifonner les hommes	8
Rhes Lobrienne	260	Sublimé	290	Venins naturels	8
Rhes	199, 225	Superftitions du vulgaire en la		Venin se prend en plusieurs ma-	
				nieres par les grecs & latins	5
				Venins	

REGISTRE.

Venin se prend tousiours en mau- uaise part chez les François 5	Vipere ne tue point son malle en frayant 62	Vlophone n'est point pris en ja Carline 231
Venins tardifs, ou soudains 11	Viperes apriuoisees 82	Vnguent rosat 59
Tous les venins s'attachent par- ticulierement au cœur 10	Viperes ne rongent point le ven- tre de leur mere & ne la font point mourir en naissant 62	Vnguent se prend diuersement en Nicandre 57
Verd de gris 290	Viperes seules entre les serpens engendrent leurs petits viuants les autres sont des œufs 73	Vnguents ; contraires aux ser- pens 57
Vendier 272	Viperiere 13	Vrtis 51
Vernis n'est pas la sandaraque 289	Viperiere Alcibienne 177	Y.
Verolle 22	Vitex 52	Yeux premiers conducteurs de l'amour 37
Vertus cachees & leurs causes 301	Vlyffe tué par son fils Telegon auecque vn poinçon de paite- naque 154	Yeux d'Auguste 38
Vertus apparoisantes 297	Vlophone 231	Z.
Vincibosse 176		Zenonienne 116
Vine, ou dragon marin 155		Zerinthien 116
Vigne Theriaque 41		

FIN.

ADVERTISSEMENT AU LECTEUR.

L'ABSENCE de l'Auteur, lequel n'a peu voir les corre-
ctions, a esté cause que plusieurs fautes sont eschappees en
l'impression de ce liure ; lesquelles sont quelquefois telles
qu'elles interrompent le sens du discours . Parquoy nous te
prions les vouloir recorriger, comme il ensuit. Il s'en trouue
quelques vnes que nous n'ayons nottees, il te plaira, amy
Lecteur, les vouloir supporter, comme aux vers qui sont en
la page 61. lesquels il faut ainsi disposer :

— quand tu vois dans les cieux

Les Pleiades leuer qui en plus petit nombre

Se portent clerement

Au reste, garde de t'abuser aux figures des Pauots, par
les mots, premier, second, troisieme : car celuy que nous auons
notté premier, est nommé vulgairement erratique ou Co-
quericocq en François . Le second est le domestique, & le
tiers est le cornu.

Y

FAYTES

FAUTES A CORRIGER.

Pag. 6. ligne 13. definition 8. 4. le nomme 11. 15. ce qui 14. 32. en l'homme 18. 2. pourrissants 22. 1. par sa 23. 15. faictz 27. 15 & 16. Hippocrate 28. 10. elle puisse 29. 21. Ces parties 34. 19. Claude Marcel 36. 14. contraires 39. 12. offensés 40. 27. aucunement 42. 7. intitulé 43. 1. accoucha 22. la peau du 46. 13. la peau 55. 17. serpens 56. 21. Peucedane 18. 4. l'eau 59. 14. drachmes (faictes aussi ceste correction es autres endroits au lieu de dragmes) 62. 7. raffaisés 65. 4. distingué 73. 4. Vipera 75. 6. dissemblable de la 26. dents apparoissantes 76. 17. l'eschauffeture 77. 17. étindible 78. 2. cholere 83. 19. des signes 88. 3. ces vers 89. 20. se sentant 92. 4. il estend 7. le regardent 31. continuele 93. 30. vitilige: 96. 6. petites merques 114. 12. Pelion 121. 28. Laute 130. 4. scorpions 134. 1. retirent 142. 5. connue 143. 6. ne les auoir 145. 4. pareille. 146. 9. les toucha 156. 12. du hault 165. 28. peau desquels 166. 13. des femmes font 168. 16. il s'en trouue 176. 8. poyres 177. 10. Rhododende 15. & beue 32. l'Aconite 34. Polliceme 178. 14. escailleuse 181. 14. connue par le nom du 34. Ceterach 182. 13. Orcanette 184. 7. le tige 9. à pousfier 192. 13. de Dieu, qui 193. 15. rencontrant 194. 1. & celle 4. du vin 6. lemmienne 196. 12. la salemandre 23. vn subit 197. 23. du bon medecin 202. 30. pattes louuines 205. 12. de l'estomach 24. les boyaux, est 28. du venin 33. clysteres 208. 29. pour les femmes 210. 8. Fugioline 10. q les arboriffes 217. 29. prise en 221. 29. qui desia 222. 20. ce qui pourroit 228. 5. Automne 229. 23. particuliers 231. 1. par sur tout 232. 1. celle, laquelle 234. 29. de dedans 237. 27. ce qui se 239. 30. que le lait emprefuré 249. 32. ce qui pourroit 252. 33. palissante 253. 21. auachist 258. 26. & ce pendât elle 268. 20. arboriens 269. 8. les fiens. 271. 32. Pallas 280. 33. dedans, & faict 281. 22. verolés 283. 11. est aussi. 290. 8. d'outre-en-outre 292. 33. balances.

LES OEUVRES
DE NICANDRE
MEDECIN ET POETE
GREC, TRADUITES EN
VERS FRANCOIS.

ENSEMBLE,

*Deux livres des venins, auxquels il est amplement discours des bestes
venimeuses, pour lequel il y a une grande curieuse.*

PAR

DE L'IMPRIMERIE DE CHRISTOFLE PLAN-
TIN; A ANVERS, M. D. LXVII. AV MOIS
D'OCTOBRE.



A ANVERS,

De l'imprimerie de Christophle Plantin.

M. D. LXVII.

AVEC PRIVILEGE DU ROY.